

ХІІІ БОБ. ИШСИЗЛИК: УНИНГ САБАЛЛАРИ ВА ХУСУСИЯТЛАРИ

13.1. Ишсизлик тушунчаси ва унинг келиб чиқиши сабаблари

Ижтимоий-мехнат соҳасининг энг мураккаб муаммоларидан бири – ишсизликдир. *Ишсизлик* – ижтимоий-иқтисодий воеа ҳисобланиб, иқтисодий фаол, меҳнат қилишга лаёқатли ва меҳнат қилишни хоҳлайдиган аҳоли муайян қисмининг товарлар ишлаб чиқариш ва хизматлар кўрсатишда иш билан банд бўймаслигиdir.

Халқаро меҳнат ташкилоти қоидаларига мувофиқ, *ишиз* – ҳисобот даврида ишга эга бўлмаган, ишлашни хоҳлайдиган, иш қидирган шахс ҳисобланади¹.

Ўзбекистоннинг амалдаги қонунчилигига кўра, «Ишсизлар – ўн олти ёшдан то пенсия билан таъминланиш ҳуқуқини олишгача бўлган ёшдаги, ҳақ тўланадиган ишга ёки даромад келтирадиган машғулотга эга бўлмаган, иш қидираётган ва иш таклиф этилса, унга киришишга тайёр бўлган ёхуд касбга тайёрлашдан, қайта тайёрлашдан ўтишга ёки малакасини оширишга тайёр бўлган меҳнатга лаёқатли шахслар (бундан таълим муассасаларида таълим олаётганлар мустасно).

Ушбу модданинг биринчи қисмида кўрсатилган, ишга жойлашишда кўмак олиш учун маҳаллий меҳнат органларига мурожаат қилган ва улар томонидан иш қидирувчи сифатида рўйхатга олинган шахслар ишсиз, деб эътироф этилади»².

Иқтисодий назария классик мактаби вакиллари (Д. Рикардо, Ж. С. Милль, А. Маршалл ва бошқалар)нинг фикрича, меҳнат бозоридаги рақобат мажбурий ишсизликни истисно этади. Бозор томонидан белгиланган иш ҳакига меҳнат қилишни хоҳлаган ҳар бир киши осонгина иш топа олади.

Янги классик мактаб назариячилари (Ж. Перри, М. Фелдстайн, Р. Холл ва бошқалар) меҳнат бозорида мувозанат, яъни иш кучига талаб ва унинг таклифи тенг бўлса, ишсизлик бўлмайди, деб ҳисоблайдилар.

¹ Халқаро меҳнат статистикачилари 13-конференциясининг қарори // <http://www.ilo.org>.

² «Аҳолини иш билан таъминлаш тўғрисида»ги Ўзбекистон Республикаси Қонуни (янги таҳрири) // Ўзбекистон Республикаси қонун ҳужжатлари тўплами, 2016 й., 52-сон, 597-модда

Кейнсчилар (Ж. М. Кейнс, Р. Годон ва бошқалар) ишсизликнинг асосий сабаби – «самарали талаб»нинг етарли эмаслигидадир, деб исботлайдилар. Ушбу «самарали талаб»нинг таркибий қисми, бир томондан, шахсий истеъмол товарларига талаб бўлса, иккинчи томондан, инвестиция товарлари (ишлаб чиқариш воситалари)га талабдир. «Иш билан бандликнинг ҳажми, демак иш билан банд эмаслик ёки ишсизлик, – деб ёзган эди Ж. Кейнс, – мутлақ равишда самарали талаб билан боғлиқдир»¹. У «самарали талаб»ни давлат харажатларини кўпайтириш, давлатнинг бозор талабини (энг аввало, инвестициявий товарларни) кўпайтириш ҳисобига ошириш зарурлигини кўрсатган.

Монетарчилар (М. Фридман, Ф. Кеген, Д. Майзельман, К. Бруннер, А. Мольцер ва бошқалар) иш билан бандлик фақат кутилмаган инфляция билан боғлиқ, чунки у ишсизликнинг табиий даражасини ўзгартиради, деган тушунчага асосланадилар. М. Фридманнинг ишсизликнинг табиий даражаси мавжудлиги тўғрисидаги хулосаси муҳим методологик аҳамиятга эга. Бу даражада меҳнат бозори шароитлари билан қатъий чегаралаб қўйилган ва давлат сиёсати билан ўзгартирилиши мумкин эмас. Агар ҳукумат иш билан бандликни унинг табиий даражасини талабни кўпайтиришнинг анъанавий – бюджет ва кредит усуллари билан оширмоқчи бўлса, бу чоралар қисқа муддат самара келтириб, фақат нарх-навонинг кўтарилишига олиб келади².

Институционал иқтисодиёт назариясида (Т. Веблен, Ж. Гэлбрейт, Д. Коммонс ва бошқалар) меҳнат бозорига иқтисодиётнинг энг муҳим сектори сифатида қаралади. Т. Веблен бозорнинг тарихий ривожланишини таҳлил этар экан, индустрисал жамият тараққий этиши билан рақобат кураши маркази товарлар ва хизматлар баҳоси учун кураш соҳасидан меҳнат баҳоси ва шароити учун курашиш соҳасига кўчишини аниқлади³.

Мазкур йўналиш тарафдорлари давлат меҳнат бозоридаги режали сиёсатни бу ерда амал қиласидан институтлар орқали амалга ошириши зарур, деган фикрда бўлганлар. Ж. Гэлбрейт давлат иш билан бандлик даражаси юкори бўлишидан манфаатдор, чунки бу ҳолат бюджетнинг даромад қисмини кўпайтиради ва мамлакат бойлигининг ортишини таъминлайди, деб кўрсатган⁴.

Институционал мактаб вакиллари қарашларини таҳлил этиш асосида, уларнинг меҳнат бозорини тартибга солиш бўйича нуқтаи назарлари тўғрисида қўйидаги хулосага келиш мумкин. Яъни, шахс эркин ҳамда касб малакасини ошириш имкониятига эга бўладиган ижтимоий тартиб ўрнатиш учун

¹ Кейнс Ж. М. Общая теория занятости, процента и денег. – М. 1978. –С.252.

² Friedman M. Money and Economic Development/ M.Friedman// 1973. № 4. –p.70.

³ Веблен Т. Теория праздного класса. – М.: Прогресс, 1984. –С.56.

⁴ Гэлбрейт Д. Экономическая теория и цели общества. -М.:Наука. 1979. –С.406.

ижтимоий-иқтисодий сиёsat қуйидаги вазифалар ҳал этилишини таъминлаши зарур:

- одамларнинг қобилиятига мувофиқ танлаган касбига ўқиш учун тенг имконият яратиш;
- ходимларнинг меҳнат жараёнига қўшилиш, малака ошириш, хизмат вазифаси бўйича кўтарилиш учун тенг имкониятлар яратиш;
- меҳнатни рағбатлантириш ходим ва унинг оиласи муносиб турмуш кечиришини таъминлайдиган даражада бўлиши;
- ходимлар билан иш берувчилар ўртасидаги меҳнат муносабатларини тартибга солиш.

Юқорида баён этилганлардан ишсизлик меҳнат бозорида иш кучи таклифининг унга талабидан ортиқлиги натижаси эканлиги англашилади. Лекин меҳнат бозори факат муайян бир вақтда меҳнат ресурсларига талаб ва унинг таклифи нисбатини акс эттиради, холос. Ана шу нисбатни ташкил этадиган меҳнат ресурслари меҳнат бозори ташқарисида (моддий ва номоддий ишлаб чиқариш, муомала соҳаларида) шаклланади. Бу ишсизлик таркибида ҳам ўз ифодасини топади (13.1-расм).

Бозор иқтисодиёти шароитларида меҳнат бозорини тартибга солишда ишсизликнинг иш ҳақи билан боғлиқлиги, айниқса, мухим аҳамиятга эга. Буни «Филлипс эгри чизиғи» орқали кузатиш мумкин. Янги Зеландияда таваллуд топган, узоқ вақт давомида Англияда илмий тадқиқотлар олиб борган Олбан Уильям Филлипс 1891 йилдан 1958 йилгача бўлган даврни қамраб олган маълумотлар асосида ана шу боғлиқликни асослаб берган.



Олбан Уильям Филлипс (ингл. Alban William Phillips; 1914–1975) – Янги Зеландияда таваллуд топган, узоқ вақт давомида Буюк Британияда илмий тадқиқотлар олиб борган таниқли иқтисодчи олим.

Асосий асарлари:

Dynamic models in economics, 1953.

The Relation between Unemployment and the Rate of Change of Money Wage Rates in the United Kingdom, 1861–1957, 1958.

Employment, inflation and growth: an inaugural lecture, 1962.

Агар иш ҳақи ва нархларнинг ўзгариши суръатлари ўртасида бир хил нисбат мавжуд деб ҳисобланадиган бўлса, Филлипснинг эгри чизиқ моделига кўра икки ҳолат: иқтисодий ўсишнинг энг юқори суръатларида иш билан бандлик даражасининг юқори бўлиши, айни пайтда нархларнинг тез қимматлашиши ёки нархларнинг барқарорлигига ишсизлик даражасининг юқорилиги ҳолати кузатилади.



13.1-расм. Ишсизлик таркиби

«Филлипс эгри чизиги» концепциясига кўра, ишсизлик даражасининг динамикаси (u) ва инфляция суръатлари (π) ўртасида тескари боғлиқлик бор. 13.2-расмда акс эттирилганидек, масалан, А нуқтасида ишсизликнинг юқори даражаси u_A га инфляциянинг паст суръати π_A мос тушади. Аксинча, В нуқтаси эса ишсизлик паст даражаси u_B билан инфляциянинг юқори даражаси π_B га мутаносибdir.


Бундан ишсизлик даражасини барқарорлаштириш сиёсати «Филлипс эгри чизиги»да «тўғри» нуқтани топишдан иборат, деган холоса чиқади. Бироқ ушбу концепцияда ҳам инфляция суръатларининг паст бўлиши, ҳам ишсизлик даражасининг паст бўлишидан иборат энг мақбул ҳолатга эришишнинг имконияти йўқлиги кўрсатилади.

Жамланма талаб-жамланма таклиф моделида «Филлипс эгри чизиги» билан жамланма талаб эгри чизигининг (AD) жамланма таклиф эгри чизиги (AS) бўйлаб ҳаракатланиши ўртасида боғлиқлик мавжудлиги аниқ (13.3-расм).

Ушбу моделга кўра, жамланма талаб AD дан AD_1 гача ортиб борганида мувозанат А нуқтасидан В нуқтасигача силжийди (13.3. А-расм). Бу эса

нархлар даражасининг ортиши ($P_B > P_A$), реал ялпи ички маҳсулот дараҷасининг ортиши ($Q_B > Q_A$) ва тегишли тарзда ишсизлик даражасининг пасайиши билан боғлиқ кечади (13.3. Б-расм).


Бирок XX асрнинг 70-йилларида инфляция суръатлари ва иш ҳақи даражаси бир вактда ўсишининг имконияти йўқлиги назариясини инкор этган воқеалар содир бўлди. Нефтни экспорт қилувчи мамлакатлар ташкилоти (ОПЕК) нефть нархини ошириб юборди. Бунинг оқибатида *стагфляция* – ишлаб чиқаришнинг пасайиши (демак, ишсизлик даражасининг ортиши) ҳамда инфляция суръатларининг ўсиши рўй берди. 13.4-расмда таклифнинг бундай нисбий шок ҳолатига олиб келиши таклифнинг чапга ва ўнгга силжишини (13.4. А-расм) кўрсатади. «Филлипснинг эгри чизиги» эса ўнг томонга силжийди (13.4. В-расм). Бу ишсизлик даражаси қандай бўлишидан қатъи назар, инфляция ўсиши суръатларининг ортиши далолатидир.



13.3-расм. «Филлипс эгри чизиги»нинг жамланма талаб – жамланма таклиф модели

«Филлипс эгри чизиги»нинг замонавий моделлари инфляция ўсишининг суръатлари – нархларнинг аввалги даражасидан ўзгариши қуйидаги уч омилга боғлиқлигига асосланган, яъни:

- кутилаётган инфляцияга;
- даврий ишсизликка;
- таклифнинг шок ўзгаришларига.



13.4-расм. «Филлипс эгри чизиги» – таклифнинг шок модели

Нобель мукофотининг лауреати К. А. Писсаридес «Ишсизликнинг мувозанат назарияси» асарида ишсизлик иш билан банд ходимлар ва ишсизларнинг манфаатлари бир-бирига зидлиги сабабли юзага келиши гоясини илгари суради. Шунинг учун, агар иш ҳақи факат иш билан банд ходимлар мавжуд бўлган фирма даражасида белгиланадиган бўлса, ишсизлик мувозанати самарали бўлмайди. Чунки ишсизлар ва бўш иш жойлари мавжуд фирмасавдодан тушадиган фойдадан иш билан банд ходимлар меҳнат фаолиятини амалга ошираётган компания каби етарлича манфаатдор бўла олмайди. Бундай компания жамият манфаати нуқтаи назаридан ижтимоий самарали эмас.

Иқтисодчи олим К. А. Писсаридес иш ҳақи ижтимоий самарали даражада бўлгандагина, ишсизлар фаолроқ иш қидиришларини, натижада, меҳнат бозорида рақобат кучайиши туфайли иш берувчилар юқорироқ билим ва малакага эга ходимларни ёллаш имкониятига эга бўлишлари ва бу, пировард натижада, компаниялар самарадорлигининг ортишини таъминлашга олиб келиши тўғрисидаги хulosага келади.

13.2. Ишсизликнинг турлари

Ишсизликнинг қўйидаги турлари фарқланади (13.5-расм);

1. *Фрикцияли ишсизлик* («ихтиёрий ишсизлик» деб ҳам аталади) – меҳнат таклифи ўзгариши билан боғлиқ. Бозор иқтисодиётида меҳнатга лаёқатли аҳолига фаолият тури ва иш жойини танлаш хуқуки кафолатланганлиги учун уларнинг айримлари иш жойларини ўз ихтиёrlарига кўра ўзgartиради, бошқалари ишдан бўшатилганларни сабабли янги иш ўрнини қидиради, баъзилар вақтинчалик, мавсумий ишларидан маҳрум бўлади, ёшлар эса илк бор меҳнат бозорига кириб келади.



13.5-расм. Ишсизликнинг турлари ва унинг сабаблари

Ишсизлар бу тоифаларининг айримлари ишга жойлашишга муваффақ бўлади, бошқалари иш излашни давом эттиради. Айни пайтда юқорида қайд этилган сабабларга мувофиқ ходимларнинг баъзиларини ишдан бўшатиш давом этади. Бу меҳнат бозорининг меҳнатга лаёқатли ва ишлашга тайёр ходимлар билан иш ўрниларини мутаносиб бўлишига қодир эмаслиги оқибатидир.

Фрикцияли ишсизлик муқаррар ва у бўлиши керак, деб ҳисобланилади. Чунки ишсизликнинг ушбу турида ишдан бўшаҳ ходимларнинг ихтиёрига кўра бўлади ва улар, аксарият ҳолларда, иш ҳақи нисбатан кам бўлган иш жойларидан меҳнатга кўпроқ ҳақ тўланадиган иш жойларига ўтади.

2. *Таркибий ишсизлик*. Ишсизликнинг бу тури истеъмол талаби ўзгариши ва бунга мувофиқ равишда технология ҳамда иш кучига умумий талабнинг ўзгариши билан боғлиқдир. Технологиянинг ўзгариши натижасида қисқа муддатда янги ходимларни тайёрлаш ва мавжуд ходимларни қайта тайёрлаш қийин эканлиги учун иқтисодиёт турли тармоқларида иш кучига талаб ва унинг таклифи мутаносиблиги юзага келади. Таркибий ишсизлик узоқ давом этади ва иқтисодиёт учун номақбул ҳисобланади.

3. *Даврий ишсизлик.* Ишсизликнинг бу турига ишлаб чиқариш суръатлари-нинг пасайиши ва иқтисодиётга инвестиция киритиш ҳажмининг камайиши сабаб бўлади. Товарлар ва хизматларга талаб камайган шароитларда иш билан бандлик даражаси пасайиб, ишсизлик ортади.

4. *Мавсумий ишсизлик.* Ишсизликнинг бу тури иқтисодиёт тармоқларида-ги, хусусан, қишлоқ хўжалиги ишлаб чиқаришидаги ишнинг мавсумийлиги билан боғлиқ.

5. *Яширин ишсизлик.* Ишсизликнинг бу тури ҳам ишлаб чиқариш ўсиши суръатларининг пасайиши билан боғлиқ. Иш берувчилар малакали ишчиларни йўқотмаслик мақсадида уларни қисқартирилган иш куни, иш хафтасига ўтказади ёки иш ҳақи тўланмайдиган таътилга мажбуран чиқаради.

6. *Технологик ишсизлик.* Бу фан-техника тараққиёти билан боғлиқ бўлиб, ишлаб чиқаришга янги техника воситаларининг ўрнатилиши, замонавий технологиялар жорий қилиниши натижасида мавжуд ходимлар сони қисқартирилиши натижасида пайдо бўлади.

Ишсизлик турларини таснифлашда «мажбурий ишсизлик» тушунчаси ҳам мавжуд эканлигини кўрсатиш керак. Мажбурий ишсизликка икки – ёлланма ходим ҳамда иш берувчи нуқтаи назаридан ёндашилади. Масалан, ёлланма ходим иш ҳақи юқорироқ ёки нуфузлироқ иш жойи топиш мақсадида ишдан бўшайди. У буни мажбурий ишсизлик, деб баҳолашга ҳақли. Чунки у юқоридаги сабабларга кўра ишдан бўшайди, бунинг оқибатида янги иш жой топгучиша, иш ҳақидан маҳрум бўлади.

Аммо меҳнат ҳуқуқи нуқтаи назаридан бундай ишсизлик мажбурий эмас, чунки ёлланма ходим ўз ихтиёри бўйича ишдан бўшаган. Шунинг учун бозор иқтисодиёти принципларига кўра, бу *иҳтиёрий ишсизлик* ҳисобланади ва тубмоҳияти бўйича ишсизлик ҳисобланмайди.

Мажбурий ишсизлик эса қуйидаги хусусиятларга эга:

- ишлаб чиқаришнинг инқирозга учраши оқибатида ёлланма ходимларнинг ишдан оммавий бўшатилиши;
- корхонанинг реконструкция қилиниши, янги технологияларнинг жорий этилиши туфайли ёлланма ходимлар бир қисмининг меҳнатига бундан буён эҳтиёжнинг йўқлиги.

Иқтисодий адабиётда мажбурий ишсизлик билан бир қаторда «иҳтиёрий ишсизлик» ёки «ишсизликнинг табиий даражаси» тушунчаси ҳам мавжуд. Ишсизликнинг табиий даражаси аниқ кўрсаткичга эга. Замонавий иқтисодиётда у «*инфляция даражасини оширмайдиган ишсизлик*» (ингл. Non-Accelerating-Inflation Rate of Unemployment - NAIRU), деб ҳам номланади.

Ишсизликнинг табиий нормаси эса иқтисодиётдаги иш кучига талаб ва унинг таклифи реал иш ҳақининг даражасини барқарор ушлаб туришини ҳамда меҳнат унумдорлиги ўсиши ноль даражада бўлганда, нархлар дара-

жаси ўзгармаслигини таъминлайдиган иш кучининг нормасидир. Ривожланган давлатлар учун ушбу кўрсаткич 4–5 % ни ташкил этади. Ишсизликнинг ана шу табиий нормасига, одатда, иш билан тўла бандлик сифатида ҳам қаралади. У ўзгариши мумкин. Бу кўрсаткичга қўйидагилар таъсир кўрсатади:

- давлатнинг ижтимоий сиёсати (ижтимоий нафақаларнинг юқори дараҷаси фрикцияли (ихтиёрий) ишсизлик кўпайиши туфайли ишсизлик табиий даражасини оширади: бундай ҳолатда меҳнатга лаёқатли аҳолининг бир қисми узоқроқ давр ишсиз мақомида бўлишни мақбулроқ топади);

- иш кучи демографик таркибининг ўзгариши (иш кучи таркибида аёллар, ёшлар миқдорининг ортиши. Меҳнатга лаёқатли аҳолининг ушбу тоифалари ўртасида фрикцияли ишсизлик ҳомиладорлик ва фарзанд кўриш ҳамда таълим олиш даври ҳисобига ортади).

Америкалик иқтисодчи Э. Фелпс томонидан ишсизликнинг табиий даражасининг тадқиқ этилиши натижасида муҳим хуносалар чиқарилди. У ишсизликнинг табиий даражасини меҳнат бозоридаги қисқа муддатли вазиятлар ва қуйидаги таркибий омиллар белгилашини асослаб берди:

- иш кучининг меҳнат бозоридаги таклифи;
- иш қидиришнинг харажатлари;
- меҳнат бозоридаги ахборотнинг шаффоғлиги;
- ишсизлик нафақаларининг даражаси ва бошқалар¹.

 Эдмунд Фелпс (ингл. Edmund S. Phelps; 1933 йилда туғилган) – америкалик таниқли иқтисодиётчи, иқтисодиёт бўйича 2016 йилги Нобель мукофотининг лауреати.

Асосий асарлари:

Microeconomic Foundations of Employment and Inflation Theory, 1970.

Studies in Microeconomic Theory, 1979-80.

Political Economy: An Introductory Text, 1985.

Seven Schools of Macroeconomic Thought, 1990.

Э. Фелпс узоқ муддатли иқтисодий ўсиш маъносида ишсизликнинг табиий даражаси иқтисодиёт ривожланишининг салоҳиятини кўрсатишини қуйидагича изоҳлаб берган: янги иш жойларини яратиш тўғрисидаги қарор ишлаб чиқаришнинг самарадорлиги ва фойда олишни кўпайтириш асосида қабул қилинади. Самарадорлик ва фойда миқдори қанчалик катта бўлса, иш билан бандликнинг узоқ муддатли табиий даражаси шунчалик юқори бўлади. Ишлаб чиқариш ўсишининг истиқболлари янги иш жойлари яратаетган

¹ Ф е л п с Э. С. Равновесие: Концепция с точки зрения ожиданий // Экономическая теория / Под ред. Дж. Итуэлла, М. Милгейта, П. Ньюмена: пер. с англ. / Науч. ред. чл.-корр. РАН В. С. Автономов. - М.: ИНФРА-М, 2004. - С. 280-284.

корхоналар эга бўлган активларнинг бозор қийматида ўз ифодасини топади. Шунинг учун иш билан бандлик билан молия бозори динамикаси ўртасида алоқадорлик мавжуд.

Бундай алоқадорлик бозор институтлари ривожланган давлатлар (АҚШ, Буюк Британия, Канада ва бошқалар)да яққол намоён бўлади, корпоратив тизимлар (давлат преференцияларидан фойдаланадиган молия-саноат гурухлари) устунлик қиладиган мамлакатлар (Фарбий Европа мамлакатлари ва Япония)да эса у кадар сезилмайди.

Э. Фелпснинг «ишсизликнинг табиий даражаси» концепцияси қизгин баҳс-мунозараларга сабаб бўлди. Аммо 1970-йиллар бошидаги воқелик ушбу назариянинг асосланганлигини тасдиқлади. АҚШ Федерал резерв тизими раҳбариятининг фоиз ставкасини сақлаб туриш сиёсати муомаладаги пул миқдорининг 1970–1972-йилларда йилига ўртacha 13 % га ортишига олиб келди. Айни пайтда мамлакатдаги кутилаётган инфляция юқори бўлиб, реал даражага яқинлашди, ишсизлик даражаси эса 1960-йиллар бошидаги каби 5–6 % га қайтди. Бундан узоқ муддатда инфляция билан ишсизлик ўртасида ўзаро боғлиқлик мавжуд эмаслиги тасдиғини топди.

Э. Фелпснинг «ишсизликнинг табиий даражаси» назарияси Фарбдаги иқтисодиёт фани дарслкларидан кенг ўрин олди, уни монетар сиёсатини ўтказаётган мутахассислар ўз амалиётларида фойдаланишади, турли мамлакатларнинг Марказий банклари эса ўз таҳлилий моделларига киритади.

13.3. Ишсизлик кўрсаткичлари ва уни аниқлаш усуллари

Ишсизлик даражаси – меҳнат бозорининг айни пайтдаги аҳволи ҳақида ва унда муайян вақт мобайнида рўй берган ўзгаришлар тўғрисида тасаввур берадиган асосий кўрсаткич ҳисобланади. Ишсизлик даражаси, таҳлил этилаётган даврнинг боши (ёки охири)даги аҳволга кўра, тегишли санада ишсизлик мақомига эга бўлган кишилар сонининг *Ит* ана шу санадаги иқтисодий фаол аҳоли сонига Φ_{a_m} нисбати сифатида аниқланади.

$$И\partial_m = Ит : \Phi_{a_m} \cdot 100,0 \% ,$$

бу ерда: $И\partial_m$ – ишсизлик даражаси.

Меҳнат потенциалидан фойдаланиш ижтимоий-иктисодий самарадорлигининг ошиши кўпроқ ишсизлик даражасига боғлиқ бўлиб, бу хорижий ва маҳаллий иқтисодий адабиётларда турлича талқин қилинган. Масалан, япон статистикасида ишсизлик даражаси (И) икки усулда аниқланади:

$$\text{Ид} = \frac{\text{ишсизлар сони}}{\text{ёлланма ишчилар} + \text{ишсизлар}}$$

Бундай ёндашувнинг асосий камчилиги шундаки, ишсизлик нормасининг бўлинувчиси сифатида барча иш кучининг миқдори эмас, балки иш билан банд ишловчилар сони танланган:

$$\text{Ид} = \frac{\text{ишсизлар сони}}{\text{иш билан бандлар} + \text{ишсизлар}}$$

Иккинчи усулда ишсизлик нормасини аниқлашда меҳнатга лаёқатли ахоли сонидан фойдаланилган. Лекин меҳнатга лаёқатли аҳолининг ҳаммаси ҳам иш жойларига эга бўлавермайди.

Фикримизча, ишсизлик даражасини ишсизлар сонини иқтисодий фаол аҳоли сонига бўлиш орқали аниқлаш мақсадга мувофиқдир:

$$\text{Ид} = \frac{\text{ишсизлар сони}}{\text{иқтисодий фаол аҳоли сони}} \times 100,0 \%$$

1. *Ишсизлик даражасининг асосий кўрсаткичлари қўйидагилардан иборат:*

а) рўйхатга олинган ишсизлик даражаси (Рид):

$$\text{Рид} = \text{Рис} / \text{Ифас} \times 100 = \text{Рис} / (\text{Бс} + \text{Рис}) \times 100;$$

б) умумий ишсизлик даражаси (Уид):

$$\text{Уид} = \text{Иус} / \text{Ифас} \times 100 = \text{Иус} / (\text{Бс} + \text{Иус}) \times 100;$$

в) тўлиқ ишсизлик даражаси (Тид):


$$\text{Тид} = \text{Шбс} / \text{Ифас} \times 100,$$

бу ерда: Рис – рўйхатга олинган ишсизлар сони (киши); Ифас – иқтисодий фаол аҳоли сони (киши); Иус – ишсизлар умумий сони [(киши) меҳнатга лаёқатли аҳоли орасида танлама тарзда ўтказиладиган сўровлар натижасида аниқланади]; Шбс – шартли маънодаги иш билан банд бўлмаган фуқаролар сони (киши).

$$\text{Шбс} = (\Sigma \text{Tф} - \Sigma \text{Aф}) : \text{Хф},$$

бу ерда: $\Sigma \text{Tф}$ – минтақа иқтисодий фаол аҳолисининг тадқиқ қилинадиган даврдаги иш вақти (киши-соатлар, киши-кунлар)нинг тўлиқ жамланма фонди; $\Sigma \text{Aф}$ – амалда ишлаб берилган вақтнинг жамланма фонди; Хф – бир нафар ходимнинг тадқиқ қилинаётган даврдаги иш вақти (соатлар, кунлар)нинг тўлиқ фонди.

2. *Ишсизликнинг давомийлиги* (оий) – таҳлил этилаётган даврнинг охирига келиб ишсиз макомига эга бўлган шахсларнинг, шунингдек, ушбу даврда ишга



13.6-расм. Беверижнинг эгри чизиги

унинг турли шакллари ўртасидаги нисбатни таҳлил этганда, ишсизлик дараҷаси билан умуман мамлакат иқтисодиётида, шу жумладан, алоҳида (тармоқ ва ҳудудий) меҳнат бозорларидағи бўш иш жойлари ўртасидаги нисбат ва ўзаро боғлиқликни ҳам кўриб чиқиши мақсадга мувофиқдир. Бу боғлиқликни «Беверижнинг эгри чизиги» акс эттиради (8.6-расм).

13.6-расмда бўш иш жойлари (V) ва ишсизлар сони (U) ўртасидаги функцияли боғлиқлик ўз ифодасини топган. Ушбу ўзаро боғлиқлик кўриниши жиҳатдан гипербола бўлиб, у координатларнинг ўқига яқинлашади, аммо уларга туташмайди. Чунки иқтисодиётда ҳамиша қандайдир миқдорда бўш иш жойлари (улар ёлланма ходимларга у қадар мақбул бўлмаса ҳам) ва ишсизлар мавжуд.

ОЕ чизиги – тўғри бурчакли биссектриса $V = U$ бўш иш жойларининг ишсизлар сонига тенглигини акс эттиради. Бевосита шундай ҳолатда ишсизлик иш билан тўла бандликни таъминлайдиган ўзининг табиий даражасига тенгdir.



Уильям Генри Беверидж, барон (ингл. William Henry Beveridge, 1st Baron Beveridge; 1879–1963) – таниқли инглиз иқтисодчиси, Лондон иқтисодиёт ва сиёсий фанлар мактаби директори (1919–1937), қироллик статистика жамиятининг президенти (1941–1943) бўлган.

Асосий асарлари:

Unemployment: A problem of industry, 1909.

Prices and Wages in England from the Twelfth to the Nineteenth Century, 1939.

Full Employment in a Free Society, 1944.

The Economics of Full Employment, 1944.

«Беверижнинг эгри чизиги» VU да J нуқтасида бўш иш жойларининг миқдори U_1 ишсизлар сони V_1 га тенгdir. Демак, U_1 – иш билан бандликнинг

жойлашган ишсизларнинг иш излашларининг ўрта хисобдаги давомилигини тавсифлайдиган миқдор.

3. Меҳнат бозоридаги тигизлик коэффициенти (T_k) бир бўш ўринга тўғри келадиган, рўйхатга олинган ишсизлар сони (Рис) билан аниқланади:

$$T_k = \text{Рис} : \Sigma B_c,$$

бу ерда: ΣB_c – мазкур даврдаги бўш иш ўринларининг жамланма сони.

Ишсизлик таркибини, яъни

табиий даражасидир. $U_1 V_1$ эгри чизигининг К нүктаси эса ишсизликнинг юқориго табиий даражасини англаади. «Бевериж эгри чизиги»нинг чапга силжинши ишсизларнинг бир қисми иш топғанлигини, бу билан ишсизлар ва бўш иш жойлари сони камайтирилганлигини кўрсатади. Бу фрикциониёли ёки таркибий ишсизлик туфайли содир бўлади.

Айни пайтда ишсилар сони билан эгалланмаган бўш иш жойлари ўртасидаги нисбат эса меҳнат бозоридаги тифизликни ифода қиласди.

Америка Қўшма Штатлари Президенти Жон Кеннедининг иқтисодий масалалар бўйича маслаҳатчиси бўлган Артур Оукен ишлаб чиқаришнинг ҳажми билан ишсизлик даражаси ўртасидаги боғлиқликни аниқлаган (13.7-расм).

«Оукенning эгри чизиги» номини олган ушбу график-расмда Y – амалдаги ялпи ички маҳсулот ҳажми, μ – амалдаги ишсизлик даражаси, N – ялпи ички маҳсулот ҳажми йўқотилишининг фоизидир. Айни пайтда II квадрант – ишсизлик билан иш билан бандликнинг боғлиқлиги, III квадрант – иш билан бандлик тенглигини ($N=N$) ифода этадиган 45 градусли қўшимча чизик, IV квадрант – ишлаб чиқариш функциясидир. I квадрант эса юқорида қайд этилган уч квадрантнинг ҳосиласи бўлиб, «Оукен эгри чизиги» номини олган.

N коэффициенти даврий ишсизлик ҳар бир фоизга кўпайганида ялпи ички маҳсулот ҳажми қанчага камайишини кўрсатади. Олимнинг хисоблаб чиқишича, A коэффициенти $2 < A < 2,5$ гача бўлган оралиқда жойлашган.

Расмга кўра иш билан тўла бандликда ишлаб чиқариш ҳажми Y^* га, ишсизлик нормаси эса – μ^* га тенгдир. Агар иш билан бандлик камайса, ишлаб чиқариш ҳажми Y_2 гача камаяди. Демак, ишлаб чиқаришнинг ҳажми ишсизлик нормасига тегишли равишда камаядиган функциядир.




Артур Мелвин Оукен (ингл. Arthur Melvin Okun; 1928–1980) – американлик машхур иқтисодчи олим, АҚШ Президенти хузурида Иқтисодий маслаҳатчилар кенгашининг раиси (1968–1969) бўлган.

Асосий асарлари:

The Political Economy of Prosperity, 1970.

Prices and Quantities: A macroeconomic analysis, 1981.



13.7-расм. «Оукенning эгри чизиги»

«Оуken эгри чизиги» қуйидаги ҳолатларда силжийди:

- иш билан тўла бандликда миллий даромад кўрсаткичи (Y^*) ўзгарганида (у кўпайса, эгри чизик юқорига, камайса, пастга силжийди);
- иш билан табиий бандлик нормаси (u^*) ўзгарганида (у кўпайса, эгри чизик ўнгга, камайса, чапга силжийди).

А. Оуken 1960-йилларда АҚШда ишсизликнинг табиий даражаси 4 % ни ташкил этганида N коэффициенти 3 га teng бўлганлигини исботлаб берган. Бу ишсизликнинг ҳар бир фоизи мамлакатнинг амалдаги ялпи ички маҳсулот ҳажмини иш билан тўла бандлик бўлгани ҳолдагига нисбатан 3 % га камайтирганидан далолат берган. Иктисадчи олимнинг ҳисоблашича меҳнат бозоридаги рақобат туфайли ишсизлик қуйидагича кўринишда бўлишини кўрсатган:

- ишдан бўшаган барча ёлланма ходимлар ҳам ишсиз сифатида рўйхатдан ўтмайди;
- меҳнат фаолиятини давом эттираётган ёлланма ходимларнинг бир қисми қисқартирилган иш куни ёки ҳафтасига ўтказилади;
- ишлаб чиқаришда яширин ишсизлик мавжудлиги сабабли ўртача меҳнат унумдорлиги камаяди.

А. Оуken қонунига кўра, ишсизликнинг табиий даражаси 1,0 % га ошганда, ялпи миллий маҳсулот 2,5 % га камаяди ёки 2,5 % ялпи миллий маҳсулот йўқолади. Демак, мос равишида уларнинг нисбати 1:2,5 га teng. Шу нисбатга асосланиб, йўқотилган ялпи миллий маҳсулотнинг мутлақ қийматини аниқлаш мумкин.

13.4. Ишсизларни ижтимоий ҳимоялаш ва уларнинг меҳнат бозорида рақобатбардошлигини ошириш

Ўзбекистон Республикасининг Меҳнат кодексида ишдан маҳрум бўлган, биринчи марта иш қидираётган, узок (бир йилдан ортиқ) танаффусдан кейин меҳнат фаолиятини қайта бошлашни истаган ва ишсиз деб эътироф этилган шахсларга:

- ишсизлик нафақаси тўлаш;
- қарамоғидагиларни ҳисобга олган ҳолда моддий ёрдам бериш;
- касб ўрганиш, малака ошириш ёки қайта тайёрлаш даврида стипендия тўланиши ҳамда шу даврни меҳнат стажига қўшиш;
- ҳақ тўланадиган жамоат ишларида қатнашиш имконияти таъминланиши белгилаб қўйилган.

Ишсизлик нафақаси ишсиз деб эътироф этилган шахсга у иш қидираётган шахс сифатида маҳаллий меҳнат органида рўйхатдан ўтган кундан эътиборан тайинланади. Қарамоғида учтагача киши бўлган, ўттиз беш ёшга тўлмаган ишсиз эркакка ишсизлик нафақаси у ҳақ тўланадиган жамоат ишларида Ўзбекистон Республикаси Вазирлар Маҳкамаси томонидан белгиланадиган тар-

тибда иштирок этган тақдирда тайинланади. Ишсиз шахснинг нафақа олиш ҳукуқи у иш қидираётган шахс сифатида рўйхатдан ўтган пайтдан бошлаб кечи билан ўн биринчи қундан эътиборан кучга киради.

Ишсизлик нафақаси кўпи билан:

- ишдан ва иш ҳақидан (меҳнат даромадидан) маҳрум бўлган ёки узок (бир йилдан ортиқ) танаффусдан кейин меҳнат фаолиятини қайта бошлашга ҳаракат қилаётган шахсга ўн икки ойлик давр мобайнida йигирма олти календарь ҳафта;
- илгари ишламаган ва биринчи марта иш қидираётган шахсга эса ўн уч календарь ҳафта мобайнida тўланади.

Ишсиз шахс нафақа олиш даврида иш қидириши ва ҳар икки ҳафтада камида бир марта маҳаллий меҳнат органида йўқламадан ўтиши керак.

Кўйидаги ҳолларда ишсизлик нафақасини тўлаш бекор қилинади:

- ишсиз шахс ишга жойлашганда;
- ишсиз шахс таклиф қилинган мақбул келадиган ишни икки марта рад этган тақдирда;
- қарамоғида учтагача киши бўлган, ўттиз беш ёшга тўлмаган ишсиз эркак ҳақ тўланадиган жамоат ишларида иштирок этишни рад этган тақдирда;
- ишсиз шахс қонун ҳужжатларига мувофиқ пенсия таъминоти ҳукуқини олган тақдирда;
- ишсиз шахс суднинг ҳукми билан қамоқ ёки озодликдан маҳрум этиш тариқасидаги жазога ҳукм қилинган бўлса;
- ишсиз шахс ишсизлик нафақасини олиб турган даврда маҳаллий меҳнат органини хабардор қилмай вақтинча ишга жойлашган бўлса;
- ишсизлик нафақасини алдов йўли билан олаётган бўлса.

Бу ўринда амалдаги қонунчиликка мувофиқ, ишдан ва иш ҳақидан (меҳнат даромадидан) маҳрум бўлган шахслар учун уларнинг касб тайёргарлигига мос бўлган, ёшини, соғлиги ҳолатини, меҳнат стажини ва аввалги мутахассислиги бўйича тажрибасини, янги иш жойининг транспортда қатнаш жиҳатидан қулийлигини инобатга олувчи иш мақбул келадиган иш деб ҳисобланади.

Мақбул келадиган иш деб ҳисобланиши мумкин бўлмаган меҳнат фаолияти турларига қўйидагилар киради:

- таклиф этилган иш доимий яшаш жойидан анча узок бўлса ва транспортда қатнаш жиҳатдан қулай бўлмаса;
- иш ҳақи шу мутахассислик ва касб учун белгиланган энг кам микдордан оз бўлса;
- ишни рад этиш узрли сабаблар билан асосланган бўлса.

Ишсизлик нафақасини тўлаш қўйидаги ҳолларда тўхтатиб турилади:

- ишсиз шахс касб ўрганиш, қайта тайёрлаш ёки малакасини оширишга юборилган бўлса, стипендия олиб касб ўрганиш, қайта тайёрлашдан ўтиш ёки малака ошириш даврида;

– ишсиз шахс ихтисослаштирилган даволаш-профилактика муассасасида даволаш курсини ўтаётган бўлса, бундай муассасада бўлган даврида;

– ишсиз шахс ҳақ тўланадиган жамоат ишларида иштирок этаётган бўлса, бундай ишларда иштирок этган даврида.

Ишсиз шахс узрсиз сабабларга қўра белгиланган муддатда маҳаллий меҳнат органига келмаган тақдирда ҳам ишсизлик нафақасини тўлаш уч ойгача муддатга тўхтатиб қўйилиши ёки нафақанинг микдори камайтирилиши мумкин.

Меҳнат шартномаси алоҳида асослар бўйича бекор қилинган тақдирда, шунингдек, ходимларга моддий ёрдам бериш учун қўшимча кафолатлар ҳам берилади.

Меҳнат шартномаси ходим янги меҳнат шартлари асосида ишлашни давом эттиришни рад этганлиги, иш хусусиятининг ўзгаришига олиб келган ишлар ҳажмининг қисқарганлиги ёки корхонанинг тугатилганлиги, ходимнинг малакаси етарли бўлмаганлиги ёхуд соғлиғи ҳолатига қўра бажараётган ишига нолойиклиги, шу ишни илгари бажариб келган ходим ишга қайта тикланиши сабабли бекор қилинган ҳолларда иш қидириш даврида икки ойдан ортиқ бўлмаган давр мобайнида ходимларнинг ўртacha ойлик иш ҳақи сақланиб қолади, бунда ходимга тўланган бир ойлик ишдан бўшатиш нафақаси ҳам қўшиб ҳисобга олилади.

Ходимлар меҳнат шартномаси бекор қилинган қундан бошлаб ўн календаръ кун мобайнида маҳаллий меҳнат органида иш қидираётган шахс сифатида рўйхатдан ўтсалар, маҳаллий меҳнат органи берган маълумотномага биноан учинчи ой учун ҳам олдинги иш жойларидан ўртacha иш ҳақи олиш ҳукуқига эга бўладилар.

Меҳнат шартномаси бекор қилингандан кейин ўн кун ичида маҳаллий меҳнат органида рўйхатга олинган ва касби бўйича қайта ўқитилаётган ёки ишлаб чиқаришдан ажralган ҳолда малакасини ошираётган ходимларга стипендия тўланади.

Башарти иш берувчи ночор (банкрот) деб топилса, у билан меҳнат муносабатларида бўлган ходимлар иш ҳақи ва ўзларига тегишли тўловлар хусусида бошқа барча кредиторларнинг талабларига нисбатан имтиёзли ҳукуқдан фойдаланадилар.

Тугатилаётган корхоналарнинг маблағи бўлмаган тақдирда, ходимларга компенсациялар Иш билан таъминлашга кўмаклашиш давлат жамғармаси маблағлари ҳисобидан тўланади.

13.5. Ишсизларни жамоат ишларига жалб этиш

Ўзбекистон Республикасининг норматив-ҳукуқий ҳужжатларига мувофиқ, «Жамоат ишлари – ишсиз ва банд бўлмаган аҳоли учун умумжалб этиш

мумкин бўлган, алоҳида тайёргарлик ва малака талаб қилмайдиган, ҳақ тўла-
надиган вактингчалик меҳнат фаолияти турлари»¹ ҳисобланади.

Ижтимоий-меҳнат муносабатларини уйғунлаширишда жамоат ишларининг аҳамияти иқтисодий назария вакиллари томонидан ҳам эътироф этилган. Машхур инглиз демографи Т. Мальтус таникли иқтисодчи олим Ж.-Б. Сэй билан ёзишмаларида янги иш жойлари ташкил этиш ва иш билан бандлик дарражасини сақлаб туриш мақсадида давлат томонидан тадбиркорлардан ундирилаётган солиқларнинг бир қисмини жамоат ишларини ташкил этишга, хусусан, йўл қурилишига сарф қилиш мақсадга мувофиқ эканлигини кўрсатган.



Томас Роберт Мальтус (ингл. Thomas Robert Malthus; 1766–1834) – машхур инглиз демографи ва иқтисодчи олими, руҳоний, аҳолишуносликда жаҳонда аҳоли сонининг назоратсиз ортиши ялпи очарчиликка дучор қилиши назариясининг асосчиси.

Асосий асарлари:

Essay on the Principle of Population (1789).

Observations on the Effects of the Corn Laws (1814).

Бу ғоядан АҚШ Президенти Ф. Д. Рузвельт мамлакатда XX аср 30-йилларидаги Буюк инқиroz пайтида самарали фойдаланган. У 1935 йилда ўзининг Янги иқтисодий курси доирасида АҚШ Жамоат ишлари бошқармасини ташкил этган. Ушбу бошқармага ўша пайтда 4 млрд доллар (ҳозирги нархларда 69 млрд доллар) маблағ ажратилган. Ана шу маблағ ҳисобидан меҳнатга лаёқатли, 18 ёшдан катта, маҳаллий маъмурлар томонидан ночор ахволга тушиб қолганлигини тасдиқловчи хужжатга эга бўлган, ишсиз, жамоат бинолари, автомобиль йўллари, стадионлар, тўғонлар қурилишига жалб қилинган АҚШ фуқароларига йилига 1200 доллар (ҳозирги нархларда 20 700 доллар) тўланган.

1930-йилларнинг иккинчи ярми ва 1940-йилларнинг бошида АҚШда жамоат ишларига 4 млн киши, уларнинг оила аъзолари ҳам қўшиб ҳисобланганда, жами 20 млн киши жалб қилинган. Уларнинг меҳнати билан мамлакатда умумий узунлиги 1 млн километрдан ортиқ автомобиль йўллари, минглаб қўпиклар, мактаблар, боғлар, бошқа инфратузилма обьектлари барпо этилган.

Ўзбекистонда ишсиз шахсларни ҳақ тўланадиган жамоат ишларига кенг жалб этиш асосида аҳолининг иш билан бандлигини таъминлаш бўйича қўшимча чора-тадбирларни амалга ошириш мақсадида Бандлик ва меҳнат муносабатлари вазирлиги ҳузурида Жамоат ишлари жамғармаси ташкил этилган. Ўзбекистон Республикаси Бандлик ва меҳнат муносабатлари вазирлиги

¹ Ҳақ тўланадиган жамоат ишларини ташкил қилиш тартиби тўғрисида низом / Ўзбекистон Республикаси Вазирлар Мажхамасининг 2017 йил 5 октябрдаги «Ўзбекистон Республикаси Бандлик ва меҳнат муносабатлари вазирлиги ҳузуридаги жамоат ишлари жамғармаси фаолиятини ташкил этиш тўғрисида»ги карорига З-илова // Конун хужжатлари маълумотлари миллий базаси, 09.10.2017 й., 09/17/799/0072-сон

хузурида Жамоат ишлари жамғармаси, унинг Васийлик кенгаши, шунингдек, Жамоат ишлари жамғармасининг ижро этувчи дирекцияси тузилган.

Жамоат ишлари жамғармасининг маблағлари:

- давлат бюджети ҳисобидан ажратиладиган маблағлар;
- ҳалқаро молия институтлари грантлари, жисмоний ва юридик шахсларнинг, ҳомийлик жамғармаларининг ва бошқа хорижий донорларнинг ихтиёрий ёрдамлари;
- асосий воситалар, мини-ускуналар ва инвентарлар ижарасидан даромадлар;
- қонунчилиқда тақиқланмаган бошқа молиялаштириш манбаларидан шакллантирилади.

Жамоат ишлари:

- иш билан банд бўлмаган шахсларни вақтинчалик маош (мехнат даромади) билан таъминлаш ва уларни иш қидириш даврида моддий қўллаб-қувватлаш;
- ишсиз шахсларнинг вақтинчалик иш билан бандлигини таъминлаш учун шароитлар яратиш;
- касбга (мутахассисликка) эга бўлмаган илк бор иш изловчи шахсларни меҳнат фаолиятига жалб этиш;
- турли сабабларга кўра (илгари бола тарбияси, бемор ва кекса оила аъзоларини парваришилаш, жазони ижро этиш муассасаларидан озод қилинган ва бошқа сабабларга кўра) узоқ танаффусдан сўнг касбий фаолият билан шуғулланмаган шахслар меҳнатини реабилитация қилиш;
- иқтисодиёт ва ижтимоий соҳанинг ижтимоий муҳим аҳамиятга эга бўлган объектларини ишчи кучи билан таъминлаш мақсадларида ташкил қилинади.

Жамоат ишлари турларига қўйидагилар киради (13.8-расм):

- шаҳар, туман, аҳоли пунктлари, маҳаллалар ва бошқа худудларни ободонлаштириш (кўкаlamзорлаштириш, тозалаш, оқлаш, маданий объектлар, зиёратгоҳлар, қабристонлар ва ариқларни тозалаш кабилар);
- уй-жой коммунал ва бошқа инфратузилма объектларини таъмирлаш;
- қўчалар, йўллар ва пиёдалар юриш йўлакларини таъмирлаш;
- мавсумий қишлоқ хўжалик ишлари, қишлоқ хўжалиги маҳсулотларини тайёрлаш, сақлаш ва қайта ишлаш, ирригация ва мелиорация тармоқларини таъмирлаш;
- ногиронлар, кексалар, беморлар ва бошқаларни парваришилаш;
- саноат тармоқлари ва хизматлар кўрсатиш соҳаси ташкилотларидаги ишлар;
- объектларни куриш, реконструкция қилиш ва таъмирлаш ишлари.

Жамоат ишларини бажараётган фуқароларга корхоналарда амалга бўлган ставкалар ва лавозим маошлари (ишбай нархлар)дан келиб чиқсан ҳолда, аммо иш ҳаки тўлаш бўйича Ягона тариф сеткасининг биринчи разрядидан кам бўлмаган миқдорда иш ҳаки тўланади. Жамоат ишларида иш ҳакидан ташқари меҳнат учун қўшимча мукофотлар миқдори иш берувчилар маб-

лағлари хисобидан белгиланиши мумкин.

Бюджет ташкилотлари ва фуқароларнинг ўзини ўзи бошқариш органлари томонидан ташкил қилинган жамоат ишларида Аҳоли бандлигига кўмаклашиш маркази йўлланмаси асосида жамоат ишларида иштирок этиш учун юборилган фуқароларнинг ойлик иш ҳақи миқдори энг кам ойлик иш ҳақининг беш баробаридан ортиқ бўлмаган миқдорда белгиланиши мумкин.



13.8-расм. Ўзбекистонда жамоат ишларининг турлари

2017 йилнинг октябрь ойидан мамлакат минтақаларидағи 8 та туманда тажриба тариқасида иш билан банд бўлмаган аҳолини жалб қилган ҳолда жамоат ишлари ташкил қилина бошланган эди. 2018 йилнинг 1 январидан бошлаб эса Ўзбекистон ҳудудларнинг қолган барча шаҳар ва туманларида ҳам иш билан банд бўлмаган аҳолини ҳақ тўланадиган жамоат ишларига жалб қи-

лишга киришилган. Жамоат ишлари жамғармаси томонидан ҳақ тўланадиган жамоат ишларини ташкил этиш ва амалга ошириш учун 2018 йилнинг ўзида 714 млрд сўм маблағ ажратилган.

Ишсизлар учун Бандлик ва меҳнат муносабатлари вазирлиги тузилмасида туман (шаҳар) Ахоли бандлигига кўмаклашиш марказлари хузурида филиал шаклида Вактинчалик бир марталик иш билан таъминлаш бюролари ҳам ташкил қилинган. Ушбу бюролар:

- вақтинчалик бир марталик иш изловчи фуқароларни кенг хабардор қилиш учун хусусий иш берувчилар томонидан бериладиган иш турлари тўғрисидаги маълумотлар банкини шакллантирадилар;

- манфаатдор иш берувчилар ва вақтинчалик бир марталик иш изловчи ишсизлар иштирокида бўш иш ўринлари ярмаркаларини муентазам равишда ўтказадилар;

- ишсизларга янгидан ташкил этилган ва бўш иш жойларида ишга жойлашиш, касб-кор тайёргарлиги, ўз ишини ташкил этиш ва юритиш масалалари бўйича маслаҳат ва касбга йўллаш хизматлари кўрсатадилар, шунингдек, иш берувчи хусусий шахсларга ушбу масалаларда кўмаклашадилар;

- бир марталик ишни бажарувчилар учун зарур ижтимоий-маиший шартшароитлар яратадилар ҳамда овқатланиш шохобчалари ташкил этадилар¹.

Ишсизларнинг меҳнат бозорида рақобатбардошлигини ошириш, энг аввало, уларнинг касб малакаларини оширишга боғлиқdir. 2012 йилда Тошкентда, 2016 йилда эса Самарқандда Корея Халқaro ҳамкорлик агентлиги (КОИСА) билан биргаликда энг замонавий ўқув-лаборатория ускуналари, ўқув-ишлаб чиқариш дастгоҳлари ва амалиёт қўлланмалари билан жихозланган касб-хунарга ўқитиш марказлари худди шу мақсадларда – ишсизларнинг салоҳиятини ошириш учун ташкил этилди.

Ушбу марказларда ишсизлар миллий меҳнат бозорида талаб юқори бўлган чилангарлик, фрезерчилик, токарлик, автомобильдвигателларини, майший электротехника, радио ва телескуналарни таъмирлаш, автотранспорт воситаларини диагностика қилиш ва техник хизмат кўрсатиш, пайвандлаш ишлари, металлга ишлов бериш, электрон қурилмалар, сервис хизмати кўрсатиш, компьютерларни дастурлаш ва бошқа йўналишлар бўйича касб-хунарга ўқитилади. Жумладан, Тошкентдаги марказ ташкил этилгандан бери 2000 нафардан ортиқ ишсизлар бу ерда касб-хунарга ўқитилди ва уларнинг барчаси уч томонлами (касб-хунарга ўқитиш маркази, корхона ва талаба) шартномалар асосида «Ўзавтосаноат», «Ўзелтехсаноат», «Ўзтелеком», «Тошавтотеххизмат», «GM Powertrain Uzbekistan», «Ўзагромашсервис» корхоналарида иш билан тўлиқ таъминланди.

¹ Ўзбекистон Республикаси Вазирлар Махкамасининг «Вактинчалик бир марталик иш билан таъминлаш бюроларини ташкил этиш тўғрисида»ги қарори (Ўзбекистон Республикаси Вазирлар Махкамасининг 2017 йил 8 сентябрдаги 703-сонли қарори таҳририда) // Ўзбекистон Республикаси қонун хужжатлари тўплами, 2017 й., 37-сон, 990-модда

XIV БОБ. МЕҲНАТГА БЎЛГАН РАГБАТ, МОТИВАЦИЯ ВА ҲАҚ ТЎЛАШНИ ТАШКИЛ ЭТИШ

14.1. Ўзбекистонда аҳоли турмуш даражаси ва унинг барқарор ривожланиши

Ҳаракатлар стратегияси халқ билан очик мулоқот, республикамиз аҳолиси ва тадбиркорларни безовта қилаётган долзарб масалаларни ҳар томонлама ўрганиш, амалдаги қонунчиликни қўллаш ва ривожланган хорижий амалиётни таҳлил қилиш натижаларига асосланган. Бир сўз билан айтганда, амалга оширилаётган барча ҳаракатлар халқнинг турмуш даражасини яхшилаш, фарғонлигини оширишга қаратилгандир.

Турмуш даражаси – бу жисмоний, маънавий ва ижтимоий эҳтиёжларнинг ривожланиш даражаси, қондирилганлик миқёси ва уларни қондириш учун яратилган имкониятларни акс этирувчи комплекс ижтимоий-иқтисодий категорияйdir.

Бугунги кунда БМТ томонидан дунё аҳолиси турмуш даражасини ошириш ва камбағалликдан азият чекаётган мамлакатларга қўмаклашиш мақсадида бир қанча ишлар амалга оширилмоқда. Жумладан, БМТнинг Бош ассаблеясида қабул қилинган «Минг йиллик тараққиёт дастури» ҳамда 2030 йилгача мўлжалланган «Барқарор ривожланиш мақсадлари дастурлари» бевосита дунё мамлакатлари аҳолисини иқтисодий-ижтимоий қўллаб-қувватлаш, шунингдек, экология бузилишининг олдини олган ҳолда аҳолининг саломатлигини асрашга қаратилган муҳим ишлар сирасига киради.

Маълумки, аҳоли турмуш даражасини барчамиз аҳоли жон бошига тўғри келадиган даромадлар миқдори ва истеъмол ҳажми миқдорининг ортиши ёки камайиши билан баҳолашга одатланганмиз. Лекин «аҳоли турмуш даражаси», бевосита «аҳоли турмуш даражаси сифатини баҳоловчи кўрсаткичлар» анча кенгроқ тушунчалар ҳисобланади.

Шунинг учун турмуш даражасини аҳолининг моддий ва номоддий бойликларга эҳтиёжлари даражаси, шунингдек, ушбу эҳтиёжларни қондириш ва ривожлантириш учун жамиятдаги мавжуд шароитларни акс эттирадиган мурakkab ижтимоий-иқтисодий категория сифатида аниқлаш мумкин.

Ҳозирда турмуш даражаси концепцияларини аҳолининг турмуш даражаси сифатини ҳар томонлама характерлаб берадиган ягона кўрсаткичга келтириш бўйича самарали усул мавжуд эмас.

Турмуш даражасини белгилайдиган асосий кўрсаткичлар тизимиға бир қатор кўрсаткичлар киради. БМТнинг турмуш даражаси кўрсаткичлари тизимиға 12 та асосий кўрсаткичлар гурухи киради.

Бирлашган миллатлар ташкилотининг тавсиясига кўра, туғилиш, ўлим, умр кўриш давомийлиги, санитар-гиgienик шароитларнинг мавжудлиги, озиқ-овқат маҳсулотларининг истеъмол даражаси, уй-жой шароитлари, таълим олиш ва маданий имкониятларнинг мавжудлиги, иш шароитлари ва аҳолини иш билан бандлик даражаси, даромадлар ва харажатлар мувозанати, истеъмол нархлари, транспорт воситалари билан таъминланганлиги, дам олиш ва ҳордик чиқариш имкониятларининг мавжудлиги, ижтимоий таъминот тизимиға мавжудлиги, инсон ҳуқуқлари ва эркинликлари кафолатланганлиги каби кўрсаткичлар турмуш даражасини ифодаловчи кўрсаткичлар ҳисобланади. Лекин бу кўрсаткичларнинг барчасини ҳам қиймат кўринишида баҳолашнинг имкони бўлмаганлиги сабабли, ушбу параметрлардан бир нечтаси ни қамраб олган холда турмуш даражаси баҳоланади. Ушбу кўрсаткичлардан энг асосийси аҳоли жон бошига тўғри келадиган даромадлар ҳажми бўлиб, мазкур кўрсаткич мамлакат аҳолиси турмуш даражасини баҳолаш билан бирга, ҳалқаро таққослашларда ҳам фойдаланиш имконини берадиган кўрсаткич ҳисобланади. Шу билан бирга, амалиётда аҳоли жон бошига тўғри келадиган ялпи ички маҳсулот, ялпи миллий даромад, инсон тараққиёти индекси, аҳолининг маълум гурухлари (квинтель, дециль гурухлари) бўйича табақаланиш коэффицентлари каби кўрсаткичлар ҳам тез-тез учраб туради.

Аҳоли турмуш даражасининг яхшиланиши, бевосита ишлаб чиқариш ва хизмат кўрсатиш соҳалари самарадорлигининг кўлами, илмий-техник тараққиёт даражаси, аҳолининг маданий-маърифий савияси ва таркиби, миллий ҳусусиятлар, буларнинг барчаси, албатта, ҳукумат томонидан қабул қилинадиган ва амалга ошириладиган чора-тадбирлар ва харакатлар натижасига боғлиқ.

Шунингдек, аҳоли турмуш даражасини акс эттирувчи аҳоли умумий ва жон бошига даромадлари, харакатлари, таълим даражаси, соғлиқни сақлаш хизматларидан фойдаланиш, озиқ-овқат маҳсулотлари истеъмоли, узок муддат фойдаланиладиган буюмлар билан таъминланганлиги, уй-жой шароитлари каби бир қанча кўрсаткичлар ҳам ҳисобга олинади ва шакллантириб борилади.

Аҳолининг умумий даромадлари – мажбурий тўловлар ва бошқа ажратмаларни амалга оширгунга қадар бўлган ялпи даромадни ифода этади.

Аҳолининг умумий даромадига пул даромадлари ва натура шаклидаги даромадлар киради ҳамда доимий асосда, такрорланувчи ҳусусиятга эга бўлган, йиллик ёки ундан кам вақт оралиғидаги даврда уй хўжалиги ёки унинг алоҳида аъзоларига тушадиган тушумлардан таркиб топади.

Аҳоли турмуш даражасининг асосий ижтимоий-иқтисодий индикаторларини аҳоли пул даромадлари ва харажатлари, унинг таркиби ва фойдаланилиши, даромад бўйича аҳолини тақсимлаш каби кўрсаткичлар характерлайди.

Аҳоли пул даромадлари барча тоифалардаги аҳолининг меҳнати эвазига олган иш ҳақи, тадбиркорлик фаолиятидан олинган даромадлари, пенсия, нафака, стипендия, капитал қўйилмалар бўйича фоиз шаклида олинадиган даромадлар, рента, кўчмас мулкни, қишлоқ, хўжалиги маҳсулотлари ва чорва молларини сотишдан тушумлар, турли хизматларни кўрсатишдан олинган даромадлар ва бошқалардан иборат.

Бирламчи даромадлар, ўз навбатида, ишлаб чиқаришдан олинган даромадлар (меҳнат фаолиятидан олинган даромад ва шахсий истеъмол учун ишлаб чиқарилган шахсий хизматлардан олинган даромадлар) ва мол-мулқдан олинган даромадларни ўз ичига олади.

Меҳнат фаолиятидан олинган даромад ёлланма ишчиларнинг ва мустқил равища иш билан банд бўлган аҳолининг даромадидан таркиб топади.

Ёлланма ишчиларнинг даромади – бу меҳнатга ҳақ тўлашнинг яширин (яъни, бирламчи ва бухгалтерия ҳисобида акс эттирилмасдан иш берувчи томонидан амалга оширилган тўловлар) қисмини қўшган ҳолда пул ва натура (товарлар ёки хизматлар кўринишида) шаклида меҳнатга ҳақ тўлаш кўринишидаги даромадлардан ташкил этилади.

Мустқил равища иш билан банд бўлишдан олинган даромадлар – мустқил равища ташкиллаштирилган ва уй хўжалиги аъзолари жалб қилинган меҳнат жараёни натижасида олинган даромадлардир.

Шахсий истеъмол учун ўзида ишлаб чиқарилган хизматлардан олинган даромадларга бозор учун мўлжалланмаган ва уй-жой эгалари томонидан фойдаланилаётган турар-жой хизматларининг шартли равища ҳисобланган киймати киради.

Мол-мулқдан олинган даромадлар (мулкий даромадлар) – мулкий эгалик қилиш хукуки бўлган молиявий ва номолиявий активларни бошқа шахсларга фойдаланиш учун беришдан уй хўжаликларига тушган тушумлардир.

Трансферлардан олинган даромадлар эса ижтимоий трансферлар (пенсия, нафака ва стипендиялар) ва бошқа жорий трансферлардан иборат (трансферлар – бу уй хўжаликларига товар, хизмат ёки актив эвазига қопланмасдан товарлар, хизматлар ва активларнинг келиб тушиши).

Бозор иқтисодиёти шароитида асосий иш жойидан бериладиган иш ҳақи аҳолининг аксарият қисми учун етакчи даромад манбаи ҳисобланади. Ривожланган мамлакатларда иш ҳақи аҳоли жами даромадларининг 60–80 % ини ташкил этади, яъни уларнинг меъёрий ҳаёт фаолиятини таъминлаш пойдевори бўлиб хизмат қиласи.

Агар МДҲ мамлакатларининг аҳоли даромадлари таркибини кўрадиган бўлсак, ёлланма ишчиларнинг иш ҳақи сифатида олган даромадлари Арманистон, Беларусь, Қозоғистон, Россия Федерациясида 55–69 % ни ташкил этадиган бўлса, Қирғизистонда 40 % атрофида, Ўзбекистонда 34,3 % ни ташкил

этади. Ижтимоий тўловларнинг улуши Беларусда 29 % бўлса, Арманистон, Қозогистон, Қирғизистон, Россия Федерациясида 16 % дан 18 % гачани, Ўзбекистонда эса 11,3 % ни ташкил этади.

Кичик бизнес ва тадбиркорлик субъектларини қўллаб-қувватлашга қаратилган мақсадли чора-тадбирларнинг амалга оширилиши натижасида ахолининг кичик тадбиркорликдан олган даромадлари улуши йил сайн ошиб бормоқда. Статистик маълумотларга кўра, бу улуш 56–60 % ни ташкил этмоқда.

Аҳоли умумий даромадлари ҳажмининг ўзгаришига мол-мулқдан олинган даромадларнинг таъсири жуда кам бўлса-да, ахолининг тижорат банкларига бўлган ишончининг ортиши, инновацион ишланмаларнинг ривожланиши, қолаверса, акциядорлик жамиятлари даромадларининг ортиши, уй-жой ва бошқа кўчмас мулк обьектларини ижарага бериш ва шу каби бозор механизмларининг такомиллашуви натижасида ахолининг қўлига келиб тушаётган фоизлар, дивидендлар ҳам йил сайн ортиб бораётганлигини кузатишимиш мумкин.

Аҳоли даромадларининг ошиши ва турмуш даражасининг яхшиланиши натижасида жами истеъмол харажатлари таркибида озиқ-овқат маҳсулотларини харид қилиш харажатлари салмоғининг барқарорлашиб бориши билан бир вақтда, ноозиқ-овқат маҳсулотлари ва хизматларга сарфланадиган харажатлар улуши ортмоқда.

Аҳоли истеъмол харажатлари таркибида озиқ-овқат маҳсулотларига харажатларнинг барқарорлашиши, шунингдек, ноозиқ-овқат ва хизматларга қилинаётган харажатларнинг улуши ортиб бораётганлиги ижобий ҳол, албатта.

Жадвалдаги маълумотлар кўрсатадики, охирги да аҳоли жон бошига тўғри келган пул даромадлари, ишчи ва хизматчиларнинг ўртacha иш ҳақи, жон бошига тўғри келган истеъмол буюмлари, чакана товар айланиши сезиларли даражада ортган. Бу эса Ўзбекистонда ижтимоий-иқтисодий ислоҳотларнинг мақсадли олиб борилаётганлиги, ижтимоий соҳаларни ривожлантиришга алоҳида эътибор қаратилаётганлиги билан изоҳланади. Бугунги кунда аҳолига ижтимоий-маданий хизматларни кўрсатиш ҳам юқори даражада олиб борилмоқда.

Хуроса қилиб айтганда, аҳоли турмуш даражасини ошириш манбалари ижтимоий дастурларнинг амал қилиши учун ресурс ҳосил қилиш омили ҳисобланувчи иқтисодий ўсиш билан ижтимоий тараққиёт ўртасидаги узвий боғлиқлик шаклланади. Турмуш даражаси ҳаёт фаолиятига моддий шарт-шароитига таъсир кўрсатувчи омиллар, ходисалар ва жараёнларни ўрганиш ҳамда ечилиши муҳим бўлган ижтимоий-иқтисодий тараққиёт муаммолари ни аниқлаш киради.

14.1-жадвал

Аҳоли турмуш даражаси кўрсатгичлари¹

Кўрсаткичлар	Ўлчов бирлиги	2011 й.	2012 й.	2013 й.	2014 й.	2015 й.	2016 й.	2017 й.
Аҳоли жон бошига тўғри келадиган ЯИМ	Минг сўм	2184,3	2684,6	3289,0	4741,8	5489,3	6258,6	7843,9
Аҳоли жон бошига тўғри келадиган умумий пул даромадлари	Минг сўм	1944,2	2133,3	2601,9	3163,6	3583,3	4565,2	5750,2
Жон бошига ишлаб чиқарилган истеъмол буюмлари	Минг сўм	424,5	595,1	684,9	700,7	814,0	1502,3	1734,0
Жон бошига тўғри келадиган чакана савдо айланиши	Минг сўм	900,8	1130,3	1549,5	1890,1	2274,3	2765,4	3300,0
Шифокорлар сони	Минг киши	81,5	81,7	81,7	82,0	83,4	84,1	84,0
Мактаб ўқувчи-лари	Минг киши	4695,3	4579,4	4491,0	4489,7	4539,7	4670,7	4825,0
Олий ўқув юртлари талабалари сони	Минг киши	274,5	253,0	258,3	259,3	261,3	264,3	268,3

Аҳоли турмуш даражаси кўрсаткичларининг язши тузилган тизими ижтимоий сиёsatни самарали ишлаб чиқишида, кам таъминланган аҳолига ёрдам кўрсатишида, асосланган қарорлар қабул қилишида, мамлакатда ўтказилаётган стратегик ислоҳотларнинг ижтимоий-иктисодий оқибатларини баҳолашда, давлат ва худудий ижтимоий дастурларининг амалга ошишини назорат қилишида муҳим аҳамиятга эга.

14.2. Иш ҳақининг иқтисодий моҳияти

Иш ҳақи мөхнат иқтисодиётида ҳам назарий, ҳам амалий нуқтаи назардан энг муҳим масалалардан бири ҳисобланади. Жамиятнинг ижтимоий-иктисо-

¹ Ўзбекистон Республикаси Давлат статистика қўмитаси маълумотлари.

дий ҳаётида иш ҳақи ходим шахсий даромадининг, ўзи ва оиласи аъзолари турмуш кечиришининг асосий манбаи, шу билан бир қаторда, ишлаб чиқаришини ривожлантириш, харид талабини таъминлашнинг бош омили ҳисобланади.

Иқтисодий назарияда иш ҳақининг турлича талқинлари учрайди (14.2-жадвал). Классик сиёсий иқтисод назарияси вакиллари иш ҳақи даромаднинг рента, фойда (фоиз) каби асосий қисмларидан бири, деб баҳолайди. Хусусан, А. Смитнинг фикрича, «Алоҳида олинган ҳар бир товарнинг нархи ёки пеня қиймати кўрсатилган у ёки бу ёхуд барча уч таркибий қисмига тааллуқли экан, ҳар бир мамлакатнинг йиллик умумий меҳнат маҳсулотини ҳосил қилувчи барча товарлар нархи ёки пеня қиймати мазкур мамлакат турли аҳолиси ўтасида ёки меҳнат учун иш ҳақи, ёки капиталдан фойда, ёхуд ер майдони учун рента сифатида тақсимланиши керак. Иш ҳақи, фойда ва рента ҳар қандай пеня қиймати каби ҳар қандай даромаднинг уч асосий манбаи ҳисобланади»¹.

14.2-жадвал

Иш ҳақининг назарий талқинлари

Муаллиф	Иш ҳақининг назарий талқини	Манба
Ф. Кенэ	Иш ҳақи тирикчилик воситалари қийматига боғлиқ.	Амосова В. В., Гукасьян Г. М. Экономическая теория. – М.: Эксмо, 2014.
М. Фридман	Иш кучининг таклифи реал иш ҳақи ва нархларнинг кутилаётган даражасига боғлиқ.	Fridman M. The Role of Monetary Polic // Amer. Econ. Rev. 1968.
А. Маршалл	Иш ҳақи меҳнатга талаб ва унинг таклифига боғлиқ.	Маршалл А. Принципы экономической науки. – М.: Прогресс, 1993.
Ж. М. Кейнс	Иш ҳақининг даражасини давлат ва касаба уюшмалар ўрнатади ва белгилайди.	Кейнс Ж. М. Общая теория занятости, процента и денег. – М.: Экономика, 1993.
В. Д. Ракоти	Меҳнат – товар, иш ҳақи эса иш кучи қийматининг шаклидир.	Ракоти В. Д. Заработка плата и предпринимательский доход. – М.: Финансы и статистика, 2001.
Б. М. Генкин	Корхона ходимларининг иш ҳақи ва умуман даромади аниқ бир шарт-шароитларга қараб инсон капитали учун ҳақ ёки меҳнат салоҳиятининг ижараси учун ҳаққа боғлиқ бўлади.	Генкин Б. М. Организация, нормирование и оплата труда на промышленных предприятиях: Учебник для вузов. – 3-е изд. Изм., и доп. – М.: Норма, 2005.
Ю. Г. Одегов	Иш ҳақи – ходим ҳаётий воситалари жамғармасининг асосий қисмидир.	Экономика труда (социально-трудовые отношения) / под ред. Н. А. Волгина, Ю. Г. Одегова. – И.: Экзамен, 2002.

¹ Смит А. Исследование о природе и причинах богатства народов. –М.: Наука. 1993. –С.122.

Классик сиёсий иқтисод назариясида иш ҳақи фонди ҳудди бозор иқтисодиётида иш кучи ресурсларининг талаби билан унинг таклифи каби таҳлил этилади. Яъни, иш ҳақи нормаси ёлланган ишчиларга тўлашга мўлжалланган пулни улар сонига оддий бўлиш орқали аниқланиши керак. Бундай ёндашувда ходимларнинг иш ҳақи миқдорини ошириш учун ёки ишлаб чиқариш хажми ни кўпайтириш, ёки ёлланма ишчилар сонини камайтириш зарур бўлади.

XIX асрда «иш кучи товар қийматининг пулдаги ифодаси», деб ҳисобланадиган концепция ҳам мавжуд эди. Яъни, бундай ёндашувга мувофиқ меҳнат товар бўла олмайди ва у қийматга эга эмас. Товар меҳнат қилишга қодир бўлган иш кучи бўлиб, иш ҳақи мазкур товар қийматининг пулда ифодаланган пенясидир. Ишчи бажарган меҳнати учун эмас, балки зарур меҳнат учун иш ҳақи олади. Иш ҳақининг иқтисодий табиати ушбу даромад ҳисобига иш кучи тақрор ҳосил қилинишини таъминлайдиган моддий ва маънавий эҳтиёжларини қондиради.

Иш ҳақининг меҳнат унумдорлиги билан боғлиқлиги масалаларини тадқиқ этган маржинал назария вакиллари ишлаб чиқаришнинг асосий омиллари пул ва ишлаб чиқариш воситаси сифатида капитал, ер, тадбиркорлик қобилияти ва ёлланма ишчилар меҳнатини ажратиб кўрсатар эдилар. Уларнинг фикрича, бу асосий омилларнинг ҳар бири муайян унумдорлик белгиси бўлиб, даромадни шакллантиришга хизмат қиласи. Бу даромаднинг бир қисми ишлаб чиқаришнинг аник бир воситаси эгасига тегади.

XIX асрнинг 70-йилларида маржинализм (фр. «marginalisme» – «энг охиргиси») иқтисодий таълимоти пайдо бўлди. У ўша пайтдаги «маржинал инқилоби» номини олган иқтисодий ғояларга асосланган. Ушбу мактаб назариётчилари иқтисодиётнинг ривожланишини алоҳида хўжалик юритувчи субъектнинг энг юксак самарага эришишга интилиши нуқтаи назаридан тадқиқ этадилар.

«Маржинал инқилоби»га салмоқли илмий ҳисса қўшган Ж. Б. Кларк: «Жамиятнинг барқарорлиги, асосан, меҳнаткашлар томонидан олинаётган пул, унинг миқдоридан қатъи назар, улар ишлаб чиқаётган нарсага тенглигига боғлиқдир»¹, деб кўрсатган.



Жон Бейтс Кларк (ингл. John Bates Clark; 1847–1938) – америкалик машҳур иқтисодчи, 1894–1895-йилларда Америка иқтисодий ассоциациясининг президенти.

Асосий асарлари:

The Philosophy of Wealth, 1886.

The Distribution of Wealth, 1899.


The Problem of Monopoly, 1904.

¹ Кларк Ж. Б. Распределение богатства. –М.: Экономика. 1992. – С.27.

Маржиналистлар ишлаб чиқариш омиллари мувозанат ҳолатига келганидан кейин уларнинг ҳар бирига энг юксак унумдорлигига қараб ҳақ тўланади, деб ҳисоблашади. Бунда энг юксак меҳнат унумдорлиги меҳнатидан фойдаланиш фойда келтираётган ходимнинг вақт бирлигига ишлаб чиқарган маҳсулоти ҳажмига қараб белгиланган. Шу сабабли, улар фикрича, иш ҳақи энг юксак меҳнат унумдорлигига тенгдир.

Иқтисодий назарияни ривожлантиришга улкан ҳисса қўшган Ж. Кейнс иш ҳақи эгилувчан (камайиш томонига) эмаслиги тўғрисидаги фикрини ишсизларнинг иш ҳақи камайтирилса, уларда меҳнат мотивацияси сусайишини, аммо бозорда нарх-наво кўтарилиши оқибатида камроқ реал иш ҳақи олсалар ҳам ишлайверишлини асослаб берган¹.

XX асрнинг иккинчи ярмида иқтисодий назарияда янги – монетаризм йўналиши шаклланди. Монетарчилар муомаладаги пулнинг миқдори иқтисодиёт ривожланишининг ҳал қилувчи омили, деб уқтирганлар. Улар бозорлардаги талабнинг кенгайиши товарлар нархини ҳам, иш ҳақи даражасини ҳам оширишга хизмат қилишини кўрсатадилар. Жумладан, иқтисодий назария ушбу йўналишининг асосчиси М. Фридман бозордаги ўзгаришлар товарлар нархининг ортишига иш ҳақи кўпайишига нисбатан кўпроқ таъсир кўрсатишини исботлайди. Нарх-наво меҳнатга ҳақ тўлашга кўра тезроқ қимматлашиши реал иш ҳақи миқдорини камайтиради. Бу иш берувчиларни ходимлар сонини кўпайтиришга мажбур қиласди. Иш кучига талаб кўтарилиши ўз самарасини беради, чунки ходимлар нарх-наво барқарорлашини кутадилар ҳамда иш ҳақи миқдори кўпайишига реал иш ҳақи ортиши сифатида қарайдилар².



Жон Мейнард Кейнс (ингл. John Maynard Keynes; 1883–1946)
– машҳур инглиз иқтисодчisi, иқтисодий назариянинг кейнсча йўналиши асосчиси.

Асосий асарлари:
The Economic Consequences of the Peace, 1919.
A Tract on Monetary Reform, 1923.
The End of laissez-faire, 1926.
A Treatise of Money, 1931.
General Theory of Employment, Interest and Money, 1936.

Ўзбекистонлик иқтисод фанлари доктори, профессор Н. Қ. Зокирова иш ҳақининг номинал хусусиятига қуйидагича таъриф берган: «Номинал иш ҳақи – ходимлар ўз меҳнатларига унинг миқдори ва сифатига қараб оладиган пул маблағларидир».

¹ Кейнс Ж. М. Общая теория занятости, процента и денег. –М.: Экономика. 1993. – С. 52-60.

² Фридман М. Методология позитивной экономической науки. Т2.- М.: Экономика, 1994 –С. 54-55.

Иш ҳақининг қомусий таърифи ҳам мавжуд: «Иш ҳақи – меҳнатга пул шаклида тўланадиган ҳақ; қийматнинг ўзгарган шакли, иш кучи ресурслари (таддим этилган меҳнат хизматининг) баҳоси»¹.

Халқаро меҳнат ташкилоти (ХМТ) ҳам иш ҳақига ўз таърифини берган. ХМТнинг 1949 йилги «Иш ҳақини муҳофаза қилиш тўғрисида»ги 95-Конвенциясида: «Иш ҳақи атамаси, номланиши ва ҳисоблаб чиқиш усулидан қатъи назар, пул шаклидаги ҳамда битим ёки миллий қонунчилик томонидан белгиланадиган ҳар қандай рағбатлантириш ёки ҳар қандай иш ҳақи бўлиб, уни тадбиркор бажарилган ёки бажарилиши керак бўлган меҳнат, ёки кўрсатилган ёхуд кўрсатилиши керак бўлган хизматлар учун тўлайди»², деб кўрсатилган.

Милтон Фридман (ингл. Milton Friedman; 1912–2006) – америкалик иқтисодчи олим, иқтисодиёт бўйича 1976 йилги Нобель мукофотининг лауреати.



Асосий асарлари:
 The Role of Monetary Policy. 1967
 Money and economic development, 1973
 Friedman M., Friedman R. Two Lucky People: Memoirs. - Chicago: The University of Chicago Press, 1998.

Иқтисодиёт фанида ҳозирги даврда иш ҳақи моҳияти бўйича жуда кўп, турлича таърифлар мавжуд бўлса-да, улар, асосан, тўрт маънони англатади:

- иш ҳақи – бу меҳнат қиймати;
- иш ҳақи – бу иш кучи қиймати;
- иш ҳақи – бу меҳнат баҳоси;
- иш ҳақи – бу иш кучи баҳоси.

Иқтисодий назариянинг классик, янги классик, маржинал ва монетар ўйналишлари илмий тадқиқотлари натижалари умумлаштириладиган бўлса, куйидаги хуносалар чиқарилиши мумкин:

1. Иқтисодиёт фани ушбу иқтисодий категорияга ёндашишининг дастлабки босқичларида иш ҳақи иш берувчининг ёлланма ходимга бажарган иши, кўрсатган хизмати учун тўлайдиган пул маблағи, деган тасаввур шаклланган. Аммо иш ҳақи даражаси ва унинг динамикаси, ходим меҳнати (хизмати)га тўланадиган ҳақ шакллари афзалликлари ва нуқсонлари бўйича назарий ва амалиётда яқдил қарашлар йўқ.

2. Иш ҳақи билан уни шакллантириш манбалари (яъни персонал, меҳнат жамоаси умумий меҳнат самарадорлиги) ўртасидаги бевосита боғлиқликнинг бозор иқтисодиётига таъсири, мулкчилик турли шакллари шароитидаги хусусиятлари янада чуқурроқ тадқиқ этилиши талаб қилинади.

¹ Ўзбекистон миллий энциклопедияси. 4-том.-Т. Ўзбекистон миллий энциклопедияси. 2002. – Б.308.

² Инсон ҳукуклари бўйича халқаро шартномалар. –Т: Адолат. 2004. -115 б.

3. Иш ҳақи истеъмолчилар даромадларининг нисбатан катта қисмини ташкил этади. Бу истеъмолга талаб миқдори ҳамда уларнинг нарх-наволари даражасига бевосита таъсир кўрсатади. Бундан иқтисодиёт тармоқларини ривожлантиришда иш ҳақининг рафбатлантирувчи хусусиятларини янада тўлароқ ва чуқурроқ ўрганиш ҳам жуда муҳим эканлиги келиб чиқади.

Умуманолганда, иш ҳақи, бир томондан, иш кучи такрор ҳосил қилиниши учун зарур бўлган ҳаётий воситалар фонди, иккинчи томондан, фойда келтиришни кафолатлайдиган иш кучини ёллаган иш берувчининг ҳаражатлари сифатида намоён бўлади. Шу сабабли иш ҳақи бир йўла ҳам ёлланма ходим даромади, ҳам иш берувчи ҳаражати сифатида намоён бўлади. Бу меҳнат муносабатларида бўлган томонлар манфаатлар зиддигини англатади (14.1-расм).



14.1-расм. Иш берувчи ва ёлланма ходим нуқтаи назаридан
иш ҳақининг моҳияти¹


Мазкур манфаатларни мувофиқлаштириш учун иш кучи қиймати (баҳоси) ни акс эттирадиган иш ҳақи ставкаси белгиланади. Унинг даражаси меҳнат бозори асосий субъектларининг иқтисодий манфаатлари предмети ҳамда бу манфаатлар узвий боғлиқ бўлишига хизмат қиласиган воситаси ҳисобланади.

Иқтисодиёт фанида иш ҳақининг ижтимоий-иктисодий функциялари ва уларнинг ўзгариши ҳам муҳим масалалардан биридир. Умуман, иш ҳақининг анъанавий икки: такрор ҳосил қилувчи ва рафбатлантирувчи функциялари ажратиб кўрсатилади ва асосланади. Бу таркиб топган икки назарий концепция – меҳнат қиймати назарияси ҳамда энг юксак фойда назариясига мос тушибади. Шу билан бирга замонавий тадқиқотчилар бозор иқтисодиёти шароитларида иш ҳақининг учтадан ўн учтагача функцияларини кўрсатадилар.

Иш ҳақи функцияларини таҳлил этиш уларни қуйидагича таснифлаш имконини беради (14.2-расм):

1. *Тақсимловчи функция.* У ходимнинг янгидан ҳосил қилинган маҳсулотдаги улушкини белгилашга хизмат қиласиди. Мазкур функцияда истеъмол жамғармасининг ёлланма ходимлари ва ишлаб чиқарувчи воситалар эгалари ўртасида тақсимланиши ўз ифодасини топади.

¹ Одегов Ю. Г., Руденко Г. Г. Бабинова Л. С. Экономика труда: Учебник. –М.: Альфа – пресс.2007. – С. 548.



14.2-расм. Иш ҳақининг функциялари

2. *Такрор ҳосил қилиши функцияси.* У иш кучини ижтимоий жиҳатдан нормал ҳисобланган даражада истеъмол этиш имконини берган ҳолда такрор ҳосил қилишни таъминлашга қаратилган. Такрор ҳосил қилиш функцияси бошқаларга нисбатан устувор ҳисобланди. Чунки ходимнинг асосий иш жойидаги иш ҳақи ўзи ва оиласи муносаб турмуш кечиришини таъминламаса, унда қўшимча маблағ топиш муаммоси туғилади. Бунинг учун иккинчи, учинчи жойдан иш қидириш ходимнинг меҳнат салоҳиятини емиради, касб малакасини пасайтиради, меҳнат ва ишлаб чиқариш интизомига путур етказади.

3. *Рағбатлантирувчи функция* тақсимлаш ва такрор ҳосил қилиш функцияларига боғлиқ бўлиб, ходим меҳнат мотивациясини кучайтириш – ишда фаоллик, ташаббус кўрсатиш, меҳнат унумдорлигини оширишга рағбатлантиради. Иш ҳақи даражасини ҳар бир ходимнинг меҳнатда эришган натижасига қараб белгилаш шу мақсадга хизмат қилади.

Иш ҳақи миқдорининг ходим меҳнат унумдорлигига узвий боғлиқ бўлмаслиги иш ҳақи асосига путур етказади, унинг рағбатлантирувчи функцияси самарадорлигини камайтиради, инсон ташаббускорлиги ва ғайрат-шижоатини бўғади.

Ходим юқори миқдорда иш ҳақи олиш учун ўз малакасини оширишдан манфаатдор бўлиши керак. Иш берувчи эса ўз корхонасида ишлаб чиқариш самарадорлигини ошириш, маҳсулот сифатини яхшилаш қобилиятига эга юқори малакали ходимни ишга ёллашдан манфаатдордир. Шунинг учун рағ-

батлантирувчи функция иш ҳақини ташкил этишнинг мәхнат натижаларига узвий боғлиқ тизимлари орқали амал қиласди.

4. *Ижтимоий функция* иш ҳақи ходимларни ижтимоий суғурталаш манбаси сифатида ходимни фақат мәхнатга лаёкатли давридагина эмас, шунингдек, пенсиядаги пайтида ҳам тиббий хизматдан фойдалана олиш имкониятини яратиши керак. Бу бозор муносабатлари шароитида ниҳоятда муҳимдир. Чунки мулкчиликнинг турли шаклларига асосланган иқтисодиётда ходимни ижтимоий жиҳатдан муҳофаза қилишни таъминлаш биргина давлатнинг эмас, айни вақтда иш берувчиларнинг ҳам вазифасидир.

5. *Харид талабини шакллантируvчи функция* иш ҳақининг харид талабига таъсири билан ажралиб туради. Иш ҳақи даражасини тартибга солиш бозорда товарлар ва хизматларга талаб билан таклифнинг оқилона нисбатини ўрнатиш мақсадига хизмат қиласди.

6. *Тартибга солиш функцияси* дейилганда, мәхнат русурсларини минтақалар, иқтисодиёт тармоқлари, хўжалик юритувчи субъектлар бўйича энг мақбул тарзда жойлаштирилиши тушунилади. Бунда иш ҳақи дифференцияланган ставкалар ўрнатиш орқали иш қучига талаб ва унинг таклифи мувозанати тартибга солинади. Ушбу функцияning таъсири натижасида мәхнат ресурсларини энг самарали равишда минтақа ва иқтисодиёт тармоқларига жойлаштириш таъминланади.

7. *Мақом функцияси* иш ҳақининг микдори ва хизмат лавозими ходим мақомига мос бўлишига асосланади. Мәхнат мақоми ходимнинг ҳам вертикал, ҳам горизонтал бўйича бошқа ходимларга нисбатан ўрнини белгилаб беради.

Мақом функцияси, энг аввало, ходимлар учун жуда муҳимдир. Улар бу функцияга асосланган ҳолда иш берувчидан касб малакалари, хизмат лавозимлари бўйича иқтисодиёт бошқа тармоқларидаги ҳамкасбларига белгиланган иш ҳақи даражаси ўрнатилишини асослаш имкониятига эга бўладилар.

Иш ҳақи функциялари мәхнат бозоридаги иш кучи талаби ва унинг таклифи билан узвий боғлиқдир. Мукаммал рақобат бозорида иш берувчилар томонидан ёлланадиган ходимлар сони икки кўрсаткич – реал иш ҳақи микдори (мәхнатга тўланган ҳақка харид қилиш мумкин бўлган моддий ва маънавий неъматлар) ҳамда иш кучи қиймати (пул шаклидаги) орқали белгиланади. Ёлланаётган ходимлар сони кўпайиб бориши билан иш кучи қиймати даражаси пасайиб боради (даромад камайиши қонуни). Қўшимча мәхнат бирлигини жалб этиш иш кучи қиймати даражаси иш қучига талаб микдорига тенглашганда тўхтайди.

Бундан мәхнатга талаб иш ҳақи микдорига тескари боғлиқ эканлиги ҳақидаги хулоса чиқади. Бошқа шарт-шароитлар бир хил бўлган ҳолда иш берувчи иш ҳақи микдори ўсиб боргани ҳолда мутаносибликни ушлаб туриш учун иш қучига талабни камайтиришга мажбурдир. Иш ҳақи микдори камайганда эса мәхнатга талаб ортади.

Мехнатга ҳақ тўлашда жуда кўп бошқа омилларни ҳисобга олишга тўғри келади. Улар қаторида:

а) иш ҳақи даражасининг давлат томонидан ҳам маъмурий, ҳам иқтисодий тартибга солиниши;

б) меҳнат бозори инфратузилмалари (иш билан, бандлик хизматлари, хусусий рекрутинг агентликлари);

в) йирик компанияларнинг ўз иш ҳақи тизимларига мослаштирилган ички меҳнат бозорлари;

г) тармоқларда иш ҳақи даражасига жиддий таъсир кўрсата оладиган касаба уюшмалар фаолиятларини ҳисобга олиш керак бўлади.

Давлат иш ҳақини энг кам иш ҳақини кафолатлаш, ходимлар айрим тоифаларига имтиёзлар бериш, соликлар орқали, иқтисодиётнинг давлат секторида иш ҳақи даражасини бевосита белгилаш орқали тартибга солади.

Умуман, иш ҳақи функцияларининг ижтимоий тақрор ишлаб чиқариш жараёнидаги аҳамияти ва роли давлатнинг бу соҳадаги сиёсатига боғлиқdir.

Таниқли иқтисодчи олим ва давлат арбоби *Л. Эрхард*нинг таърифи бўйича, ижтимоий бозор иқтисодиёти сиёсатини олиб борадиган давлат «бозор эркинлиги принципини ижтимоий мутаносиблик ҳамда умумий иш учун ҳар бир шахснинг маънавий масъулияти билан бирлаштиради»¹.



Людвиг Вильгельм Эрхард (нем. Ludwig Wilhelm Erhard 1897–1977) – немис иқтисодчиси ва сиёсий арбоби, 1963–1966-йилларда Германия Федератив Республикасининг федерал канцлери.

Асосий асари:

Благосостояние для всех. – М.: Дело, 2001.

Иш ҳақининг ўзаро узвий боғлиқ бўлган тақсимлаш ва ижтимоий функциялари, бир томондан, янги ҳосил қилинган маҳсулотдаги меҳнат баҳоси – иш ҳақи ва ижтимоий жамғармаларга ажратмалар, иккинчи томондан, олинган фойдани акс эттиради. Бунда ўзаро меҳнат муносабатларидағи ёлланма ходим ҳамда иш берувчи манфаатлари мамлакат ялпи ички маҳсулот ҳажмидағи иш ҳақи миқдори улушида намоён бўлади ҳамда давлат томонидан амалга оширилаётган ижтимоий сиёсатнинг асосий индикатори вазифасини ўтайди.

14.3. Мехнатга ҳақ тўлаш даражасини ўрнатишнинг бозор механизми

Мехнатга ҳақ тўлаш даражасини ўрнатишнинг бозор механизми меҳнат бозорида меҳнат ресурсларининг таклифи ва уларга талаб моҳиятидан келиб

¹ Эрхард Л. Благосостояние для всех. – М.: Дело. 2001. – С. 250.

чиқади. Бу масалада, энг аввало, мәхнат фаолиятини амалга ошириш бўйича шахснинг ўзи томонидан қабул қилинадиган қарор муҳимдир. У мәхнат қилиш ниятида бўлса, биринчи навбатда, қанча вақт ҳақ тўланадиган иш билан машғул бўлишини ва қанчасини бўш вақтига ажратиши ҳал этиши керак. Шахс ўз қарори асосида мәхнат бозорида иш берувчига ўз талабларини қўяди.

Шахснинг бўш вақтга талаби бошқа барча неъматлар каби қўйидаги учомилга боғлиқдир:

- 1) неъматларнинг муқобил чиқимлари;
- 2) шахснинг моддий фаровонлиги даражаси;

3) шахс томонидан нимани (ишлаш ёки бўш вақтга эга бўлиш) мақбултопиши.

Яъни, иш ҳақи масаласида шахс кўпроқ вақтини мәхнат фаолиятига ажратиб, кўпроқ даромад олиш ёки, аксинча, кўпроқ бўш вақтга ажратиб, ишлаб топиши мумкин бўлган даромаддан воз кечиш муамосини ҳал этиши зарур. Иқтисодий назарияда бу – даромад самараси ва алмаштириш самараси номини олган.

Даромад самараси мәхнат фаолиятини амалга оширишда бўш вақт иш ҳақининг миқдори ортишига қараганда манфаатлироқ бўлганда пайдо бўлади. Бундай ҳолат ходимнинг моддий фаровонлиги даражаси юқори бўлганда юзага келади. Шунинг учун иш ҳақи миқдори барқарор сақланиб турганда ходим даромади даражасининг ортиб бориши бу иш вақтининг қисқартилишига олиб келади. Аксинча, иш ҳақи миқдори барқарор сақланиб турганда ходим даромад даражасининг камайиб бориши иш вақтининг узайишига олиб келади. Шу сабабли, иш ҳақи даражасининг ўсиши иш билан бандликнинг ортишига хизмат қилмайди.

Алмаштириши самараси мәхнат фаолияти амалга оширилаётганида иш ҳақининг миқдори ортиб бориши бўш вақт кўп бўлишига қараганда манфаатлироқ бўлганда пайдо бўлади. Бу эса мәхнат фаолиятини амалга ошириш тўхтатилганида юз бериши мумкин. Маълумки, иш ҳақи ортиши билан мәхнат ресурсларининг таклифи хам кўпайиб боради. Даромаднинг юқори бўлиши мәхнат фаолиятини амалга ошириш учун манфаатдорликни кучайтиради. Аксинча, иш ҳақи миқдори барқарор сақланиб турганда ходим даромадининг даражаси камайиб бориши унинг мәхнат фаолиятини амалга ошириш учун манфаатдорлигини сусайтиради.

Юқоридаги ҳолатлардан даромад барқарор бўлганда иш вақти ва бўш вақт бир-бирини ўзаро алмаштириш имкониятини туғдириши ҳақида хulosса чиқариш мумкин.

Аммо иқтисодиёт назариясига кўра, ҳар бир ходим имкон қадар кўпроқ даромад топиш ва бўш вақтдан самарали фойдаланишга интилиш ниятида бўлади. Бироқ ходимнинг ресурслари чегараланган, шунинг учун у бу ресурслардан имкон қадар тўла фойдаланишга ҳаракат қиласди.

Мисол тариқасида кўрамиз: бир ходим соатига 3000 сўм иш ҳақи олиши мумкин. У ишлаш ва бўш вақт учун 16 соат ажратган. Агар ходим 16 соатнинг ҳаммасини бўш вақтга ажратса, унинг даромади нолга teng. Агар 16 соатнинг ҳаммасини ишга сарфласа, бир кунда 48 минг сўм даромадга эга бўлади.

Мехнатга ҳақ тўлашнинг бозор механизми бундай вазиятни қўйидагича ҳал этади. Ходим ҳам даромадга, ҳам бўш вақтига эга бўлиш учун 16 соатнинг (ухлашдан ташқари) 9 соатини меҳнат фаолиятига (тушликни ҳисобга олган ҳолда) ажратиб, 27 минг сўм даромад топиши ва 7 соатини бўш вақтга ажратиши энг мақбул ҳисобланади.

Шу билан бирга меҳнат бозорига ходимнинг ўз меҳнат ресурсини таклиф этишида оилавий шароитни ҳам ҳисобга олиш зарур. Иқтисодиётда оила ҳам ишлаб чиқариш, ҳам истеъмол қилиш жойи сифатида кўрилади. Ушбу ҳолатни соддалаштириш учун оиласда фақат бир неъмат – овқатланишини олиб кўрайлик. Оила аъзолари даромадларидан келиб чиқан ҳолда уйда ёки умумий овқатланиш шаҳобчасида овқатланишлари мумкин. Бунда умумий овқатланиш шаҳобчасида ёки уйда овқатланиш учун турлича маблағ ва вақт сарфланади. Агар ошхонада овқатланиш учун кўп пул ва кам вақт сарфланса, уйда овқатланиш учун кам харажат, бироқ маҳсулотларни харид қилиш ва таомларни тайёрлаш учун кўп вақт кетади.

Шундан келиб чиқсан ҳолда, ишлаб топилаётган даромад оиланинг уйда овқатланишини тақозо этса, ким даромад топишга, ким эса овқатни тайёрлашга мойиллиги масаласи пайдо бўлади. Ана шу масалада кимнинг меҳнати ишлаб чиқаришда, кимнику уй юмушларида самаралироқ эканлиги ҳал қилувчи аҳамиятга эга. АҚШда бу масалада эркак ва аёлларнинг меҳнат фаолияти ва бўш вақтига ажратадиган вақти статистикаси мавжуд (14.3-жадвал).

14.3-жадвал

АҚШда эркаклар ва аёлларнинг меҳнат фаолияти ва бўш вақтга ажратадиган вақти (ҳафтасига соат)

Фаолият турлари	Эркаклар	Аёллар
Ишлаб чиқаришда меҳнат фаолиятини амалга ошириш, шу жумладан, транспортга, ўриндошлиқ асосида ишлашга ва иш қидиришга сарфланадиган вақт	44,0	23,9
Уй юмушларига сарфланадиган вақт	13,8	30,5
Меҳнат фаолиятига сарфланадиган жами вақт	57,8	54,4
Бўш вақт	41,8	41,9
Ўзини парвариш қилишга, ухлашга ва хордик чиқаришга сарфланадиган вақт	68,2	71,2

Ушбу статистик маълумотлар ёлланиб ишлаш ва уй юмушларини бажариш учун эркаклар ва аёллар сарфлайдиган вақт ўртасида принципиал фарқ мавжудлигидан далолат беради. Ҳафта давомида эркакларнинг ёлланиб ишлаш учун сарфлайдиган вақти умумий вақтнинг 76,1% ини ташкил этган бўлса, аёлларда бу кўрсаткич атиги 43,9 % га teng бўлди. Бошқа кўрсаткичлар бўйича вақт сарфи эса эркаклар ва аёллар ўртасида деярли бир хил.

14.4. Мехнатга ҳақ тўлашни тартибга солиш

Бозор иқтисодиёти шароитларида меҳнатга ҳақ тўлашни тартибга солишнинг, асосан, уч тизими қарор топган:

1. *Мехнатга ҳақ тўлашини макродаражада – давлат томонидан тартибга солиниши.* Бу қонунчиликка асосланган ҳолда маъмурий йўллар, меҳнатга ҳақ тўлашнинг миқдори ва тўлаш тартибини назорат қилиш, бюджет ташкилотларида меҳнатга ҳақ тўлашни тартибга солиш орқали амалга оширилади. Меҳнатга ҳақ тўлашнинг давлат томонидан тартибга солишда энг кам миқдордаги иш ҳақини белгилаш марказий ўринни эгаллайди.

2. *Мехнатга ҳақ тўлашининг жамоа шартномалари асосида ташкил этилиши.* Бу ижтимоий шериклар – ёлланма ходимлар, иш берувчилар ҳамда уларнинг вакиллари (касаба уюшмалари, уюшмалар ва ҳоказолар) ўртасидаги ўзаро келишувга мувофиқ тартибга солинади.

3. *Мехнатга ҳақ тўлашининг корпоратив, бозор томонидан ўзини ўзи мувофиқлаштириши усуллари асосида ташкил этиши.* Бу хўжалик юритувчи субъектларда иш ҳақини иш кучи бозор баҳосининг ўзгариши билан боғлиқ ҳолда тартибга солиш усулидир.

Мехнатга ҳақ тўлашни ташкил этиш негизида миллий иқтисодиёт тармоқларининг ривожланиш даражаси ижтимоий ишлаб чиқаришнинг мулкчилик шакллари, давлатнинг меҳнатга ҳақ тўлашни тартибга солиш сиёсати ва бошқа кўпгина омиллар ётади. Уларни шартли равишда бозор омиллари, бозорга тааллуқли бўлмаган, ташқи ва ички омилларга ажратиш мумкин (14.3-расм).

Ўзбекистон Республикаси иқтисодиёт тармоқларидағи хўжалик юритувчи субъектларда меҳнатга ҳақ тўлашни ташкил этиш қуйидаги принципларга асосланади:

1. Иш ҳақи миқдори иш берувчи билан ходим ўртасидаги келишувга биноан белгиланади.

2. Иш ҳақи амалдаги қонун ҳужжатлари билан белгиланган энг кам миқдордан оз бўлиши мумкин эмас ва унинг энг кўп миқдори бирон бир тарзда чекланмайди.

3. Иш ҳақи шакл ва тизимлари, мукофотлар, қўшимча тўловлар, устамалар, рафбатлантириш тарзидаги тўловлар жамоа шартномаларида, шунингдек,

иш берувчи томонидан касаба уюшмаси кўймитаси ёки ходимларнинг бошқа вакиллик органи билан келишиб қабул қилинадиган бошқа локал ҳужжатларда белгиланади.



14.3-расм. Мехнатга ҳақ тўлашга таъсир кўрсатувчи омиллар

4. Иш ҳақи, қоида тариқасида, пул шаклида тўланади. Иш ҳақини натура шаклида тўлаш тақиқланади. Ўзбекистон Республикаси хукумати томонидан белгиланган ҳоллар бундан мустаснодир.

5. Бюджет ҳисобидан молиялаштириладиган муассаса ва ташкилотлар, давлат корхоналари ходимлари меҳнатига ҳақ тўлаш шартларининг энг кам даражаси қонун ҳужжатлари билан белгиланади.

6. Табиий иқлим ва турмуш шароитлари ноқулай бўлган жойларда иш ҳақига район коэффициентлари ва устамалар белгиланади. Чунончи, Ўзбекистон Республикаси Мехнат кодексининг 136–138-моддаларида меҳнат шароити ноқулай ва ўзига хос бўлган ишларда банд бўлган (шу жумладан, ўта зарарли ва ўта оғир меҳнат шароитда), оғир ва ноқулай табиий-иқлим ша-

роитларда иш бажараётган ходимларга Ўзбекистон Республикаси Ҳукумати томонидан белгилаб қўйиладиган тартибда пуллик қўшимча таътиллар берилиши кўрсатилган.

Шу билан бирга, корхоналар, ташкилотлар ва муассасалар ходимларининг иш ҳақига район коэффициентлари, чўл ва сувсиз, баланд тоғли жойларда ишлаганлик учун коэффициентларни қўллаш тартиби ҳам мавжуд. Бу коэффициентлар, жумладан, Қорақалпогистон Республикасида 1,1–1,3; Навоий вилоятида 1,2–1,6; Бухоро вилоятида 1,2–1,5; Тошкент вилоятида 1,2 ни ташкил этади.

7. Мехнат шартномаси тарафлари келишуви билан белгиланган иш ҳақи миқдори жамоа шартномаси ёки келишувда ўрнатилган миқдордан кам бўлиши мумкин эмас.

8. Иш ҳақи тўлаш якка шартларини ходим учун ноқулай томонга ўзгартиришга унинг розилигисиз (қонунда кўзда тутилган баъзи ҳоллар истисно этилган ҳолда) йўл қўйилмайди.

9. Иш вақтидан ташқари ишлар, дам олиш қунлари ва байрам қунларидағи ишлар учун камида икки ҳисса, тунги соатдаги ишнинг ҳар бир соати учун эса бир ярим бараварда иш ҳақи тўланади¹.

Юқорида қайд қилинган функцияларни амалга ошириш учун куйидаги энг муҳим тамойилларга риоя қилиниши зарур (14.4-расм):

1. Ишлаб чиқариш ва меҳнат самарадорлиги ортиб борган сари реал иш ҳақининг ортиб бориши. Бу тамойил эҳтиёжларнинг ортиши объектив иқтисодий қонуннинг амал қилиши билан боғлиқ бўлиб, мазкур қонунга мувофиқ эҳтиёжларнинг янада тўлароқ қондирилиши факат ўз меҳнати учун кўпроқ миқдорда моддий неъматлар ва хизматларга эга бўлиш имкониятлари кенгайган шароитдагина реал бўлади. Бироқ бундай имконият ишлаб чиқариш фаолияти натижалари билан, меҳнат самарадорлиги билан боғланиши лозим. Бундай боғланишининг йўқлиги эса, бир томондан, ишлаб топилмаган пулнинг берилишига, демак, инфляцияга, олинган номинал иш ҳақининг таъмин этилишига ва реал иш ҳақининг пасайишига, иккинчи томондан, пасайтирилган, меҳнат ҳиссасининг самарадорлигига мос келмайдиган номинал иш ҳақининг тўланишига олиб келиши мумкин. Натижада, ходимларнинг ортиб бораётган эҳтиёжларини қондириш ва иш ҳақини кўпайтириш имконияти бўлмайди.

2. Меҳнат унумдорлиги ўсишининг ўртача иш ҳақининг ўсиш суръатларидан илгариловчи суръатларини таъминлаш. Бу тамойилнинг моҳияти – ишлаб чиқаришни ривожлантириш ва унинг самарадорлигини ошириш асосида меҳнат даромадларини максимал даражага етказишдан иборат. Бу тамойилга риоя қилиниши жамғариш жараёнининг, кенгайтирилган ишлаб чиқариш-

¹ Ўзбекистон Республикасининг Мехнат кодексининг 153, 154, 155, 156, 157, 158-моддалари. <http://www.Lex.uz>

нинг узлуксизлигини тақозо этади ва корхонанинг ривожланиши ҳамда равнақ топишининг зарур шарти хисобланади.



14.4-расм. Мехнатга ҳақ тўлашнинг тамойиллари

3. Ходимнинг меҳнат хиссасига, меҳнат мазмуни ва шароитларига, корхона жойлашган минтақага, унинг қайси тармоққа мансублигига караб иш ҳақини табақалаштириш. Мазкур тамойил ходимнинг ўз меҳнат малакасидан, маҳсулотнинг юқори сифатли бўлишини таъминлашдан моддий манфаатдорлигини кучайтириш зарурлигига асосланган. Бунда иш кучини такрор ишлаб чиқариш учун зарур моддий неъматлар миқдоридаги, меҳнатнинг турли шароитларидаги, географик ва иқлим шароитларидаги тафовутлар ҳисобга олиниши лозим.

4. Тенг меҳнатга тенг иш ҳақи. Бу тамойил талаби – бозор шароитида ишловчининг жинси, ёши, миллий мансублиги ва ҳоказоларга қараб, унинг меҳнатига ҳақ тўлашда камситишга йўл қўймасликдир.

5. Мәхнатга ҳақ тўлашни давлат томонидан тартибга солиш.

6. Мәхнат бозорининг таъсирини ҳисобга олиш. Мәхнат бозори – бу шундай бир соҳаки, у ерда, пировард натижада, мәхнатнинг ҳар хил турларига баҳо бериш таркиб топади. Ҳар бир ходимнинг мәхнатига тўланадиган иш ҳақи унинг мәхнат бозоридаги мавқеи билан мустаҳкам боғлиқ бўлиб, мазкур бозордаги вазият, бундан ташқари, бандлик имкониятини ҳам белгилаб беради.

7. Мәхнатга ҳақ тўлаш шакллари ва тизимларининг оддийлиги, мантиқийлиги ва қулайлиги мәхнатга ҳақ тўлаш тизимларининг моҳияти ҳақида кенг хабардор бўлишни таъминлайди. Ходимда иш ҳақи ҳақида тушунарли ва ба-тафсил ахборот мавжуд бўлгандагина, у жон-дили билан берилиб мәхнат қиласди. Ходимлар қандай ҳолатда иш ҳақининг миқдори, яъни ўз моддий фаровонликлари даражаси ошишини аниқ тасаввур қилишлари лозим.

Хўжалик юритувчи субъектлардан иш ҳақини ташкил этишда кўп омилларни ҳисобга олиш талаб қилинади. Улардан энг муҳимларидан бири – иш берувчининг иш кучига сарф-харажатларидир.

Халқаро мәхнат ташкилотининг 160-Конвенциясида иш берувчиларнинг иш кучига сарф-харажатларини таснифлаш миллий стандартлари принциплари кўрсатиб берилган. Улар куйидагиларни кўзда тутади:

- бевосита иш ҳақи миқдори;
- ишламаган вақт учун тўлов;
- бир йўла мукофот ва рағбатлантиришлар;
- озиқ-овқат, ёқилғи ва бошқа натурал тарзда бериладиган нарсалар харажатлари;
- ходимларни тураг жой билан таъминлаш харажатлари;
- ходимларни ижтимоий муҳофаза қилиш учун харажатлар;
- ходимларни касбга ўқитиш, малакасини ошириш учун харажатлар;
- ходимларга маданий-маший хизмат кўрсатиш учун харажатлар.
- юқорида қайд этилган гурухларга кирмай қолган харажатлар;
- иш кучига харажатларга доир солиқлар¹.

Ёлланма ходим учун бажарган мәхнатига, кўрсатган хизматига берилган барча пул маблағлари иш ҳақи ҳисобланади. Аммо иш берувчига солиқ юкини камайтириш учун барча тўловларни мақбуллаштириш керак.

Мәхнатга ҳақ тўлашни ташкил этишнинг бюджет ташкилотлари ва нодавлат секторида ўзига хос хусусиятлари мавжуд (14.4-жадвал).

Бу нодавлат секторидаги иш берувчилар иш ҳақи шаклларини танлаш ҳамда мукофотлар, қўшимча тўловларни амалга оширишда мустақил эканликларига асосланади.

¹ Международная организация труда. Конвенция. Документы. Материалы. Справочное пособие. - М.:Дело-Сервис, 2007.

Бозор иқтисодиёти шароитида меҳнатга ҳақ тўлашни тартибга солишида жамоа келишувлари ва шартномалари катта аҳамиятга эга. Ўзбекистон Республикасининг Меҳнат кодексига мувофиқ, ижтимоий-меҳнат муносабатларини тартибга солиш мақсадида бош, тармоқ ва худудий (минтақавий) жамоа келишувлари тузилиши мумкин.

Бош келишув Ўзбекистон Касаба уюшмалари федерацияси Кенгаши, Савдо-саноат палатаси ва тарафларнинг таклифига кўра, Ўзбекистон Республикаси Вазирлар Маҳкамаси билан ҳам тузилиб, унда ижтимоий-меҳнат муносабатлари соҳасида келишиб сиёsat олиб боришнинг умумий принциплари белгилаб олинади.

14.4-жадвал

Бюджет ташкилотлари ва нодавлат секторида меҳнатга ҳақ тўлашни ташкил этиш

Кўрсаткичлар	Бюджет ташкилотларида	Нодавлат секторда
Иш ҳақи базавий (асосий) қисмини белгилаш	Ўзбекистон Республикаси Хукумати томонидан тасдиқланган Ягона тариф сеткаси асосида	Меҳнат бозоридаги талаб ва таклиф, меҳнат унумдорлиги асосида мустақил ишлаб чиқилади.
Меҳнатга ҳақ тўлаш модели ва тизимлари	Асосан ишбай ва вақтбай	Пировард меҳнат натижасига қараб эгилувчан модель ва тизимлар
Рағбатлантирувчи тўловлар (мукофотлар)	Фаолият асосий натижаларига кўра маҳсус манбалардан мукофотлар, йил якуни бўйича бир йўла мукофотлар, устамалар, қўшимча тўловлар	Корхона фаолияти пировард натижаларига ёки белгиланган мақсадга эришишга кўшган шахсий ҳиссаси учун мукофот, бонуслар, фойда ва капиталда иштирок этиш

Тармоқ келишувлари тегишли касаба уюшмалари (ходимларнинг бошқа вакиллик органлари) ва иш берувчилар (уларнинг бирлашмалари) ўртасида, тарафларнинг таклифига кўра эса Ўзбекистон Республикаси Бандлик ва меҳнат муносабатлари вазирлиги билан ҳам тузилиб, уларда ижтимоий-меҳнат муносабатларининг асосий йўналишлари, меҳнат фаолиятининг шартлари ва унга ҳақ тўлаш, тармоқ ходимларининг ижтимоий кафолатлари белгилаб қўйилади.

Ходимлар ва иш берувчи ўртасида тузиладиган *жамоа шартномаларида* хусусан:

- меҳнатга ҳақ тўлаш шакли, тизими, миқдори, пул мукофотлари, нафакалар, компенсациялар, қўшимча тўловлар;

- нархларнинг ўзгариб бориши, инфляция даражаси, жамоа шартномаси билан белгиланган кўрсаткичларни бажарилишига қараб меҳнатга ҳақ тўлашни тартибга солиш механизми;
- ишни таълим билан кўшиб олиб берувчи ходимлар учун имтиёзлар;
- ижтимоий ва мажбурий тарздаги тиббий ҳамда ижтимоий суғурта;
- иш берувчи томонидан ўз ходимларининг шахсий жамғариб борила-диган пенсия ҳисобварақларига қўшимча бадаллар киритиш миқдорлари ва муддатлари бўйича иш берувчи ва ходимларнинг ўзаро мажбуриятлари кири-тилиши мумкин¹.

Мехнатга ҳақ тўлашни ташкил этишда унинг ходимлар меҳнат мотиваци-ясини кучайтиришга хизмат қиласидан рағблантариувчи функцияси тўлиқ амал этиши долзарб вазифадир. Бу меҳнатга ҳақ тўлаш сиёсатини ижтимоий дастурлар, инфляция даражасини янада пасайтириш билан узвий боғлиқ ҳол-да олиб боришни талаб этади.

14.5. Мехнатга ҳақ тўлаш тизимлари

Мехнатга ҳақ тўлаш тизимлари – бу меҳнатнинг миқдор натижалари ва сифатига (унинг мураккаблиги, интенсивлиги, шарт-шароитларига) боғлиқ равишда иш ҳақини белгилаш механизмидир.

Мехнатга ҳақ тўлаш ишбай ва вақтбай тизимларидан иборат (14.5-расм).



14.5- расм. Мехнатга ҳақ тўлашнинг шакллари

Иш ҳақининг ишбай тизими вақт бирлиги ҳисобига бажарилган иш миқ-дори ёки маҳсулот бирлигини ишлаб чиқариш учун сарфланган меҳнатга ҳақ тўлашга асосланган. Мехнатга ҳақ тўлашнинг ишбай усулини қўллаш учун:

- меҳнатни нормалаш;
- меҳнат сарфини ҳисобга олиш;
- меҳнат натижасини ҳисобга олиш;
- меҳнат унумдорлигини аниқлаш талаб этилади.

¹ Ўзбекистон Республикасининг Мехнат Кодекси. 37,47-49-моддалар // <http://www.Lex.uz>.

Уларнинг ҳар бири ўз хусусиятлари, афзаллик ва камчиликларига эга¹.

Иш ҳақининг ишбай усулини:

- бевосита ишбай;
- ишбай-мукофотли;
- ишбай-прогрессив;
- билвосита ишбай;
- аккорд;
- аккорд-мукофотли шакллари тарзида ташкил этиш мумкин.

Бевосита ишбай шаклида иш ҳақи амалда бажарилган иш (кўрсатилган хизмат)га белгилаб қўйилган нормаларга мувофиқ ишлаб чиқилади:

$$\text{Ии} = \text{Би} (\text{Кх}) \times \text{Им},$$

бу ерда: Ии – ишбай иш ҳақи; Би (Кх) – бажарилган иш (кўрсатилган хизмат); Ин – ишбай нормаси.

Хўжалик юритувчи субъектларда меҳнатга ҳақ тўлашнинг *ишибай-мукофотли шакли* энг кўп қўлланилади. Иш ҳақининг бу шакли бевосита ишбай иш ҳақига бажарилган иш (кўрсатилган хизмат) сифати, тезкорлиги, мижозлар томонидан шикоятлар йўқлиги ва ҳоказоларга мукофот тўланишини назарда тутади.

Мехнатга ҳақ тўлашнинг *ишибай-прогрессив шаклида* иш ҳақи белгилаб қўйилган нормалар қанча кўп ошириб бажарилса, иш ҳақи шу микдорда прогрессив ошиб боради.

Мехнатга ҳақ тўлашнинг *бильвосита ишбай шакли*, одатда, ёрдамчи ишларни бажарувчи ходимлар – чилангурлар, созловчилар, таъмирловчилар, уста ёрдамчилари ва шу кабиларга иш ҳақи тўлашда қўлланилади. Бунда асосий ишлаб чиқариш ходимлари иш ҳақи фондининг муайян қисми бу ёрдамчи ходимларга ажратилади.

Иш ҳақининг *аккорд шакли*, асосан, қурилишларда қўлланилади. Бунда бажариладиган иш ҳажми учун аниқ иш ҳақи микдори белгилаб қўйилади. Иш ҳақининг аккордли-мукофотли шаклида белгиланган иш ҳажмини сифатли, муддатидан илгари бажарганилик учун мукофотлаш кўзда тутилади.

Вақтбай иши ҳақи тизими, одатда, ходим меҳнати иш натижаларини нормалаш ёки бажарилаётган иш микдорини хисоблаб чиқиш имконияти бўлмаган ҳолларда қўлланилади. Бунда ходим иш ҳақи у амалда ишлаган вақт бўйича тариф ставкасига асосланган ҳолда хисоблаб чиқилади.

Иш ҳақининг вақтбай тизими соатбай, кунбай, ойбай шаклида бўлиши мумкин. Ривожланган хорижий мамлакатларда ходимларга соатбай иш ҳақи тўлаш кенг тарқалган. Ўзбекистон Республикасида, асосан, вақтбай иш ҳақи тизимининг ойбай шакли қўлланилади.


¹ Р о ф е А. И. Экономика и социология труда: Учебник. -М.:КНОРУС, 2010.-С.349.

Бозор иқтисодиёти шароитида иш ҳақининг тариф, тарифсиз ва компенсация моделлари мавжуд (14.6-расм).

Иш ҳақи ташкил этишнинг *тариф модели* кўйидагиларга асосланган:

а) *мехнатни техник нормалари*. Бу муайян ишни бажариш (хизмат кўрса-тиш)га меҳнат сарфини объектив баҳолаш учун техник жиҳатдан асосланган меҳнат (вакт, ишлаб чиқариш, хизмат кўрсатиш, ходимлар сони) нормалари ўрнатиш жараёни бўлиб, иш ҳақини ҳисоблаб чиқишида қўлланилади;

б) *тариф тизими*. Бу турли тоифадаги ходимлар томонидан бажарилган иш (кўрсатилган хизмат)да объектив мавжуд бўлган фарқларни микдор жиҳатидан белгилаш учун қўлланиладиган нормативлар жамланмасидир.



14.6-расм. Иш ҳақининг модель ва тизимлари

Тариф тизими қуидаги таркибий қисмлардан иборат:

- тариф сеткаси;
- тариф ставкалари (мансаб маошлари);
- тариф коэффициентлари;
- тариф-малака маълумотлари.

Тариф сеткаси – меҳнатнинг мураккаблигига қараб иш ҳақи миқдорини дифференциялаш воситасидир. Унда ходимлар турли тоифалари учун тариф коэффициентларига мувофиқ иш ҳақлари нисбати акс этади. Ходимлар барча тоифалари учун ягона бўлган ҳамда ишчилар учун алоҳида разрядлар белгиланган тариф сеткалари мавжуд. Ўзбекистон Республикасида ҳозирги вақтда 1 дан 22 гача разряди бўлган ягона тариф сеткаси қабул қилинган (14.5-жадвал).

14.5-жадвал

Ўзбекистон Республикасида меҳнатга ҳақ тўлашнинг Ягона тариф сеткаси¹

Мехнатга ҳақ тўлаш разрядлари	Тариф коэффициентлари	Мехнатга ҳақ тўлаш разрядлари	Тариф коэффициентлари
1	2,476	12	6,115
2	2,725	13	6,503
3	2,998	14	6,893
4	3,927	15	7,292
5	3,612	16	7,697
6	3,941	17	8,106
7	4,284	18	8,522
8	4,640	19	8.(43)
9	4,997	20	9,371
10	5,362	21	9,804
11	5,733	22	10,240

Тариф сеткасидаги тариф коэффициентлари ҳар бир разряд бошқа разрядга нисбатан қанчалик катта ёки кичик эканлигини кўрсатади.

Тариф ставкаси (мансаб маоши) ҳодимнинг вақт бирлигига муайян мураккаблик (малака)даги меҳнат нормаси (хизмат вазифаси)ни бажарганлиги учун қатъий белгилаб қўйиладиган иш ҳақи миқдоридир. Биринчи разряд та-

¹ Ўзбекистон Республикаси Вазирлар Махкамасининг 2009 йил 21 июлдаги 206-сон «Мехнатга ҳақ тўлашнинг ягона тариф сеткасини янада такомиллаштириш тўғрисида»ги қарорига ўзгартришлар киришиш тўғрисидағи Қарори // Ўзбекистон Республикаси Қонун ҳужжатлари тўплами, 2009 йил, 30-31-сонлар, 344-модда; 2012 йил, 2-сон, 17-модда.

риф ставкаси энг осон (энг паст малакали) меҳнатга тўланадиган энг кам иш ҳақи миқдори ҳисобланади.

Ҳар қандай разрядли ходимнинг тариф ставкаси (мансаб маоши) қуидагича аниқланади:

$$TCn (MMn) = TC1 (MM1) \times TKn,$$

бу ерда: $TCn (MMn)$ – n-разрядли ходимнинг тариф ставкаси (мансаб маоши); $TC1 (MM1)$ – 1-разрядли ходимнинг тариф ставкаси (мансаб маоши); TKn – n-разрядга кўлланиладиган тариф коэффициенти.

Тариф-малака маълумотлари, одатда, ходимга кўйиладиган талаблар, ишлаб чиқариш хусусиятлари, янги иш турларига тариф белгилаш тартиби, мазкур маълумотга қўшимча ва ўзгартиришлар киритиш тартиби акс этган умумий қисм ҳамда малака тавсифи ва касбларнинг алифбо кўрсаткичларидан иборат бўлади.

Маълумотнинг малака тавсифи муайян разряддаги ишчи бажариши керак бўлган вазифалар кўрсатилган «Ишлар тавсифи», мазкур вазифаларни бажариш учун ишчи эгаллаши керак бўлган билим ва кўнимкамлар баён этилган «Билиши керак» ҳамда ишлаб чиқаришнинг муайян соҳаси учун намунашвилик ҳисобланган касб ва разрядлар бўйича ишлар рўйхати акс этган «Ишлар намуналари» бўлимларидан иборат. Маълумотда, шунингдек, касбларнинг алифбо кўрсаткичлари ҳам мавжуд.

Мехнатга ҳақ тўлашни ташкил этишнинг *тарифсиз модели* тариф ставкалари (мансаб маошлари)га асосланган. Бу модель асосан икки – тақсимлаш ва эгилувчан тизимлардан иборат.

Иш ҳақи тарифсиз моделининг тақсимлаш тизими меҳнатга ҳақ тўлаш фондини жамоа иш натижалариiga қараб шакллантириш ва уни ходимлар ўртасида ҳар бир ходим амалдаги малака даражаси коэффициенти бўйича тақсимлашга асосланган.

Мазкур тизимда ҳар бир ходимнинг иш ҳақи миқдори унинг бутун жамоа меҳнатига ҳақ тўлаш фондидағи улушига боғлиқ бўлади:

$$I\chi_x = \frac{Kx + I\chi\Phi}{K\psi},$$

бу ерда: $I\chi_x$ – ходимнинг иш ҳақи миқдори; Kx – ходим иш ҳақининг энг кам иш ҳақига нисбатини кўрсатувчи коэффициент; $K\psi$ – хўжалик юритувчи субъектда иш ҳақи миқдори нисбатининг ўртача коэффициенти; $I\chi\Phi$ – иш ҳақи фонди.

Тарифсиз модель тақсимлаш тизимидан қўлланиш учун қуидагилар талаб этилади:

- жамоа аъзоларининг пировард иш натижалари учун тўла масъуллиги;
- ходимларнинг малака даражасини объектив баҳолаш имконияти мавжудлиги;
- меҳнат қонунчилиги ҳамда ёлланма ходимлар ва иш берувчилар вакилари ўртасидаги битимга биноан энг кам иш ҳақи миқдорининг кафолатганилиги.

Ходимларнинг малака даражалари мазкур тизим амалиётга жорий этилиши пайтида амалда таркиб топган иш ҳақи миқдори нисбатидан келиб чиқсан ҳолда аниқланади:

$$\text{ИХ}\ddot{\text{y}} = \frac{Kx}{Ix_{\min}},$$

бу ерда: ИХ̄ – ўртача иш ҳақи миқдори; Ix_{\min} – шу даврда ходимнинг энг кам иш ҳақи миқдори.

Тариф моделининг эгилувчан тизими икки гурӯхга бўлинадиган коэффициентлар тизимига асосланади:

1. Бу гурӯхга ходимнинг иш стажи, малакаси, касбий маҳорати, корхона учун аҳамиятлиги хусусиятлари ҳисобга олинадиган коэффициентлар киради. Иш ҳақи миқдори асосий қисми – 60,0–70,0 % мазкур гурӯх малака коэффициентига тўғри келади.

2. Бу гурӯхга ходимнинг меҳнат унумдорлиги ҳамда унинг олдида турган вазифаларни ҳал этиши даражаси коэффициентлари киради. Иш ҳақи миқдорининг тегишли равища 30,0–40,0 % ушбу гурӯх улушига тўғри келади.

Иш ҳақини ташкил этишнинг компенсация модели персонални мукофотлашни бошқаришга бугунги кун талаблари асосида ёндашиш заруратини ифода этади (14.7-расм). У хўжалик юритувчи субъект персоналга тақдим этиши мумкин бўлган барча ташки мукофотлаш шаклларини қамраб олади.

Компенсациялар персоналга таъсир кўрсатиши бўйича бевосита ва билвосита бўлади. У хўжалик юритувчи субъект персоналга тақдим этиши мумкин бўлган барча ташки мукофотлаш шаклларини қамраб олади.

Компенсациялар бевосита ва билвосита бўлади. Бевосита компенсациялар асосий иш ҳақи, мукофотларнинг барча турлари, бир йўла мукофотларнинг барча турлари, бир йўла мукофотлар, рағбатлантирувчи устамалардан иборат.

Ходимларни давлат ёки жамоат вазифаларини бажариши, шунингдек, жамият манфаатларига доир ҳаракатлар қилиши билан боғлиқ кафолатли тўловларни пул билан таъминлаш манбалари ва бу тўловларни амалга ошириш тартиби Ўзбекистон Республикаси Ҳукумати томонидан белгиланади.



14.7-расм. Компенсация модели

Компенсация моделидаги ижтимоий муҳофаза иш берувчи томонидан ходимга олинган фойда хисобидан мамлакат қонунчилигига белгиланган қўшимча тўлов ва имтиёзларни кўзда тутади. Қўшимча тиббий ва пенсия суғурталари, умр суғуртаси, шунингдек, ходимларнинг транспорт харажатлари, овқатланишлари, коммунал хизматлар учун тўловларини, фарзандларини тарбиялаш ва ўқитиш харажатларини ва ҳоказоларни қоплаш шулар жумласидандир.

Компенсация моделидаги фойда ва капиталда иштирок этиш персоналга фойда хисобидан ажратмалар, акциялар учун дивидендлар тўлашни назарда тутади.

14.6. Энг кам иш ҳақи

Энг кам иш ҳақи миқдорини белгилаш давлат томонидан иш ҳақини тартибга солишининг асосий усусларидан бири ҳисобланади. Кўпгина иқтисодчи олимлар фикрига кўра, бу қашшоқликка қарши курашда ижтимоий таъминотнинг турли шакллари (озик-овқат ва тиббий хизмат кўрсатиш учун талонлар

бериш, камбағалларга муниципал турар жойлар қуриш ва ҳоказолар)га қарағанда самаралироқдир.

Энг кам иш ҳақига доир назариялар мәхнат бозоридаги вазият билан бевосита боғлиқ. Жумладан, АҚШлик иқтисодчи олим Ж. Стиглиц биринчі бўлиб энг кам иш ҳақи рақобатли мәхнат бозорида мажбурий ишсизликни келтириб чиқариши мумкинлиги тўғрисидаги хulosага келган.



Жозеф Южин Стиглиц (ингл. Joseph Stiglitz; 1943 йилда туғилган) – америкалик иқтисодчи, Колумбия университетининг профессори, иқтисодиёт бўйича 2001 йилги Нобель мукофотининг лауреати.

Асосий асарлари:

Equilibrium in competitive Markets ... imperfect, 1976.

Equilibrium in Product Markets with Imperfect Information, 1979.

Credit Rationing in Markets with Imperfect Information by Stiglitz and Weiss, 1981.

Incentive Effects of Terminations: Applications to the Credit and Labor Markets, 1983.

A Symposium Issue on Imperfect Information and Rural Credit Markets, 1990.

Рақобатли мәхнат бозорида энг кам иш ҳақи жорий этилмаган ҳолларда иш кучига талаб ва унинг таклифи мувозанати сақланиб туради. Энг кам иш ҳақи миқдори жорий этилгандан сўнг эса бу мувозанат бузилади. Шундай қилиб, энг кам иш ҳақи жорий этилиши ишсизлар сонининг қўпайишига сабаб бўллади.

Аммо амалиётда ҳамиша ҳам шундай бўлавермайди. Бунинг ҳам илмий асослари мавжуд. Энг аввало, энг кам иш ҳақи ҳеч қачон бутун мәхнат бозорига таъсир кўрсата олмайди. Яъни у бирламчи мәхнат бозорида амал қилса, иккиласмчисига у қадар таъсир кўрсата олмайди. Бу ҳамиша ҳам энг кам иш ҳақи тўғрисидаги меъёрий ҳужжатларга риоя этмаслик билан бевосита боғлиқ эмас. Айтайлик, ходим шартнома тузилмасдан вақтинчалик ёки мавсумий ишга олинини мумкин.

О. Ашенфельтер ва Р. Смит энг кам иш ҳақи жорий этилиши билан иш билан бандлик даражаси сезиларли даражада пасайишига доир ўз талқинларини берганлар. У энг кам иш ҳақи қонунини бузувчи камситувчи ёллаш модели номини олган. Уларнинг хулосасига кўра, агар иш берувчилар ёлланма ходимларга қонунда белгиланган энг кам иш ҳақидан кам иш ҳақи тўлайдиган бўлсалар, жаримага тортилишлари мумкин. Бу жарима миқдори (таваккалчилик омили) иш ҳақига ўзига хос солиқ вазифасини ўтаб, иш кучига талабни камайтиради. Аммо ходимларнинг бир қисми ишлашни давом эттираётган-

ликлари сабабли иш билан бандлик даражаси кескин пасаймайды. Ишга янги ёлланғанлар эса тобора камроқ иш ҳақи оладилар.

Айнан шу – бир ҳил иш учун турлича иш ҳақи тұланиши камситувчи ёллаш моделидир. Пировард натижа – иш билан бандликнинг пасайиши энг кам иш ҳақи тұғрисидаги қонунни бузаётган иш берувчига солинадиган жарима миқдори ҳамда мәхнат бозоридаги иш кучига талаб ва унинг таклифига боғлиқ бўлади.

Мәхнат бозорида мукаммал ракобат, одатда, қоида эмас, балки истиснодир. Кўпгина мәхнат бозорлари учун мукаммал бўлмаган ракобат хосдир. Унинг энг мукаммал бўлмаган шакли иқтисодиёт фанида *монопсония модели* деб номланади. Бу кўпроқ бирор шахар ёки тумандаги мәхнатта лаёқатли аҳоли асосий қисми учун иш жойи мавжуд бўлган яккаю ягона корхона билан боғлиқ. Яъни шаҳарни ташкил этувчи деб аталадиган бундай йирик монопол корхона маҳаллий мәхнат бозорида ҳам амалда ягона харидор сифатида иш кўради. Шунинг учун у иш ҳақи даражасига ҳам таъсир кўрсата олади. Монопол корхона ишга ёллашни камайтириб, ёлланма ходимлар ўртасида рақобатни кучайтиради ҳамда иш ҳақи даражасини пасайтиришга муваффак бўлади¹.

Халқаро мәхнат ташкилотининг 1970 йилги 131-сонли Энг кам иш ҳақини ривожланаётган давлатларни алоҳида ҳисобга олган ҳолда ўрнатиш тұғрисидаги конвенциясида аъзо мамлакатлар улардаги мәхнат шароитлари ана шундай тизимни қўллаш мақсадга мувофиқ бўлса, ёлланниб ишлайдиган барча ходимларни қамраб оладиган энг кам иш ҳақи тизимини жорий этиш мажбуриятини олишлари кўрсатилган. Бунда энг кам иш ҳақи қонун кучига эгалиги ва камайтирилиши мумкин эмаслиги таъкидланган².

Умуман олганда, энг кам иш ҳақи ходимнинг бир ой давомида белгиланган иш вақтида белгиланган мәхнат нормаси (мәхнат мажбурияти) учун олиши керак бўлган энг кам миқдордаги иш ҳақидир. Бирлашган Миллатлар Ташкилоти белгилаб қўйган меъёрларга кўра, энг кам иш ҳақи соатига 3 АҚШ долларидан кам бўлмаслиги керак. Бу даражадаги энг кам иш ҳақи харид қобилияти бўйича бир ойда 10 минг киловатт/соат электр қуввати нархини тұлашга ёки 600 килограмм нон сотиб олишга етарли бўлиши керак.

Энг кам иш ҳақи миқдори тұғрисидаги биринчи қонун Австралияда 1894 йилда, сўнг Янги Зеландияда (1896 йил) қабул қилинган. 1909 йилда улар қаторига Буюк Британия қўшилди. Энг кам иш ҳақи тұғрисида Австрия, Бельгия, Германия, Норвегия, Франция, Чехославакияда қабул қилинган қонунлар, асосан, уй хизматкорларини ижтимоий ҳимоя қилишга қаратилган эди³.

¹ Ashenfelter O., Smith R. CompLiance with the Minimum Law Journal of Political Economy. 1979. –р.333.

² Конвенция МОТ № 131 Об установлении минимальной заработной платы с особым учетом развивающихся стран // <http://www.ilo.org/ilolex/russian/docs/conv131.htm>

³ Мазин А.Л. Экономика труда: Учебное пособие. –М.: ЮНИТИ – ДАНЛ. 2007. –с. 272.

II жаҳон урушидан сўнг жаҳонда энг кам иш ҳақидаги қонунларнинг амал қилиш доираси сезиларли даражада кенгайди (14.6-жадвал). Францияда 1950 йилда қабул қилинган Иш ҳақининг касблараро кафолатланган энг кам иш ҳақи тўғрисидаги қонун амалда барча ходимларни қамраб олди.

14.6-жадвал

Хорижий мамлакатларда энг кам иш ҳақининг белгиланиши¹

Мамлакат	Белгилаш мақсади ва шакли	Иш ҳақи энг кам миқдори (соатига АҚШ доллари хисобида)	Ўртача иш ҳақига нисбатан % ҳисобида
Австралия	Иқтисодиёт катор тармоқларида энг кам иш ҳақи миқдорини сақлаш учун (ҳафталик)	6,65	54,0
Бельгия	Миллий жамоа битимиға мувоғик	6,40	50,0
Франция	Миллий даражада (соатлик)	5,56	57,0
Япония	Ҳар бир префектура учун (соатлик ва кунлик)	3,38	31,0
Голландия	Миллий даражада (кунлик, ҳафталик, ойлик)	6,0	49,0
Испания	Миллий даражада (ойлик)	2,94	32,0
АҚШ	Федерал ва штатлар даражасида (соатлик)	5,15	38,0
Буюк Британия	Миллий даражада (соатлик)	5,44	44,0

Бу мамлакатларда энг кам иш ҳақи миқдори ҳар йили Жамоа музокаралари бўйича миллий комиссия (унинг таркибига ёлланма ходимлар ва иш берувчилардан 16 тадан, уй хўжалиги ассоциациялари ва ҳукуматдан 3 тадан вакил – жами 38 аъзо киради) билан тегишли битим имзолангандан сўнг қабул килинади. Бунда энг кам иш ҳақи миқдори истеъмол товарлари ва хизматлар нархлари миллий индексига биноан белгиланади.

АҚШда энг кам иш ҳақи миқдори умумфедерал ҳамда штатлар даражасида белгиланиш тартиби мавжуд. Бунда энг кам иш ҳақининг миқдори ўртача иш ҳақининг 35,0–50,0 % ини ташкил этади. Ушбу даражадаги энг кам иш ҳақи ходим ва унинг оиласи аъзоларидан уч нафарининг ижтимоий таъминот

¹ Metcalf D. The British National Minimum Wage // British Journal of Industrial Relations. 1999. Vol 37. p 171.

бўйича маъмурият томонидан белгилаб берилган камбағаллик даражасидан юқорироқ турмуш кечиришини таъминлаши кўзда тутилган.

АҚШда энг кам иш ҳақи миқдори штатлар бўйича фарқ қиласди. Масалан, Аляскада унинг миқдори соатига 7,0 доллар (бу федерал даражада белгиланидан 1,85 доллар ортиқдир), авиакосмик ва автомобиль саноати марказлари ҳисобланган Хьюстон ва Детройтда эса 11,0–12,0 долларни ташкил этади. Мамлакатнинг 11 та штатида эса энг кам иш ҳақи миқдори федерал даражадагидан паст белгиланган.

Америка Кўшма Штатлари эксперталарининг таҳлиллари энг кам иш ҳақи миқдорининг ўсиши малакали ходимлар учун манфаатли бўлгани ҳолда (чунки, энг кам иш ҳақи ўзгарганида мәхнатга ҳақ тўлаш ставкаси тўлалигича қайта кўриб чиқлади), малакасиз иш кучи бозорига салбий таъсир кўрсатади. Шунинг учун, АҚШда қабул қилинган «Ишга адолатли ёллаш тўғрисида»ги қонунда ишни таълим олиш билан қўшиб олиб борадиган ёшларга энг кам иш ҳақи миқдорини умумиллий даражанинг 75,0 % миқдорида белгилаш, ногиронлар учун эса улар мәхнат унумдорлигига қараб камайтирилган ставкаларни қўллаш кўзда тутилган.

Японияда энг кам иш ҳақи Иш ҳақи бўйича марказий ва 47 та префектура кенгашлари (улар таркибига ёлланма ходимлар, иш берувчилар ва уларнинг вакиллари киради) томонидан қабул қилинади.

Жаҳондаги турли давлатларнинг тажрибаси энг кам иш ҳақи ўрнатилишининг ҳам ижобий, ҳам салбий томонлари мавжудлигидан далолат беради (14.7-жадвал).

АҚШда олиб борилган тадқиқотлар энг кам иш ҳақи миқдори ўрнатилган штатларда компанияларнинг ҳар йиллик ва ўртача иш ҳақи фонди, шунингдек, иш билан бандлик даражаси тезроқ ортганидан далолат берган¹. Аммо Буюк Британия бозорининг таҳлили миллий иқтисодиётнинг энг кам иш ҳақи тартибга солинадиган тармоқларида нархлар тезроқ ортаётганлигини кўрсатди².

Иш ҳақи даражасининг пасайиши, аҳолининг мәхнат фаолиятидан оладиган даромадларида иш ҳақи улушининг камайиши иш ҳақининг ўз иқтисодий функцияларини бажариш имкониятларини кескин чегаралаб қўяди. Бунинг оқибатида иш ҳақи миқдори ходим ва унинг оиласи аъзолари турмуш даражасига салбий таъсир кўрсатади, иш кучини такрор ҳосил қилишни таъминлай олмайди, ходимни эса юқори унум билан мәхнат қилишга рафбатлантируй қўяди.

¹ Fiscal Policy Institute, «States with Minimum Wages Above the Federal Level have had Faster Small Business and Retail Job Growth», March 30, 2006.

² Wadsworth, Jonathan Did the National Minimum Wage Affect UK Prices (September 2009). Low Pay Commission (2005).

14.7-жадвал

Энг кам иш ҳақи ўрнатилишининг афзалликлари ва камчиликлари

Энг кам иш ҳақи ўрнатилишининг афзалликлари	Энг кам иш ҳақи ўрнатилишининг камчиликлари
Аҳолининг ночор қисми турмуш кечириши имкониятларини кенгайтиради ва ўртача турмуш даражасини оширади.	Энг кам иш ҳақи меҳнат бозорида ракобатни сусайтиради, ишсизликка, нархларнинг кўтарилишига, ишсизликнинг ортишига сабаб бўлади.
Иш берувчиларни ижтимоий дастурлар ва шу каби тўловларга нисбатан самаралироқ фаолият олиб бориш мотивациясини кучайтиради ва рағбатлантиради.	Йирик корхоналарга нисбатан кичик бизнесга кўпроқ зарар келтиради.
Аҳолининг ночор қисми пул даромаларини кўпайтириш орқали истеъмолни, демак, иктисадий ўсишни ҳам рағбатлантиради.	Иш берувчилар иш вақтини камайтиришлари ёки иш жойларини қискартиришлари туфайли иш кучига талабни камайтиради.
Иш ҳақи кам бўлган ходимларни ўз меҳнат унумдорлигини оширишга рағбатлантиради, чунки иш берувчи самаралироқ меҳнатта юқорироқ иш ҳақи тўлайди.	Иш берувчилар ортиқча чиқимларини маҳсулот таннархига қўшишлари сабабли инфляция даражаси ортади.
Иш берувчилар қўнимсизлик камайиши туфайли ходимларни малакасини ошириш учун харажатларини тежайди.	Меҳнатга лаёқатли аҳолининг айрим гурухларини меҳнат бозоридан чиқариб юборади.
Аҳолининг ночор қатлами даромадлари ортиши туфайли давлатнинг ижтимоий химоя учун сарфлайдиган маблағлари камаяди.	Аҳолининг ночор қисми иш билан банд бўлиши кафотланиши туфайли уларнинг ўз малакасини ошириш мотивациясини пасайтиради.

Ўзбекистон Республикасининг амалдаги қонунчилигида ходимга бу даражадан кам миқдорда иш ҳақи тўлашга йўл қўйилмаслиги белгилаб қўйилган. Мамлакатда энг кам иш ҳақи миқдори 1992 йилдан жорий этилган (14.8-расм).

2018 йил 01 ноябрдан эътиборан, Ўзбекистонда энг кам иш ҳақи миқдори 202 730 сўм қилиб белгиланди. Иш ҳақига қўшилган устама ва қўшимча ҳақларнинг барча турлари, энг кам иш ҳақига нисбатан белгиланган компенсация ва бошқа тўловлар энг кам иш ҳақи миқдоридан келиб чиқсан ҳолда амалга оширилади¹.

¹ Ўзбекистон Республикаси Президентининг 2018 йил 13 октябрдаги «Иш ҳақи, пенсиялар, стипендиялар ва нафақалар миқдорини ошириш тўғрисида»ги фармони // Халқ сўзи, 2018 йил 16 октябрь.



14.8-расм. Ўзбекистонда миллий валюта – сўм жорий этилгандан кейин энг кам иш ҳаки миқдори ортиши динамикаси

Мехнатга ҳақ тўлаш ягона тариф сеткасининг қуий разрядлари тариф коэффициентларини ўртача 10 % га, шу жумладан, 1-разряд бўйича 15 % га, 2-разряд бўйича 10 % га ва 3-разряд бўйича 5 % га ошириш орқали меҳнатига кам ҳақ тўланадиган ходимларнинг иш ҳаки миқдорининг жадал равишда оширилишини кўзда тутган ҳолда 2019 йил 1 январдан Мехнатга ҳақ тўлашнинг ягона тариф сеткаси қайта кўриб чиқилади.

Ўзбекистон Республикаси Давлат бюджети ҳисобидан сақланадиган ташкilotларда иш билан банд бўлган ходимлар меҳнатига ҳақ тўлашга доир разрядлар қайта кўриб чиқилади ва 2019 йил 1 январидан уларнинг янгиланганлари жорий этилмоқда.

Энг кам иш ҳаки миқдорига турли қўшимча тўловлар, устамалар, мукофотлар, компенсация ҳамда ижтимоий, район коэффициентлари ва ҳоказолар қўшилмайди.

14.7. «Истеъмол саватчаси» тушунчаси

Ўзбекистон Республикасининг Президенти Ш. Мирзиёев «Биз илгор хорижий тажриба асосида аҳолининг муносиб ҳаёт даражаси учун зарур бўлган даромадларни аниқлаш бўйича «истеъмол саватчаси» тушунчасини қонунчи-

ликда мустаҳкамлаш ва уни амалда таъминлаш механизмларини яратишимииз лозим», деб таъкидлаган¹.

«Истеъмол саватчаси» – бу алоҳида шахс ёки оила томонидан бир ой ёки йил давомида истеъмол қилинадиган маҳсулотлари ва фойдаланадиган хизматлари турлари ва миқдорининг ҳисоб-китоб қилинган тўпламидир. Жаҳоннинг ривожланган давлатларида «истеъмол саватчаси» инсоннинг тирикчилик кечириш учун зарур бўлган энг кам миқдорини аниқлаш учун фойдаланилади. У, шунингдек, ҳар бир мамлакат валютаси харид қобилиятини аниқлаш учун асос ҳам бўлади.

Истеъмол саватчаси турли мамлакатларда турлича ҳисоблаб чиқилади. Бунда турмуш кечириш даражаси, товарлар ва хизматларнинг амалдаги истеъмоли ва уларнинг нархлари, уй хўжаликларининг даромади, мамлакатда ижтимоий-иктисодий ривожланиш даражаси ва бошқа қатор омиллар ҳисобга олинади.

Халқаро амалиётда «истеъмол саватчаси»нинг бир неча тури мавжуд:

1. «Тирикчилик ўтказиши учун энг кам миқдордаги истеъмол саватчаси» – инсоннинг ўзининг асосий ижтимоий функцияларини бажариш учун зарур бўлган озиқ-овқат ва ноозиқ-овқат маҳсулотлари ҳамда хизматларини истеъмол қилишининг энг кам миқдори тўплами.

2. «Амалдаги истеъмол саватчаси» – аҳоли ёки алоҳида ижтимоий-демографик гурухлар томонидан амалда истеъмол қилинадиган товарлар ва хизматлар тўплами.

3. «Оқилона бюджетнинг истеъмол саватчаси» – илмий асосланган нормалар ҳамда инсоннинг оқилона эҳтиёжларини қондирадиган нормативларга мувофиқ истеъмол қилинадиган товарлар ва хизматлар билан таъминланганлик даражаси.

Ҳар бир давлат ўзининг ижтимоий сиёсати ва иқтисодий имкониятларидан келиб чиқкан ҳолда, «истеъмол саватчаси»нинг тегишли турини ижтимоий норма сифатида белгилайди. Жаҳондаги ривожланган давлатлар тажрибаси ҳисобга олинадиган бўлса, ижтимоий сиёсатни амалга оширишнинг ижтимоий нормативлари сифатида, асосан, тирикчилик ўтказиши учун энг кам миқдордаги ва оқилона бюджетнинг «истеъмол саватчаси»дан фойдаланилади (14.8-жадвал).

Масалан, АҚШда аҳоли жон боши учун истеъмол нормалари ўртача иш ҳақи даражаси бўйича ҳисоблаб чиқилади. Ҳозирги вақтда бу миқдор иш тартиби 8 соатлик 5 иш кунида ҳафтасида бир йил учун 15 080 доллар миқдорида белгиланган.

¹ Ўзбекистон Республикаси Президенти Ш. Мирзиёевнинг Олий Мажлисга Мурожаатномаси // Халқ сўзи, 2017 йил 23 декабрь.

14.8-жадвал

**Европа Иттифоқига аъзо ривожланган давлатларда 2018 йилга
белгиланган тирикчилик ўтказиш учун энг кам миқдордаги ҳар ойлик
даромад миқдори¹**

Ўрин	Мамлакат	Энг кам миқдордаги даромад миқдори, еврор
1	Люксембург	2000
2	Франция	1254
3	Германия	1240
4	Финляндия	1170
5	Буюк Британия	1087
6	Голландия	1080
7	Бельгия	1030
8	Австрия	1010
9	Италия	855
10	Испания	645

Тирикчилик ўтказиш учун энг кам миқдор аҳоли ойлик даромадининг таҳминан 60 % ини ташкил этади. Бу мамлакатларда ҳар ойда 800–900 доллар даромадга эга бўлган шахс дарҳол давлатдан ижтимоий ёрдам олади.

АҚШда «истеъмол саватчаси» тушунчасидан, аслида, фойдаланилмайди. Ушбу мамлакатда ҳар бир штатда яшайдиган аҳоли жон боши учун зарур товарлар ва хизматларнинг тўплами белгиланади. Умуман, бу ҳисоб-китобларни амалга оширишда шахснинг «истеъмол саватчаси» тўплами 300 га яқин турни қамраб олади. Уларнинг салмоқли қисмини озиқ-овқат маҳсулотлари ташкил этади.

Шу билан бирга АҚШда Қишлоқ хўжалиги вазирлиги томонидан тузиладиган «Озиқ-овқат режаси» («Food Plan») тушунчаси мавжуд. У тўрт: тежамкор, қуий, ўрта ва эркин турларга бўлинади. Бунда тежамкор режа кўрсаткичлари кам таъминланган аҳолига озиқ-овқат талонлари беришга асос бўладиган дастур учун ҳисоблаб чиқилади.

Германияда истеъмол саватчаси мамлакатнинг Федерал статистика идораси томонидан ишлаб чиқилади. 2018 йилда у 750 турдаги товар ва хизматларни қамраб олган. Федерал статистика идораси мутахассислари мамлакат аҳолисининг истеъмол эҳтиёjlари ўзгаришига қўра, ушбу саватчага кирити-

¹ Прожиточный минимум в странах мира // <http://visasam.ru/emigration/vybor/prozhitochniy-minimum-v-mire.html>

ладиган товарлар ва хизматларни муттасил янгилаб боради. Бунда мамлакатда Европа Иттифоқида ўрнатилган стандартлар хисобга олинади. Масалан, «истеъмол саватчаси»га фарзандни болалар боғчасида тарбиялаш, беморларни парвариш қилиш, кекса ёлғиз шахслар ва ногиронларни давлат қарамоғига олиш учун харажатлар, ҳатто озиқ-овқат маҳсулотларини хонадонларга етказиб бериш нархи ҳам киради.

Мустақил Давлатлар Ҳамдўстлиги мамлакатларида ҳам «истеъмол саватчаси»ни белгилаш тажрибаси мавжуд. Россия Федерациясида 2012 йилда янги таҳрирдаги «Россия Федерацияси бўйича “истеъмол саватчаси” тўғрисида»ги қонун қабул қилинган. Ушбу ҳужжатда аҳоли жон бошига йилига энг кам озиқ-овқат маҳсулотларининг турлари ва миқдорлари ахолининг учтоифаси: меҳнатга лаёқатли шахслар, пенсионерлар ва болалар учун белгилаб кўйилган (14.9-жадвал).

Россияда «истеъмол саватчаси» ҳар 5 йилда қайта кўриб чиқилади. «Истеъмол саватчаси»да озиқ-овқат маҳсулотлари унинг ярми – 50 % ини, ноозик-овқат товарлари – 25 % ини, хизматлар ҳам 25 % ни ташкил этади.

Қозоғистонда ҳам «истеъмол саватчаси» тушунчаси кўлланилади. У озиқ-овқат маҳсулотлари истеъмолининг илмий асосланган физиологик нормалари бўйича ҳисоблаб чиқилади. Ноозик-овқат товарлари ва хизматларга харажатларнинг қатъий белгиланган улуши энг кам «истеъмол саватчаси» қийматининг 45 % миқдорида белгиланади. Яъни, қозоғистонликларнинг «истеъмол саватчаси»даги озиқ-овқат маҳсулотлари улуши 55 % ни ташкил этади¹.

2017–2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Фаол тадбиркорлик, инновацион ғоялар ва технологияларни кўллаб-қувватлаш йили»да амалга оширишга оид Давлат дастурида халқимизнинг муносаб ҳаёт кечириши учун зарур бўлган даромадларни аниқлаш бўйича «истеъмол саватчаси»га оид муносабатларни хуқуқий тартибга солиш назарда тутилган².

«Истеъмол саватчаси»га оид норматив-хуқуқий асосларни ишлаб чиқишига Ўзбекистон Республикаси Иқтисодиёт, Молия, Бандлик ва меҳнат муносабатлари ва Инновацион ривожланиш вазирликлари, шунингдек, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари жалб қилинган.

¹ МДҲ мамлакатларидағи истеъмол саватчаси ва тирикчилик учун зарур энг кам миқдор // https://www.norma.uz/uz/bizning_sharhlari/istemol_savatchasi_va_tirikchilik_uchun_zarur_eng_kam_miqdor_tuzish_chogida_nimalar_hisobga_olinadi

² Ўзбекистон Республикаси Президентининг 2018 йил 22 январдаги «2017-2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Фаол тадбиркорлик, инновацион ғоялар ва технологияларни кўллаб-қувватлаш йили»да амалга оширишга оид Давлат дастури тўғрисида»ги фармони // Қонун ҳужжатлари маълумотлари миллий базаси, 23.01.2018 й., 06/18/5308/0610-сон

14.9-жадвал

Россия Федерациясида ўрнатилган «истеъмол саватчаси»даги озиқ-овқат маҳсулотларининг турлари ва миқдори¹

Озиқ-овқат маҳсулотлари	Истеъмол нормаси (йилига жон бошига, кг)		
	Мәхнатга лайдатли аҳоли	Пенсионерлар	Болалар
Нон маҳсулотлари (нон ва макарон маҳсулотлари ун, ёрма ва дуккаклар ҳисобида)	126,5	98,2	77,6
Картошка	100,4	80,0	88,1
Сабзавот ва полиз маҳсулотлари	114,6	98,0	112,5
Ҳўл мева	60,0	45,0	118,1
Шакар ва қандолат маҳсулотлари (шакар ҳисобида)	23,8	21,2	21,8
Гўшт маҳсулотлари	58,6	54,0	44,0
Балиқ маҳсулотлари	18,5	16,0	18,6
Сут ва сут маҳсулотлари (сут ҳисобида)	290,0	257,8	360,7
Тухум (дона)	210	200	201
Ёғ, маргарин ва бошқа ёғлар	11,0	10,0	5,0
Бошқа маҳсулотлар (туз, чой, зираворлар)	4,9	4,2	3,5

Мамлакатда «истеъмол саватчаси»ни ишлаб чиқишида қуийдагиларни иnobatga олиш мўлжалланмоқда:

- демографик омиллар: оилаларнинг катта-кичиклиги ва тузилиши, аҳолининг таркиби ва жинс-ёш тузилмаси;
- ижтимоий-иқтисодий омиллар: оилаларда озиқ-овқт маҳсулотлари, ноозик-овқат товарлари ва хизматларнинг ҳақиқатда истеъмол қилиниши;
- барча гуруҳдаги аҳолининг эҳтиёjlари, уларнинг даромади даражаси;
- инсон саломатлигини сақлаш ва ҳаётий фаолиятини таъминлаш учун зарур бўлган энг кам истеъмол ҳажмлари ҳамда товарлар ва хизматлар рўйхати бўйича илмий тавсиялар;
- аҳолининг ижтимоий ҳимояланишини таъминлашга доир давлатнинг молиявий имкониятлари;
- товарлар ва хизматларнинг реал бозор нархлари ва бошқалар.

Аҳолининг турли қатламлари тирикчилиги учун зарур энг кам миқдорни белгилашда муайян даврда «истеъмол саватчаси»даги барча неъматларни

¹ Федеральный закон от 3 декабря 2012 г. N 227-ФЗ «О потребительской корзине в целом по Российской Федерации» // <https://rg.ru/2012/12/07/korzina-dok.html>

истеъмол қилиш нормаларини аниқлаш зарур бўлади. Масалан, фуқаро тирикчилик ўтказиш учун ҳар куни истеъмол қилиши керак бўлган озиқ-овқат маҳсулотлари тўплами ва миқдори ёки барча коммунал харажатларни қоплаш учун ойига қанча миқдорда пул зарурлигини ҳисоблаб чиқиши талаб этилади.

Мамлакатда «истеъмол саватчаси»га оид муносабатларни хуқуқий тартибга солиш аҳолининг реал даромадлари, иш ҳақи, пенсиялар, нафақалар ва бошқа тўловлар миқдорини худудлар кесимида ана шу «тирикчилик ўтказиш энг кам миқдори»га мутаносиблигини босқичма-босқич таъминлаш имконини беради.

14.8. Мехнатни рағбатлантириш

Мехнатни рағбатлантириши – меҳнат фаолиятида белгилаб қўйилган иш натижалари ва сифатидан юқорироқ кўрсаткичларга эришганлик учун ходимнинг муҳим ижтимоий эҳтиёжларини қондиришга йўналтирилган механизmlарни яратишидир.

Ходимнинг меҳнат муносабатларига киришиши унинг меҳнат шартномасида белгилаб қўйилган хизмат вазифаларини ўз вақтида ва сифатли бажарганилиги учун рағбатлантирилишини назарда тутади.

Кенг маънодаги меҳнатни рағбатлантириш ходимнинг қонуний меҳнат фаолияти учун оладиган барча турдаги тўловлар ва мукофотлардир.

Тор маънодаги меҳнатни рағбатлантириш деганда эса ёлланма ходимлар меҳнати сарфи учун тўловлар тушунилади. Шу маънода меҳнатни рағбатлантириш макродараҷада – давлат бюджети ҳисобидан молиялаштириладиган давлат функцияларини бажариш, ижтимоий хизматлар кўрсатиш; микродараҷада – мулкчилик турли шаклидаги корхона, ташкилот, муассасалар персонали меҳнатига ҳақ тўлашдир.

Меҳнатни рағбатлантиришнинг икки – ташқи ва ички тури фарқланади.

Ташқи рағбатлантириши иш берувчи томонидан ходим меҳнати самардорлигини ошириш учун таъсир кўрсатишнинг барча шаклларини қамраб олади. Улар:

- а) кўрсатиш шакли бўйича – моддий ёки номоддий (совғалар бериш, миннатдорлик билдириш);
- б) ўлчов бирлиги бўйича – пул (иш ҳақи) ёки натура (корхона маҳсулоти) шаклида;
- в) ходим томонидан олиниши бўйича – бевосита (иш ҳақи) ва билвосита (ижтимоий тўловлар, имтиёзлар, совғалар);
- г) тўлаш муддатлари бўйича – жорий (иш ҳақи), бир йўла (йиллик, муҳим топшириқларни бажарганлик учун устама ва қўшимча тўловлар), даврий (мукофотлар);

д) таъсир муддати бўйича – қисқа муддатли (бир маротаба мукофотлар), узоқ муддатли (акциялар, опционлар);

е) тўлов шартлари бўйича – мажбурий (иш ҳақи, меҳнат таътили, касаллик варақаси тўловлари, пенсия ва ҳоказолар); мажбурий бўлмаган (қўшимча имтиёзлар);

ж) ташкилий-маъмурӣ шаклига кўра – Ўзбекистон Республикасининг Меҳнат кодекси, жамоа келишувлари ва шартномалари бўйича;

з) ёндашув даражаси бўйича – иш берувчи нуқтаи назаридан, ёлланма ходим нуқтаи назаридан;

и) молиялаш манбалари бўйича – давлат ёки корпоратив (хўжалик юритувчи субъект) бўлиши мумкин (14.9-расм).

Меҳнатни ички рағбатлантириш – меҳнат моҳияти ва бажарилаётган иш аҳамиятидан қониқиши ҳосил қилиш иш берувчига боғлиқ бўлмасдан, ёлланма ходим шахси хусусиятларидан келиб чиқади. Хўжалик юритувчи субъект ёлланма ходим учун қулай шарт-шароитларни яратиб бериб, меҳнатни ички рағбатлантиришга билвосита таъсир кўрсатиши мумкин.

Бундай таъсир кўрсатиши шаклларига:

- а) персонални қарор қабул қилишга жалб этиш;
- б) персонал зиммасига катта масъулият юклаш;
- в) меҳнат фаолиятида эркинлик ва ваколатлар бериш;
- г) хизмат вазифаси(карьера)да ўсиш имкониятини яратиш;
- д) меҳнат фаолияти ҳилма-ҳил бўлишини таъминлаш киради.

Ўзбекистон Республикасининг амалдаги қонунлари хўжалик юритиши субъектларига персонал меҳнат мотивациясини кучайтириш ҳисобига ишлаб чиқариш самарадорлигини оширишда катта ваколатлар беради. «Корхоналар тўғрисида»ги Қонуннинг 19-моддасида: «Меҳнатга ҳақ тўлашнинг шакллари, тизимлари ва миқдорини, шунингдек, ходимлар даромадларининг бошқа турларини корхона мустақил белгилайди», деб кўрсатилган.

Ходимларни рағбатлантиришнинг моддий ва маънавий усулларидан оқи-лона фойдаланиш талаб қилинади. Ўз хусусиятлари бўйича рағбатлантиришнинг бу икки усули ҳам самарали ҳисобланади. Лекин уларнинг таъсир кучи таъсир кўрсатиши жойи, вақти ва субъектига боғлиқ бўлади. Бунда иқтисодиётнинг ривожланганлик даражаси, ходимнинг ижтимоий мақоми, моддий аҳволи, жинси ва ёши ҳам аҳамиятга эгадир.


Меҳнатни рағбатлантиришнинг қўйидаги функциялари мавжуд:

1. *Иқтисодий*. Рағбатлантириш меҳнат унумдорлигини ошириш, маҳсулот сифатини яхшилаш, иқтисодий тежамкорликни кучайтириш, умуман, ишлаб чиқариш самарадорлигини оширишга хизмат қиласди.

2. *Маънавий*. Рағбатлантириш ходимда фаоллик, ташаббускорлик, ишчанлик, касб маҳоратини оширишдан манфаатдорлик, ўзининг ва меҳнат жамоа-

си иш натижалари учун масъулияти каби хислатларни шакллантиришга хизмат қиласы.

3. *Ижтимоий*. Рағбатлантириш ходимнинг эҳтиёжлари ва қадриятларини шакллантириш орқали жамиятнинг турмуш даражаси ва сифатини ошириш мақсадларини ҳам кўзлайди.



14.9-расм. Мәхнатни рағбатлантириш усуллари

XV БОБ. МЕҲНАТ САМАРАДОРЛИГИ ВА УНИНГ ОМИЛЛАРИ

15.1. Меҳнат унумдорлиги – самарадорликнинг асосий кўрсаткичлари

Меҳнат фаолиятининг самарадорлиги – меҳнат фаолиятининг пировард иқтисодий натижаси кўрсаткичидир. У ишлаб чиқарилган маҳсулот ёки кўрсатилган хизматлар миқдорининг меҳнат сарфига нисбатан, яъни меҳнат сарфи бирлиги ҳисобига ишлаб чиқарилган маҳсулот билан ўлчанади. Жамиятнинг ривожланиши ва унинг барча аъзолари фаровонлиги даражаси меҳнат фаолиятининг самарадорлиги даражаси ҳамда ўсишига боғлиқ.


Меҳнатнинг психофизиологик ва ижтимоий самарадорлиги фарқланади.

Меҳнатнинг психофизиологик самарадорлиги меҳнат жараёнининг инсон организмига таъсири орқали аниқланади. Шу нуқтаи назардан, фақат муайян унумдорлик билан бир қаторда, заарсиз, қулай санитария-гигиена шароитлари таъминланган, ходим учун ишлаб чиқариш салбий таъсирининг олди олинган, унинг жисмоний ва ақлий салоҳияти ва қобилиятини оширадиган мазмунли меҳнатгина самарали ҳисобланиши мумкин.

Юқоридагилардан *меҳнатнинг ижтимоий самарадорлиги* тушунчаси моҳияти ҳам англаанди. Бу категория ҳар бир ходим шахсини уйғун ривожлантириш, унинг малакаси ва маҳоратини, ижтимоий-сиёсий фаоллигини ошириш, турмуш тарзини такомиллаштириш, меҳнат жамоасида ижобий муҳитни шакллантириш ва сақлаб туриш талабларини қамраб олади. Меҳнат самарадорлиги ва меҳнат унумдорлиги умумий тушунчалардир (15.1-расм).

Меҳнат унумдорлиги – ходим томонидан вақт бирлигига ишлаб чиқарилган маҳсулот миқдорини акс эттирадиган меҳнат самарадорлигининг кўрсаткичидир. Унинг тескари миқдорий кўрсаткичи – *меҳнат сизими* бўлиб, у маҳсулот бирлигига сарфланган вақт миқдорини кўрсатади.

Меҳнат унумдорлигининг илмий-методологик асослари иқтисодий назариянинг классик мактаби намояндалари томонидан шакллантирилган. Ушбу мактабнинг Англиядаги асосчиси У. Петти меҳнат унумдорлигига даромад олиш манбаларидан бири сифатида караган. У меҳнат унумдорлигини оширишга ғайрат билан меҳнат қилиш ёки меҳнат сарфини камайтирадиган ва уни енгиллаштирадиган воситалар орқали эришиш мумкинлигини кўрсатган.



15.1-расм. Мехнат унумдорлиги ва меҳнат фаолияти
самарадорлигининг моҳияти



Уильям Петти (ингл. William Petty; 1623–1687) – Англиядада классик иқтисодий назария асосчиси.

Асосий асари:

Трактат о налогах и сборах. - М.: Ось-89, 1997

А. Смит меҳнат унумдорлиги назариясига улкан хисса қўшган. У ўзининг «Халқлар бойлигининг табиати ва сабаблари тўғрисида тадқиқот» асарида меҳнат унумдорлиги тўғрисидаги тушунчага аниқлик киритган, унинг жамиятни иқтисодий ривожланишдаги ролини очиб берган.

У меҳнат тақсимоти жараёнини таҳлил этган, унумли ва унумсиз меҳнат ўртасидаги фарқларни изоҳлаб берган. Бунда унумли меҳнат капитал ва фойда келтирадиган фақат моддий ишлаб чиқаришда бўлиши мумкинлигини, меҳнат унумдорлигининг ортиши меҳнат тақсимотигагина эмас, шунингдек, ишлаб чиқаришда мукаммалроқ машиналарни қўллаш ҳамда ходимлар маҳорати билан ҳам боғлиқлиги асосланган¹.

¹ Смит А. Исследование о природе и причинах богатства народов. - М.: Эксмо, 2007. - С.253.

Мехнат унумдорлиги иқтисодий назарияси янги классик мактаб вакиллари томонидан ҳам чуқур ўрганилган. Улардан бири Ж. Кларк *мехнат унумдорлигининг чўққиси* назариясини яратган. У ўзининг «Бойликнинг тақсимланиши» асарида тадбиркорлар фойда олишни имкон қадар кўпайтиришга ҳаракат қиласидилар, шунинг учун ишлаб чиқариш сўнгти қўшимча меҳнат фойда ҳам, зарар ҳам келтирмайдиган паст меҳнат унумдорлигига эга бўлгунича кенгайтириб борилади, деган холосага келган¹.

Мехнат унумдорлигини оширишнинг илмий асослари Ж. Кейнс, П. Друкер, П. Самуэльсон, М. Тодаро ва бошқа олимлар томонидан чуқурлаштирилган. М. Портер эса илмий муомалага мамлакатнинг умумий унумдорлиги тушунчасини киритган. У меҳнат унумдорлигини миллий иқтисодиётнинг фақат ишлов бериш соҳасидагина эмас, барча тармоқларда оширишнинг ахамиятини кўрсатган. Унинг фикрига кўра, жаҳон бозоридаги тармоқларда мамлакат қанчалар салмоқли мавқега эга бўлса, ушбу давлатда меҳнат унумдорлиги шунчалик тезроқ ортади.

Мехнат унумдорлигининг иқтисодий моҳиятини таҳлил этишда маҳсулот ишлаб чиқариш (хизматлар кўрсатиш) учун сафланадиган меҳнат бевосита меҳнат фаолиятини амалга ошириш пайтида сарфланаётган жонли меҳнат ҳамда моддийлаштирилган меҳнатдан, яъни аввал яратилган, ҳозир ишлаб чиқаришда фойдаланилаётган меҳнатдан иборат эакнлигини ёдда тутиш лозим.

Майкл Южин Портер (ингл. Michael Eugene Porter; 1947 йилда туғилган) – америкалик машҳур иқтисодчи олим, Гарвард бизнес мактабининг профессори, мамлакатнинг рақобат устунлиги назариясининг асосчиси.



Асосий асарлари:

Interbrand Choice, Strategy, and Bilateral Market Power Harvard Economic Studies). – Cambridge, Mass.: Harvard University Press, 1976. – 254 p.

Competitive Strategy: Techniques for Analyzing Industries and Competitors. – New York: The Free Press, 1980 (2nd ed. – New York: Free Press, 1998. – 397 p.

Competitive Advantage: Creating and Sustaining Superior Performance. – New York: The Free Press, 1985 (2nd ed. – New York: Free Press, 1998. – 592 p.

Жонли меҳнатнинг функцияси фақат янги қийматни яратишдан иборат бўлибина қолмасдан, шунингдек, ишлаб чиқаришнинг ашёвий унсурларида моддийлаштирилган иш вақтини янгидан яратилаётган маҳсулотга ўтказиш-

¹ Киреев А. П. Прикладная макроэкономика. – М : Международные отношения, 2006. – С.34 .

дан ҳам иборатдир. Шунинг учун жонли меҳнатнинг унумдорлик салоҳияти янги истеъмол қийматини яратишга қодирлигида ўз ифодасини топади. Меҳнат унумдорлигини оширишнинг умумий тенденцияси шундан иборатки, маҳсулотда жонли меҳнатнинг улуши камайган ҳолда, моддийлаштирилган меҳнатнинг (хомашё, материалларнинг) улуши ортиб боради. Аммо бунда маҳсулот бирлигига сарфланган меҳнатнинг умумий миқдори камаяди. Ана шу меҳнат унумдорлигини оширишнинг асосий моҳиятидир.

Меҳнат унумдорлигининг индикаторларини аниқлашга турлича ёндашувлар мавжуд. Амалиётда бу индикаторларни танлаш, биринчидан, у ёки бу ишлаб чиқаришдаги меҳнат унумдорлигининг даражасига, иккинчидан, меҳнат унумдорлигини аниқлаш бўйича корхонанинг иқтисодий хизмати олдига қўйилган вазифага боғлиқдир.

Меҳнат унумдорлигини ўлчаш даражаси бўйича бир турдаги маҳсулот ишлаб чиқариладиган шахсий иш жойларини (бригада, участкалар) ажратиб кўрсатиш мумкин. Мазкур ҳолатда ишлаб чиқарилган маҳсулот ҳажми ва меҳнат унумдорлигини аниқлашнинг *натура усулини* (дона, тонна, куб метр ва ҳоказолар) қўллаш мақсадга мувофиқ. Лекин, одатда, фақат бир хил маҳсулотлар ишлаб чиқариладиган иш жойлари кам учрайди. Шу сабабли амалиётда *шартли-натура усулидан* фойдаланилади.

Корхонадаги иш жойлари, бригадалар ва участкалар турли ва ўзгариб турдиган маҳсулотлар ишлаб чиқариладиган бўлса, *меҳнат усулини* қўллаш лозим бўлади. Бунда маҳсулот ёки иш ҳажми ҳамда меҳнат унумдорлиги норма-соатларда ўлчанади (иш ҳажми тегишли вақт нормасига кўпайтирилиб, натижалари жамланади).

Меҳнат унумдорлигини бу усулда ўлчашнинг қатор камчиликлари бор (нормаларнинг зарур даражада асосланмаганлиги, уларнинг тез-тез қайта кўриб чиқилиши ва ҳоказолар)

Корхона, шунингдек, иқтисодиёт тармоғи даражасида ишлаб чиқариш ҳажми ва меҳнат унумдорлигини ўлчаш учун қиймат усули ишлатилади. Бунда маҳсулотлар, ишлар ва хизматларнинг барча турлари ягона пул кўрсаткичидаги ифода этилади. Мазкур усулда ҳажм кўрсаткичлари тегишли улгуржи нархларга кўпайтирилади. Меҳнат унумдорлиги ҳам пул ҳисобида ифодаланади.

Мазкур усулда аниқ бир шароит учун қўлланса бўладиган ишлаб чиқариш ҳажмларини ҳисоблаб чиқиши анча мураккаб. Маълумки, ишлаб чиқариш ҳажмларини ўлчашда энг кўп ялпи товар ва реализация қилинган маҳсулот ҳажми кўрсаткичлари ишлатилади. Лекин улгуржи нархлар бир хил бўлганда корхона усулида ҳисоблаб чиқилган ялпи маҳсулот тугалланмаган ишлаб чиқариш қолдиқлари миқдорига кўра товар маҳсулотидан, реализация қилинган маҳсулот эса товар маҳсулотидан (реализация қилишга мўлжаланан

ган, лекин реализация қилинмаган қолдик миқдорига) фарқ қиласди. Бундан меҳнат унумдорлиги даражасини ялпи маҳсулот ҳажмига қараб ҳисоблаш аниқроқ бўлади, деган хулоса чиқариш мумкин.

Бироқ бозор иқтисодиёти шароитларида меҳнат унумдорлигини реализация қилингандан маҳсулот ҳажми асосида аниқлаш мақсадга мувофиқ. Чунки, тугалланмаган ишлаб чиқариш ва реализация қилинмаган маҳсулот қолдикларининг кўпайиши иқтисодий аҳамиятга эга эмас.

Бунда *шартли-соф маҳсулот ҳажми* аниқланади. Бунинг учун ялпи маҳсулот қийматидан бевосита моддий харажатлар (хомашё, бутловчи қисмлар, электр энергияси, ёнилғи ва ҳоказолар) олиб ташланади. Натижада, бу қиймат таркибида иш ҳақи ва мажбурий тўловлар, асосий фондларнинг амортизацияси ва фойда миқдори қолади.

Соф маҳсулот ҳажми дейилгандан эса ялпи маҳсулот ҳажмидан моддий харажатлардан ташқари амортизация қийматини ҳам олиб ташлаш тушунилади.

Аммо бозор иқтисодиёти ривожланган мамлакатларда ҳам нарх-навонинг ўзариши соф маҳсулот кўрсаткичи товар ёки ялпи маҳсулотга қараганда ҳам кўпроқ таъсир кўрсатади. Шунинг учун *норматив соф маҳсулот* кўрсаткичи ишлаб чиқилган. Бу индикаторга соф маҳсулот кўрсаткичидан фарқли равишда, мажбурий тўловлар билан бирга иш ҳақи нормативи ва тармоқ бўйича ўртача фойда киритилган.

Лекин амалиётда бу услубнинг қатор нуқсонлари (маҳсулот барча турлари учун иш ҳақи нормативлари тизимини ишлаб чиқиш, иш ҳақи нормативлари даражасини оширишга мойиллик сабабли меҳнат сарфининг ортиши, индикаторнинг корхона пировард молиявий натижалари билан боғлиқ эмаслиги ва ҳоказолар) аён бўлди. Шу сабабли уни фақат таҳлил мақсадларида ишлатиш ўринли ҳисобланади.

Мехнат унумдорлигининг даражасини (My) аниқлашда ходимларнинг вақт бирлиги [(B_b) соат, кун, ҳафта, ой, йил давоми]да бажарган иш ҳажми [(Ix) маҳсулот ишлаб чиқариш, хизматлар кўрсатиш] кўрсаткичларидан фойдаланилади. Яъни меҳнат унумдорлигининг даражаси қўйидаги ҳосиладир:

$$My = Ix : B_b$$

Бунинг тескариси меҳнат сифими (Mc) даражасини англатади, яъни:


$$Mc = B_b : Ix$$

Иқтисодий адабиётда амалдаги, мавжуд ва потенциал меҳнат унумдорлиги фарқланади.

Амалдаги меҳнат унумдорлиги (My_a) бевосита муайян маҳсулот турини ишлаб чиқариш (хизмат кўрсатиш) ҳажми (Imx) учун амалда сарфланган иш вақти (Bba) бирлигига нисбатидир:

$$My_a = Imx : Bba$$

Ривожланган мамлакатларда ҳар бир ходим учун амалдаги меҳнат унумдорлиги эълон қилиб борилади. У меҳнат фаолиятини амалга ошираётган ҳар бир ходимнинг ялпи миллий ички маҳсулот ҳажмидаги улуши сифатида хисоблаб чиқилади (15.2-расм).



15.2-расм. Ривожланган давлатларда меҳнат унумдорлигининг даражаси (ҳар бир ходимнинг ялпи миллий ички маҳсулот ҳажмидаги улуши, АҚШ доллари)

Мавжуд меҳнат унумдорлиги (Мму) жорий шароитларда (масалан, фақат мавжуд ресурслар ва ишлаб чиқариш воситалари билан), агар меҳнат жараёнида иш вақти мутлақо йўқотилмаган (Вбай) тақдирда, қанча маҳсулот (Имҳж) ишлаб чиқариш (хизматлар кўрсатиш) имконияти борлигини аниқлаб беради:

$$\text{Мму} = \text{Имҳж} : \text{Вбай}.$$

Потенциал меҳнат унумдорлиги (Ммп) жорий шароитларда талаб қилинадиган энг кам вақт бирлигига (Вбэк) қанча миқдорда муайян маҳсулот (Имҳж) турини ишлаб чиқариш (хизмат кўрсатиш) имконияти мавжудлигини кўрсатади:

$$\text{Ммп} = \text{Имҳж} : \text{Вбэк}.$$

Бир ходим томонидан бажарилган иш миқдори маҳсулдорлик билан ўлчамади. Маҳсулдорлик кўрсаткичи орқали бажарилган ҳар қандай иш (товарлар ишлаб чиқиши, уларни сотиш ёки хизматлар кўрсатиш)нинг ҳажмини аниқласа бўлади.

Маҳсулдорлик (M) бажарилган иш ҳажмининг (Ix) унга сарф қилинган вақтга (Vb) нисбати сифатида аниқланади:

M = Вб : Их.

Махсулдорлик турли вақт бирликлари учун ҳисоблаб чиқилиши мумкин. Умуман олганда, ушбу маҳсулдорлик қуидаги вақт бирликларига нисбатан аниқланади:

1. *Ҳар бир соатнинг ўртача маҳсулдорлиги*. Бу ишлаб чиқарилган маҳсулот (кўрсатилган хизмат) ҳажмининг меҳнат фаолияти амалга оширилган мазкур вақт бирлигига нисбатидир:

Ҳар бир соатнинг ўртача маҳсулдорлиги = ишлаб чиқарилган маҳсулот (кўрсатилган хизмат) ҳажми : меҳнат фаолияти амалга оширилган соат.

2. *Ўртача кунлик маҳсулдорлик*. Бу муайян вақт давомида кунига қанча маҳсулот ишлаб чиқарилгани (хизматлар кўрсатилгани) кўрсаткичидир. Кунлик ўртача маҳсулдорлик ишлаб чиқарилган маҳсулот (кўрсатилган хизмат) ҳажмининг барча ходимларнинг одам-иш кунидаги меҳнат фаолиятига нисбатидир:

Ҳар бир кун ўртача маҳсулдорлиги = ишлаб чиқарилган маҳсулот (кўрсатилган хизмат) ҳажми : барча ходимларнинг одам-иш кунидаги меҳнат фаолияти.

3. *Ўртача ойлик маҳсулдорлик*. Бу бир ой давомида ишлаб чиқарилган маҳсулот (кўрсатилган хизматлар) ҳажмининг ходимларнинг рўйхат бўйича ўртача сони нисбатидир.

Ўртача ойлик маҳсулдорлик = ишлаб чиқарилган маҳсулот (кўрсатилган хизмат) ҳажми : ходимларнинг рўйхат бўйича ўртача сони.

Бундай ўртача маҳсулдорликни йил чораги ва йил учун ҳам ишлаб чиқиш мумкин.

15.2. Мәхнат унумдорлигини ошириш омиллари ва воситалари

Мәхнат унумдорлигининг даражаси ва ўсиш суръатларига кўпгина омиллар таъсир кўрсатади. Уларнинг экстенсив ва интенсив, ички ишлаб чиқариш ва тармоқ турлари фарқланади (15.3-расм).

Экстенсив омиллар, асосан, иш вақтидан самарали фойдаланиш, ходимларнинг ишга кеч келишлари, умуман келмасликларига, мәхнат қобилиятини йўқотишларига ва ҳоказоларга йўл қўймаслик билан боғлиқдир.

Мәхнат унумдорлигининг *интенсив омиллари* қуидагиларни қамраб олади:

- ишлаб чиқаришга янги техника ва технологияларни жорий қилиш;
- ишлаб чиқаришни ташкил этишини такомиллаштириш;

**15.3-расм.** Мехнат унумдорлигининг омиллари

Мехнат унумдорлигининг яна бир гурӯҳи – *ички ишлаб чиқарии омиллари*ди. Бу омилларга ишлаб чиқаришнинг техникавий даражасини ошириш, бошқарувни такомиллаштириш, ишлаб чиқариш ва мехнатни ташкил этиш, ишлаб чиқариш ҳажми ва таркибини ўзгартериш ва ҳоказолар киради.

Мехнат унумдорлигининг тармок омилларига эса бозор талаби ва давлат буюртмаларига кўра ишлаб чиқариши ихтисослаштириш ва марказлаштириш, янги ишлаб чиқаришларни ўзлаштириш, тармоқларни мамлакат бўйлаб жойлаштирилишини ўзгартериш ва бошқалар киради.

Хар бир мамлакатда меҳнат унумдорлигининг ортиши турлича тарзда амалга оширилади. Меҳнат унумдорлиги, умуман, қуидаги вазиятларда ошиши кузатилади:

- ишлаб чиқариш ҳажми ортаётган, харажатлар эса камаяётган бўлса;
- чиқариш ҳажми харажатларга нисбатан тезроқ ортаётган бўлса;
- ишлаб чиқариш ҳажми ўзгармай турган, аммо харажатлар камаяётган бўлса (масалан харажатларни камайтириш дастурларини амалга ошириш на-тижасида);
- ишлаб чиқариш ҳажми харажатлар ўзгармай турганда ортаётганида;
- ишлаб чиқариш ҳажми суръатлари харажатларнига нисбатан тезроқ ўсаётган бўлса.

Меҳнатнинг иш кучи ва ишлаб чиқариш воситаларини истеъмол қилишдан иборат моҳиятидан келиб чиқсан ҳолда меҳнат унумдорлигини оширишнинг юқорида тилга олинган барча омилларини қуидаги уч йирик гурухга ажратиш мумкин.

15.2.1. Моддий-техник омиллар

Моддий-техник омиллар ишлаб чиқаришда янги техника ва илғор технологияларни қўллаш, хомашё ва материалларнинг янги турларини ишлатиш билан боғлиқ. Моддий-техник омиллар ишлаб чиқаришни модернизация ва диверсификация қилишни назарда тутади:

Модернизация – ишлаб чиқарилаётган маҳсулотлар (иш ва хизматлар) рақобатбардошлигини оширишга йўналтирилган ишлаб чиқаришнинг технологик янгиланиш жараёнидир. У корхоналарнинг технологик қолоқлигини бартараф этиш воситаси бўлиб, меҳнат, моддий ва хомашё ресурсларидан самарали фойдаланиш даражасига кескин таъсир кўрсатади. Модернизация, техник ва технологик янгилаш натижалари юқори технологик, рақобатбардош ишлаб чиқаришнинг жадал ривожланиш шартини белгилаб беради.

Диверсификация эса юқори қўшилган қиймат ўсиш динамикасини таъминлайдиган маҳсулот ва хизматлар ассортиментининг ошиш ва кенгайиш жараёнидир. Диверсификация жараёни иқтисодиёт тармоқларида олиб бориляётган модернизация ва таркибий ўзгаришлар билан бевосита уйғунлашган ҳодисадир¹.

Ишлаб чиқаришни модернизация ва диверсификация қилиш асосида такомиллаштириш қуидаги йўллар билан амалга оширилади:

- эскириб қолган ишлаб чиқариш воситаларини янги, унумлироқлари билан алмаштириш, ишлаб чиқаришни механизациялаш ва автоматлаштириш;

¹ Иқтисодиёт тармоқлари ва корхоналарнинг техник модернизация ва диверсификация қилиш даражасини баҳолаш бўйича услубий тавсия / Ўзбекистон Республикаси Иқтисодиёт вазирлиги (№2-1-7/49, 22.09.2010 й.) ва Давлат статистика қўмитаси (№04-8, 14.09.2010 й.) томонидан тасдиқланган // <http://www.lex.uz>

– янги технологияларни, айниқса, замонавий ахборот-коммуникация технологияларини ишлаб чиқаришга кенг жорий қилиш.

Меҳнат унумдорлигини оширишнинг энг муҳим омилларидан бири ишлаб чиқаришнинг технологиясини такомиллаштириш ҳисобланади. Бу маҳсулот ишлаб чиқаришнинг техниковий усулларини, ишлаб чиқариш усулларини, техника оситаларидан фойдаланиш усулларини қамраб олади.

Хозирги вақтда ишлаб чиқариш технологияларини такомиллаштиришнинг асосий йўналишлари сифатида қўйидагилар кўрсатилади:

- ишлаб чиқариш даврийлигини камайтириш;
- ишлаб чиқаришда меҳнат сифимини камайтириш;
- ишлаб чиқариш жараёнлари узвийлигини таъминлаш;
- ишлаб чиқариш операцияларини бажариш вақтини камайтириш ва бошқалар.

Меҳнат унумдорлигини ошириш мақсадига йўналтирилган моддий-техник омилларнинг иқтисодий самарадорлигини ҳисоблаб чиқиш мумкин. Жумладан, ишлаб чиқаришни модернизация ва диверсификация қилиш натижасида маҳсулот бирлиги меҳнат сифимининг ҳажми (Mc) камайтирилиши қўйидагича аниқланади:

$$Mc = Mc2 - Mc1,$$

бу ерда: $Mc2$ – ишлаб чиқаришнинг модернизация ва диверсификация қилиниши натижасида маҳсулот бирлиги учун меҳнат сифимининг ҳажми; $Mc1$ – ишлаб чиқаришнинг модернизация ва диверсификация амалга оширилмасдан аввалги маҳсулот бирлиги учун меҳнат сифими ҳажми.

Моддий-техник омилларнинг ишлаб чиқаришдаги ходимлар сонига (Xc) таъсирини қўйидагича ҳисоблаб чиқиш мумкин:

$$Xc = Xc2 - Xc1,$$

бу ерда: $Xc2$ – ишлаб чиқаришда моддий-техник омилларни амалга ошириш натижасида мыйбуллаштирилган ходимлар сони; $Xc1$ – ишлаб чиқаришда моддий-техник омилларни амалга оширилмасдан аввал ходимларнинг рўйхатдаги ўртача сони.

Моддий-техник омилларнинг ходимлар иш ҳаки фонди ($I\chi_f$) ва ишлаб чиқариш харажатларига ($I\chi_x$) таъсири ҳам худди шу усулда аниқланади:

$$\begin{aligned} I\chi_f &= I\chi_f2 - I\chi_f1; \\ I\chi_x &= I\chi_x2 - I\chi_x1. \end{aligned}$$

Натижада моддий-техник омилларнинг меҳнат унумдорлигини оширишга умумий самарасини (C_y) ҳам аниқлаш мумкин.

$$C_y = Mc + Xc + I\chi_f + I\chi_x.$$

15.2.2. Ижтимоий-иқтисодий омиллар

Мехнат унумдорлигига таъсир кўрсатадиган энг муҳим ижтимоий-иқтисодий омиллар қўйидагилардан иборат:

- меҳнат фаолияти натижаларидан моддий ва маънавий манфаатдорлик;
- ходимларнинг умумий ва касбий тайёргарлиги, малакаси ва тажрибаси;
- ходимларнинг меҳнатга муносабати, меҳнат интизоми, ташаббускорлиги;
- ишлаб чиқариш воситаларига эгалик шаклининг ўзгариши;
- ходимларнинг корхонани бошқаришда иштирок этишлари ва бошқалар.

Мехнат унумдорлигини ошириш учун ижтимоий иқтисодий омилларнинг ролини оширишда умумий мақсад йўлида жипслашган меҳнат жамоасини шакллантириш алоҳида аҳамиятга эгадир. *Меҳнат жамоаси* – биргаликда меҳнат фаолиятини амалга ошираётган одамларни бирлаштирган алоҳида ижтимоий бирлиkdir. У барқарор амал этадиган ва ривожланишга қодир бўлган меҳнат ташкилотининг ижтимоий асосини ташкил этади.


Жипслик, барқарорлик, билим ва малака даражаси, ходимларнинг меҳнат ва ижтимоий фаоллиги, ижтимоий ҳаётдаги роли каби асосий мезонлар меҳнат ташкилотининг самарадорлигини таъминлайдиган меҳнат жамоаси ҳолатини ифолайди. Меҳнат жамоаси битта ишлаб чиқариш ва ижтимоий жараёнларда биргаликда иштирок этиш билан боғлиқ бўлган, узоқ давом этадиган ўзаро муносабатлар асосида шаклланади (15.4-расм).

Меҳнат жамоаси аъзолари ўзаро муносабатларининг предмети, бир томондан, аниқ бир ишлаб чиқаришда белгилаб қўйилган меҳнат функцияларининг ўзига хос хусусиятлари, иккинчи томондан, меҳнат жамоасига нисбатан ташки ҳисобланган, ходимларнинг ижтимоий роли ва мақоми, уларнинг жамият ҳаётида иштирок этишлари билан боғлиқ.

Меҳнат жамоаси ходимларнинг биргаликдаги меҳнат фаолияти натижасидагина самарали бўлиши мумкин. Бундай ўзаро муносабатларнинг шакллари ва воситалари корхона ишга тушган заҳоти эмас, балки ҳамкорлиқдаги меҳнат жараёнида аста-секин шаклланиб, ходимларни муайян ижтимоий бирликка айлантиради.

Меҳнат жамоасини шакллантириш ва ривожлантириш вазифасини мувваффақиятли ҳал этиш ходимларни танлаш, ёллаш, улар меҳнатини баҳолаш, мунтазам аттестациядан ўтказиш, уларнинг узлуксиз билим ва малакасини ошириш, касбida ва мансабда ўсишини бошқариш, корпоратив маданиятни шакллантиришни тўғри йўлга қўйишга боғлиқ.

Меҳнат жамоаси ташкил этилишининг мақсадига эришиш учун ходимлар саъй-ҳаракатларини бирлаштириш талаб этилади, бу эса жамоанинг мақсади ҳар бир шахснинг мақсадига айланишини талаб этади.



15.4-расм. Меҳнат ташкилотининг тизимли тузилмаси ва унинг ижтимоий муҳит билан алоқалари

Ҳақиқий меҳнат жамоаси фақат ишлаб чиқариш фаолияти билангина эмас, шунингдек, ижтимоий ҳаётнинг бошқа соҳаларига тааллуқли фаолият билан ҳам бирлашган бўлади. Бундай меҳнат жамоасида муҳим ижтимоий эҳтиёжлар: корхонани бошқаришда ва қарорлар қабул қилишда иштирок этиш, ҳар бир ходим салоҳиятини тўла намоён қилиш, маданий ва маънавий қадриятлардан фойдаланиш учун зарур шарт-шароитлар яратилади.

Бундай мәхнат жамоаларини шакллантириш ва ривожлантиришда мәхнат ташкилотидаги ахлоқий-психологик мұхит мұхим роль йүнайды. Улардаги ахлоқий-психологик мұхит бирламчи мәхнат жамоалари – бригадалар, участкалар, бўлимлар аъзоларининг ўзаро аҳил муносабатлари натижаси ҳисобланади.

Бирламчи мәхнат жамоаларида ахлоқий-психологик мұхитни яратишнинг ўз омиллари мавжуд. Улар макро ва микромұхитга таснифланади.

Макромұхит омилларига:

- ижтимоий ахлоқ;
- жамиятни ижтимоий-иқтисодий ташкил этишнинг асосий хусусиятлари;
- бошқарув қарорларини ишлаб чиқиш ва қабул қилишда мәхнат жамоаси фикрининг ҳисобга олиниши;
- ижтимоий ҳуқуқлар ва кафолатлар киради.

Микромұхит омиллари кундалик мәхнат фаолиятининг бевосита шарт-шароитларидир. Улар моддий-ашёвий ҳамда ижтимоий омилларга бўлинади.

Моддий-ашёвий омилларга аниқ мәхнат функцияларининг мазмуни, иш жойининг ҳолати тааллуқlidir. Мәхнатни ташкил этишнинг хусусиятлари – сменалик, ходимларнинг ўзаро бир-бирларини алмаштириш имкониятлари, мәхнатга ҳақ тўлаш тартиби, мәхнатни рағбатлантириш чоралари, шунингдек, санитария-гигиена шарт-шароитлари, бинолардаги ҳарорат, шовқин даражаси ва ҳоказолар киради.

Ижтимоий омиллар дейилганда, биринчи навбатда, бирламчи мәхнат жамоалари аъзолари ва ходимлар гурухлари ўртасидаги алоқалар тушунилади. Расмий алоқалар ва уларни амалга ошириш тартиби расмий хужжатларда: мәхнат жамоасининг ташкилий тузилмаси, унинг бўлинмалари тўғрисидаги қоидалар ва мансаб йўриқномаларида белгилаб қўйилади.

Мәхнат унумдорлигини оширишнинг омили сифатидаги ходимларнинг мәхнат натижаларидан моддий ва маънавий манфаатдорлиги турлича намоён бўлади. Бунинг учун мәхнат интенсивлигини ошириш кўзланган натижка бермайди. Аммо ходимларнинг мәхнат натижаларидан манфаатдорлиги уларни мәхнатнинг ташкил этилишини такомиллаштиришга ундейди. Шу тариқа ижтимоий омил ташкилий ва моддий-техник омиллар орқали амалга ошади.

Бироқ мәхнат унумдорлигини оширишга фақат моддий ва маънавий манфаатдорлик орқали эришиб бўлмайди. Бу ходим мәхнат фаолиятининг кўзланган мақсадларига эришиш учун зарур қобилиятга эга бўлиши лозимлиги билан изоҳланади. Ходимнинг жисмоний салоҳияти унинг соғлиғи биланги-на эмас, балки умуман турмуш шароитлари билан боғлиқлиги сабабли ижтимоий-иқтисодий омиллар корхона ишлаб чиқариши билан чегараланиб қолмасдан, у ёки бу ижтимоий гурухнинг турмуш тарзи билан ҳам боғлиқдир. Бу мәхнат унумдорлигини ошириш учун ижтимоий омиллардан оқилона фойдаланишда ҳисобга олиниши керак.

15.4.3. Ташкилий-институционал омиллар

Меҳнат унумдорлигини оширишнинг ташкилий-институционал омиллари га корхоналар, шу билан бирга, иқтисодиёт тармоқлари ва умуман, миллий иқтисодиёт даражасида ишлаб чиқаришни ташкил этиш киради. Бунда корхоналарнинг минтақаларда жойлаштирилиши, уларнинг ихтисослаштирилиши ва кооперациялашиши, моддий-техник ва қувватга оид таъминот, транспорт ва таъмирлаш хизматини йўлга қўйиш катта аҳамиятга эга.

Корхонанинг ўзида меҳнат унумдорлиги даражасига ишлаб чиқариши ташкил этишда ривожланаётган бозор талабларини ҳисобга олган ҳолда жорий ва истиқболли режалаштириш, ишлаб чиқаришни ташкилий-техник тайёрлаш, мавжуд техника воситаларини модернизация қилиш, уларнинг узлуксиз ишлаши ва моддий-техник таъминотини йўлга қўйиш таъсир кўрсатади.

Барча ташкилий тадбирлар бир-бирлари билан узвий боғлиқ бўлиб, ишлаб чиқариш, меҳнат ва бошқарувнинг ягона тизимини ташкил этади. Меҳнат ва ишлаб чиқаришни ташкил этишдаги камчиликлар билан боғлиқ иш вақтининг барча йўқотишлиари меҳнат унумдорлиги даражасини пасайтиради, иш вақти йўқотилишининг камайиши эса унинг ўсишини таъминлайди.

Корхонада меҳнатни ташкил этишни такомиллаштириш – бу ходимларнинг меҳнат жараёнида ишлаб чиқариш воситалари билан ҳамда ўзаро муносабатларини умумий мақсадга эришиш учун самарали меҳнат фоалиятини амалга ошириш учун барча шарт-шароитларни яратишидир (15.5-расм).

Замонавий ишлаб чиқариш ходимлар касб малакасини муттасил ошириб боришини талаб қиласди. Шу мақсадда корхоналарда ходимларнинг малакасини ошириш тизими яратилади. Бу тизим малака ошириш курсларидан иборат.


Меҳнат тақсимоти меҳнатни ташкил қилишнинг муҳим унсури ҳисобланади. Бу ишлаб чиқариш мақсадларидан келиб чиқсан ҳолда ҳар бир ходим ва ҳар бир ишлаб чиқариш бўлинмасига хизмат вазифалари, иш турлари, технологик операциялар бўлиб берилади.

Меҳнат тақсимотининг қуйидаги турлари фарқланади:

– функцияли – ходимларнинг ишлаб чиқаришдаги функцияларидан келиб чиқсан ҳолда улар ишчилар, хизматчилар, шогирдлар ва ҳоказоларга бўлинади;

– технологик – бу иш ва маҳсулот турлари, технологик операциялар бўйича тақсимотдир. Меҳнат тақсимотининг бу тури иш мазмунини белгилайди. Ходим меҳнат жараёнида тор ихтисослашиш асосида иштирок этса, унинг ишида зерикарлилик, кенг ихтисослашишида эса ишни сифатсиз бажариш эҳтимоли пайдо бўлади;

- касбий – меҳнат тақсимотининг бу туридан келиб чиқкан ҳолда ишлаб чиқаришда турли касб-хунардагиларга эҳтиёж аниқланади;
- малакали – ходимлар касб малакаси ва иш тажрибасидан келиб чиқкан ҳолда ихтисосликлар ва касблар бўйича тақсимланади.



15.5-расм. Корхонада меҳнатни ташкил қилиш тизими

Меҳнат кооперацияси меҳнат тақсимоти билан узвий боғлиқдир. Меҳнат кооперациясининг қўйидаги турлари мавжуд:

- цехлараро кооперация – корхона пировард маҳсулотини ишлаб чиқаришни таъминлаш мақсадида цехларнинг ихтисослашишидир;
- цехлар ичидаги кооперация – цех пировард маҳсулотини ишлаб чиқариш учун ихтисослашган участкаларнинг кооперациялашувидир;
- бригадалар ичидаги кооперация – ишлаб чиқаришнинг бу бўлинмаси учун ягона бўлган топшириқни бажариш мақсадида жамоавий масъулиятни белгилайдиган кооперациялашувидир.

Меҳнатни ташкил этишнинг бошқа унсурларига ижрочига ҳамда унинг атрофидаги бошқа ходимларга хавфсиз шарт-шароитларни таъминлайдиган меҳнатни муҳофаза қилиш тадбирлари ҳам киради.

Хўжалик юритувчи субъектларда, улар мулкчиликнинг қайси шаклларига мансублигидан қатъи назар, ҳар бир иш жойидаги меҳнат шароити меҳнатни муҳофаза қилиш стандартлари, қоида ва нормалари талабларига мувофиқ бўлиши лозим. Ходимлар меҳнат шароити заарли ва хавфли ишлаб чиқаришларда:

- маҳсус кийим, пойафзал ва бошқа шахсий химоя, ювиш ва дезинфекция-лаш воситалари, сут ёки унга тенглашадиган бошқа озиқ-овқат маҳсулотлари, парҳез овқат билан бепул таъминланиши;
- меҳнат интизомини мустаҳкамлаш ва иш вақти йўқотилишини бартараф қилишга йўналтирилган тадбирлар амалга оширилиши;
- меҳнатнинг ҳам шахсий, ҳам жамоавий натижаларини оширишдан моддий ва маънавий манфаатдорлик оширилиши;
- меҳнат ва дам олиш тартибга солиниши;
- ишлаб чиқариш эстетикаси, иш жойларини тайёрлаш сифати яхшиланиши керак.

Ишлаб чиқаришни бошқаришни тақомиллаштириши – ходимларнинг меҳнат функцияларини амалга оширишда фаолиятлари тартибини белгилайдиган қоидалар, йўриқномалар, нормаларнинг меҳнат унумдорлигини оширишга йўналтирилишидир.

Бошқарув вазифаларини ҳал этишга йўналтирилган тизим мавжуд бўлган-дагина ишлаб чиқарышда меҳнат унумдорлигини оширишга эришиш мумкин. Бу тизим, бир томондан, меҳнат соҳасидаги бошқарув муносабатларининг жамланмаси сифатида (функционал шакл) намоён бўлади. Мазкур ҳолатда меҳнатни бошқариш тизими:

- ходимларни бошқариш;
- меҳнат фаолияти ташкилий таъминланишини бошқариш;
- меҳнат унумдорлиги ва сифатини бошқариш;
- меҳнат мотивацияси ва меҳнатни рағбатлантиришни бошқариш;
- ижтимоий-меҳнат муносабатларини бошқариш функцияларини акс эттиради.

Яъни амалиётда меҳнатни бошқариш тизими бир неча таркибий қисмлардан иборат бўлган алоҳида бошқарув тизимиdir.

Иккинчи томондан эса бошқариш тизимининг таркибий қисмлари ўзига хос муносабатлар билан ажralиб туради. Меҳнатни бошқариш умумий тизимини ташкил этадиган бу таркибий қисмлар маҳсус хизматлар томонидан ташкиллаштирилади ва тартибга солиб турилади (институционал шакл). Меҳнатни бошқаришнинг институционал шаклига корхонанинг меҳнат ва иш ҳаки бўлими, меҳнатни ташкил қилиш бўлими, кадрлар бўлими, персонални бошқариш бўлими ва бошқалар киради.

15.3. Маҳсулотдаги мәхнат сифими турлари

Маҳсулотдаги мәхнат сигими – мәхнат унумдорлиги даражасини ифода этади ва маҳсулот бирлигига вақтнинг жамланма сарфи (норма-соат, одам-соат) билан ўлчанади. Маҳсулотдаги мәхнат сигими қанчалик паст бўлса, маҳсулот ишлаб чиқаришнинг маҳсулдорлиги шунчалар юкори бўлади. Мәхнат сигимига маҳсулотнинг турли хилларига жисмоний харажатларни аниқлаш киради. Ушбу кўрсаткич, шунингдек, тайёр маҳсулотга, тугалланмаган ишлаб чиқаришга мәхнат сарфини аниқлаш ва буни маҳсулот турларида ҳисобга олиш имконини беради.

Мәхнат сарфини ҳисобга олиш шаклларига боғлиқ равишда норматив, амалдаги ва режаланган мәхнат сигими фарқланади.

Норматив мәхнат сигими – бу амалдаги вақт нормалари бўйича ўрнатилган маҳсулот бирлигига иш вақти сарфидир.

Амалдаги мәхнат сигими ушбу даврда маҳсулот бирлигига амалдаги иш вақти сарфидир. У норматив мәхнат сигими асосида норматив мәхнат сигимига нормаларни қайта ишлаш коэффициентига бўлиш орқали аниқланади.

Режаланган мәхнат сигими – бу маҳсулот бирлиги учун ўртача режали мәхнат сарфидир. Норматив мәхнат сигимининг (t_n) амалдаги мәхнат сигимига (t_a) нисбати вақт нормасининг бажарилиши коэффициентини (K_{nb}) белгилаб беради:

$$K_{nb} = t_n : t_a.$$

Маҳсулотдаги мәхнат сигимининг маҳсулот ишлаб чиқариш учун сарф қилинадиган мәхнат сарфига кўра қуидаги турлари мавжуд:

1. *Технологик мәхнат сигими* (t_t). У асосий ходимларнинг (ишбай ва вақтбай ходимларнинг) мәхнат предметига бевосита таъсири кўрсатадиган барча сарфларини акс эттиради.

2. *Ишлаб чиқаришига хизмат кўрсатишнинг мәхнат сигими* (t_{xk}) – бу факат ишлаб чиқаришга хизмат кўрсатиш билан банд ёрдамчи ходимларнинг мәхнат сарфидир.

3. *Ишлаб чиқаришининг мәхнат сигими* (t_{tch}) – бу асосий ва ёрдамчи ходимларнинг маҳсулот ишлаб чиқариш учун мәхнат сарфидир. У қуидагича аниқланади:

$$t_{tch} = t_t + t_{xk}.$$

Шу билан бирга *ишлаб чиқаришини бошқаришининг мәхнат сигими* (t_b) ҳам фарқланади. У хизматчилар: раҳбарлар, мутахассислар ва бошқа хизматчиларнинг ишлаб чиқаришга мәхнат сарфини кўрсатади.

Мәхнат жамоасининг маҳсулот ишлаб чиқариш учун тўлиқ мәхнат сарфиди (Ттмс) ҳам аниқлаш мумкин. У қуидагича аниқланади:

$$Ттмс = тт + тхк + тб = тич + тб.$$

Ишлаб чиқарилган маҳсулотдаги умумий меҳнат сифими (ty) эса корхона-даги барча ходимлар тоифалари меҳнат сарфининг жамланмасидир:

$$Ty = тич + тхк + тб.$$

Маҳсулот бирлиги учун меҳнат сифими қўйидаги формула бўйича аниқла-нади:

$$B = T : V,$$

бу ерда: B – корхона ходимлари барча тоифаларининг ишлаган вақти; T – уму-мий маҳсулот сифими; V – корхонада ишлаб чиқарилган маҳсулотнинг нату-раси (дона, тонна, литр ва ҳоказоларда).

15.4. Меҳнат унумдорлиги ва иш ҳақининг нисбати

Меҳнат унумдорлигини оширишнинг асосий омиллари қўйидагилардан иборат (15.6-расм):

- ишлаб чиқаришнинг асосий фонdlарини муттасил янгилаб бориш, янги, замонавий ва муқаммал техника воситалари ва технологияларни кенг жорий қилиш;
- ишлаб чиқаришни бошқаришни такомиллаштириш, унинг ташки-лий-иктисодий шарт-шароитларини яхшилаш;
- ходимларнинг меҳнат унумдорлигини ошириш.



15.6-расм. Меҳнат унумдорлигини оширишнинг асосий омиллари

Кенгайтирилган такрор ишлаб чиқариш, кўзланган фойда олиш ва ишлаб чиқариш рентабеллигини таъминлаш учун меҳнат унумдорлигининг ортиши суръатлари иш ҳақининг ортиши суръатларидан юқори бўлиши талаб қили-нади. Агар ушбу принцип бузиладиган бўлса, бу иш ҳақининг фонди ортиқча харажат қилиниши, ишлаб чиқарилаётган маҳсулотнинг таннархи ортиши ва фойданинг камайишига олиб келади.

Мехнат унумдорлигининг ортиши суръатлари билан иш ҳақининг ортиши суръатлари нисбатининг уч асосий моделини ажаратиб кўрсатиш мумкин:

1. *Иш ҳақининг ортиши меҳнат унумдорлиги ортишиига тенг.* Ушбу модельни энг мақбул дейиш мумкин. Бундай ҳолатда бу модель мамлакат миқёсида инфляция ортишига йўл қўймайди, корхона учун эса ходимларнинг меҳнат унумдорлигини оширишга рағбатлантириш воситасига айланади. Аммо амалиётда бундай нисбатни муттасил ушлаб туриш жуда мураккаб.

2. *Иш ҳақининг ортиши меҳнат унумдорлигининг ортишиидан орқада қолади.* Бундай вазият инфляция даражасининг ортишига йўл қўймайди, лекин ходимларни ўз меҳнат унумдорлигини ошириш учун рағбатлантирмайди.

3. *Иш ҳақининг ортиши меҳнат унумдорлигининг ортишиидан юқори.* Ушбу модель меҳнат унумдорлигини оширишни рағбатлантиради, бироқ инфляцияни кучайтиради. Иш ҳақи ортишининг жуда юқори суръатлари меҳнат сарфи ва унга ҳақ тўлаш ўртасидаги ўзаро боғлиқлиқликни бузади, оқибатда меҳнатнинг маҳсулдорлиги камаяди.

Илмий ва амалий фаолиятда ўсиш сувъатлари нисбатининг коэффициентидан фойдаланилади. Ўртача иш ҳақи ўсиши суръатларининг меҳнат унумдорлиги ўсишига нисбатини акс эттирадиган коэффициент *эгилувчанлик коэффициенти* деб аталади. Ушбу коэффициент меҳнат унумдорлигининг 1 % га ўсиши иш ҳақининг фоиз ҳисобида ўзгаришига таъсирини ифодалайди.

Эгилувчанлик коэффициенти одатда меҳнат унумдорлиги ва иш ҳақи кўрсаткичларининг ижобий динамикаси кузатилганда аниқланади. Бунда аввал меҳнат унумдорлиги суръатлари (*Сму*) ҳамда иш ҳақи суръатлари (*Сих*) аниқлаб олинади:

$$\begin{aligned} \text{Сму} &= (\text{Іму} \times 100) - 100; \\ \text{Сих} &= (\text{Іих} \times 100) - 100. \end{aligned}$$

бу ерда: *Іму* – меҳнат унумдорлиги ўсиши суръатларининг индекси; *Іих* – иш ҳақи ўсиши суръатларининг индекси.

Эгилувчанлик коэффициенти меҳнат унумдорлиги ўсиши суръатларининг индекси билан иш ҳақи ўсиши суръатлари индексининг нисбати ҳисбланади:

$$Кэ = \text{Іму} : \text{Іих}.$$

Мехнат унумдорлиги ўсиши сувъатлари индекси билан иш ҳақи ўсиши суръатларининг индекси нисбати *илгарилаш коэффициенти* деб аталади. Ушбу илгарилаш коэффициенти меҳнат унумдорлиги ҳар 1 % га ўsgанда, меҳнатга ҳақ тўлаш ҳам 1 % га ўсишини акс эттиради. Илгарилаш коэффициенти (*Ки*) меҳнат унумдорлиги ўсиши билан иш ҳақи ўсиши ўртасидаги нисбатни аниқлашга хизмат қиласи:


$$Ки = \text{Іму} : \text{Іих}.$$

Ушбу коэффициентни аниқлашда методологик жиҳатдан фойдаланилаётган кўрсаткичларнинг ишонарлилигини таъминлаш муҳимдир. Шунинг учун қабул қилинган услубиётга мувофиқ, меҳнат унумдорлигининг ўсиши иқтисадиётда иш билан банд бўлган ҳар бир ходимга тўғри келадиган таққосланадиган нархлардаги ялпи ички маҳсулотнинг ўртача реал иш ҳақи ўсиши суръатларига ёки жорий нархлардаги меҳнат унумдорлиги ўсиши суръатларининг ўртача номинал иш ҳақи суръатларига нисбати сифатида ҳисоблаб чиқилади.

Меҳнат унумдорлиги ўсиши суръатларининг иш ҳақи ортиши суръатларидан юқори бўлиши зарурлиги қуидагилар билан изоҳланади:

- ишлаб чиқариш харажатларининг катталиги ва уларда иш ҳақи салмоқли улушга эгалиги;
- меҳнат унумдорлигини ошириш омилларидан бири бўлган капиталнинг мавжудлиги, капитал меҳнат сарфи билан тенг равишда меҳнат унумдорлиги ҳисобига олинган даромаддан ўз улушкини олиши кераклиги;
- меҳнат унумдорлигини юқори суръатларда ошириш ҳисобига ишлаб чиқариш харажатларини, товарнинг қиймати ва нархини камайтириш асосида реал иш ҳақи микдорини ошириш зарурлиги.

Халқаро статистика маълумотларига кўра, ривожланган мамлакатларда меҳнат унумдорлигининг 1 % га ортишига иш ҳақи ортишининг 0,6–0,7 % тўғри келади (15.7-расм).



15.7-расм. Жаҳоннинг ривожланган мамлакатларда меҳнат унумдорлигининг 1 % га ортишига нисбатан иш ҳақининг ортиши (%)

Иш ҳақи ўсиши суръатларининг меҳнат унумдорлиги ортиши суръатларидан юқори бўлишини факат фойдани ушбу мақсад учун ортиқча сарф қилиш ҳисобига амалга ошириш мумкин. Бундай ҳолатда корхонанинг соф даромади камаяди, инвестиция фаоллиги сусаяди, бу эса корхонани ривожланитирш имкониятларини кескин камайтиради. Оқибатда бу корхона меҳнат жамоаси иш ҳақи даражасига муқаррар равишда жиддий салбий таъсир кўрсатади.

Мәхнат унумдорлиги иқтисодий ўсиш орқали мамлакат аҳолисининг фаровонлигини оширишда ҳал қилувчи роль йўнайди.

Биринчидан, ишлаб чиқариш ресурслари чегараланган шароитларда иқтисодий ўсишга ана шу омилдан самарали фойдаланиш ҳисобига эришилади.

Иккинчидан, иқтисодий ўсишга эришиш ялпи ички маҳсулот таркибида эскириб қолган ишлаб чиқариш фондларини замонавийлари билан алмаштириш ҳамда ишлаб чиқариш қувватларини ошириш учун жамғаришга харажатларни кўпайтиришни талаб қиласди. Аҳоли жон бошига истеъмол қилишни жамғариш билан бир йўла кўпайтиришга эса фақат мәхнат унумдорлиги даражасини ошириш ҳисобига эришиш мумкин.

15.5. Энг юксак мәхнат унумдорлиги концепциялари

XIX асрнинг охирида америкалик иқтисодчи Ж. Б. Кларк француз олими Ж. Б. Сэйнинг (1767–1832) мәхнат капитал ва табиат қийматини яратиш жараёнида тенг иштирок этиши гоясини ривожлантириш асосида энг юксак мәхнат унумдорлиги концепциясини яратган.

Ж. Б. Кларк динамик ривожланаётган иқтисодиётда ижтимоий ишлаб чиқаришда жиддий ўзгаришлар рўй бераётганлигини кўрсатади. Бу ўзгаришлар куйидагилар билан боғлиқ:

- аҳоли сонининг ортиши;
- капиталнинг кўпайиши;
- ишлаб чиқариш усулларининг такомиллаштирилиши;
- саноат корхоналари шаклининг ўзгараётганлиги;
- кам унумлироқ ишлаб чиқариш тадбирлари бекор қилиниб, серунумли ишлаб чиқариш тадбирлари жорий этилаётгани ва бошқалар.



Жан-Батист Сэй (фр.Jean-Baptiste Say; 1767–1832) – машҳур француз иқтисодчиси, сиёсий иқтисод классик мактабининг намояндаси.

Асосий асари:

Трактат по политической экономии. - М.: Дело: Акад. нар. хоз-ва при Правительстве Рос. Федерации, 2000.

Америкалик иқтисодчи бундай шароитларда энг юксак мәхнат унумдорлигини таъминлаш бевосита мәхнаттага ҳақ тўлаш билан боғлиқлиги назариясими ишлаб чиққан. Унинг ушбу концепциясида энг юксак маҳсулот дейилганда, ишлаб чиқаришнинг ҳар бир омилига тўланадиган «табиий», «адолатли» даромад кўзда тутилган. Ж. Кларкнинг назариясида ишлаб чиқаришнинг ҳар бир омили ўзига хос унумдорликка эгалиги ва даромад келтириши асосланади. Бунда омилларнинг ҳар бири ўзига тегишли омил яратадиган даромадни олади.

Энг юксак мөхнат унумдорлиги бошқа омиллар ўзгармай қолганида, жараёнга ушбу омил қўшилганда ёки олингданда жамланма маҳсулот ишлаб чиқаришдаги ўзгаришга тенг бўлади. Масалан, иш ҳақининг ставкаси мутаносиблик ҳолатида мөхнат маҳсулотининг энг юксак қийматидан ортиқ бўлиши мумкин эмас. Мөхнатнинг ҳар қайси бирлиги энг юксак бўлиши мумкинлиги учун тадбиркор ишлаб чиқаришга энг юксак мөхнат бирлигини жалб этиш учун ишлаб чиқариш жараёнида бошқа ҳар қандай мөхнат бирлигини ушлаб туриш мақсадида энг кўп иш ҳақи тўлаши керак бўлади.

Бошқа томондан, мутаносиблик шароитида иш ҳақи мөхнат маҳсулотининг энг юксак қийматидан кам бўлиши мумкин эмас. Бундай шароитда тадбиркор учун қўшимча омилни жалб этиш натижасида оладиган даромади харажатларидан юқори бўлгунича ходимларни ёллаш давом этаверади. Натижада иш берувчилар ўртасидаги рақобат мөхнат маҳсулоти энг юксак қийматига тенг бўлган иш ҳақи даражасини ўрнатади. Бундан мөхнатга унинг энг юксак маҳсулдорлигига мувофиқ равишда пул тўланиши англашилади.

Олимнинг фикрича, мөхнатининг маҳсулоти энг юксак қийматга тенг бўлган ходимнинг мөхнат унумдорлиги энг юксак мөхнат унумдорлигидир. Шуннинг учун ушбу ходим томонидан яратилган мөхнатни «мөхнат маҳсулоти» дейиш мумкин. Маҳсулотнинг қолган қисми эса «ишлаб чиқариш маҳсулоти» билан «мөхнат маҳсулоти» ўртасидаги фарқдир ва у «капитал маҳсулоти» хисобланади.

Мөхнатнинг энг юксак унумдорлиги ишлаб чиқаришга тобора кўп иш кучи жалб қилингани сари пасайиб боради, чунки мөхнатнинг капитал билан таъминланиши даражаси камая бошлайди. Худди шунингдек, кам сонли иш кучининг энг юксак мөхнат унумдорлиги фақат ишлаб чиқаришнинг капитал билан таъминланиши юқори эканлигининг натижасидир.


Шу билан бирга агар иш кучи мобил бўлмаса ва, демак, бир мөхнат бозорида бир хил шароитда бир хил мөхнат учун тўланадиган иш ҳақи ўртасида тафовут мавжуд бўлса, жамланма маҳсулот кўпаймайди, чунки мөхнатга энг кўп маҳсулотга мувофиқ равишда иш ҳақи тўланмайди.

Энг юксак мөхнат унумдорлиги концепциясини – ишлаб чиқариш омилларига талаб нархини шакллантирадиган концепция дейиш мумкин. Ҳозирги давр шароитларида бу энг юксак мөхнат унумдорлиги назариясининг мақомига эга бўлди ва у шу кўринишида фирманинг иш кўриши концепциясидан ўрин олди.

Фирманинг иш кўриши концепциясида иш берувчи музкаммал рақобат шароитларида энг кўп харажатларини нархга боғлик қилиб қўйиб, энг кўп фойда олишни кўзлайди. Шунинг учун у энг кўп мөхнат маҳсулотини пул шаклидағи қарор топган иш ҳақи ставкаси билан тенглаштирадиган даражада ходим ёллайди. Шундай экан, энди гап яратилган маҳсулотни адолатли тақсимлаш

тўғрисида кетмайди, балки ишлаб чиқаришни мақбуллаштириш шароитларида даромад олинишининг қонунияти ва бозор иқтисодиётининг реал шароитларида ишлаб чиқариш омиллари ҳаракати ифодасининг модели сифатида кўрилади.

Иқтисодий назарияда ишлаб чиқариш омилининг умумий, энг кўп ва ўртача маҳсулоти тушунчаси мавжуд (15.8-расм).



15.8-расм. Ўзгарувчан омилнинг умумий, энг кўп ва ўртача маҳсулоти (Q – маҳсулот сони, дона; L – ўзгарувчан омил (ходимлар сони) миқдори)

Ушбу расмдаги А нуқтаси умумий маҳсулотнинг кўпайиши шу нуқтага қадар тезлашиб боришидан далолат беради, чунки ўзгарувчан омилнинг энг кўп маҳсулоти L тез ўсиб борди. Бу L омилиниң ҳар бир қўшимча бирлиги ишлаб чиқариш умумий ҳажмини аввалдагига қараганда каттароқ миқдорга кўпайтиришини кўрсатади. Бевосита А нуқтаси энг кўп маҳсулотнинг энг кўп миқдорига мос тушади.

Расмдаги АС оралиғида умумий маҳсулотнинг кўпайиш суръати пасаяди, чунки L омилиниң энг кўп маҳсулоти камайиб боради. Бу L омилиниң ҳар бир қўшимча бирлиги ишлаб чиқариш умумий ҳажмини аввалдагига қараганда камроқ миқдорга кўпайтиришини билдиради.

С нуқтасида умумий маҳсулот камая бошлайди, чунки энг кўп маҳсулот нисбий кўринишни олади. Бу ўзгарувчан омилни бундан буён кўпайтириш умумий маҳсулот миқдорини камайишига олиб келишидан далолат беради.

Ўзгарувчан омилнинг энг кўп маҳсулоти билан ўртача маҳсулоти ўртасида муайян боғлиқлик мавжуд. Энг кўп маҳсулот ўзининг энг кўп миқдорига ўртача маҳсулотга қараганда тезроқ эришади.

15.8-расмда акс этган ўзгаришлар ишлаб чиқариши омиллари энг юксак унумдорлигининг (даромадилигигине) камайиши деб номланадиган қонун тенденциясини акс эттиради. Ушбу қонунга мувофиқ, барча бошқа омиллар ўзгармай қолганида ўзгарувчан омил микдори ошгани сари у шу даражага етадики, бу нүктадан сўнг ўзгарувчан омилнинг энг кўп маҳсулоти камая бошлади.

Ишлаб чиқариш омилиниң умумий маҳсулоти белгилаб берилган ишлаб чиқариш функцияси доирасида ишлаб чиқарилган ва жисмоний бирликларда ўлчанадиган жамланма маҳсулот ҳажмидир. Ишлаб чиқариш омилиниң умумий маҳсулоти тушунчаси ишлаб чиқарилаётган маҳсулот ҳажми билан ресурсларнинг бошқалари ўзгармай қолганда бир ресурс микдори ўзгариши ўртасидаги боғлиқликни аниқлаш имконини беради.

Масалан, Q ишлаб чиқариш функцияси ишлаб чиқариш умумий ҳажмининг ($Q = f(L)$) ишлаб чиқариш бошқа омиллари микдори муқим бўлганида фойдаланилаётган L мөхнат бирлигининг микдорига боғлиқлигини кўрсатади (15.9-расм).

Ишлаб чиқарииши омилиниң энг кўп маҳсулоти жисмоний бирликларда хисоблаганда, ресурслар бошқалари микдорининг ўзгармай туриши давомида бир омилнинг қўшимча бирлигидан фойдаланилганда маҳсулот ишлаб чиқариш ҳажмидаги ўзгаришни акс эттиради. Омилнинг энг кўп маҳсулоти қўйидағича хисоблаб чиқилади:


$$MPL = \Delta Q : \Delta L,$$

бу ерда: $MPL = L$ омилиниң энг кўп маҳсулоти; ΔQ – маҳсулот ишлаб чиқариш умумий ҳажмининг ўззариши; ΔL – L омили микдорининг ўзгариши.

Ишлаб чиқарииши омилиниң ўртача маҳсулоти (APL) ишлаб чиқарилаётган маҳсулот ҳажмини ишлатилаётган L омилиниң микдорига бўлиш орқали аниқланади:

$$APL = Q : L.$$

Ишлаб чиқариш омилларининг энг юксак унумдорлиги концепцияси маҳсулот ишлаб чиқаришда ишлаб чиқариш омилларининг энг мақбул микдориги белгилаб олишда катта аҳамият касб этади.



15.9-расм. Ишлаб чиқариш функцияси (Q – маҳсулот сони, дона; L – ўзгарувчан омил (ходимлар сони) микдори)

XVI БОБ. ХМТНИНГ МУНОСИБ МЕҲНАТ КОНЦЕПЦИЯСИ

16.1. Муносиб меҳнат тушунчаси ва унинг таркибий қисмлари

Халқаро меҳнат ташкилоти жаҳонда аҳолини иш билан бандлик меъёрлари бўйича умумий халқаро ҳужжат қабул қилиниши зарурлигини англаған ҳолда, Халқаро меҳнат конференциясининг 1999 йил июнида ўтказилган 87-сессиясида *Муносиб меҳнат дастурини эълон қилди*. Мазкур Дастурга мувофиқ, «Муносиб меҳнат деб, эркин, адолатли иш ҳақи тўланадиган, хавфсиз, ижтимоий ҳимояланган, инсоннинг қадр-қимматини камситмайдиган, меҳнат фаолиятини бошлашда ҳамма учун teng имконият яратадиган, бошқарув қарорларини қабул қилишда иштирок этишни ва шахснинг ўзини ўзи ривожлантиришини кафолатладиган меҳнат аталиши мумкин»¹.

Муносиб меҳнатнинг статистик кўрсаткичларига аниқлик киритиш мақсадида унинг алоҳида таркибий қисмлари ажратиб кўрсатилган (16.1-расм).

Ўз навбатида, муносиб меҳнатнинг ушбу таркибий қисмлари қуидаги индикаторлар гурухларидан иборат:

- муносиб меҳнатнинг асосий кўрсаткичлари;
- муносиб меҳнатнинг қўшимча кўрсаткичлари;
- келажакда қўлланиш назарда тутилган кўрсаткичлар;
- муносиб меҳнатнинг иқтисодий ва ижтимоий моҳияти.

Муносиб меҳнат концепциясини миллий даражада амалга оширишнинг механизми – кўрсаткичларнинг миллий тизими, шунингдек, уларга амал этилиши мониторинги билан боғлиқ усувларини қамраб олган.

Халқаро меҳнат ташкилоти муносиб меҳнатни таъминлаш соҳасидаги фаолиятини кучайтириш мақсадида улар учун мажбурий бўлган «Меҳнат соҳасида туб асосий тамойиллар ва хуқуқлар тўғрисида»ги декларациясини қабул қилди. Унда қуидаги тамойилларга риоя қилишлари, уларни қўллаш ва хаётга тадбиқ этишга кўмаклашишлари барча мамлакатлар учун шартлиги белгилаб қўйилди:

– уюшиш эркинлиги ва жамоавий музокаралар ўтказиш хуқуқини амалда тан олиш;

¹ Report of the Director - General: Decent work URL:<http://www.ilo.org>

- зўраки ёки мажбурий меҳнатнинг барча шаклларини бекор қилиш;
- болалар меҳнатини амалда ман этиш;
- меҳнат ва машғулот соҳасида камситилишга йўл қўймаслик.



16.1-расм. Муносиб меҳнатнинг таркибий қисмлари

Хозирги даврда Халқаро меҳнат ташкилотининг ташабbusи билан Муносиб меҳнат дастурини барча ривожланган мамлакатларда амалга оширишга киришилди. Даставвал Муносиб меҳнат дастури турли минтақалар ва ижтимоий-иктисодий ривожланиши ҳам турлича бўлган жаҳоннинг 8 давлати: Баҳрайн, Бангладеш, Дания, Гана, Қозоғистон, Марокаш, Панама, Филиппинда жорий этилган бўлиб, уларда қуйидаги мақсадларга йўналтирилди:

- «муносиб меҳнат» такчиллигини қисқартириш бўйича миллий ташабbus-ларни қўллаб-қувватлаш;
- мамлакатларга Муносиб меҳнат дастурини миллий сиёsatга жорий этишда ёрдам кўrsatiш;
- турли ижтимоий-иктисодий шароитларда муносиб меҳнат муаммосига комплекс ёндашувнинг самарадорлигини амалиётда тасдиқлаш;
- самарали дастурлар ва сиёsatни ишлаб чиқиш усувларини ривожлантириш.

– Муносиб меҳнат дастурини миллий сиёсатга жорий этиш каби инсонпарварлик тажрибалар тўплаш ва уларнинг ижобий натижаларини намойиш этиш.

16.2. Муносиб меҳнат концепцияси мезонлари асосида аҳолини иш билан таъминлашга бўлган талаблар

Муносиб меҳнат дастурининг тамойиллари давлатларнинг иқтисодий сиёсати, биринчи навбатда, ишлашни хоҳлайдиган ва иш қидираётган ҳаммани иш билан таъминлашга қаратилган бўлишига йўналтирилганлик даражаси билан боғлиқ. Бунда гап дуч келган иш тўғрисида эмас, балки Халқаро меҳнат ташкилотининг аҳолини иш билан бандлигининг глобал дастурида кўзда тутилган иш билан таъминланиши ҳақида боради.

Иш жойларининг аксарияти иқтисодиётнинг норасмий секторида ташкил этилаётганлиги аҳолини иш билан банд бўлган қисми тўлиқ ижтимоий таъминот, қонуний ҳимояланиш имкониятига эга эмасликлари билан изоҳланади.

Халқаро меҳнат ташкилотининг маълумотларига кўра, жаҳонда иш билан бандликнинг муҳофазаланмаган шакллари билан қамраб олинган ходимлар сони 1,53 млрд кишини ташкил этмоқда. Бу иш билан банд бўлганлар умумий сонининг ярмидан кўпрофига (50,1 %) тенгдир. Шунинг учун Халқаро меҳнат ташкилоти эксперtlари мамлакатларда муносиб меҳнатни таъминлайдиган иш билан бандлик кўрсаткичларини 11 та гурӯх бўйича баҳолашни тавсия этган.

Халқаро меҳнат ташкилотининг ҳужжатларида иш билан бандлик имкониятларини баҳолашда қўйидаги кўрсаткичлардан фойдаланиш тавсия этилади:

1) иш стажининг бир йилдан камлиги (асосий иш жойида бир йилдан кам муддатда иш билан банд бўлган ходимларнинг улуши ёш гурӯхлари ва иш билан банд соҳасидаги мақоми кесимида);

2) вақтинчалик иш (ўз меҳнат фаолиятини вақтинча деб ҳисоблайдиган ходимларнинг улуши).

Кўрсаткичларнинг биринчи гурӯхи Муносиб меҳнат дастурининг қўйидаги хусусиятларини кўрсатади:

- аҳолининг иш билан бандлиги;
 - ишсизлик даражаси;
 - норасмий иш билан бандлик;
 - иш ҳақи даражаси паст бўлган иш билан боғлиқ иш билан бандлик.
- Иш билан бандлик эса қўйидаги кўрсаткичлар асосида табақалаштирилган:
- меҳнат ресурслари таркибида иштирок этиш;
 - ишсизлик коэффиценти;
 - жинс коэффиценти.

16.1-жадвал

**Муносиб меҳнат дастури энг муҳим таркибий
қисмларининг кўрсаткичлари¹**

Муносиб меҳнат дастурининг энг муҳим таркибий қисмлари	Муносиб меҳнат дастурининг асосий кўрсаткичлари	Муносиб меҳнат дастурининг қўшимча кўрсаткичлари
Иш билан бандлик имкониятлари	<ul style="list-style-type: none"> – 15-64 ёшдаги аҳолининг иш билан бандлиги даражаси – таълим олмаётган ва иш билан банд бўлмаган 15-24 ёшдаги ишсиз ёшлар даражаси – норасмий иш билан бандлик 	<ul style="list-style-type: none"> – 15-64 ёшдаги меҳнатга лаёқатли аҳоли (ушбу кўрсаткич иш билан бандлар ёки ишсизлар даражаси тўғрисида статистика маълумотлари мавжуд бўлмаган жойларда фойдаланиши керак) – 15-24 ёшдагилар ўртасида ишсизлар даражаси – таълим даражаси бўйича тақсимланган ҳолдаги ишсизлик даражаси – иш билан бандлик турлари бўйича бандлик – ўзини ўзи иш билан таъминлаётганлар ва оиласларда контракт бўйича ишлаётганларнинг улушки – кишиюқ хўжалик соҳасидан бошқа тармоқларда иш билан бандлар ўртасида ёлланма ходимларнинг улушки
Муносиб иш ҳақи ва унумли иш	<ul style="list-style-type: none"> – иш ҳақи даражасининг пастилиги (ўртacha соатбай иш ҳақининг 2/3 дан кам) 	<ul style="list-style-type: none"> – айрим касблар бўйича ўртача соатбай иш ҳақи – ўртача реал иш ҳақи – энг кам иш ҳақининг ўртача иш ҳақига нисбати, % – саноатда иш ҳақининг индекси
Муносиб иш вақти	<ul style="list-style-type: none"> – иш вақтининг ҳаддан ташқари ортиқлиги (ҳафтасига 48 соатдан кўп) 	<ul style="list-style-type: none"> – ишланган соатларнинг одатий миқдори (ишида мавжуд бўлишнинг стандартлаштирилган мажбурий соатлари) – ҳар бир ёлланма ходимнинг йил давомида ишлаган соатлари миқдори – тўлиқ бўлмаган иш вақтининг вақт нуқтаи назаридан даражаси
Барқарор ва муҳофаза қилинган иш	<ul style="list-style-type: none"> – муҳофаза қилинмаган иш билан бандлик даражаси 	<ul style="list-style-type: none"> – хизмат вазифасида бўлиш давомийлиги – тирикчилик ўтказишнинг энг кам миқдори – тирикчилик ўтказиш даражаси – доимий ишга эга бўлмаган ходимларнинг реал иш ҳақи

¹ Д ҳ а р а и Г ҳ а й . Достойный труд: понятия и показатели. Международный обзор труда. Т.142. №1-2, 2003. – М., 2004. – С.3-38.

Имкониятларнинг тенглиги ва меҳнатни бойитиш	<ul style="list-style-type: none"> – гендер белгиси бўйича касбий сегрегация – қишлоқ хўжалик соҳасига мансуб бўлмаган тармоқларда ўрта ва юкори даражадаги бошқарувда иш билан банд аёлларнинг улуши 	<ul style="list-style-type: none"> – меҳнат соҳасида асосий тамоиллар ва хукуклар кўрсаткичлари (меҳнат ва машғулотлар соҳасида камситишга барҳам берилиши) – иркка/элатларга/туб ҳалқларга/мухожир ишчиларга/қишлоқ меҳнаткашларига мансублик асосида камситиш кўламлари (миллий даражада тегишли маълумотлар бўлган ҳолатда)
Хавфсиз иш муҳити	<ul style="list-style-type: none"> – ишлаб чиқаришда ўлимга олиб келган жароҳатланиш даражаси – ишлаб чиқаришда ўлимга олиб келмаган жароҳатланиш даражаси 	<ul style="list-style-type: none"> – ишлаб чиқаришда жароҳатланиш оқибатида йўқотилган иш вақти – меҳнат инспекциясининг мавжудлиги (хар 10 000 ёлланма ходимга тўғри келадиган меҳнат инспекторлари сони)
Ижтимоий муносабатлар	<ul style="list-style-type: none"> – пенсия олаётган 65 ёшгача бўлган аҳолининг улуши – ижтимоий таъминотгавлат харажатлари 	<ul style="list-style-type: none"> – тиббий ёрдам учун хусусий уй хўжаликлари хисобидан бўлмаган манбалардан молия харатлари – базавий тиббий ёрдами кўрсатилган аҳоли улуши
Ходимлар ва иш берувчилар вакилларининг ижтимоий мулокоти	<ul style="list-style-type: none"> – касаба уюшмаларига аъзолик даражаси (иш берувчилар ташкилотларига аъзо бўлган корхоналар) – жамоавий шартномалар билан қамраб олиниш даражаси (меҳнат соҳасида асосий тамоиллар ва хукуклар кўрсаткичлари, уюшиш ва жамоавий шартномалар олиб бориши эркинлиги) 	<ul style="list-style-type: none"> – иш ташлашлар ва оммавий ишдан бўшатилишлар

Кўрсаткичларнинг иккинчи гурухига қуидагилар тааллукли: иш вақтининг давомийлиги (бу кузатилган ҳафта давомида асосий ва ёрдамчи ишларда 48 соатдан кўп ишлаган 15–72 ёшдаги иш билан бандларнинг иш билан бандлар умумий сонига нисбати сифатида ҳисоблаб чиқиласди).

Учинчи гурух кўрсаткичлари эркаклар ва аёлларга нисбатан иш билан банд бўлиш имкониятларининг ҳолатини ифодалайди. Бунда иш ҳақидаги гендер тафовутидан далолат берадиган индикаторлар алоҳида ажратиб кўрсатиласди.

Муносиб меҳнат соҳасида гендер тенглиги бўйича табақалаш қуидаги кўрсаткичларга асосланади:

- меҳнат ресурслари таркибидаги аёлларнинг салмоғи;
- маъмурый-бошқарув ходимлар таркибидаги аёлларнинг салмоғи;
- муҳандис-техник ходимлар таркибидаги аёлларнинг салмоғи;
- ишсиз аёллар ва эркакларнинг миқдори.

Муносиб меҳнат дастури талабларини амалга оширишда ҳар бир мамлакатнинг эҳтиёж ва хусусиятлари ҳисобга олиниди. Хусусан, иқтисодий ривожланишга ижтимоий тараққиёт, ижтимоий тараққиётга эса иқтисодий ривожланиш нуқтаи назари билан қаралиши лозим. Аҳолини иш билан бандлик ва Муносиб меҳнат дастури соҳаларидаги стратегияларга таъсир кўрсатаётган миллий ва ҳалқаро сиёsat бўйича ўзаро келишувга эришиш ҳам талаб қилинади. Шунингдек, меҳнат қонунчилиги ва тегишли муассасаларнинг меҳнат муносабатлари ҳуқуқини тан олиш ҳамда меҳнат инспекциясининг самарали тизимини шакллантириш нуқтаи назаридан самарадорлигини ошириш ҳам ушбу муаммонинг устивор вазифалари қаторига киради.

16.3. Муносиб меҳнат концепцияси асосида ходимларни ижтимоий ҳимоя қилиш

Ижтимоий ҳимоя – инсоннинг ижтимоий эҳтиёжларини қондиришга йўналтирилган чора-тадбирлар тизимининг мажмуасидир. Унинг ўз турлари ва шакллари мавжуд (16.2-расм).

«Ижтимоий ҳимоя» атамаси биринчи марта 1935 йилда АҚШнинг «Ижтимоий хавфсизлик бўйича қонун» деб номланган ҳуқуқий хужжатида қўлланилган. Мазкур қонунга кўра, мамлакат ҳар бир фуқаросининг ишсизлик ёки даромадни йўқотиш, шунингдек, унинг кескин камайиб кетиши (касаллик туфайли, фарзанд туғилиши натижасида, ишлаб чиқариш жароҳати оқибатида, ногиронлиги бўлганилиги сабабли) боис иқтисодий ва ижтимоий неъматлардан маҳрум бўлишдан ҳимоя қилувчи чора-тадбирлар тизими ижтимоий ҳимоя, деб эътироф этилган.

Муносиб меҳнат соҳасидаги ижтимоий ҳимоя давлат томонидан кафолатланадиган ходимнинг муносиб ҳаёт кечириши учун етарли физиологик, ижтимоий ва маънавий эҳтиёжларини қондириш имкониятидир.

Халқаро меҳнат ташкилоти 117-конвенциясининг 25-моддасида ходим ўзининг ҳамда оиласи аъзоларининг саломатлиги ва турмуши учун зарур эҳтиёжини қондиришга ҳақлидир, яъни у озиқ-овқат, кийим-кечак, турар-жой, тиббий хизмат ва ҳоказолар билан таъминланиш имкониятига эга бўлиши лозим. Шунингдек, у ўзига боғлиқ бўлмаган сабабларга кўра, ўзини ва оиласини таъминлай олмай қолса, ишсиз ёки ногиронлиги бўлса ҳам ижтимоий таъминланиш ҳуқуқига эга.

Ёлланиб ишлайдиган ишчи касаллик, баҳтсиз ҳодиса, кексалик ёки унинг меҳнатига талаб камайиши сабабли меҳнатга лаёқатлилигини йўқотса

(вактингчалик ёки мунтазам равишда), унда моддий таъминланиш муаммоси юзага келади. Шу сабабли бозор иқтисодиётида ижтимоий ҳимоя жамиятнинг хўжалик фаолияти ва ижтимоий ҳаётнинг таркибий қисмига айланган. Бу тизимнинг ташкилий-хукуқий шакллари эса меҳнат жараёни ва ходим қобилиягининг такрор ҳосил қилиниши узлуксизлигини таъминлашга қаратилган бўлиши керак.



16.2-расм. Муносиб меҳнат соҳасида ижтимоий ҳимоянинг турлари ва шакллари

Ходимларни ижтимоий ҳимоя қилиш корхона (ташкилот), тармоқ ва худуд даражасида амалга оширилади (16.2-жадвал).

Муносиб мәннат соҳасида ходимларни ижтимоий муҳофаза қилиш тизими қўйдагилардан ташкил топган:

а) мәннат ва фуқаролик қонунчилиги нормалари. Улар ходимларни ишга қабул қилиш ва ишдан бўшатиш, иш вақти, дам олиш вақти, мәннатга ҳақ тўлаш, аёллар ва ёшлар мәннатини муҳофаза этиш умумий тартибини белгилаб беради;

б) ходимларни ижтимоий муҳофаза қилиш механизмлари. Улар ижтимоий-иқтисодий ҳамда моддий механизмлардан иборат бўлиб, ходимларни ижтимоий муҳофаза қилиш функциялари ва турларини, шунингдек, ходимлар ҳамда иш берувчилар манфаатларининг мутаносиблигини таъминлашга даъват этилган жамоа ва мәннат шартномларидан иборатdir;

16.2-жадвал

Муносиб мәннат жараёнида ходимларни ижтимоий ҳимоя қилиш унсурлари, механизмлари ва тизимлари

Унсурлар	Механизмлар	Тизимлар
Ижтимоий кафолатлар – миллий даражада: мәннат, ижтимоий қонунчилик; техника хавфсизлиги ва мәннат гигиенаси	Иқтисодий, хукуқий, сиёсий	Давлат минимал ижтимоий стандартлари: тиббий ёрдам, касбга йўналтириш ва касбга тайёрлаш
Жамоа, худудий, тармоқ ва бош келишувлардаги ижтимоий кафолатлар	Ижтимоий	Мәннатни муҳофаза қилиш, касбий хавф-хатарнинг профилактикаси, баҳоланиши, камайтирилиши, ишлаб чиқаришдаги баҳтсиз ходисаларни текшириш
Халқаро мәннат ташкилоти конвенция ва тавсияларидаги ижтимоий кафолатлар	Иқтисодий, хукуқий	Касб касаллиги ва ишлаб чиқаришда мәннат қобилиятини йўқотганлигини аниқлаш, тиббий, ишсизлик бўйича нафака, ишлаб чиқаришдаги баҳтсиз ходисалардан ижтимоий суғурта

в) юридик мақоми ҳамда иқтисодий имкониятларидан келиб чиқсан ҳолда аниқ мақсадли функцияларни бажарадиган ижтимоий муҳофаза қилиш муасасалари.

16.4. Ходимларни ижтимоий-иқтисодий муҳофаза қилиш механизми

Иш билан банд бўлган ходимларни ижтимоий-иқтисодий муҳофаза қилиш механизми қўйдагилардан таркиб топган:

1) ижтимоий- меҳнат кафолатлари:

- иш вақти давомийлиги, меҳнат ва дам олиш вақтини, меҳнатга лаёқатли ёш чегарасини тартибга солиш;
- моддий таъминот – энг кам иш ҳақи миқдори, тариф сеткалари, вақтинча меҳнатга лаёқатни йўқотгандаги тўловлар ва ҳоказолар;
- касб таълимоти – ходимларни касбий тайёрлаш ва қайта тайёрлаш, меҳнат фаолияти шароитларидан хабардор қилиш.

2) тиббий кафолатлар:

- дастлабки ва даврий тиббий кўриклар ўтказиш;
- ишлаб чиқаришда жароҳат олганларни даволаш.

3) компенсация – реабилитация кафолатлари:

- ходимнинг меҳнат фаолиятини амалга ошириш пайтида соғлиғига етказилган зарарни моддий жиҳатдан қоплаш;
- ишлаб чиқаришда соғлиғига зарар етганларни тиббий, касбий ва ижтимоий реабилитация қилиш;
- ноқулай меҳнат шароитларидаги иш учун имтиёзлар ва компенсациялар.

4) ташкилий кафолатлар:

- иш жойларида шарт-шароитлар ва меҳнатни муҳофаза қилиш тизими ни экспертизадан ўтказиш;
- ишлаб чиқаришда баҳтсиз ҳодисалар сабабларини текшириш.

Халқаро меҳнат ташкилотининг Муносиб меҳнат дастурида ходимларнинг ижтимоий ҳимояланиши индикаторлари сифатида қуидагилар белгиланган:

- давлатнинг ижтимоий таъминот учун ҳаражатлари;
- кўзда тутилмаган вазиятлар: ишсизлик, касалланиш, оналик (ҳомиладорлик ва болаларни тарбиялаш), ишлаб чиқаришда баҳтсиз ҳодисалар, пенсия ёшига етиш ҳолатларида ҳимояланишга муҳтоҷ ходимларнинг тегишли тоифалари умуумий сонида ижтимоий кафолатларга эга муайян тоифадаги ходимларнинг улуши;

– ялпи ички маҳсулот ҳажмида ижтимоий таъминот ҳаражатларининг улуши.

Халқаро меҳнат ташкилотининг Муносиб меҳнат дастурида меҳнат шароитлари, меҳнат муҳофазаси ва хавфсизлиги марказий ўринлардан бирини эгаллайди. Меҳнатни муҳофаза қилиш – меҳнат жараёнида инсоннинг хавфсизлигини, ҳаёти ва соғлиғи, иш қобилияти сақланишини таъминлашга доир ҳуқуқий, ижтимоий-иктисодий, ташкилий, техникавий, санитария-гигиена, даволаш-профилактика, реабилитация тадбирлари ҳамда воситалари тизимиdir¹.

Муносиб меҳнат дастурида меҳнатни муҳофаза қилишнинг индикаторлари сифатида қуидагилар белгиланган:

- муҳофаза қилинмаган иш билан бандлик даражаси;

¹ «Меҳнатни муҳофаза қилиш тўғрисида» Ўзбекистон Республикаси Қонуни (янги таҳрири) // Халқ сўзи, 2016 йил 23 сентябрь

- иш вақтининг ҳаддан ташқари ортиклиги (хафтасига 48 соатдан кўп);
- ўлимга олиб келган ва олиб келмаган жароҳатланиш даражаси;
- ишлаб чиқаришда жароҳатланиш оқибатида йўқотилган иш вақти;
- меҳнат инспекциясининг мавжудлиги (ҳар 10 000 ёлланма ходимга тўғри келадиган меҳнат инспекторлари сони) ва бошқа кўрсаткичлар белгиланган (16.3-жадвал)¹.

16.3-жадвал

Муносиб меҳнатни таъминлайдиган меҳнат хавфсизлиги индиқаторлари

Муносиб меҳнат дастурининг энг муҳим таркибий қисмлари	Муносиб меҳнат дастурининг асосий кўрсаткичлари	Муносиб меҳнат дастурининг кўшимча кўрсаткичлари
Муносиб иш вақти	Иш вақтининг ҳаддан ташқари ортиклиги (хафтасига 48 соатдан кўп)	<ul style="list-style-type: none"> – ишланган соатларнинг одатий микдори (ишда мавжуд бўлишнинг стандартлаштирилган мажбурий соатлари) – ҳар бир ёлланма ходимнинг йил давомида ишлаган соатлари микдори – тўлиқ бўлмаган иш вақтининг вақт нуқтаи назаридан даражаси
Барқарор ва мухофаза килинган иш	Мухофаза қилинмаган иш билан бандлик даражаси	<ul style="list-style-type: none"> – хизмат вазифасида бўлиш давомийлиги – тирикчилик ўтказишнинг энг кам микдори – тирикчилик ўтказиш даражаси – доимий ишга эга бўлмаган ходимларнинг реал иш ҳаки
Хавфсиз иш муҳити	<ul style="list-style-type: none"> – ишлаб чиқаришда ўлимга олиб келган жароҳатланиш даражаси – ишлаб чиқаришда ўлимга олиб келмаган жароҳатланиш даражаси 	<ul style="list-style-type: none"> – ишлаб чиқаришда жароҳатланиш оқибатида йўқотилган иш вақти – меҳнат инспекциясининг мавжудлиги (ҳар 10 000 ёлланма ходимга тўғри келадиган меҳнат инспекторлари сони)

Ишлаб чиқаришда меҳнат хавфсизлигини таъминлашнинг халқаро стандартлари мавжуд. Халқаро меҳнат ташкилотининг 155-Конвенцияси ва 164-йилги Тавсиялари меҳнатни мухофаза қилишни бошқаришга тизимли ёндашув асосини яратди. Халқаро меҳнат ташкилоти «Меҳнатни мухофаза қилишни бошқариш тизимлари бўйича қўлланма»ни (ХТБ-ММБТ 2001) эълон

¹ Стандарты достойного труда //http://www.ilo.org/public/russian/region/eupro/moscow.

қилди. Бу кўлланма мөхнатни муҳофаза қилиш соҳасида миллий стандартларни ишлаб чиқиш учун услубий асос вазифасини ўтамоқда.

Мөхнатини муҳофаза қилиш тизими самарадорлиги мезонларидан бири – «Мөхнат хавфсизлиги стандартларининг тизими» – OHSAS 18001:2007 га мувофиқлик ҳисобланади. Мөхнатни муҳофаза қилиш тизими самарадорлигини таҳлил этишда ишлаб чиқаришдаги мөхнат шароитларининг ходимлар ҳаёти ва саломатлигига хавфи даражаси мезонидан фойдаланилади (16.4-жадвал).

16.4-жадвал

Ишлаб чиқаришда ходимлар ҳаёти ва соғлигига хавф даражасини аниқлаш

Хавф даражалари	Майиб бўлиш хавфи (иш турлари бўйича)	Мөхнат шароитларининг бузилиши (иш жойлари бўйича)
Таҳдид даражасидаги хавф	Корхонада бу иш турларини бажаришда ходимлар ўлими ҳоллари бўлган ёки шундай ҳолатга олиб келадиган даражада майиб бўлиш хавфи мавжуд.	Ногиронликка олиб келган касб касалликларига чалиниш ҳоллари қайд килинган (мазкур касб, ихтиносслик бўйича мөхнат қобилиятиниң йўқотилиши).
Жиддий даражадаги хавф	Корхонада бу иш турларини бажаришда мөхнат қобилиятини 90 кундан кўп муддатга йўқотишга олиб келган майиб бўлиш ҳоллари учраган ёки шу даражада майиб бўлиш хавфи бор.	Мазкур омил бўйича ходимларининг касб касалликларига чалиниш ҳоллари қайд килинган.
Чегара даражасидаги хавф	Корхонада бу иш турларини бажаришда ўрта оғирлик даражасида майиб бўлиш ҳоллари (мөхнат қобилиятини 1кундан 90 кунгacha йўқотиш) учраган ёки шу даражада майиб бўлиш хавфи бор.	Ишлаб чиқариш зарарли омилларининг иш жойида йўл қўйиб бўладиган энг кўп микдоридан, санитария-гигиена меъёрлари ва давлат стандартларидан юқорилиги; буни зарур аниқлик билан ва муддатда аниқлаш иложининг йўқлиги.
Тоқат қилиш мумкин даражасидаги хавф	Ишлаб чиқариш зарарли омилларининг иш жойида йўл қўйиб бўладиган энг кўп микдоридан, санитария-гигиена меъёрлари ва давлат стандартларидан 0,1 га юқорилиги.	

Халқаро Мөхнат Ташкилоти 117-конвенциясида ёлланиб ишлайдиган ишчи касаллик, баҳтсиз ҳодиса, кексалик ёки унинг мөхнатига талаб кама-

йиши сабабли меҳнатга лаёқатлилигини йўқотса (вақтинчалик ёки мунтазам равишда), унда моддий таъминланиш муаммоси юзага келади. Шу сабабли бозор иқтисодиётида ижтимоий ҳимоя жамиятнинг хўжалик фаолияти ва ижтимоий ҳаётнинг таркибий қисмига айланган.

Ўзбекистон Республикаси Халқаро меҳнат ташкилотининг меҳнатни муҳофаза қилиш билан боғлиқ 8 та асосий конвенциясига қўшилган.

Ўзбекистонда ишлаб чиқаришда меҳнат хавфсизлигини таъминлашнинг ҳуқуқий асослари яратилган. Ўзбекистон Республикаси Конституциясининг 37-моддасида «Ҳар бир шахс ...адолатли меҳнат шароитларида ишлаш ...ҳуқуқига эгадир», деб мустаҳкамлаб қўйилган. Ўзбекистон Республикаси Мехнат кодексининг 30 дан ортиқ моддалари бевосита меҳнат муҳофазасига тааллуқлидир. Уларда:

- меҳнат муҳофазаси бўйича талаблар;
- хавфсиз ва соғлом меҳнат шароитларини таъминлаш;
- меҳнат муҳофазаси масалаларига ўқитиш ва кўрсатмалар бериш;
- алоҳида меҳнат тавсифига эга ва 18 ёшга етмаган ишчилар учун ноқулай меҳнат шароитларидаги ишларда иш вақти давомийлигини регламентлаш;
- турли ишларга ногиронларни жалб этиш шароитларига;
- ишчиларни сут маҳсулотлари, даволаш-профилактик озиқ-овқат, якка ҳимоя ва гигиена воситалари билан таъминлаш;
- ходимларга биринчи тиббий ёрдам кўрсатиш;
- баҳтсиз ҳодисаларни ҳисобга олиш ва текшириш, кузатиш, меҳнат шароитлари ҳолатини назорат қилиш ва бошқа ҳуқуқий асослар қайд этилган.

Меҳнат кодексида барча корхоналарда хавфсизлик ва гигиена талабларига жавоб берадиган меҳнат шароитлари яратилган бўлиши кераклиги, бундай шароитларни яратиб бериш иш берувчининг мажбуриятига кириши белгилаб қўйилган.

Ишлаб чиқаришга мўлжалланган янги қурилган ва таъмирланган корхонада соғлом ва хавфсиз меҳнат шароитлари таъминланмаса, уни давлат санитария ва техник назоратини амалга оширувчи ташкилотларнинг ва касаба уюшмалар меҳнат техника назорати ташкилотларининг ҳамда корхонани фойдаланишга қабул қилувчи фабрика, заводнинг маҳаллий касаба уюшмаси қўмитаси рухсатисиз фойдаланишга топширишга йўл қўйилмайди.

Корхона ва ташкилотларнинг маъмурияти барча иш ўринларини керакли техник жихозлар билан таъминлаши ва бу ўринларда меҳнат муҳофазасининг қоида ҳамда стандартларига мос келувчи меҳнат шароитларини яратишлари лозим. Бундай қоида ва стандартларни Ўзбекистон Республикаси Вазирлар Маҳкамаси, вазирликлар, давлат назорати ташкилотлари касаба уюшмалари марказий қўмитаси билан келишилган ҳолда ишлаб чиқадилар ва тасдиқлайдилар.

Меҳнат муҳофазасига оид қоидаларда маъмуриятга тегишли ва улар учун мажбурий бўлган қоидалар кўрсатилган. Агар бу қоидаларда ишни бажариш пайтида хавфсиз меҳнат шароитларини таъминлашга йуналтирилган талаблар тўлиқ бажарилмаган бўлса, корхона маъмурияти касаба уюшма ташкилоти билан келишиб, хавфсиз меҳнат шароитларини таъминловчи чоралар кўради.

Меҳнат кодексида, шунингдек, ходимнинг меҳнатни муҳофaza қилиш нормаларига, қоида ва йўриқномаларига риоя қилиши, иш берувчи уларларнинг меҳнатни муҳофaza қилиш бўйича ўқишларини таъминлаши ва билимларини текшириб туриши, иш жойида касал бўлиб қолганларга дастлабки тиббий ёрдам кўрсатишга қаратилган чоралар кўриши шартлиги ва бошқа қоидалар қайд қилинган.

Иш берувчи, шунингдек, меҳнат шартномасини тузишда ва бошқа ишга ўтказишда ходимни меҳнат шароитлари тўғрисида, шу жумладан, касб касалликлари ва бошқа касалликларга чалиниш эҳтимоли, шу билан боғлиқ ҳолда унга бериладиган имтиёз ва компенсациялар, шунингдек, шахсий ҳимоя воситалари ҳакида хабардор қилиши керак.

Ходимларга техника хавфсизлиги, ишлаб чиқариш санитарияси, ёнғин чиқишидан сақланиш ва меҳнатни муҳофaza қилишнинг бошқа қоидалари ҳакида йўл-йўриқлар бериш ҳамда ходимларнинг меҳнатни муҳофaza қилишнинг ҳамма талабларига риоя этишларини доимий равишда текшириб бориши вазифаси ҳам иш берувчи зиммасига юклатилади.

Заарли меҳнат шароитлари ва ифлосланиш билан боғлиқ бўлган ишларда, ишчи ва хизматчиларга белгиланган қоидаларга биноан текин маҳсус по-янафзал, коржома, шахсий ҳимоя воситалари, сут, совун берилади.

Меҳнат қонунида хотин-қизлар, айниқса, ҳомиладор аёллар, ёш болали аёллар меҳнатини муҳофaza қилишга алоҳида эътибор берилган. Ҳомиладор ва ёш болали аёлларни кечки ишларга, иш вақтидан ташқари вақтдаги ишларга, дам олиш кунларида ишга жалб этиш, хизмат сафарига юбориш тақиқланади. Боласи бир ёшдан ўн тўрт ёшга тўлмаган аёлларнинг иш вақтидан ташқари ишга жалб этилиши ва хизмат сафарига юборилиши факат уларнинг розилиги билангина амалга оширилиши мумкин.

Соғлиғи ҳолатига кўра енгилроқ ёки нокулай ишлаб чиқариш омилларининг таъсиридан ҳоли бўлган ишга ўтказишга муҳтоҷ ходимларни иш берувчи, уларнинг розилиги билан, тиббий хulosага мувофиқ вақтинча ёки муддатини чекламай, ана шундай ишларга ўтказиши шарт. Умуман, ходим ўз ҳаёти ёки соғлиғига таҳдид солаётган ишни бажаришни рад этиш хукуқига эгадир.

Қонунда кўрсатилишича, Ўзбекистон фуқаролари дам олиш хукуқига эга. Бу хукуқ ишчи ва хизматчиларга 40 соатдан ошмайдиган иш ҳафтасини белгилаш билан таъминланади. Аммо заарли меҳнат шароитларида ишлайдиган

ишчи ва хизматчиларга ҳамда 16 ёшдан 18 ёшгача бўлганлар учун 36 соатлик, 15 ёшдан 16 ёшгача бўлганлар учун эса 24 соатлик иш ҳафтаси белгиланган.

Янги таҳрирда қабул қилинган «Меҳнатни муҳофаза қилиш тўғрисида»ги қонуннинг асосий қоидалари қуидаги меъёрлардан иборат:

– меҳнатни муҳофаза қилиш соҳасидаги Ўзбекистон Республикаси Ҳукуматининг ва бу соҳада давлат сиёсати олиб боришда давлат ва хўжалик бошқаруви органларининг ваколатлари;

– Бандлик ва меҳнат муносабатлари вазирлигининг меҳнатни муҳофаза қилиш соҳасида маҳсус ваколатли давлат органи сифатидаги меҳнатни муҳофаза қилиш соҳасидаги қонун ва қонуности хужжатларига риоя этилишини назорат қилиш вазифаси;

– меҳнатни муҳофаза қилиш бўйича жамоатчилик назоратини ўрнатишини таъминлаш юзасидан талаблар ва бошқа давлат бошқаруви органларининг меҳнатни муҳофаза қилиш соҳасидаги ваколатлари, шу жумладан, Соғлиқни сақлаш вазирлигининг ва жойлардаги давлат ҳокимияти органларининг ваколатлари;

– меҳнатни муҳофаза қилиш талабларининг бузилиши натижасида ташкилот ёки унинг тузилма бўлинмаларининг қайта қўриб чиқилган фаолияти, ишлаб чиқаришларни (асбоб-ускуналар) тўхтатилиши ва бундай ташкилотлар фаолиятини тугатиш талаблари;

– корхона ва ташкилотларда меҳнатни муҳофаза қилиш хизматининг вазифаларини амалга оширишда иш жойларини меҳнат шароитлари бўйича аттестацияси ва иш жойларининг жароҳатлаш хавфини аниқлаш ва ходимларни меҳнатни муҳофаза қилиш масалалари бўйича ўқитиши ва малакасини ошириш, меҳнатни муҳофаза қилиш аудитини ташкил этиш бўйича меҳнатни муҳофаза қилиш соҳасида хизматлар бозорининг профессионал иштирокчиси тушунчаси;

– касбий хавф бўйича хатари паст ташкилотларда ҳамда муҳофаза қилиш хизматини ташкил этишга имкониятлари етмаган кичик корхоналарда (ходимлар сони эллик нафардан кам бўлган ташкилотларда) меҳнатни муҳофаза қилиш хизматининг вазифаларини бажариш аутсорсинги асосида меҳнатни муҳофаза қилиш соҳасида хизматлар бозорининг профессионал иштирокчиларини (мазкур соҳада фаолият юритадиган тадбиркорларни) жалб қилиш;

– ишлаб чиқаришдаги баҳтсиз ҳодисалар ва касб касалликларини олдини олиш ҳамда ишлаб чиқаришдаги баҳтсиз ҳодисаларни тугатишида ортиқча харажатларга йўл қўймаслик ва ташкилотларда меҳнатни муҳофаза қилишни тўғри ташкил этиш мақсадида ташкилотлар томонидан ихтиёрий равишида меҳнатни муҳофаза қилишнинг бошқарув тизимини аудит қилиш механизми;

- меҳнатни муҳофаза қилиш соҳасидаги хизматлар бозоридаги профессионал иштирокчиларга қўйиладиган талаблар Ўзбекистон Республикаси Ҳукумати томонидан белгиланиши;
- меҳнатни муҳофаза қилиш соҳасида кафолатлар, ҳуқуқлар, иш берувчи ва ходимларнинг ҳуқуқ ва мажбуриятлари;
- ходимларнинг айрим тоифалари, аёллар, вояга етмаган шахслар ва меҳнат қобилияти чекланган шахслар учун меҳнатни муҳофаза қилиш соҳасидаги муносабатларни тартибга солишнинг ўзига хос хусусиятлари;
- меҳнатни муҳофаза қилишни давлат назорати, меҳнат шароитларининг давлат экспертизаси ва меҳнат хавфсизлиги ва меҳнатни муҳофаза қилиш холатларининг мониторинги тушунчалари;
- маҳсус ваколатли давлат органининг кўрсатмаларини белгиланган муддатларда бажарилишини таъминламаган шахслар ёки ишлаб чиқаришдаги баҳтсиз ҳодисалар ва касб касаллигини ўз вақтида маҳсус текширишни ташкил этмаган, шунингдек, ишлаб чиқаришда содир бўлган баҳтсиз ҳодисалар ва касб касалликларини келиб чиқиш ҳолатларини яширишда айбдор бўлган шахслар қонунларда белгиланган тартибда жавобгарликка тортилиши;
- юридик шахснинг тугатилишида етказилган заарар учун ташкилотнинг жавобгарлиги нормалари;
- меҳнатни муҳофаза қилишга доир қонунлар ва бошқа меъёрий ҳужжатларга риоя этилиши устидан қайта қўриб чиқилган жамоатчилик назоратининг тартиби ва касаба уюшмаларининг ходимларнинг меҳнатини муҳофаза қилишга доир ҳуқукини ҳимоя этиш борасидаги ҳуқуқлари¹.

«Иш ўринларини меҳнат шароитлари ва асбоб-ускуналарнинг жароҳатлаш хавфлилиги юзасидан аттестациядан ўтказиш тартиби тўғрисида»ги Низом тасдиқланиб, унинг талабларига мувофиқ иш ўринларида аттестация ўтказилган корхонанинг аттестация материаллари меҳнат органларида давлат экспертизасидан ўтказилиши белгиланган².

Ишлаб чиқариш корхоналаридаги меҳнатни муҳофаза қилиш хизмати меҳнатни муҳофаза қилиш талабларига риоя этилишини таъминлаш мақсадида ташкил этиладиган хўжалик юритувчи субъектнинг таркибий бўлинмаси ҳисобланади. Ушбу хизмат корхонаси ходимлари томонидан меҳнат муҳофазаси қоидаларига риоя этилиши, ишлаб чиқариш омиллари билан боғлиқ майиб бўлишлар ва касб касалликлари сабабларини ҳисобга олиш ва

¹ «Меҳнатни муҳофаза қилиш тўғрисида» Ўзбекистон Республикаси Конуни // Халқ сўзи, 2016 йил 23 сентябр

² Иш ўринларини меҳнат шароитлари ва асбоб-ускуналарнинг жароҳатлаш хавфлилиги юзасидан аттестациядан ўтказиш тартиби тўғрисида низом / Ўзбекистон Республикаси Вазирлар Маҳкамасининг 2014 йил 15 сентябрдаги «Ходимлар меҳнатини муҳофаза қилиш чора-тадбирларини янада такомиллаштириш тўғрисида»ги қарорига 1-илова // Ўзбекистон Республикаси конун ҳужжатлари тўплами, 2014 й.

таҳлил этиш ишларини ташкил этади, меҳнат муҳофазаси соҳасидаги илғор тажрибани ўрганади ва оммалаштиради, ходимлар ва иш берувчига технига хавфсизлиги, меҳнат шароитларини яхшилаш ва бошқа масалалар юзасидан маслаҳатлар беради.

Шу билан бирга корхоналарида меҳнатни муҳофаза қилиш бўйича комиссиялар ҳам ташкил этиш тавсия қилинади. Уларнинг таркибига иш берувчи ва касаба уюшмалари вакиллари тенглик асосида киритилади. Бу комиссия ходимларнинг меҳнат фаолияти давомида ҳаёти ва саломатлигини муҳофаза қилишга қаратилган ташкилий-профилактика, ижтимоий-иктисодий, санитария-гиена ва бошқа тадбирлар амалга оширилишини таъминлаш билан шуғулланади.

Ходимлари сони нисбатан кам бўлган кичик бизнес корхоналарида эса иш берувчи меҳнат муҳофазаси бўйича ихтисослашган ташқи ташкилот билан шартнома тузиши ёки штатга меҳнат муҳофазаси бўйича маҳсус маълумотга эга мутахассисни киритиши ёхуд ўз ходимларидан бирини меҳнат муҳофазаси ишлари бўйича масъул қилиб тайинлаши мумкин. Кичик бизнес корхонасидаги меҳнат муҳофазаси ишлари бўйича бундай масъул ходим тайинланиши ҳолатларида иш берувчи ва бу масъул ходим меҳнат муҳофазаси бўйича маҳсус тайёргарликдан ўтган бўлиши керак. Шундан сўнг иш берувчи масъул ходимга меҳнат муҳофазаси бўйича вазифа юқлатилганлиги тўғрисида буйруқ чиқаради.

16.5. Муносиб меҳнат концепциясини иқтисодиётга жорий этиш амалиёти

Халқаро меҳнат ташкилоти томонидан Муносиб меҳнатни таъминлаш соҳасидаги фаолиятни кучайтириш мақсадида мажбурий бўлган «Меҳнат соҳасида туб асосий тамойиллар ва ҳуқуқлар тўғрисида»ги декларацияси қабул қилинган. Унда кўрсатилган тамойилларга риоя қилиш, уларни қўллаш ва хаётга тадбиқ этишга кўмаклашиш шартлиги белгилаб қўйилган.

Ўзбекистонда ҳам мамлакатда ижтимоий-меҳнат соҳасини ривожлантириш, аҳолининг реал даромадлари ўсишини таъминлаш, меҳнат бозорида вазиятни яхшилаш, иш билан унумли бандлик соҳасини кенгайтириш, аҳоли ижтимоий ҳимояси тизимининг манзиллилигини таъминлаш, меҳнат муҳофазаси ва хавфсизлиги даражасини ошириш мақсадида Ўзбекистон Республикасида Муносиб меҳнат бўйича мамлакат дастурини ишлаб чиқди ҳамда ХМТ билан ҳамкорликнинг аниқ устувор йўналишлари, мақсадлари, вазифалари ва натижалар индикаторларини белгилаб олди. Ижтимоий шериклар – Ўзбекистон Республикаси Ҳукумати, Ўзбекистон Касаба уюшмалари Федерацияси Кенгаши ва Савдо-саноат палатаси билан Халқаро меҳнат ташкилоти ўртаси-

да Муносиб меҳнат бўйича мамлакат дастурини амалга оширишда ҳамкорлик қилиш битимлари имзоланди.

Ўзбекистоннинг Муносиб меҳнат бўйича мамлакат дастурида меҳнат соҳасида асосий тамойилларни амалга ошириш мақсадида ижтимоий ҳамкорликни мустаҳкамлаш, иш билан муносиб бандлик имкониятларини кенгайтириш, меҳнат шароитлари ва ижтимоий муҳофазани яхшилаш чора-тадбирла-ри белгиланган.

Халқларо меҳнат ташкилотининг Ўзбекистон Республикаси томонидан ратификация қилинган конвенцияларини амалга оширишга доир қўшимча чора-тадбирлар тўғрисидаги хужжатга кўра, мамлакатимизнинг меҳнат қонунчилигини янада такомиллаштириш, шу жумладан, ХМТнинг бир қатор конвенцияларини ратификация қилишда ҳамкорликни кенгайтиришга доир муҳим вазифалар белгиланган.

ХМТнинг Ўзбекистон Республикаси томонидан ратификация қилинган конвенциялари нормалари ва талабларининг ташкилотларда ижро этилиши устидан мониторинг ҳамда назорат қилиш ишлари йўлга қўйилган. Хусусан, Фуқароларнинг кафолатланган меҳнат хуқуқларини таъминлаш масалалари бўйича Парламент комиссияси томонидан корхона ва ташкилотларда, тад-биркорлик субъектлари ўртасида меҳнат тўғрисидаги қонунлар нормаларини қўллаш, мажбурий меҳнатга ва болалар меҳнатига йўл қўймаслик масалалари бўйича аниқ мақсадга йўналтирилган ахборот-тушунтириш ишлари олиб борилмоқда.

БМТ маълумотларига кўра, бугун дунё мамлакатларининг 45 % аҳоли-си, яъни 3 миллиарддан ортиқ инсон ишчи кучи ҳисобланади. Дунё бўйича меҳнатга қобилиятли аҳоли рейтинги бўйича Ўзбекистон 35 ўринда (18 миллионга яқин) қайт этилган. Ҳозирги кунда Ўзбекистонда иш билан банд бўлган аҳоли 12,2 миллион нафарни ташкил этмоқда.

Ўзбекистон Республикаси томонидан ХМТнинг 14 та Конвенцияси (шу жумладан, 8 та асосий конвенциянинг барчаси) ратификация қилингани алоҳида таъкидланди. Шу билан бирга, Халқаро меҳнат ташкилотининг Меҳнат инспекцияси тўғрисидаги 81-конвенцияси Ҳамда Қишлоқ хўжалигида меҳнат инспекцияси тўғрисидаги 129-конвенцияларидағи аксарият нормалар миллий қонунчиликка имплементация қилинган. Маълумот ўрнида айтиш керакки, 81-сонли конвенция бугунга қадар 145 та, 129-сонли конвенция эса 53 та мамлакат томонидан ратификация қилинган.

ХМТнинг 81-сонли конвенцияси, Саноат иш жойларидағи меҳнат инспекцияси тизими қўлланиши меҳнат инспекторлари томонидан таъминланадиган меҳнат шароитларига доир ва иш жараёнида меҳнаткашларни муҳофаза қилишга оид қонун-коидалар қўлланиладиган барча иш жойларини камраб олади.

ХМТнинг 129-сонли конвенциясида қайд этилган қишлоқ хўжалигидаги меҳнат испекцияси тизими, меҳнаткашларни ёллайдиган ёки шогирдлик усулида жалб қиладиган қишлоқ хўжалиги корхоналари, уларнинг ишчи ходимларига ҳақ тўланиши, шартнома тури, шакли ва давомийлиги қандай бўлишидан қатъи назар, кўлланилиши зарур деб эътироф этилган.

Ушбу Миллий дастурнинг устувор йўналишлари, асосий индикаторлари ва стратегиялари ижтимоий шериклар – Ўзбекистон Республикаси Ҳукумати, Ўзбекистон Касаба уюшмалари Федерацияси Кенгаши ва Савдо-саноат палатаси билан Халқаро меҳнат ташкилотининг Муносиб меҳнат масалари бўйича техник кўмаклашиб гуруҳи мутахассислари ҳамда Шарқий Европа ва Марказий Осиё учун ХМТнинг Москвадаги бюроси ва ХМТнинг Женевадаги қароргоҳи ўртасида келишиб олинган.

XVII БОБ. МЕҲНАТ МУНОСАБАТЛАРИ

17.1. Меҳнат муносабатларнинг моҳияти ва уларнинг турлари

Меҳнат муносабатлари – ходим ва иш берувчи ўртасида иш берувчи зарур меҳнат шароитларини яратиб берган ҳолда ҳақ тўланиши ҳисобига ходим томонидан шахсан меҳнат функциясини (штат рўйхатига мувофиқ, касби, ихтиносслиги бўйича топшириладиган аниқ ишни) бажариш юзасидан келишув натижасида пайдо бўладиган муносабатлардир. Меҳнат муносабатларининг субъектлари – *ходим ва иш берувчи ҳисобланади*. Меҳнат муносабатлари ижтимоий хусусият касб этганида, ушбу субъектлар қаторига давлат ҳам қўшилади.

Ходим ва иш берувчи ўртасида қонуний меҳнат муносабатлари фақат ушбу муносабатлар амалдаги меҳнат қонунчилиги томонидан тартибга солинадиган меҳнат шартномаси асосида расмийлаштирилганда пайдо бўлади. *Меҳнат шартномаси* ходим билан иш берувчи ўртасида муайян мутахассислик, малака, лавозим бўйича ишни ички меҳнат тартибига бўйсунган ҳолда тарафлар келишуви, шунингдек, меҳнат тўғрисидаги қонунлар ва бошқа норматив хужжатлар билан белгиланган шартлар асосида ҳақ эвазига бажариш ҳақидаги келишувдир.

Меҳнат шартномасида ходим ва иш берувчи ўртасидаги келишув билан қўйидагилар белгилаб қўйилади:

- иш жойи (корхона ёки унинг бўлинмаси);
- ходимнинг меҳнат вазифаси – мутахассислиги, малакаси, у ишлайдиган лавозим;
- ишнинг бошланиш куни;
- меҳнат шартномаси муайян муддатда амал қилиши;
- меҳнат ҳақи миқдори ва меҳнатнинг бошқа шартлари.

Меҳнат шартномалари:

- номуайян муддатга;
- беш йилдан ортиқ бўлмаган муайян муддатга;
- муайян ишни бажариш вақтига мўлжаллаб тузилиши мумкин.

Агар меҳнат шартномасида унинг амал қилиш муддати кўрсатилмаган бўлса, меҳнат шартномаси номуайян муддатга тузилган, деб ҳисобланади. *Номуайян муддатга тузилган* меҳнат шартномаси ходимнинг розилигисиз

муайян муддатга, шунингдек, муайян ишни бажариш вақтига мўлжаллаб қайта тузилиши мумкин эмас.

Мехнат шартномаси қуидаги мақсадда *дастлабки синов шарти* билан тузилиши мумкин:

- ходимнинг топширилаётган ишга лаёқатлиигини текшириб кўриш;
- ходим меҳнат шартномасида шартлашилган ишни давом эттиришнинг мақсадга мувофиқлиги ҳақида бир қарорга келиши.

Дастлабки синовни ўташ ҳақида меҳнат шартномасида шартлашилган бўлиши лозим. Бундай шартлашув бўлмаган тақдирда ходим дастлабки синовиз ишга қабул қилинган, деб ҳисобланади.

Дастлабки синов муддати уч ойдан ошибб кетмаслиги керак.

Ҳомиладор аёллар, уч ёшга тўлмаган боласи бор аёллар, корхона учун белгиланган минимал иш жойлари ҳисобидан ишга юборилган шахслар, ўрта маҳсус, касб-хунар таълими муассасаларининг ҳамда олий ўқув юртларининг тегишли таълим муассасасини тамомлаган кундан эътиборан уч йил ичида биринчи бор ишга кираётган битириувчилари ишга қабул қилинганда, шунингдек ходимлар билан олти ойгача муддатга меҳнат шартномаси тузилиб, ишга қабул қилинганда дастлабки синов белгиланмайди.

Айrim ҳолатларда бундай меҳнат муносабатларининг ҳуқуқий асослари бирмунча мураккаброқ ҳусусиятга эга бўлади (лавозим ёки хизмат вазифасига сайланиш ёки тайнинланиш, бўш иш жойига танлов асосида ишга қабул қилиш, тузилган меҳнат шартномаси юзасидан суд қарорининг чиқарилиши ва ҳоказолар).

Масалан, давлат органларидағи сайлаб қўйиладиган лавозимларга сайланғанлиги туфайли ишдан озод қилинган ходимларга сайлаб қўйиладиган лавозимдаги ваколатлари тугагандан кейин аввалги иши (лавозими) берилади, бундай иш (лавозим) мавжуд бўлмаса, аввалгисига teng иш (лавозим) берилади.

Шу билан бирга ҳарбий хизматга чақирилган (ўтган) ходим захирага бўшатилган ёки истеъфога чиққанидан кейин, башарти, Ўзбекистон Республикаси Куролли Кучлари сафидан, Ички ишлар вазирлиги, Миллий хавфсизлик хизмати ва Фавқулодда вазиятлар вазирлиги қўшинларидан бўшатилган кунидан бошлаб узоги билан уч ой ичида ишга жойлашиш масаласида иш берувчига мурожаат этган бўлса, аввалги иш жойида ишга жойлашиш ҳуқуқига эгадир.

Мехнат муносабатлари ўзига хос ҳусусиятларга эга:

биринчидан, *меҳнат муносабатларнинг субъекти* – ходим, яъни меҳнат функциясини бажарувчи корхона (ташкилот) жамоасига қўшилади. Бундай қўшилиш ишга доимий, вақтинчалик ёки мавсумий қабул қилиниши тарзида бўлиши мумкин. Ҳар қандай холатда энг асосийси – ходимнинг биргаликдаги меҳнат фаолиятида иштирок этишидир;

иккинчидан, *мөхнат муносабатларининг мазмуни* ходим томонидан муайян мөхнат функцияси бажарилишини назарда тутади. Мөхнат функцияси, одатда, ходимнинг касби, ихтисослиги, малакасига кўра муайян ишни, вазифани бажаришдан иборат бўлади. Бироқ зарурат туғилганда ходим зиммасига доимий ёки вақтинча бошқа мөхнат функцияларини бажариш юкланиши мумкин;

учинчидан, *мөхнат функцияси* маълум иш тартиби шароитларида бажарилади. Ходимнинг мөхнатни ташкил этиш талабларига бўйсуниши – мөхнат муносабатларининг зарур унсуридир. Мөхнат ҳамиша мақсадга йўналтирилган фаолиятдир. Шунинг учун мөхнат муносабатлари бу ўринда жамият иқтисодий асосини ташкил этадиган моддий муносабатларнинг кўриниши сифатида намоён бўлади.

Мөхнат муносабатларида мөхнат шартлари тушунчаси ҳам мавжуд. *Мөхнат шартлари* деганда, мөхнат жараёнидаги ижтимоий ва ишлаб чиқариш омиллари тушунилади (17.1-расм).

Ижтимоий омилларга мөхнат ҳақи миқдори, иш вақтининг, таътилнинг муддати ва бошқа шартлар киради.

Техника, санитария, гигиенага оид, ишлаб чиқариш-маиший ва бошқа шартлар ишлаб чиқарии омиллари ҳисобланади.

Мөхнат шартлари мөхнат тўғрисидаги қонунлар ва бошқа норматив хужжатлар, шунингдек, мөхнат шартномаси тарафларининг келишуви билан белгиланади.


Мөхнат шартларини ўзгартириш, улар қайси тартибда белгиланган бўлса, шундай тартибда амалга оширилади.

Иш берувчи ходимнинг розилигисиз мөхнат шартларини ўзгартиришга фақат технологиядаги, ишлаб чиқариш ва мөхнатни ташкил этишдаги ўзгаришлар, ишлар (маҳсулот, хизматлар) ҳажмининг қисқарганлиги, башарти бундай ўзгаришлар ходимлар сони ёки ишлар хусусиятининг ўзгаришига олиб келиши олдиндан аниқ бўлган ҳоллардагина ҳақлидир.

Иш берувчи айрим тоифадаги ходимлар учун мөхнат шартларини ўзгартириш хусусида корхонадаги ходимларнинг вакиллик органлари билан олдиндан маслаҳатлашиб олади.

Иш берувчи мөхнат шартларидаги бўлажак ўзгаришлар ҳақида ходимни камида икки ой олдин ёзма равишда огоҳлантириб, тилхат олиши шарт. Кўрсатилган муддатни қисқартиришга фақат ходимнинг розилиги билан йўл қўйилади.

Ўзбекистоннинг мөхнат муносабатларига доир қонунчилигига ходим билан мөхнат шартномаси у янги мөхнат шартлари асосида ишлашни давом эттиришни рад этганлиги сабабли бекор қилиниши мумкин, бунда ходимга ўртacha ойлик иш ҳақидан кам бўлмаган миқдорда ишдан бўшатиш нафақаси тўланади.



17.1-расм. Меҳнат шартлари

Корхона мулқдори алмашганда, худди шунингдек, корхона қайта ташкил этилганда (қўшиб юборилган, бирлаштирилган, бўлиб юборилган, қайта тузиленган, ажратилганда), меҳнат муносабатлари ходимнинг розилиги билан давом этаверади.

Меҳнат муносабатларида меҳнат тартиби ҳам муҳим аҳамиятга эгадир. *Меҳнат тартиби* иш берувчи касаба уюшмаси қўмитаси ёки ходимларнинг бошқа вакиллик органи билан келишиб тасдиқлайдиган ички меҳнат тартиби қоидалари билан белгиланади.

Ходимнинг меҳнат вазифалари ички тартиб қоидаларида, интизом тўғрисидаги устав ва низомларда, корхонада қабул қилинадиган локал ҳужжатларда (жамоа шартномаларида, йўриқномалар ва ҳоказоларда), меҳнат шартномасида аниқ белгилаб қўйилади. Иш берувчи ходимдан унинг меҳнат вазифалари доирасига кирмайдиган ишларни бажаришни, конунга хилоф ёки ходим ва бошқа шахсларнинг ҳаёти ва соғлиғи учун хавф туғдирувчи, уларнинг шаъни ва қадр-қимматини камситувчи ҳаракатлар қилишни талаб этишга ҳақли эмас.

Меҳнат муносабатлари мураккаб хусусиятга эга бўлганлиги сабабли уларнинг институционал асослари ҳам турличадир (17.1-жадвал).

Мехнат муносабатларининг таснифи

Мехнат муносабатларининг турлари	Мехнат муносабатлари турларининг моҳияти
Хукукий тартибга солинишига кўра	Умумий муносабатлар (истисносиз барча ходимлар учун белгилаб қўйиладиган коидалар, бу тартибга солиш бир хиллигини таъминлайди)
Моддий масъулият	Махсус муносабатлар (ходимлар турли тоифалари меҳнатининг хусусиятини ҳисобга олади: устама ҳақ, иш вақтидан ташқари иш ва бошқалар)
Иш билан бандлик ва ишга жойлаштириш бўйича муносабатлар	Иш берувчининг масъулияти (мехнат қилиш хуқуқининг бузилиши, ишлаб чиқаришда жароҳатланиш, касалланиш ва бошқалар) Ходимнинг моддий масъулияти (иш берувчининг мол-мулкига зарар етказилиши)
Мехнатни муҳофаза қилиш ва меҳнат конунчилигини назорат қилиш бўйича муносабатлар	Иш билан бандлик хизматлари ва фуқаролар ўртасидаги муносабатлар (мақбул иш топиш ва ишга жойлаштириша кўмаклашиш, жамоатчилик ишларини ташкил этиш, ишсизларни кўллаб-қувватлаш) Иш билан бандлик хизматлари ва иш берувчилар ўртасидаги муносабатлар (мавжуд иш жойлари тўғрисида ахборотларни айрибошлаш, фуқароларга ишга йўлланма бериш) Касбий тайёргарлик бўйича муносабатлар (кадрларни тайёрлаш, касбий танлаш ва малака ошириш)
Процессуал-мехнат муносабатлари	Давлат меҳнат инспекциялари, ихтисослашган инспекциялар, касаба уюшма ташкилотлари ва уларнинг инспекциялари билан иш берувчилар ўртасидаги муносабатлар (улар меҳнат муносабатлари пайдо бўлиши билан ходимнинг меҳнат фаолияти ва хуқуқларини муҳофаза қилиш мақсадларига йўналтирилган)

Ходим учун белгилangan қундалик иш (смена) муддатидан ташқари ишлаш *иши вақтидан ташқари иши* ҳисобланади. Иш вақтидан ташқари ишлар ходимнинг розилиги билан кўлланиши мумкин. Ўзбекистон Республикасининг Мехнат кодексига мувофиқ, иш вақтидан ташқари ишнинг муддати ҳар бир ходим учун сурункасига икки кун давомида тўрт соатдан (мехнат шароити оғир ва зарарли ишларда – бир кунда икки соатдан) ва йилига бир юз йигирма соатдан ортиқ бўлмаслиги лозим.

Меҳнат шартномаси қуйидаги сабабларга кўра бекор қилиниши мумкин:

- тарафларнинг келишувига кўра. Ушбу асосга биноан меҳнат шартномасининг барча турлари исталган вақтда бекор қилиниши мумкин;
- тарафлардан бирининг ташаббуси билан;
- муддатнинг тугаши билан;
- тарафлар ихтиёрига боғлиқ бўлмаган ҳолатларга кўра;
- меҳнат шартномасида назарда тутилган асосларга кўра.

Ходим номуайян муддатга тузилган меҳнат шартномасини ҳам, муддати тугагунга қадар муддатли меҳнат шартномасини ҳам икки ҳафта олдин иш берувчини ёзма равишда огоҳлантириб, бекор қилишга ҳақлидир. Огоҳлантириш муддати тугагандан сўнг ходим ишни тўхтатишга ҳақли, иш берувчи эса ходимга меҳнат дафтарчасини бериши ва у билан ҳисоб-китоб қилиши шарт.

Меҳнат шартномасини иш берувчининг ташаббуси билан бекор қилиш асосли бўлиши шарт. Қуйидаги сабаблардан бирининг мавжудлиги меҳнат шартномасини бекор қилишнинг асосли эканлигини билдиради:


- технологиядаги, ишлаб чиқариш ва меҳнатни ташкил этишдаги ўзгаришлар, ходимлар сони (штати) ёки иш хусусиятининг ўзгаришига олиб келган ишлар ҳажмининг қисқарганлиги ёхуд корхонанинг тугатилганлиги;
- ходимнинг малакаси етарли бўлмаганлиги ёки соғлифи ҳолатига кўра бајараётган ишига нолойик бўлиб қолиши;
- ходимнинг ўз меҳнат вазифаларини мунтазам ёки бир марта қўпол равища бузганлиги.

Бунда аввал меҳнат вазифаларини бузганлиги учун ходим интизомий ёки моддий жавобгарликка тортилган ёхуд унга нисбатан меҳнат тўғрисидаги қонунлар ва бошқа норматив ҳужжатларда назарда тутилган таъсир чоралари қўлланилган кундан эътиборан бир йил мобайнида ходим томонидан такро-ран интизомга хилоф ножўя ҳаракат содир қилиниши меҳнат вазифаларини мунтазам равища бузиш ҳисобланади.

Меҳнат шартномаси ғайриконуний равища бекор қилинган ёки ходим ғайриконуний равища бошқа ишга ўтказилган ҳолларда амалдаги қонунчиликда у иш берувчининг ўзи, суд ёки бошқа ваколатли орган томонидан аввалги ишига тикланиши лозимлиги белгилаб қўйилган.

17.2. Тадбиркорлик фаолиятида меҳнат муносабатлари

Меҳнат мураккаб иқтисодий категория бўлганлиги учун унинг турлари ҳам кўп. Уларни умумлаштирган ҳолда қуйидагича таснифлаш мумкин (17.2-расм):



17.2-расм. Мехнат турлари

- 1) меҳнат хусусияти ва мазмуни бўйича;
- 2) меҳнат предмети бўйича;
- 3) меҳнат воситалари ва усуслари бўйича;
- 4) меҳнат шароитлари бўйича.

Мехнат жараёнида одамлар ишлаб чиқаришда қўлланилаётган технологиялар, ишлаб чиқаришнинг ихтисослашуви, меҳнат кооперацияси ва тақси-

моти, шунингдек, мулкка эгаликка қараб ишлаб чиқариш муносабатларига киришадилар. Ана шундан келиб чиқкан ҳолда ёлланма меҳнат, мустақил меҳнат, тадбиркорлик меҳнати ва уй хўжалигида меҳнат фарқланади.

Хозирги замон иқтисодий муносабатларида ёлланма меҳнат марказий ўринни эгаллайди. Ёлланма меҳнатни ходимнинг тегишли иш ҳақи эвазига иш берувчига меҳнат хизмати кўрсатиши тарзида таърифлаш мумкин.

Мустақил меҳнат моҳиятан ўзида ҳам меҳнат (меҳнат фаолияти орқали даромад топиш), ҳам тадбиркорлик меҳнати хусусиятларини мужассамлаштирган. Бироқ *тадбиркорлик меҳнатини* амалга ошириш учун фақат меҳнат қилиш қобилиятидан ташқари капитал, меҳнат ресурслари ва воситалари ҳам талаб қилинади. Мустақил меҳнатда эса шахс ўзи учун ўзи иш ўрни яратади.

Қабул қилинган халқаро нормаларга кўра, меҳнат ресурслари мустақил иш билан банд бўлганлар тоифаси икки асосий гурухга ажратилган: ёлланма меҳнатдан фойдаланмайдиган индивидуал тадбиркорлар ва корпоратив бизнесга алоқадор бўлмаган, ёлланма меҳнатдан фойдаланадиган тадбиркорлар¹.

Ўзбекистонда 2018 йил – «Фаол тадбиркорлик, инновацион ғоялар ва технологияларни қўллаб-куватлаш йили», деб эълон қилинди. Президент Ш. Мирзиёев «Фаол тадбиркорлик бизнес фаолиятини инновацион, яъни замонавий ёндашувлар, илғор технология ва бошқарув усуллари асосида ташкил этадиган иқтисодий йўналишдир. Фаол тадбиркор деганда, биз рақобат-бардош маҳсулот ишлаб чиқаришга қодир, энг муҳими, янги иш ўринлари яратиб, нафақат ўзини ва оиласини боқадиган, балки бутун жамиятга наф келтирадиган ишбилармон инсонларни тушунамиз. Бундай тадбиркорлар сафи ни кенгайтириш, жумладан, юқори технологиялар, илм-фаннынг энг сўнгги ютуқларига асосланган техника ва асбоб-ускуналарни мамлакатимизга олиб келиш ва жорий этиш учун уларга муносаб шароитлар яратиш бизнинг биринчи галдаги вазифамиз бўлиши шарт»², дея таъкидлади.

Мамлакатда фаол тадбиркорликни ривожлантириш учун қулай ҳуқукий, ташкилий шароитлар яратилиб, инновацион ғоялар ва технологияларни жорий қилиш, тадбиркорлик субъектларини ҳимоя қилишнинг ҳуқукий кафолатлари ва улар фаолиятига ноқонуний аралашишларнинг олдини олиш механизmlари такомиллаштирилмоқда.

Иқтисодиёт назариясида тадбиркорлик фаолиятининг турлича талқинларига дуч келинади. «Тадбиркор» тушунчасини биринчи бўлиб илмий муомалага киритган ирландиялик иқтисодчи Ричард Кантильон бу тои-

¹ Каранг: Report of the Conference, 17th International Conference of Labour Statisticians. Geneva, 2003.// <http://www.ilo.org/public/english/support/lib/resource/subject/informal.htm>

² Ўзбекистон Республикаси Президенти Ш. Мирзиёевнинг Олий Мажлисга Мурожаатномаси // Халқ сўзи, 2017 йил 23 декабрь.

фа ишбилиармонларни воситачи сифатида кўрган ҳамда бундай тадбиркор сотиб олган маҳсулотини (асосан, қишлоқ хўжалиги маҳсулотини) қайси нархда сота олишини билмаганлиги сабабли таваккалчилик қилишини кўрсатган¹.

Классик назария асосчиси А. Смит тадбиркор – бу ўз тадбиркорлик даромадини олиш ниятида муайян даражада иқтисодий таваккалчилик қилиб, тижорат ғоясини амалга оширадиган капитал эгаси, деб ҳисоблаган².

Тадбиркорлик фаолиятининг назариясига энг катта ҳисса қўшган олим Йозеф Шумпетердир. «Тадбиркор – бу янги технологияларни амалга оширадиган новатордир, – деб кўрсатган у. – Тадбиркор бўлиш – бошқалар қилаётганидан ўзгача нарса қилишдир. Тадбиркор иқтисодий тизим жўшқинлигини таъминлайдиган янги инновацион нарса шаклланиши учун эски анъанавий ишлаб чиқариш даврасини синдиради. Шахс тадбиркорлик функциясини бажаришга қодир бўлиши учун қатор ўзига хос хусусиятларга эга бўлиши керак, хусусан, у зукко бўлиши, ёлғиз ўзи олға бора олиши, бошқалар юрмаган йўлдан юра олиши, истиқболни кўриш иқтидорига эга бўлиши, бошқа одамларга таъсир кўрсата олиши керак»³.

Й. Шумпетер тадбиркорликни ривожлантириш учун иккита асосий омил:

- ташкилий-хўжалик новаторлиги;
- иқтисодий эркинлик зарурлигини таъкидлаган.

У давлатнинг тадбиркорлик фаолиятига аралашишига қарши бўлган, ўзини эркин тадбиркорлик ҳимоячиси ҳисоблаган.

Одатда, тадбиркорлик фаолиятининг уч соҳаси ажратиб кўрсатилади:

- мустақил ишлаб чиқариш;
- тижорат;
- воситачилик фаолияти.

Ўзбекистондаги амалдаги қонунчиликка мувофиқ, «Тадбиркорлик фаолияти (тадбиркорлик) – тадбиркорлик фаолияти субъектлари томонидан қонун ҳужжатларига мувофиқ амалга ошириладиган, таваккал қилиб ва ўз мулкий жавобгарлиги остида даромад (фойда) олишга қаратилган ташаббускор фаолият»дир⁴.


Мамлакатда тадбиркорлик фаолияти якка тартибда, жисмоний шахслар юридик шахс ташкил этмаган ҳолда биргаликда ҳамда микро фирмалар ва кичик корхоналар ташкил этилган ҳолда амалга оширилади (17.3-расм).

¹ G e b e l T. Entrepreneurship: a new . – N.Y., Routledge, 2004. – P. 5

² Предпринимательство / Под ред. М.Г. Лапусты – 4-е изд., испр. и доп. – М.: ИНФРА-М, 2007. – С. 5.

³ Шумпетер Й. Капитализм, социализм, демократия. - М.: Экономика, 1995. – С.183.

⁴ «Тадбиркорлик фаолияти эркинлигининг кафолатлари тўғрисида»ги Ўзбекистон Республикасининг Қонуни (янги таҳрири) //Ўзбекистон Республикаси қонун ҳужжатлари тўплами, 2012 й., 18-сон, 201-модда; 2013 й., 18-сон, 233-модда, 41-сон, 543-модда; 2014 й., 49-сон, 579-модда, 50-сон, 588-модда; 2015 й., 33-сон, 439-модда, 52-сон, 645-модда; 2016 й., 52-сон, 598-модда; 2017 й., 1-сон, 1-модда



17.3-расм. Ўзбекистонда тадбиркорлик фаолиятининг субъектлари

Якка тартибдаги тадбиркорлик якка тартибдаги тадбиркор томонидан мустақил, мулк ҳуқуқи асосида ўзига тегишли бўлган мол-мулк негизида, шунингдек, мол-мулкка эгалик қилиш ва (ёки) ундан фойдаланишга йўл кўядиган ўзга ашёвий ҳуқуқ асосида амалга оширилади.

Хунармандчилик фаолиятини амалга ошираётган якка тартибдаги тадбиркорлар товарлар тайёрлаш (ишлар бажариш, хизматлар кўрсатиш) учун кўпилингиздан беш нафар шогирдни уларга тегишлича ҳақ тўлаган ҳолда жалб этишга хақлидирлар.

Жисмоний шахслар юридик шахс ташкил этмаган ҳолда биргаликдаги тадбиркорлик фаолиятини оилавий тадбиркорлик, оддий ширкат ва деҳқон хўжалиги шаклларида амалга ошириши мумкин.

Оилавий тадбиркорлик оила аъзолари томонидан таваккал қилиб ва ўз мулкий жавобгарлиги остида даромад (фойда) олиш мақсадида амалга ошириладиган ташаббускорлик фаолиятидир¹.

Оддий ширкат шериклар (иштирокчилар) деб аталувчи икки ёки ундан ортиқ шахснинг фойда олиш ёки қонунга зид бўлмаган бошқа мақсадга эришиш учун ўз хиссаларини қўшиш ва юридик шахс тузмасдан биргаликда иш қилишидир.

Деҳқон хўжалиги оилавий майда товар хўжалиги бўлиб, оила аъзоларининг шахсий меҳнати асосида, мерос қилиб қолдириладиган умрбод эгалик қилиш учун оила бошлиғига берилган томорқа ер участкасида қишлоқ хўжалиги маҳсулоти етиштиради ва реализация қиласади.

¹ «Оилавий тадбиркорлик тўғрисида» Ўзбекистон Республикасининг Қонуни // Ўзбекистон Республикаси қонун хужжатлари тўплами, 2012 й., 17-сон, 188-модда

Деҳқон хўжалигидаги фаолият тадбиркорлик фаолияти жумласига киради ҳамда деҳқон хўжалиги аъзоларининг истагига кўра, юридик шахс ташкил этган ҳолда ва юридик шахс ташкил этмасдан амалга оширилиши мумкин.

Деҳқон хўжалиги ўз фаолиятида ёлланма меҳнатдан доимий асосда фойдаланиши мумкин эмас¹.

17.2-жадвал

Кичик тадбиркорлик субъектларида иш билан банд бўлган ходимларининг ўртача йиллик сони

Кичик тадбиркорлик субъектлари	Тармоқлар	Иш билан банд бўлган ходимларининг ўртача йиллик сони
Микрофирмалар	Ишлаб чиқариш тармоқларида	Кўпи билан – 20 киши
	Хизмат кўрсатиш соҳасида ва ишлаб чиқариш билан боғлиқ бўлмаган бошқа тармоқларда	Кўпи билан – 10 киши
	Улгуржи, чакана савдо ҳамда умумий овқатланиш тармоқларида	Кўпи билан – 5 киши
Кичик корхоналар	Енгил, озиқ-овқат саноатидаги ва қурилиш материаллари саноатида	Кўпи билан – 200 киши
	Металлга ишлов асбобсозлик, ёғочсозлик, мебель саноатидаги, шунингдек қонун хужжатларида назарда тутилган бошқа саноат-ишлаб чиқариш соҳаларида	Кўпи билан – 100 киши
	Машинасозлик, металлургия, ёқилғи-энергетика ва кимё саноати, қишлоқ хўжалиги маҳсулотлари етишириш ва уларни қайта ишлаш, қурилиш ҳамда конун хужжатларида назарда тутилган бошқа саноат-ишлаб чиқариш соҳаларида	Кўпи билан – 50 киши
	Фан, илмий хизмат кўрсатиш, транспорт, алоқа, хизмат кўрсатиш соҳалари (суғурта компанияларидан ташқари), савдо ва умумий овқатланиш ҳамда ишлаб чиқариш билан боғлиқ бўлмаган бошқа соҳаларда	Кўпи билан – 25 киши

¹ «Деҳқон хўжалиги тўғрисида» Ўзбекистон Республикасининг конуни //Ўзбекистон Республикаси Олий Мажлисининг Ахборотномаси, 1998 й., 5-6-сон, 88-модда; 2001 й., 1-2-сон, 23-модда; 5-сон, 89-модда; 2003 й., 9-10-сон, 149-модда; 2004 й., 1-2-сон, 18-модда; Ўзбекистон Республикаси конун хужжатлари тўплами, 2004 й., 51-сон, 514-модда; 2005 й., 21-сон, 148-модда; 2007 й., 52-сон, 533-модда; 2008 й., 52-сон, 513-модда; 2009 й., 3-сон, 9-модда, 52-сон, 555-модда; 2010 й., 35-36-сон, 300-модда

Кичик тадбиркорлик субъектлари – микрофирмалар ва кичик корхоналарда иш билан бандлар сони қонун хужжатларида белгилаб қўйилган (17.2-жадвал).

Тадбиркор моҳият жиҳатидан – ташаббускор шахсдир. У оқилона таваккалчилик қилиб, мавжуд иқтисодий ресурсларни ишга солади, ишлаб чиқаришни ташкил этади, унга янгиликлар киритади, янги технологияларни жорий этади, мустақил қарорлар қабул қиласди. Бунинг натижасида шахсан ўзи ва оиласининг, айни пайтда жамиятдаги истеъмолчиларнинг моддий ва маънавий эҳтиёжларини қондиришига шахсий ҳиссасини қўшади. Шунинг учун тадбиркорликни рағбатлантириш, ҳар тарафлама қўллаб-куватлаш давлат иқтисодий сиёсатининг асосий йўналишларидан биридир.

17.3. Инновацион тадбиркорлик – меҳнат муносабатларининг замонавий шакли

Ҳозирги давр талқинида тадбиркор, энг аввало, новатор, яъни янги имкониятларни излаётган ва уларни яратади ишбилармондир. Таниқли иқтисодчи олим Й. Шумпетер шунинг учун фам «тадбиркор – янги йўллар очаётган, янги имкониятларни ишга солаётган шахс», деб таъкидлаган. Иқтисодчи олимнинг фикрича, тадбиркор:

- янги, истеъмолчи учун намълум бўлган моддий неъматларни яратади ёки аввалги, бироқ янги сифатга эга неъматлар яратади;
- янги, саноатнинг ушбу ишлаб чиқаришида ҳали қўлланилмаган ишлаб чиқариш воситаларини жорий этади;
- янги бозорни эгаллайди ёки аввалгисидан кенгроқ фойдаланади;
- аввал маълум бўлганлиги ёки бўлмаганлигидан қатъи назар хомашё ёки яrim тайёр маҳсулотдан фойдаланади;
- бизнесини янгича ташкил этади, масалан, монопол ҳолатга эга бўлади ёки монополияни енгиб ўтади, деганидир¹.

Инновацион тадбиркорликни меҳнат муносабатларининг замонавий шакли бўлиб, ҳам акциядорлик жамият миқёсида, ҳам кичик корхонада шахсий тадбиркор сифатида амалга оширилиши мумкин. Жумладан, инновацион тадбиркорлик фаолиятини кичик тузилма – кичик инновация корхонаси сифатида амалга оширишнинг ўз афзалликлари ва камчиликлари мавжуд (17.3-жадвал).

Чет эл давлатларининг тажрибаси кичик инновацион корхоналар ҳам юқори самарадорликка эриша олишларидан далолат беради. Масалан, 1999 йилда инглиз тили ўқитувчиси Жек Ма томонидан ташкил этилган «Alibaba Group Ltd» масъулияти чекланган жамият бугунги кунда Хитойнинг энг улкан

¹ Инновационный менеджмент. Учебник / под общ. ред. д-ра экон. наук, проф. В.М.Джузи. 2-е изд. перераб. и доп. - М.: РИОР: ИНФРА –М, 2017. – С.288.

электрон тијорат компанияси ҳисобланади. Ушбу компания фойдаланувчи-ларининг сони 280 миллиондан ортиб кетган. «Alibaba Group Ltd»нинг йиллик савдо айланмаси 300 млрд АҚШ доллари ни ташкил этади¹.

Кичик инновацион корхоналар қуидаги устунликларга эга:

- истеъмолчиларга яқинлиги ва кескин рақобат шароитларида бозорга чиқиши йўлларини топиш зарурати сабабли кўплаб ғояларни илгари суриш имкониятлари;
- кичик бизнес эга бўлган устунликлар – эгилувчанлик, мобиллик, бозорда кичик токча билан қаноатланиши ва ҳоказолар туфайли инновацион фаолиятда муваффақиятга эришиш имкониятлари;
- йирик компанияларга нисбатан бошқарувнинг осонлиги ва кам чиқимилиги;
- инновацион фаолиятнинг муайян аниқ бир йўналишда олиб борилиши;
- кичик ҳажмда маҳсулот ишлаб чиқариш ва хизматлар қўрсатиш орқали ҳам юқори даражада фойда олиш ва бошқалар.

17.3-жадвал


Инновацион фаолиятни шахсий тадбиркор сифатида амалга оширишнинг афзалликлари ва камчиликлари

Инновацион фаолиятни шахсий тадбиркор сифатида амалга оширишнинг афзалликлари	Инновацион фаолиятни шахсий тадбиркор сифатида амалга оширишнинг камчиликлари
Бизнесни ташкил этишда давлат томонидан рўйхатга олишнинг енгиллиги	Молия-хўжалик, инновацион ва бошқарув функцияларининг кўшиб олиб борилиши
Банқда ҳисобварақни очиш енгиллиги	Шахсий талбиркорликни амалга оширишда кредит олиш учун гаров масаласи мураккаблиги
Соликқа тортишнинг соддалаштирилган тартиби ва солиқ ставкаларининг пастлиги	Ташқи молиялаштириш манбаларини топишнинг мураккаблиги
Менежментнинг соддалиги ва бунинг учун чиқимларнинг камлиги	Ишлаб чиқарилган инновацион маҳсулот учун мижоз топишнинг қийинлиги
Ҳисоботларнинг соддалиги	Мажбуриятлар бўйича тўлиқ шахсий маъсулият
Бизнесни юритишда мустақиллик ва юксак самарадорликка эришиш учун мотивациянинг кучлилиги	

¹ Лапидус Л. В. Цифровая экономика: управление электронным бизнесом и электронной коммерцией: учебник. – М.: ИНФРА-М, 2018. – С.55.

Кичик инновацион тадбиркорлик шаклланишингинг ўз босқичлари мавжуд (17.4-расм).

Кичик инновацион тадбиркорлик шаклланишининг илк босқичи фундаментал ва амалий тадқиқотлар билан боғлиқ. Бу босқичда инновацион фаолият муваффақият келтириши мумкинлиги, ғояни амалга ошириш қанча вақт ва маблағ талаб қилиши аниқ бўлмайди. Шу боисдан у инновацион лойиҳани амалга оширишда энг муаммоли босқич ҳисобланади. Тадбиркорлар бу босқичда инновацион ғояларини амалга ошириш қўллаб-қувватланиши учун фақат венчурли молиялаштиришга ёки «бизнес малак»ларига умид қилишлари мумкин.



17.4-расм. Кичик инновацион тадбиркорлик шаклланишининг босқичлари

Венчурли (ингл. «venture» – «таваккалчилик иши») молиялаштириш – юқори таваккалчиликка асосланган лойиҳаларни амалга оширишни пул маблағлари билан таъминлашдир. Одатда, бу тадбиркорлик фаолиятини мазкур тузилма акцияларининг муайян қисмига эгалик қилиш ва бўлажак фойдада ўз улушига эга бўлиш шарти билан узоқ муддатга молиялаштириш ҳисобланади. АҚШда мавжуд статистика маълумотларига кўра, венчурли молиялаштиришда сармоядорлар инновациявий лойиҳаларнинг фақат 10 % ида фойда олади, аммо ушбу фойда бошқа лойиҳаларнинг кўзланган самарани бермаслиги оқибатида киритилган инвестициялар 90 % йўқолишининг ўрнини қоплабгина қолмасдан, катта фойда ҳам келтиради (17.4-жадвал).

Инновацион тадбиркорликни шакллантиришнинг кейинги босқичи *стартап* (ингл. «startup» – «бошловчи») ҳисобланади. Ушбу атама биринчи марта

1976 йилнинг августида АҚШнинг «Forbes» ва 1977 йил сентяброда «Business Week» журналларида муомалага киритилган. Міжозларни ривожлантириш услугиётини ишлаб чиққан америкалик тадбиркор Стивен Бланкнинг таърифича, стартап – көнг күламли бизнес моделларини излаш учун ташкил этиладиган вақтингчалик тузилмалардир. Буғунги кунда жаһонда энг машхур компаниялар хисобланған «Apple», «Amazon», «Google», «Salesforce», «Vmware», «Facebook», «Twitter», «Groupon» ва «Zynga» стартап орқали шаклланған ва ривожланған. Улар ҳозирги пайтда АҚШ иқтисодиётінде 1 трлн доллар миқдорида янги миллий маҳсулот билан ҳисса қўшмоқда¹.

17.4-жадвал

АҚШда айрим «бизнес-малак»ларнинг инновацион тадбиркорликкка инвестицияларидан ўта юқори фойда олиши²

Компаниялар	«Бизнес-малак»лар	Киритилган инвестиация миқдори, минг АҚШ долл.	Олинган фойда миқдори, минг АҚШ долл.
Apple Computer	Nike Markkula	91,0	154 000,0
Amazon.com	Thomas Alberd	100,0	26 000,0
Blue Rhino	AndrewFillpowsk	500,0	24 000,0
Lifeminders.com	Frans Kok	100,0	3 000,0
Body Shop	Ian McGlinn	4 000 фунт	42 000 000 фунт

Стивен Бланкнинг «Барқ уриш сари тўрт қадам» китобида стартапни муваффақиятли компанияга айлантириш учун босиб ўтилиши керак бўлган қўйидаги тўрт босқич асослаб берилган:

1. «Истеъмолчиларни аниқлаши». Бу босқичда стартап назарда тутилган маҳсулоти учун истеъмолчиларни аниқлаш фаразини тузади.

2. «Истеъмолчиларни аниқлаши» фаразини текшириши. Бу босқич фаразни текшириш ҳамда сотувни, маркетинг стратегиясини режалаштириш, компания тарафдорларини излашни қамраб олади. Мазкур масалаларда муваффақиятсизликка учралса, «Истеъмолчиларни аниқлаш» босқичига қайтилади.

3. «Истеъмолчиларни жалб қилиши». Бу босқичга компания маҳсулоти фойдалиги тасдиқлангандан кейингина ўтилади. Бунда стартап маҳсулотларини сотиш бошланади ва маркетингга инвестициялар киритилади.

¹ John Simpson and Edmund Weiner. The Oxford English Dictionary. – United Kingdom: Oxford University Press, 1989.

² В а с и л ьев В. П. Менеджмент инновации: учебное пособие. – М.: Дело и Сервис, 2018. – С.119.

4. «*Компанияни яратиш*». Бу – стартапнинг пировард мақсадидир. Ана шу босқичда компания таркиби шакллантирилади ва бундан кейинги ривожланиш стратегияси белгиланади.

Инновацион тадбиркорликнинг *илк ўсиш* (ингл. «early growth») босқичига компания маҳсулотлари синаб кўрилиши ва бозорда сотилиши муваффақиятли бўлгандагина қадам қўйилади. Ушбу даврда компания олаётган фойда у қадар салмоқли бўлмайди, аммо унинг келажаги инвесторларда шубҳаланишга ўрин қолдирмаслиги шарт.

Компаниянинг кенгайиш ва барқарор ривожланиш босқичида пировард маҳсулотнинг самарадорлиги аниқ бўлади, инвесторларда инновацион ғоянинг самарали эканлигига шубҳа қолмайди ва катта фойда олинишига ишонч туғилади. Натижада, венчур компанияси янги бизнес тузилмасини кенгайтириш, инновацион маҳсулот ишлаб чиқариш кўламларини ошириш чораларини кўради.

17.4. Ҳар бир оила – тадбиркор

Аҳолини мустақил иш билан бандлигини таъминлашнинг энг самарали шаклларидан бири – оилавий тадбиркорликдир. Оилавий тадбиркорликнинг афзалликлари кўп (17.5-расм).

Энг аввало, у ижтимоий-мехнат муносабатларида шахснинг мақомини оширишга – ёлланма ходим ёки иш берувчи бўлишни эркин танлашига хизмат қиласди. Бизнес юритишнинг ушбу шакли оиласда фарзандлар тарбиясини ижтимоий фойдали меҳнат билан бирга қўшиб олиб бориш имкониятини яратади. Бунинг натижасида тадбиркорлик сулоласи анъаналари авлоддан-авлодга ўтади, касб-хунарга ўргатишнинг «устоз-шогирд» усули муваффақиятли кўлланилади.

Оилавий тадбиркорлик субъектлари ўз бизнесларининг омадли бўлишидан шахсан манфаатдор. Шу билан бирга улар тадбиркорлар сифатида юксак ижтимоий масъулиятга ҳам эгалар. Чунки улар ўз тадбиркорликлари жамият томонидан муносиб баҳоланишини жуда қадрлайди. Оилавий тадбиркорлик жамиятда ишбилармонлик мухитини яратади.

Оилавий тадбиркорликнинг яна бир хусусияти – ўз оила аъзоларини мустақил иш билан таъминлаш билан бирга бошқа иш берувчилар томонидан тўлиқ қамраб олинмаган аҳоли тоифалари – пенсионерлар, талаба ёшлар, ногирон болали аёллар ва ногиронларни ижтимоий фойдали меҳнатга жалб қилишидир. Шу билан бирга оилавий тадбиркорлик арzon иш жойи яратиш афзаллиги билан ҳам ажralиб туради. Экспертларнинг тадқиқотлари оилавий тадбиркорликда бир иш жойини яратиш катта бизнесникига нисбатан 10–20 баравар арzonга тушишини кўрсатган.



17.5-расм. Оилавий тадбиркорликнинг афзалликлари

Оилавий тадбиркорлик бозорда рақобатни кучайтириш орқали монопол ишлаб чиқарувчилар томонидан товарлар ва хизматларнинг нарх-наволарини ихтиёрий ошириб юборишларига тўсқинлик қиласди. Оилавий тадбиркорлик ихчамлиги, тежамкорлиги, бозорнинг тез ўзгариб турадиган конъюнктурасига ҳозиржавоблиги туфайли йирик компаниялар билан рақобатлашишга қодир.

Хар бир оиланинг тадбиркорлик билан шуғулланиши ва барқарор даромад манбаига эга бўлиши учун шарт-шароитлар яратиш мақсадида мамлакатимизнинг ҳар бир туман ва шаҳрида, энг аввало, олис ва табиий-иқлим шароити оғир худудларда аҳолининг моддий шароитларини тубдан яхшилаш, турмуш тарзи сифати ва даражасида сезиларли ижобий ўзгаришлар амалга оширилишини таъминлашга қаратилган «Ҳар бир оила – тадбиркор» дастури амалга ошириладиган бўлди¹.

«Ҳар бир оила – тадбиркор» дастури қуйидагиларни назарда тутади:

– тадбиркорлик билан шуғулланиш истагида бўлган аҳолининг тадбиркорлик ташаббусларини ҳар томонлама кўллаб-қувватлаш, уларга имтиёзли

¹ Ўзбекистон Республикаси Президентининг 2018 йил 7 июндаги «Ҳар бир оила – тадбиркор» дастурини амалга ошириш тўғрисида»ги карори // Халқ сўзи, 08.06.2018 й.

кредитлар ажратиш ҳамда тадбиркорлик фаолиятини ташкил этиш ва амалга оширишнинг ҳар бир босқичида мутасадди идоралар томонидан тизимли амалий ёрдам кўрсатилишини таъминлаш;

- тадбиркорлик ва даромад келтирадиган меҳнат фаолияти билан шуғулланмаган ахолига тадбиркорлик кўнимкаларини ўргатиш ва тегишли фаолият турини ташкил қилишга амалий ёрдам кўрсатиш;

- тадбиркорлик субъектлари фаолиятини кенгайтиришга амалий ёрдам бериш орқали қўшимча иш ўринлари яратиш;

- касаначилик ва кичик ҳажмда ишлаб чиқарувчи субъектларни (микрофирмаларни) ташкил этиш учун молиявий ёрдам бериш орқали ахолига қўшимча даромад ишлаб топиш имкониятини яратиш;

- қишлоқ ва маҳаллаларнинг ихтисослашувини (хунармандчилик, тикувчилик, қишлоқ хўжалиги маҳсулотларининг айрим турларини етиштириш, ихчам иссиқхоналар ташкил қилиш ва бошқалар) ҳисобга олган ҳолда, мазкур соҳада ижобий натижаларга эришган ишбилармонлик тажрибасига эга тадбиркорларни маҳаллаларда янги бизнес фаолияти билан шуғулланишни бошлаган оиласларга бириттириш – мини-кластерлар ташкил этиш (17.6-расм);

- жойларда оиласлар тадбиркорликка кўрсатиладиган хизматлар кўламини тубдан кенгайтириш, тадбиркор оиласларнинг ишлаб чиқарган маҳсулотлари савдосини ташкил қилувчи бозор инфратузилмаси объектлари, хизмат кўрсатиш ва сервис шохобчаларини барпо этиш;

- қишлоқ ва маҳаллаларда бўш турган ер майдонларини янги ташкил этилаётган оиласлар тадбиркорлик субъектларига бериш орқали ахоли учун қўшимча иш ўринлари ва даромад манбаларини яратиш;

- вактингчалик молия-хўжалик фаолиятини амалга оширмаётган ҳамда давлат рўйхатидан ўтмасдан фаолият юритаётган тадбиркорларни аниқлаб, улар фаолиятини тиклаш ва қонунийлаштириш юзасидан аниқ чора-тадбирларни амалга ошириш.

«Ҳар бир оила – тадбиркор» дастури доирасида амалга оширилаётган ишларни мувофиқлаштириш бўйича Ташкилий мувофиқлаштирувчи, Ахолига тадбиркорлик кўнимкаларини ўргатиш ва тавсиялар бериш бўйича маҳсус, Тадбиркорлик фаолияти ташкил этишга амалий ёрдам бериш ҳамда мониторинг қилиш бўйича худудий ишчи гуруҳлари ташкил этилди.

Хусусан, маҳсус ишчи гуруҳлари томонидан жойларда «Тадбиркорлик фаолиятини амалга ошириш асослари ва унинг маҳаллий шароитларга мос бўлган турлари» мавзусида ўкув машғулотлари ўтказилиб, уларга тадбиркор оиласларга аниқ ҳисоб-китоблар асосида ишлаб чиқилган турли йўналишлардаги тайёр бизнес-режалар тақдим этилади. Шунингдек, улар харидор-гир маҳсулотлар ишлаб чиқариш учун замонавий мини-технология ва бошка

ускуналарнинг тадбиркорлик билан шуғулланиш истагида бўлган оиласарга тақдимотларини ўтказади ва сотиб олишига кўмаклашади.



17.6-расм. Оилавий тадбиркорликнинг мини-кластерлари

Тадбиркорлик фаолиятини ривожлантиришни қўллаб-куватлаш давлат жамғармаси оилавий тадбиркорлик субъектларига ажратиладиган кредитларга устувор равишда кафилликлар ва фоиз харажатларини қоплаш учун компенсациялар ажратади.

Мамлакатдаги тижорат банклари томонидан имтиёзли кредитлар эса:

– энг кам иш ҳақининг юз эллик бараваригача миқдорда – оилавий тадбиркорликни ривожлантириш учун худудларни ижтимоий-иктисодий ривожлантириш бўйича секторлар раҳбарлари ва маҳалла фуқаролар йигини тавсияномалари;

– энг кам иш ҳақининг минг бараваригача миқдорда – белгиланган тартибда давлат рўйхатидан ўтган кичик тадбиркорлик субъектларига учин-

чи шахс кафиллиги, сугурта полислари, кредит ҳисобига сотиб олинаётган мол-мулклар гарови, Жамғарманинг кафиллиги ва қонун хужжатлари доира-сидаги бошқа таъминот турлари;

– энг кам иш ҳақининг минг бараваридан ортиқ миқдорда – тадбиркорлик субъектларининг инвестициявий лойиҳаларини кредитлашда қонун хужжатлари доирасида белгиланган таъминот турларига асосан ажратилади.

«Ҳар бир оила – тадбиркор» дастури ҳудудий даражада 2018 йил 10 июндан бошлаб намунавий тарзда Андижон вилоятининг туман ва шаҳарларида амалга оширила бошланди. Ҳудудий дастурни молиявий таъминлашга хорижий молия институтлари кредит линияларидан 200 млн АҚШ доллари ажратилди.

Маблағлар уларнинг салоҳияти, мурожаатларнинг асосланганлиги, лойиҳаларнинг истиқболи ва қўшимча иш ўринлари яратишга йўналтирилганлиги ҳамда ҳақиқий эҳтиёждан келиб чиқсан ҳолда Андижон вилояти тижорат банклари ва туманлар (шаҳарлар) кесимида тақсимланди. Улар, ўз навбатида, бўлажак тадбиркорларга маблағ ажратиб бердилар.

Мамлакатнинг бошқа худудларида дастур уни амалга оширишнинг аниқ молиявий манбалари ва ҳисоб-китобларини назарда тутган ҳолда Ўзбекистон Республикаси Вазирлар Маҳкамасининг қарори асосида амалга оширилмоқда.

«Ҳар бир оила – тадбиркор» дастури доирасида кўп қаватли уйларда истиқомат қилувчи аҳолига касаначилик ва кичик ҳажмда маҳсулот ишлаб чиқарувчи микро фирмаларни ташкил этиш орқали қўшимча даромад топиш имконияти яратилди¹.

17.5. Пенсия таъминоти: унинг моделлари ва хусусиятлари

Пенсия сиёсати деганда, инсоннинг ҳаётий фаолиятини яхлит кўзда туладиган, ҳаётининг турли босқичларида унинг манфаатлари ўртасидаги қарара-қаршиликларни бартараф қиласидиган, келгуси авлодларни такрор ишлаб чиқаришга ва уларнинг келгусидаги манфаатларини ҳисобга олишга ўз ҳиссасини қўшадиган сиёсат тушунилади.

Ўзбекистонда пенсия тизими икки ҳил усулда амалга оширилади:

- 1) фуқароларнинг давлат пенсияси орқали таъминлаш;
- 1) фуқароларнинг жамғариб бориладиган пенсияси билан таъминлаш.

Давлат пенсияси деганда, аҳолининг пенсия ёшига етиши мунособати билан қарилек бўйича, ногиронлик ва бокувчисини йўқотганлиги учун давлат томонидан пул сифатида бериладиган маблағ тушуналади.

¹ Ўзбекистон Республикаси Президентининг 2018 йил 7 июндаги «Ҳар бир оила – тадбиркор» дастурини амалга ошириш тўғрисида»ги қарори // ЎзА, 08.06.2018 й.

Давлат пенсиясининг муҳим йўналишларидан бири қарилек пенсияси бўлиб, Ўзбекистонда давлат қонуни билан ёшга доир эркаклар – 60 ёшга тўлганда ва иш стажлари камида 25 йил бўлган тақдирда; аёллар – 55 ёшга тўлганда ва иш стажлари камида 20 йил бўлган тақдирда эга бўладилар.

Давлат томонидан ногиронлиги бўлган фуқароларга қонун хужжатларида белгиланган тартибда I ва II гурӯҳ ногиронлиги бўлган шахсларга тайинланади.

Давлат томонидан боқувчисини йўқотганлик учун фарзандларга ёшидан ва меҳнат қобилиятидан қатъи назар, ота ва онадан бири ёки эр (хотин), ёки бува, буви, ака-ука, опа-сингилга, агар у вафот этган боқувчининг болалари, ака-укалари, опа-сингиллари ёки набираларини, ишловчиларга болага қараш учун иш ҳақи сақланмаган таътилда бўлиш ҳуқуқини берадиган ёшга тўлгунга қадар боқиши билан машғул бўлса ва ишламаса, тўланадиган пенсиядир.

Шу билан бир қаторда боқувчисини йўқотган меҳнатга қобилиятсиз оила аъзолари, меҳнат давомида меҳнатга қобилиятсиз бўлиб қолган ходимлар, шунингдек, мактаб, лицей ўкувчилари 18 ёшга тўлгунга қадар боқувчисини йўқотган бўлсалар, давлат пенсияси олиш ҳуқуқига эга бўладилар.

Харбий хизматчилар, ички ишлар органларининг бошлиқлар ва оддий ходимлар таркибидан бўлган шахслар, судьялар ва прокуратура органларининг даражали унвонларга (ҳарбий унвонларга) эга бўлган ходимлари, шунингдек, уларнинг оила аъзоларини пенсия билан таъминлаш шартлари, нормалари ва тартиби Ўзбекистон Республикаси қонун хужжатлари билан белгиланади.

Мехнат жараённида соғлиғини ёки меҳнат қобилиятини йўқотганлик дараҷасига қараб, ногиронликнинг уч гурӯҳи аниқланади. Ногиронлик сабаблари ва гурӯҳлари, шунингдек, ногиронлик бошланган вақт ва ногиронликнинг қанча муддатга белгиланиши Ўзбекистон Республикаси Вазирлар Махкамаси томонидан тасдиқланган Низом асосида ишловчи тиббий-мехнат эксперт комиссиялари (ТМЭК) томонидан аниқланади.

Хозирги кунда Ўзбекистонда 3 миллион 100 мингга яқин пенсионер мавжуд бўлиб, улардан 120 минг нафардан зиёди иқтисодиётнинг турли соҳаларида фаолият юритмоқда. Бироқ шу пайтгача пенсионерларнинг асосий қисми корхона ва ташкилотларда ишлашдан манфаатдор эмаслиги сабабли узоқ йиллар давомида малака ортирган ходимлар ўзлари ишлаган жойларини тарқ этишга мажбур эдилар.

Ўзбекистон Республикаси Президентининг «Фуқароларнинг пенсия таъминоти тизими самарадорлигини ошириш ва пенсионерларни ижтимоий қўллаб-қувватлашни кучайтиришга оид қўшимча чора-тадбирлар тўғрисида»ги Фармони қабул қилиниши муносабати билан 2019 йил 1 январдан бошлаб, кўплаб тажрибали ходимлар иш жойларига қайтмоқдалар ва кадрлар танқислиги муаммоси ечилмоқда.

Фармонга асосан, кўп сонли пенсионерларни ижтимоий жиҳатдан яна-да қўллаб-куватлаш учун қулай шарт-шароитлар яратилди. Ўзбекистонда пенсионерларнинг ижтимоий-иктисодий ҳаётида амалга оширилаётган кенг кўламли ислоҳотлар юқори малакага эга бўлган пенсионерларнинг салохияти, тажрибаси ва билимини тўлақонли жалб қилиш, пенсия таъминоти тизими самарадорлигини ошириш имконини берди.

Шунингдек, 2019 йил 1 январдан пенсияни ҳисоб-китоб қилиш учун иш ҳақининг максимал миқдорини энг кам ойлик иш ҳақининг 8 баробаридан 10 баробаригача ошириш белгиланди.

Эндиликда Ўзбекистон Республикаси Молия вазирлиги ва Молия вазирлиги ҳузуридаги бюджетдан ташқари Пенсия жамғармаси томонидан 2019 йил 1 январдан пенсияни ҳисоблашда қабул қилинадиган иш ҳақининг максимал миқдори оширилишини ҳисобга олган ҳолда, пенсиялар миқдори қайтадан ҳисоблаб чиқилишини таъминланадиган бўлди.

Аҳолини ижтимоий ҳимоя қилишда пенсия таъминоти масаласи доимо долзарб масалалардан бири бўлиб келган. Мамлакатнинг маҳаллий меҳнат бо-зорида малакали ва тажрибали кадрларга етарли иш ўринлари мавжуд бўлиб, қабул қилинган фармон айrim чекловларни олиб ташлайди. Лекин, шунга қа-рамай, аҳоли пенсия таъминоти ишига доимий эътибор қаратилиши лозим.

Бугунги кунда Ўзбекистонда «Давлат пенсия таъминоти тизимини ис-лоҳ этиш концепцияси» ишлаб чиқилди. Концепцияда меҳнатга лаёқатсиз ва кам таъминланган фуқароларнинг турмушини таъминлашга йўналтирилган иктисодий, ҳуқуқий, ижтимоий ва ташкилий характерга эга бўлган қатор чо-ра-тадбирлар комплекси назарда тутилган.

Концепцияга биноан, пенсия таъминоти тизимини ислоҳ этиш натижа-сида 3,3 миллиондан ортиқ аҳолининг ижтимоий аҳволи яхшиланиши кўзда тутилган. Бу мамлакатда яшайдиган аҳолининг 10,0 % ини ташкил этади. Бунда ёшга доир пенсия олувчилар 2 502,6 минг, ногиронлик пенсияси олув-чилар – 360,3 минг, бокувчинини йўқотганлик учун пенсия олувчилар 168,5 минг ва ижтимоий нафака олувчилар 294,1 минг нафарни ташкил этади.

Ўзбекистонда амалга оширилган демографик башоратларга кўра, 2018–2025-йилларда пенсия ёшидаги аҳоли улушининг ошиши (1,2 миллион кишига) кутилмоқда. Бу эса, ўз навбатида, Пенсия жамғармаси харажатлари-нинг мутаносиб равишда ошишига олиб келади.

Пенсия таъминоти тизимининг асосий кўрсаткичларидан бири пенсия ёши ҳисобланади. Таҳлиллар шуни кўрсатмоқдаки, дунёда ўртacha пенсия ёши эр-каклар учун 62 ёш, аёллар учун 57,5 бўлса, Ўзбекистонда бу кўрсаткич аёллар учун 55 ёш, эркаклар учун 60 ёшни ташкил этади.

Халқaro меҳнат ташкилоти талабларига мувофиқ, мамлакатда пенсия таъ-миноти тизими барқарор ривожланиши учун бадал тўловчилар сонининг пен-

сия олувчиларга ўзаро нисбати 1:4 даражада бўлиши керак. Бирок бугунги кунда Ўзбекистонда бу кўрсаткич ўртача 1:1,5 га тенглигини эътироф этиш лозим.

Ўзбекистон Республикаси статистика қўмитаси маълумотларига қараганда, мамлакатда пенсионерлар сонининг ишловчи аҳолига нисбати 2009 йилдаги 61,0 % дан 2017 йилда 66,0 % га ўсганлиги эътироф этилмоқда.

Пенсия жамғармаси маблағларининг сезиларли қисми имтиёзли пенсияларни молиялаштиришга сарфланади. Имтиёзли шартларда тайинланган пенсиялар улуши 592,4 минг кишини ёки жами тайинланган пенсияларнинг 19,5 % ини ташкил этиб, шундан ёшга доир пенсиялар 23,7 % ни ташкил этади. Мамлакатда йилига ўрта ҳисобда 39,8 мингта имтиёзли пенсия тайинланмоқда.

Ўзбекистонда пенсия миқдори ва меҳнат давомийлиги улуши ўртасидаги ўзаро боғлиқлик ҳам сезиларсиз даражада. Амалдаги пенсия таъминоти тизими 7 йилдан кам бўлмаган стажга эга бўлган шахсларга пенсия тайинланишини назарда тутади. Ушбу хуқуқ фақатгина 7 йил ишлаб, ўзининг бутун меҳнатга лаёқатлилик даври учун Пенсия жамғармаси маблағларини шакллантиришда энг кам ҳисса қўшган шахсларга пенсия олиш имконини беради.

Халқаро меҳнат ташкилотининг «Ижтимоий таъминотнинг минимал меълари тўғрисида»ги конвенциясида ёшга доир пенсияни тайинлаш учун талаб этиладиган энг кам иш стажи 15 йил қилиб белгиланган. Кўплаб давлатлар, шу жумладан, МДҲ мамлакатларида талаб этилган энг кам иш стажи 10–15 йил даражасига етказилган.

Ишловчиларнинг ижтимоий суғуртадаги узоқ муддат ва узлуксиз иштирокини рағбатлантиришдаги заиф механизmlар уларни суғурта бадалларини тўламасликнинг янги усуулларини кидиришга мажбур этади.

Буларнинг барчаси Ўзбекистонда аҳолини ижтимоий муҳофаза қилиш тизимининг пенсия таъминоти соҳасига оид асосий ёндашувларни қайта кўриб чиқиши тақозо этади.

Шунинг учун ҳам давлат пенсия тизимини ислоҳ қилишга доир концепцияда ходимнинг пенсияси ва меҳнат стажидаги тафовут рағбатлантирилиши назарда тутилган.

Пенсия ёшини дунёдаги ўртача даражага ва бошқа мезонларга етказиш учун босқичма-босқич ошириш каби янги масалалар тизим концепциясига киритилган бўлиб, пенсия олувчи аҳоли қатлами учун яратилган ижтимоий енгиллик ҳисобланади.

Кариллик бўйича биринчи ялпи пенсия таъминоти Пруссияда канцлер Отто фон Бисмарк томонидан 1889 йилда мамлакатнинг бутун аҳолиси учун жорий этилган. Давлатнинг бу пенсия таъминоти мажбурий ижтимоий суғурталаш-

га асосланган. Мазкур тизим жаҳондаги аксарият мамлакатлар учун намуна вазифасини ўтаган. Қарилек бўйича пенсиялар Янги Зеландияда 1898, Австралияда 1908, Голландия ва Швецияда 1913, Италияда 1919, Канада 1927, АҚШда 1935 йилда жорий этилган.



17.7-расм. Жаҳон мамлакатларида қарилек бўйича ўртача пенсия миқдори (АҚШ доллари ҳисобида)

1891 йилда эса жаҳонда биринчи марта Данияда қарилек бўйича пенсия таъминоти тўғрисидаги қабул қилинган. Ушбу конунга мувофиқ, мамлакатнинг 60 ёшга тўлган ҳар бир фуқароси даставвал ижтимоий суғурталаш учун бадал тўламасдан, давлат ғазнаси ва маҳаллий жамоаларнинг даромадлари ҳисобидан умрининг охиригача тўғридан-тўғри пенсия олиш ҳуқуқига эга бўлган. Данияда қарилек бўйича пенсиясининг миқдори бугунги кунда ҳам жаҳонда энг юқоридир (17.7-расм).

Пенсия таъминотининг асосий уч модели мавжуд (17.4-жадвал):

1. Ижтимоий ёрдам. Жаҳоннинг ривожланган мамлакатларида у камбағаликка қарши кураш механизми ҳисобланади.
2. Барча иш билан бандларни ва аҳолининг мустақил равишда ўзини ўзи иш билан таъминлаётганларни мажбурий пенсия суғуртаси тизими.
3. Шахсий кўнгилли пенсия суғуртаси тизими.

Жаҳон мамлакатларида пенсия таъминоти моделлари¹

Мамлакат	Пенсия таъминоти моделлари	Пенсияга чиқиши ёши	Пенсия суғуртаси бадаллари
Германия	Биринчи даражага: пенсия таъминотининг мажбурий тизими. Иккинчи даражага: карилик бўйича корхоналар томонидан кўнгилли таъминот. Учинчи даражага: ихтиёрий хусусий пенсия таъминоти.	Аёллар – 60 ёш Эркаклар – 67 ёш	20,3 % Ёлланма ходим ва иш берувчи томонидан тенг микдорда.
АҚШ	Биринчи даражага: тақсимотли пенсия тизими. Иккинчи даражага: жамғарма пенсия тизим.	Аёллар – 67 ёш Эркаклар – 67 ёш	10,7 % Ёлланма ходим ва иш берувчи томонидан тенг микдорда.
Швеция	Биринчи даражага: шартли-жамғарма. Иккинчи даражага: шахсий-жамғарма. Учинчи даражага: ихтиёрий хусусий.	Аёллар – 65 ёш Эркаклар – 65 ёш	Биринчи даражага: 16 % фуқароларнинг барча даромадларидан. Иккинчи даражага: иш хақидан 2,5 %. Учинчи даражага: иш хақидан 10 %.
Польша	Биринчи даражага: мажбурий-умумий тизим. Иккинчи даражага: мажбурий-жамғарма тизими. Учинчи даражага: ихтиёрий нодавлат пенсия тизими.	Аёллар – 60 ёш Эркаклар – 65 ёш	19,5 % (12 % ва 7,5 % 1 ва 2-даражалар учун)

Ушбу моделларни қўллаш давлат пенсия тизимининг икки асосий функцияси: даромадларни қайта тақсимлаш ва пенсия тўлашга маблағларни жамғариш мақсадлари учун хизмат қиласди.

Давлат томонидан барча пенсионерлар учун улар ҳар бирининг ушбу тизимга шахсий ҳиссасидан қатъи назар базавий пенсиясини таъминлаш ушбу тизимнинг биринчи таянч қисми ҳисобланади. Ушбу дастурни молиялаштиришнинг манбаси солиқлардир. Ушбу солиқларнинг турлари ҳар бир муайян давлатнинг қонунчилик асосларига боғлиқ.

Тизимнинг иккинчи таркибий асоси иқтисодий фаол аҳолининг мажбурий пенсия суғуртаси тизимида иштирок этишини назарда тутади. Пенсия учун маблағларни мажбурий жамғариш кўпчилик ёлланма ходимларнинг ўз пенсия таъминоти учун етарлича маблағ тўплай олмаслиги билан изоҳланади.

¹ Ройк В. Обязательное и добровольное пенсионное страхование: Институты и финансы. – М.: Альпина Паблишер, 2014. – 277 с.

Давлат пенсия тизимининг учинчи таркибий қисми айрим ҳолларда юқоридаги иккинчи таркибий қисм ўрнига қўлланилади. У ходимларни ўз пенсияси учун ихтиёрий равишда шахсий даромадларидан маблағ жамғаришга рағбатлантиришга даъват этилган.

Хозирги вақтда кўпгина мамлакатларда демографик муаммолар (аҳолининг қариши) муносабати билан давлатнинг пенсия сиёсати қайта кўриб чиқилмоқда. Европа Иттифоқига аъзо мамлакатларда қарилек пенсиясига чиқишининг ўртача ёши 65 ёшли ташкил этади. 2010 йилда Европа Иттифоқи Комиссияси пенсияга чиқиш ёшини 70 ёш қилиб белгилаш тавсиясини берган.

Аҳолининг кексайиши – аҳоли умумий сонида катта ёшдагилар улушининг ортишидир. Одатда, демографик қариш аҳоли таркибида 60–65 ёшдагиларнинг улушкига қараб аниқланади. Бирлашган Миллатлар Ташкилоти эксперtlари демографик қариш даражасини баҳолаш мақсадида уч босқичли шкала ишлаб чиқкан (17.5-жадвал).

Бирлашган Миллатлар Ташкилоти эксперtlарининг прогнозларига муовфика, 2050 йилга бориб дунёда энг юқори демографик қаришнинг даражаси 72,7 % га етиши таҳмин қилинмоқда. Аҳолининг қариши натижасида пенсия жамғармаси зиммасига пенсиялар тўлаш харажатларининг бениҳоя оғир юки тушади. Чунки мамлакатда пенсионерлар улуси тобора кўпайиб боргани ҳолда, пенсия жамғармаларига бадал тўлаб борадиган иш билан банд бўлгандар салмоғи қисқаради.

17.5-жадвал

Аҳолининг кексайиши шкаласи

Босқич	Аҳоли таркибида 65 ёш ва ундан юқори ёшдагилар улуси, % хисобида	Аҳолининг қариш даражаси
I	4,0 дан кам	Демографик ёш
II	4,0–7,0	Демографик қариш бўсағасида
III	7,0 дан юқори	Демографик қариш

Демографик қариш ҳолати ҳозир, асосан, иқтисодий ривожланган мамлакатлар, жумладан, Германия (24,0 %), Франция (23,7 %), Буюк Британия (20,3 %) каби давлатлар учун хос.

Бугунги кунда дунёда ҳар секундда икки киши ўзининг олтмиш ёшга тўлганини нишонламоқда.

Дунёда соғлиқни сақлаш сифати яхшилангани, тиббиётнинг жадал тараққий этаётгани, санитар назоратнинг такомиллашаётгани, таълимдан фойдаланишининг кенгаяётгани, иқтисодий фаровонлик туфайли кексалар улуси

борган сари күпаймоқда. Узок умр күриш – инсоният тараққиётининг энг катта мұваффақиятларидан биридир.

Шу билан бирга, жуда күп мамлакатларда пенсия тизимини яратища юзага келаётган муаммоларни инкор қилиб бўлмайди. Бунинг устига мәхнатга яроқли аҳолининг қисқариши солиқ тушумларининг камайишига олиб келмоқда, натижада, ортиб бораётган пенсия олувчиларнинг моддий-ижтимоий шароитларини барқарор сақлаб туриш қийинлашмоқда.

2050 йилга бориб АҚШ, Фарбий Европа ва Японияда пенсия олувчилар миқдори ёшлар улушига қараганда икки баробар күп бўлади. Бугун кексалар сони бўйича Япония жаҳонда биринчи ўринга чиқиб олди. Бу ерда 65 ёшдан ошганлар жами аҳолининг 25,0 % ини ташкил қиласди. Туғилишнинг камайиб бориши сабабли Жанубий Корея, АҚШ каби ривожланган мамлакатларнинг ялпи ички маҳсулотининг 10,0 % қари-кексалар тиббий суғуртасини таъминлаш дастурларига йўналтирилмоқда. Европанинг етакчи давлатларида пенсия тизими учун ялпи ички маҳсулотининг 13,0 % сарфланмоқда. Бу мамлакатларда ҳар бир пенсия олувчига ўртacha 4 та мәхнатга яроқли киши тўғри келаётганлигини кўрсатмоқда. Аммо 2050 йилга бориб, бу мутаносиблик 2 кишига тушиб қолиши мўлжалланмоқда.

Россияда 60 ёшдан ошганлар улуши 26,0 миллион кишига етди ва умумий аҳолининг 19 % ини ташкил этмоқда. 2030 йилга бориб уларнинг улуши 28 % дан ортади ва давлат олдига ечимини кечикириб бўлмайдиган мураккаб вазифаларнинг қўйилиши кўзда тутилмоқда.

Хитойда 60 ёшдан ошган аҳолининг сони 200 миллиондан ошиб кетди. Бу қатлам билан ишлаш, уларга эъзоз ва эҳтиром кўрсатиш, жамият ҳаётидан ажralиб қолмаслигини таъминлаш юзасидан Хитой давлатида кенг кўламли чора-тадбирлар аллақачон бошлаб юборилган.

17.6. Мажбурий мәхнатга барҳам бериш

Халқаро мәхнат ташкилотининг 29-конвенцияси таърифига мувофиқ, «мажбурий мәхнат – ихтиёрий равищда ўз хизматларини таклиф этмаган ҳар қандай шахсдан ҳар қандай жазолаш таҳди迪 остида талаб қилинадиган ҳар қандай иш ёки хизмат»ни англатади.

Ваколатли ҳокимият органлари хусусий шахслар компаниялар ёки жамоаларда мажбурий мәхнатга жалб қилинишига рухсат беришлари мумкин эмас. Бундай қарор чиқарган ҳар қандай давлат органи жавобгарликка тортилади. Фақат истисно қилувчи ҳолатлардагина давлат органлари мажбурий мәхнатга жалб қилишлари мумкин. Лекин ушбу органлар бу иш ёки хизматларни фавқулодда ҳоллардагина, бу иш ёки хизматга ҳеч ким ихтиёрий рози бўлмаган ҳолларда жалб қилишлари мумкин. Бу ҳолатларда мажбурий мәхнатга

факат ёши 18 дан кичик бўлмаган ва 45 ёшдан катта бўлмаган эркаклар жалб қилинишлари мумкин. Мажбурий меҳнатга жалб қилинадиганлар доирасига шифокорнинг ушбу ишчининг меҳнатга қобилиятсиз эканлигини тасдиқловчи хulosаси бўлган шахслар, шунингдек, мактаб ўқувчилари, ўқитувчилари ва умуман, бутун мактаб маъмурияти ходимлари кирмайди. Мажбурий меҳнатга жалб қилишнинг энг кўп миқдори йилига 60 кундан ошмаслиги керак¹.

Халқаро меҳнат ташкилотининг 1957 йилдаги Мажбурий меҳнатни тугатиши тўғрисидаги 105-конвенциясида ушбу Конвенцияни ратификация қилган ҳар бир давлат зиммасига зўраки ёки мажбурий меҳнатни тугатиши ва унинг ҳар қандай шаклларини ишлатмаслик ҳамда қуидаги ҳаракатлар сифатида қўлламаслик мажбурияти юкланади:

- амалдаги сиёсий, ижтимоий ёки иқтисодий тизимга зид сиёсий қарашлар, ёки мафкуравий эътиқодларнинг мавжудлиги ёки ифодаланиши учун сиёсий таъсир, ёки тарбия воситаси, ёки жазо чораси сифатида;
- иқтисодий тараққиёт эҳтиёжлари учун иш кучини сафарбар этиш ва ундан фойдаланиш усули сифатида;
- меҳнат интизомини сақлаш чораси сифатида;
- иш ташлаш ҳаракатларида қатнашганлик учун жазолаш чораси сифатида;
- ирқий, ижтимоий, миллий мансублик ёки диний эътиқод белгилари бўйича камситиш чоралари сифатида².

Миллий қонун ҳужжатларимизда болаларни меҳнатга жалб қилиш ва мажбурий меҳнатдан фойдаланиш, жумладан, бирон-бир жазони қўллаш билан таҳдид қилиш орқали, шу жумладан, меҳнат интизомини сақлаш воситаси тариқасида иш бажаришга мажбурлаш учун қатъий тақиқ назарда тутилган. Меҳнат қилишга бирон-бир шаклда мажбуrlаганлик учун маъмурий жавобгарлик жорий этилган.

Ўзбекистон Республикаси Конституциясининг 37-моддасида «Ҳар бир шахс ...адолатли меҳнат шароитларида ишлаш ...хукуқига эгадир»³, деб мустаҳкамлаб қўйилган.

Ўзбекистон Республикаси Меҳнат кодексининг 37-моддасида эса «Мажбурий меҳнат, яъни бирон-бир жазони қўллаш билан таҳдид қилиш орқали (шу жумладан меҳнат интизомини сақлаш воситаси тариқасида) иш бажаришга мажбурлаш тақиқланади», деб аниқ кўрсатилган. Шу билан бирга қуидаги ишлар:

- ҳарбий ёки муқобил хизмат тўғрисидаги қонунлар асосида;

¹ Конвенция №29 Международной организации труда 1930 года «О принудительном или обязательном труде» // <http://www.ilo.org>

² Конвенция №105 Международной организации труда 1957 года «Об упразднении принудительного труда» // www.ilo.org

³ Ўзбекистон Республикасининг Конституцияси // <http://www.norma.uz>

- фавқулодда ҳолат юз берган шароитларда;
- суднинг қонуний кучга кирган ҳукмига биноан;
- қонунда назарда тутилган бошқа ҳолларда бажарилиши лозим бўлган ишлар мажбурий меҳнат деб хисобланмайди¹.

Бу Халқаро меҳнат ташкилотининг 1930 йилги 29-конвенциясида ҳам кўзда тутилган.

Бирор-бир шаклда болалар меҳнати ва мажбурий меҳнатни келтириб чиқариши мумкин бўлган ҳолатларнинг олдини олиш ва уларга йўл қўймаслик, фуқароларнинг кафолатланган меҳнат ҳукуқларини таъминлаш масалалари бўйича Ўзбекистон Республикаси Олий Мажлисининг Сенати томонидан Парламент комиссияси тузилган. Унинг зиммасига давлат органлари, корхоналар, муассасалар ва ташкилотлар, шунингдек, жисмоний шахслар томонидан фуқароларнинг кафолатланган меҳнат ҳукуқлари бузилишига йўл қўйилмаслиги устидан парламент ҳамда жамоатчилик назоратини ўрнатиш вазифаси юклатилган².

Ўзбекистонда Халқаро меҳнат ташкилотининг (ХМТ) услубиёти бўйича ва унинг экспертларининг бевосита иштирокида қишлоқ хўжалигига болалар меҳнатидан ва мажбурий меҳнатдан фойдаланишнинг мониторинги олиб борилди ва улар томонидан пахта терими даврида болалар меҳнатидан ва мажбурий меҳнатдан оммавий фойдаланиш ҳолатлари аниқланмаган.

Шу билан бирга ташкилотлар ва муассасалар, фермер хўжаликлари ҳамда деҳқон хўжаликлари раҳбарларининг қонун хужжатларини билмаслиги мажбурий меҳнатнинг олдини олиш ва унга йўл қўймасликка жиддий халақит бермоқда. Хусусан, 2018 йилда ҳам мамлакатнинг баъзи минтақаларида таълим ва соғлиқни сақлаш ходимларини ноконуний равишда ободончилик ишларига жалб қилиш ҳолатлари аниқланди.

Бундай ҳолатларга барҳам бериш мақсадида Ўзбекистон Республикаси Вазирлар Маҳкамасининг 2018 йил 10 майдаги «Ўзбекистон Республикасида мажбурий меҳнатга барҳам беришга доир қўшимча чора-тадбирлар тўғрисида» ги 349-сонли маҳсус қарори³ қабул қилинди. Ҳукуматнинг ушбу қарорига мувофиқ, барча даражадаги давлат ва хўжалик бошқаруви органлари раҳбарларига аниқ вазифалар белгилаб берилди.

Ушбу Қарор Ўзбекистонда инсон ҳаёти ва фаолиятининг барча соҳаларида мажбурий меҳнатнинг олдини олиш ва унга тўлиқ барҳам беришга доир аниқ ҳамда амалий чора-тадбирлар амалга оширилишига қаратилган. Унга кўра:

¹ Ўзбекистон Республикасининг Меҳнат кодекси // <http://www.norma.uz>

² Ўзбекистон Республикаси Олий Мажлиси Сенатининг 2017 йил 4 октябрдаги «Ўзбекистон Республикаси қонун хужжатларига ва халқаро меҳнат стандартларига мувофиқ фуқароларнинг кафолатланган меҳнат ҳукуқларини таъминлашга доир чора-тадбирларни кучайтириш тўғрисида» ги қарори // ЎзА, 2017 йил 6 октябр.

³ Ўзбекистон Республикаси Вазирлар Маҳкамасининг 2018 йил 10 майдаги «Ўзбекистон Республикасида мажбурий меҳнатга барҳам беришга доир қўшимча чора-тадбирлар тўғрисида» ги қарори // <http://www.norma.uz>

Биринчидан, Ўзбекистон Республикаси Конституциясида ва бошқа қонун хужжатларида фуқароларнинг меҳнат ҳуқуқлари кафолатлангани, ҳар қандай шаклдаги мажбурий меҳнатдан фойдаланиш, бирон-бир жазо қўлланиши билан қўрқитган ҳолда ишларни бажаришга мажбурлашни тақиқловчи нормалар мустаҳкамланганини эътиборга олиб, Қорақалпогистон Республикаси Вазирлар Кенгаши Раиси, вилоятлар, Тошкент шаҳри, шаҳарлар ва туманлар ҳокимлари, барча даражалардаги давлат ва хўжалик бошқаруви органлари раҳбарларига қуидагилар белгилаб берилди:

– фуқароларни, жумладан, таълим, соғлиқни сақлаш муассасалари, бошқа бюджет ташкилотлари ходимларини, таълим муассасалари ўқувчилари ва талабаларни мажбурий меҳнатга, шу жумладан, туман ва шаҳарлар ҳудудларини ободонлаштириш ҳамда кўкаламзорлаштириш ишлари, мавсумий қишлоқ ҳўжалиги ишлари, металл чиқиндилари ва макулатура йиғиш, шунингдек, бошқа турдаги мавсумий ишларга жалб қилиш ҳолатларининг зудлик билан олдини олиш ва бунга чек қўйиш;

– фуқароларни, хусусан, таълим ва соғлиқни сақлаш соҳаси, бошқа бюджет ташкилотлари ходимларини, талабалар ва таълим муассасалари ўқувчиларини мажбурий жамоат ишларига бевосита ёки билвосита жалб қилган мансабдор шахсларга нисбатан қатъий интизомий чоралар қўлланилиши;

– автомобиль йўллари, ҳаракатланиш тифиз бўлган кўчалар, сув объектлари, қирғоқбўйи ҳудудлар ва зоналар, курилиш майдонлари, бино ва иншоотлар томлари, хавфли ишлаб чиқариш объектлари, шунингдек, инсонларнинг ҳаётига ёки соғлиғига хавф туғилиши юзага келиши мумкин бўлган бошқа жойларда ихтиёрий ташабbus билан ҳашарлар ва бошқа ишларни ўтказиш.

Иккинчидан, Ўзбекистон Боши прокуратурасига:

– фуқароларнинг кафолатланган меҳнат ҳуқуқларини таъминлаш ва Ўзбекистон Республикаси ҳудудида мажбурий меҳнатга йўл қўймаслик соҳасидаги қонун хужжатларига риоя этилиши юзасидан назоратни кучайтириш, бу борадаги текширувлар самарадорлигини ошириш ва мажбурий меҳнат ҳолатлари аниқланганда эса айбдор шахсларга нисбатан тегишли жавобгарлик чораларини қўллаш топширилди.

Учинчидан, Бандлик ва меҳнат муносабатлари вазирлигига:

а) ходимларнинг кафолатланган меҳнат ҳуқуқларини таъминлаш, бирон-бир шаклдаги мажбурий меҳнатдан фойдаланиш ҳолатларини ўз вақтида аниқлаш ҳамда бартараф этиш бўйича Ўзбекистон Республикаси қонунчилиги нормалари амалга оширилишини назорат қилиш чораларини кучайтириш;

б) Касаба уюшмалари Федерацияси Кенгashi, Савдо-саноат палатаси ҳамда Ўзбекистон фермер, дехкон хўжаликлари ва томорқа ер эгалари кенгashi билан биргаликда:

– давлат органлари, шу жумладан, маҳаллий давлат органларининг, айниқса, қишлоқ хўжалиги ишлари қизғин даврда ходимларнинг ҳуқуқлари ҳамда манфаатларига риоя этилиши бўйича фаолияти юзасидан тизимли мониторинг олиб бориш;

– ўтказилган мониторинг якунлари бўйича фуқаролик жамияти институтларини жалб этган ҳолда, хусусан, худудларда оммавий эшитувлар ташкил этилишини таъминлаш, бунда мажбурий меҳнатдан фойдаланишнинг ҳар бир ҳолати келгусида бундай ҳолатларга йўл қўймаслик мақсадида муҳокама қилиниши белгиланди.

Тўртинчидан, Касаба уюшмалари Федерацияси Кенгашига:

– жамоа шартномаси ва меҳнат тўғрисидаги қонунчилик талабларига риоя этилиши, хусусан, мажбурий меҳнатдан фойдаланишнинг олдини олиш бора-сида ташкилотлардаги касаба уюшмалари бошланғич бўғинларининг жавобгарлик чораларини кучайтириш;

– мажбурий меҳнат ҳолатлари аниқланган тақдирда улар тўғрисида прокуратура органларига ҳамда Ўзбекистон Республикаси Бандлик ва меҳнат муносабатлари вазирлигининг Давлат меҳнат ҳуқуқ инспекцияси ва унинг худудий бўлинмаларига зудлик билан маълум қилиш;

– бошқа нодавлат нотижорат ташкилотлари ва оммавий ахборот воситалари билан ўзаро ҳамкорликда ушбу соҳадаги жамоатчилик назоратини фаоллаштириш каби мажбурий меҳнатга жавобгарлик чораларини белгилаш.

Бешинчидан, Бандлик ва меҳнат муносабатлари вазирлиги Адлия вазирлиги ҳамда Касаба уюшмалари Федерацияси Кенгаши билан биргаликда:

– фуқароларни мажбурий жамоат ишларига ноқонуний жалб қилиш ёки ҳар қандай шаклдаги мажбурий меҳнатдан фойдаланишда айбдор бўлган мансабдор шахсларга нисбатан жавобгарлик чораларини кучайтириш;

– Бандлик ва меҳнат муносабатлари вазирлигининг Давлат меҳнат ҳуқуқ инспекцияси ваколатларини кенгайтириш, шу жумладан, давлат органлари ва бошқа ташкилотлар томонидан меҳнат қонунчилигига риоя этилиши юзасидан назоратни кучайтиришга доир ваколатларини кенгайтириш.

Ўзбекистон Республикаси Вазирлар Маҳкамасининг 2018 йил 10 майдаги 349-сонли қарорида белгиланган вазифаларни бажармаган давлат ва жўжалик бошқаруви органлари раҳбарларига Ўзбекистон Республикасининг маъмурий жавобгарлик тўғрисидаги кодексининг 51-моддасига биноан:

– агар у аҳолини меҳнатга бирон бир шаклда маъмурий тарзда мажбурласа, – энг кам иш ҳақининг бир бараваридан уч бараваригача миқдорда жарима солишига сабаб бўлади.

Худди шундай ҳуқуқбузарлик вояга етмаган шахсга нисбатан содир этилган бўлса, – энг кам иш ҳақининг беш бараваридан ўн бараваригача миқдорда жарима солинади.

XVIII БОБ. ИЖТИМОЙ-МЕҲНАТ МУНОСАБАТЛАРИ ВА УЛАРНИНГ ТАРТИБГА СОЛИНИШИ

18.1. Ижтимоий-мехнат муносабатлари, уларнинг турлари ва тартибга солиниш воситалари

Ижтимоий-мехнат муносабатлари – бу ушбу муносабатларнинг субъектлари – ёлланма ходим ва иш берувчи ўртасида давлатнинг иштирокидаги объектив мавжуд бўлган, меҳнат фаолияти сифатини тартибга солишга йўналтирилган ўзаро боғлиқ муносабатлардир.

Ижтимоий-мехнат муносабатлари бевосита меҳнат жараёнининг иштирокчилари томонидан эҳтиёжлар, манфаатлар, қадриятлар, меҳнат фаолиятидаги вазиятлар таъсирида шакллантирилади.

Ижтимоий-мехнат муносабатлари тизим сифатида икки шаклга эга.

Биринчиси – объектив ва субъектив даражада мавжуд бўлган амалдаги ижтимоий-мехнат муносабатлари.

Иккинчиси – ижтимоий-мехнат муносабатларининг институционал, қонунчилик, қонун ижодкорлигига ўз ифодасининг топиши.

Ижтимоий-мехнат муносабатлари тизимида унинг қуйидаги таркибий тузилмалари фарқланади (18.1-расм):

- ижтимоий-мехнат муносабатларининг субъектлари (ёлланма ходимлар, иш берувчилар, уларнинг уюшма, ташкилот сифатидаги вакиллари, давлат);
- ижтимоий-мехнат муносабатларининг предмети ва уларнинг тузилмаси (корхонадаги кадрлар сиёсати, ходимларнинг аттестацияси, меҳнат фаолиятининг назорат ва таҳлил қилиниши, меҳнат самарадорлигини баҳолаш ва рағбатлантириш);
- ижтимоий-мехнат муносабатларининг турлари (патернализм, шериклик, рақобат, бирдамлик, субсидарлик, камситиш, низо).

Ёлланма ходим иш берувчи билан шартнома тузиш орқали ижтимоий-мехнат муносабатларига киришади. Ижтимоий-мехнат муносабатларининг субъекти сифатида эҳтиёжлари, манфаатлари ва қадриятлари муштарак бўлган ходимлар гурӯҳи ҳам эътироф этилади.

Ёлланма ходимнинг ижтимоий-мехнат муносабатларидаги мақоми унинг муайян сифатларга эга бўлиши кераклигини ҳам назарда тутади. Ходимнинг ушбу хислатлари унинг ёши, жинси, маълумоти ва малакасининг даражаси,

мобиллигидан ташқари, ижтимоий-мехнат муносабатларида шахсан иштирок этишга тайёрлиги ва бунга қодирлигини ҳам қамраб олади.



18.1-расм. Ижтимоий-мехнат муносабатларининг таркибий тузилмалари

Ижтимоий-мехнат муносабатларини ривожлантириш учун ходимларномидан иш кўрадиган институционал тузилмалар – *касаба уюшмалари* ҳам мавжуд бўлиши керак. Касаба уюшмалари ёлланма ходимларнинг иқтисодий манфаатларини химоя қилиш учун тузилади. Ходимларнинг иш билан бандлигини ва меҳнатга муносаб ҳақ тўланишини таъминлаш касаба уюшмаларнинг энг муҳим вазифаси ҳисобланади.

Халқаро таснифга кўра, *иши берувчи* – меҳнат фаолиятини амалга оширадиган ходимларни мустақил ва доимий равишда ёллайдиган шахсdir. Одатда, иш берувчи мулк ва ишлаб чиқариш воситаларининг эгаси бўлади. Лекин

мулк давлатга тегишли бўлган ҳолатларда иш берувчининг ўзи ҳам давлатнинг ёлланма ходими мақомида бўлишини ёддан чиқармаслик керак.

Ижтимоий-мехнат муносабатларида давлатнинг роли унинг қонуншуносиги, ҳуқуқлар ҳимоячиси, тартибга солувчилиги ва иш берувчилигига намоён бўлади.

Ижтимоий-мехнат муносабатлари субъектларининг ўзаро боғлиқлиги турли: ходим-ходим, ходим-иш берувчи, касаба уюшмалар-иш берувчи, иш берувчи-давлат, ходим-давлат ва бошқа шакллар кўринишини олади.

Ижтимоий-мехнат муносабатларининг *предмети* ходимлар ўз меҳнат фаолиятининг турли босқичларида эришишни кўзлаган мақсадлари билан белгиланади. Шу мақсадда ходим ҳаётининг уч босқичи ажратиб кўрсатилади:

- туғилган пайтидан таълим олишни тугаллагунга қадар бўлган давр;
- меҳнат фаолияти даври;
- меҳнат фаолиятидан кейинги давр.

Бу даврларнинг биринчисида меҳнат муносабатлари, асосан, таълим олиш билан боғлиқ. Иккинчи босқичда эса энг асосийси – ишга қабул қилиниш ва ишдан бўшашиб, меҳнат шароитлари ва меҳнатга ҳақ тўланишидир. Учинчиси учун пенсия таъминоти энг муҳим хисобланади.

Ижтимоий-мехнат муносабатлари фақат бевосита меҳнат жараёнида (бирламчи) эмас, шунингдек, ундан ташқарида (иккиламчи), яъни ижтимоий ҳимоя, истеъмол, реакреация – меҳнат салоҳиятини тиклаш соҳаларида ҳам амал қиласиди. Бирламчи ижтимоий-мехнат муносабатлари бевосита ёлланма ходим билан иш берувчи ўртасида (иш билан бандлик, меҳнатни ташкил этиш ва унга ҳақ тўлаш) пайдо бўлади. Иккиламчи бевосита меҳнат фаолиятига тааллуқли бўлмаса ҳам, у билан узвий боғлиқдир (ходимларнинг таълим мусассасаларида касбий тайёргарлиги, ижтимоий ҳимоя, пенсия таъминоти ва бошқа муносабатлар).

Ижтимоий-мехнат муносабатларининг қўйидаги турлари фарқланади (18.2-расм):

1. *Патернализм* – ижтимоий-мехнат муносабатларининг асосан давлат ёки иш берувчи (давлат ёки мулк эгаси) томонидан тартибга солинишига асосланган. Бу усуlda ёлланма ходимларга «оталарча ғамхўрлик» кўзда тутилса ҳам, у кўпинча маъмурӣ-буйруқбозлик кўринишига эга бўлади.

2. *Шериклик*. Ижтимоий-мехнат муносабатларининг бу тури кўпроқ Германияга хос. Бу давлатда мазкур муносабатлар ҳуқуқий жиҳатдан муфассал мустаҳкамлаб қўйилган ва уларда ёлланма ходимлар, тадбиркорлар ва давлат иқтисодий-ижтимоий вазифаларни ҳал этишда шериклар сифатида кўрилади. Шерикликда касаба уюшмалар факат ёлланма ходим манфаатини кўзлаб иш тутмасдан, шунингдек, корхона ишлаб чиқаришининг, умуман, миллий иқтиодиётнинг самарадорлигини ошириш учун кураш олиб боради.



18.2-расм. Ижтимоий-мехнат муносабатларининг турлари

3. *Бирдамлик* – меҳнат жамоасининг муштарак манфаатларига асосланган, ишлаб чиқариш самарадорлигига эришиш учун умумий масъулият ва ўзаро ёрдамни назарда тутади.

4. *Субсидарлик*¹. Бунда ходимнинг ўз мақсадларига эришишда ва ижтимоий-мехнат муаммоларини ҳал этишда шахсий масъулияти асосий роль ўйнайди. Субсидарлик, одатда, патернализмга қарши қўйилади. Агар ходим ўз мақсадларига эришиш учун касаба уюшмаларига аъзо бўлса, унга ижтимоий-мехнат муносабатларининг бирдамлик тури сифатида қаралиши мумкин.

5. *Камситиш* – бу ижтимоий-мехнат муносабатлари субъектлари хуқуқининг ноқонуний чекланишидир. Ушбу чеклашлар ходимнинг жинси, ёши, ирқи, миллати ва бошқа белгилари бўйича бўлиши мумкин. Камситишда меҳнат бозоридаги тенг хуқуқлик принципи бузилади, бундай ҳолат, шунингдек, касбий тайёргарлик олишда, хизмат вазифасида кўтарилишда, имтиёзлар берилишида, ишдан бўшитилишда ва бошқа ҳолатларда учраши мумкин.

6. *Ихтилоф* – ижтимоий-мехнат муносабатлари зиддиятларининг энг кескин кўриниши ҳисобланади. Ихтилоф меҳнат низолари, оммавий ишдан бўшатиш, иш ташлашлар тарзida намоён бўлади.

Ижтимоий-мехнат муносабатлари миллий моделларининг, асосан, уч модели мавжуд.

Ижтимоий-мехнат муносабатларининг Европа модели ходимларнинг хуқуқий ҳимояланиши юксак даражаси, меҳнат хуқуқининг қатъий нормалама-

¹ Субсидарлик (лот. «subsidiarius» – «ёрдамчи», «захира») – шахснинг, кичик гурух хукукининг, манбаатларининг давлат, йирик бирлашмалар, жамоалар хуқуки, манбаатларидан устунлиги принципи.

ри, ижтимоий-мехнат муносабатларини тармоқ тарифлари орқали тартибга солиш, меҳнатга ҳақ тўлаш энг кам миқдори юқори бўлишининг қонунчилик орқали ўрнатилиши, иш ҳақи миқдорлари табақланиши ўртасида фарқ катта эмаслиги хусусиятларига эга. Аслида у Скандинавия давлатлари – Швеция, Норвегия ва Даниянинг миллий ижтимоий-мехнат муносабатларига хос. Бу ўринда Европа модели Халқаро меҳнат ташкилотининг талаблари ва тавсияларига мувофиқлиги билан ажralиб туришини ҳам таъкидлаш лозим. Аммо кейинги йилларда ушбу мамлакатларда ишсизлик даражасининг ортиб бориши, ёшларнинг меҳнат бозорида ракобатбардош эмаслиги, меҳнатга ҳақ тўлашнинг рағбатлантирувчи роли пасайиши каби салбий холатлар мазкур моделнинг инқирозга юз тутганидан далолат бермоқда.

АҚШ, Буюк Британия, Австралий ва Янги Зеландияни фақат инглиз тилигина эмас, шунингдек, ижтимоий-мехнат муносабатларининг инглиз-саксон модели ҳам бирлаштириб туради. Мазкур модель меҳнат ва фуқаролик ҳукуқининг ривожланганлиги, иш билан бандликни бошқаришнинг ва ишсизликни тартибга солишининг марказлаштирилган тизими мавжуд эмаслиги, иш берувчиларга ёлланма ходимларни ёллашда кенг ҳукуқлар тақдим этилганлиги, корпоратив ва жамоавий шартнома муносабатлари моделларининг амал этиши, айни пайтда тармоқлар ва минтақалар миқёсида бундай муносабатлар тартибга солинмаслиги, меҳнатга ҳақ тўлашда табақаланиш даражасининг юқорилиги, энг кам иш ҳақининг қонунчилик йўли билан мустаҳкамлаб қўйилмаганлиги билан ажralиб туради.

Ижтимоий-мехнат муносабатларининг яна бир – Шарқ моделининг хусусиятларини Япония мисолида кўриш мумкин. Маълумки, ушбу мамлакатда ходимларнинг бир умрга ёллаш анъаналари сақланиб қолмоқда. Шунинг учун ушбу моделда иш ҳақи ва ижтимоий тўловларнинг миқдори муайян бир фирмадаги иш стажига боғлиқ бўлади. Яна бир хусусият – малакаси паст ва юқори малакали ходимларнинг иш ҳақи ўртасидаги фарқнинг катта эмаслигидир. Шарқ анъанларига кўра, кунчиқар давлатида ўз корхонасига садоқат биринчи ўринга кўйилади. Шу билан бирга Японияда ишсизликнинг олдини олишга катта эътибор берилади. Бунинг учун корхоналарда ходимларни бир фирмадан бошқасига ишга ўтказиш, қисқартирилган иш куни ва иш ҳафтасига ўтиш усуулларидан фойдаланилади.

18.2. Давлат, иш берувчилар ва ходимлар ўртасида ижтимоий шериклик

Давлат, иш берувчилар ва ходимлар (уларнинг вакиллари) ўртасида ижтимоий шериклик *трипартизм* номини олган. Трипартизмнинг (лот. «tripartitus» – «уч қисмдан иборат») луғавий маъноси ҳам ижтимоий-мехнат

муносабатларини тартибга солиш жараёнида ёлланма ходимлар ва иш берувчиликлар (улар вакилларининг) ҳамда давлатнинг ижтимоий шериклиги тизими-ни англатади.

1992 йилда Брюсселда бўлиб ўтган Европада трипартизмни амалга ошириш муаммолари симпозиумининг хужжатларида «Трипартизм сиёсий демократия ва бозор иқтисодиёти, айниқса, эркинлик, плюрализм принциплари ҳамда ўзларига таалукъли қарорлар қабул қилишда манфаатдор томонларнинг иштироки асосида ижтимоий муносабатларга ўтишдир»,¹ деб келтирилган.

Трипартизм XX асрнинг бошида дастлаб Европада шаклана бошлаган. Хусусан, 1900 йилда Швецияда касаба уюшмаларнинг асосий етакчи миллий бирлашмаси – Швеция касаба уюшмаларининг марказий бирлашмаси (LO) ташкил топган. Шундан икки йил ўтгач, иш берувчиларнинг ҳам етакчи миллий бирлашмаси – Швеция иш берувчиларининг бирлашмаси (SAF) ташкил этилган. 1906 йилда бу ҳар икки миллий бирлашма бир-бирларининг хукуқларини ўзаро тан олган.

Швецияда ёлланма ходимлар ва иш берувчиларнинг давлат иштирокидаги ижтимоий шериклигининг хукуқий асоси бўлиб 1938 йилда Швеция ҳукумати иштирокида Швеция касаба уюшмаларининг марказий бирлашмаси билан Швеция иш берувчиларининг бирлашмаси ўртасида имзоланган Сальтшёбаден битими хисобланади. Швеция трипартизмнинг мафкуравий асосини ўз мамлакатларида ҳар бир фуқаро тенг хукуқлар ва тенг имкониятларга эга бўладиган «умумий фаровонлик давлати»ни барпо этиш ташкил этди.

Ушбу мамлакатда қарор топган трипартизмнинг хусусиятлари қуидаги-лардан иборатdir:

- ҳар икки йилда бир марта миллий даражада марказлаштирилган тартибда жамоавий шартномалар тузилади;
- давлат жамоавий-шартномавий жараёнда ҳакам ролини бажаради ва баҳсли масалалар бўйича касаба уюшмалар билан иш берувчилар бирлашмаси ўртасида бир битимга келинмаса, муросали қарор тайёрлайди;
- жамоавий шартномалар амал қилиб турган муддатда томонлар ушбу шартномалар қоидаларига амал қилаётган бўлса, давлат уларга нисбатан қўшимча тартибга солувчи чораларни кўрмайди;
- томонларнинг имзоланган жамоавий шартномаларнинг тўлиқ бажариши меҳнат низолари келиб чиқмаслигини кафолатлайди².

Халқаро меҳнат ташкилоти давлат, иш берувчилар ва ходимлар (уларнинг вакиллари) ўртасидаги ижтимоий шериклик бўйича қатор конвенциялар ва тавсиялар қабул қилган. 1976 йилги Уч томонлама маслаҳатлашувлар (халқа-

¹ Hethy L. Social Dialogue and the Expanding World. European Trade Union Institute, Bruxelles, 2001. - P. 6.

² Hardiman N. Politics and Social Partnership : Flexible Network Governance // The Economic and Social Review. 2006. Vol. 37, № 3. P. 343-346.

ро меҳнат нормалари) тўғрисидаги 114-конвенция, 1981 йилги Жамоавий музокаралар тўғрисидаги 154-конвенция, Халқаро меҳнат конференцияси томонидан 2002 йил 18 июнда қабул қилинган Трипартизм ва ижтимоий мулоқот тўғрисидаги резолюция шулар жумласидандир.

Ушбу халқаро хужжатларда давлат, иш берувчилар ва ходимлар (уларнинг вакиллари) ўртасидаги ижтимоий шерикликнинг асосий принциплари белгилаб қўйилган. Улар қўйидагилардан иборат:

– *томонларнинг тенг ҳуқуқлиги принципи*. У ҳам давлат, ҳам бизнес, ҳам ходимлар трипартизмнинг ҳар қандай органида тенглик асосида иштирок этишлари шартлиги ҳамда ҳар қандай камситиш, худди шунингдек, бир томонга ҳар қандай устунлик бериш тақиқланишини назарда тутади;

– *томонларнинг манфаатларини ҳурмат қилиши ва ҳисобга олиши*. Меҳнат муносабатларининг ўзи ходимлар ва иш берувчиларнинг манфаатлари турлича бўлишини кўзда тутиши маълум. Шунга қарамасдан, томонлар улар ўртасида пайдо бўладиган зиддиятларни ушбу принцип асосида ҳал этишлари керак;

– *томонларнинг шартномавий муносабатларда иштирок этишидан манфаатдорлиги*. Бу, айниқса, давлатга тааллуклидир. Чунки давлат ходимлар ва иш берувчиларнинг манфаатларини макродаражада тартибга солишга даъват этилган;

– *давлатнинг ижтимоий ҳамкорликни демократия асосида ривожлантиришига кўмаклашиши*. Ушбу принцип, бир томондан, давлатнинг трипартизмдаги ҳакамлик ролини мустаҳкамлайди, иккинчи томондан, томонларнинг шериклиги демократик асосда бўлиши зарурлигига урғу беради;

– *томонлар вакилларининг ваколатлари*. Ушбу принцип томонлар вакилларининг жамоавий-шартномавий музокараларни олиб борища зарур ваколатларга эга бўлишлари шартлигини назарда тутади;

– *мажбуриятларни қабул қилишининг иҳтиёрийлиги*. Эришилган келишуввичарнинг таъсирчанлиги ва самарадорлиги ушбу принципга амал қилинишга боғлик. Давлат ушбу принципни амалга оширап экан, қайсиdir томоннинг манфаатини ҳисобга олмайдиган ёки у томонидан бажаришнинг имконияти бўлмаган талабларни илгари суриши мумкин эмас;

– *жамоавий шартномалар, битимлар бажарилишининг шартлиги*. Бу принципсиз трипартизмнинг ўзи амал этмайди. Аммо бу масалада гап иҳтиёрий қабул қилинган мажбуриятлар ҳақида боради. Жамоавий шартномалар, битимлар бажарилмаслиги учун жавобгарлик принципи айнан шунга асосланган;

– *жамоавий шартномалар, битимлар бажарилишининг назорат қилиниши*. Ушбу принципни амалга ошириш, айниқса, иш берувчилар томонидан суистеъмолликларнинг олдини олиш учун муҳимдир;

– жамоавий шартномалар, битимлар бажарилмаслиги учун жавобгарлик. Ушбу принцип жамоавий шартномалар, битимлар бажарилмаслиги учун жавобгарлик чоралари белгилаб қўйилишини талаб қиласди.

Ўзбекистонда «Ижтимоий шериклик тўғрисида»ги қонун қабул қилинган. Унда «Ижтимоий шериклик давлат органларининг нодавлат нотижорат ташкилотлари ва фуқаролик жамиятининг бошқа институтлари билан мамлакатни ижтимоий-иқтисодий ривожлантириш дастурларини, шу жумладан, тармоқ, ҳудудий дастурларни, шунингдек, норматив-хуқуқий ҳужжатларни ҳамда фуқароларнинг хуқуqlари ва қонуний манфаатларига дахлдор бўлган бошқа қарорларни ишлаб чиқиши ҳамда амалга ошириш борасидаги ҳамкорлигидир»¹, деб кўрсатилган.

Ижтимоий шериклар ўртасида ижтимоий-мехнат муносабатлари, ҳал қилиниши лозим бўлган масалаларнинг хусусиятларига қараб бош, тармоқ ва ҳудудий (минтақавий) жамоа келишувлари тузилади.

Мамлакат миқёсида ижтимоий-мехнат соҳасида ижтимоий шериклик Ўзбекистон Республикаси Вазирлар Махкамаси, Ўзбекистон Касаба уюшмалиари Федерацияси Кенгаши ва Ўзбекистон Савдо-саноат палатаси ўртасидаги Бош келишув асосида амалга оширилади. Бош келишув ижтимоий-иқтисодий масалалар хусусида келишиб сиёsat олиб боришнинг умумий принципларини белгилаб беради.

Хусусан, Ўзбекистон Республикаси Вазирлар Махкамаси, Ўзбекистон Касаба уюшмалиари Федерацияси Кенгаши ва Савдо-саноат палатаси ўртасида ижтимоий-иқтисодий масалалар буйича 2017–2019-йиллар учун Бош келишувда:

- миллий иқтисодиётни, маҳаллий ишлаб чиқаришни ҳамда тадбиркорликни ривожлантириш;
- ходимларнинг хуқуқий ҳимоясини таъминлаш;
- меҳнатга хақ тўлашни такомиллаштириш, аҳолининг даромадлари ва турмуш даражасини ошириш;
- меҳнат бозорини ривожлантириш, аҳолини иш билан таъминлашга кўмаклашиш;
- меҳнат муҳофазаси ва хавфсизлигини таъминлаш;
- ходимларнинг ижтимоий кафолатлари ва ижтимоий ҳимоясини таъминлаш;
- аёллар ва ёшлар учун қўшимча кафолатлар бериш;
- ижтимоий мулокот ва ижтимоий шерикликни ривожлантириш масалалари ўрин олган.

¹ «Ижтимоий шериклик тўғрисида» Ўзбекистон Республикасининг қонуни // Ўзбекистон Республикаси қонун ҳужжатлари тўплами, 2014 й., 39-сон, 488-модда.

Тармоқ келишувлари тегишли касаба уюшмалари ва иш берувчилар (уларнинг бирлашмалари) ўртасида, тарафларнинг таклифиға кўра эса Ўзбекистон Республикаси Бандлик ва меҳнат муносабатлари вазирлиги билан тузилади. Тармоқ келишувларида ижтимоий шериклар тармоқни ижтимоий-иктисодий ривожлантиришнинг асосий йўналишларини, меҳнат шартлари ва унга ҳақ тўлашни, тармоқ ходимларининг ижтимоий кафолатларини мустаҳкамлаб қўяди.

Худудларнинг хусусиятлари билан боғлиқ бўлган муайян ижтимоий-иктисодий муаммоларни ҳал қилиш шартларини белгилайдиган ҳудудий (минтақавий) келишувлар тегишли касаба уюшмалари, иш берувчилар (уларнинг бирлашмалари) ҳамда маҳаллий ижро этувчи ҳокимият органлари билан тузилади.

Бош, тармоқ ва ҳудудий (минтақавий) жамоа келишувларида:

- меҳнатга ҳақ тўлаш, меҳнат шартлари ва уни муҳофаза қилиш, меҳнат ва дам олиш тартиби;
- нархларнинг ўзгариб боришига, инфляция даражасига, келишувларда белгилаб қўйилган кўрсаткичларнинг бажарилишига қараб меҳнатга ҳақ тўлашни тартибга солиш механизми;
- энг кам миқдори қонун ҳужжатларида назарда тутиладиган компенсация тарзидаги қўшимча тўловлар;
- ходимларнинг ишга жойлашишига, уларни қайта ўқитишга кўмаклашиш;
- экология жиҳатидан хавфсизликни таъминлаш ҳамда ишлаб чиқаришда ходимларнинг соғлиғини муҳофаза қилиш;
- ходимлар ҳамда уларнинг оила аъзоларини ижтимоий ҳимоя қилиш бўйича маҳсус тадбирлар;
- давлат корхоналарини хусусийлаштириш чоғида ходимларнинг манфатларига риоя қилиш;
- ёшлар (шу жумладан ўн саккиз ёшга тўлмаган шахслар) меҳнатидан фойдаланиш мақсадида улар учун қўшимча иш жойлари ташкил этувчи корхоналарга бериладиган имтиёзлар;
- ижтимоий шериклик ҳамда уч тарафлами ҳамкорликни ривожлантириш, жамоа шартномаларини тузишга кўмаклашиш, меҳнат низоларининг олдини олиш, меҳнат интизомини мустаҳкамлаш тўғрисидаги қоидалар назарда тутилади.

Бош, тармоқ ва ҳудудий (минтақавий) жамоа келишувларининг бажарилиши бевосита тарафлар ёки улар ваколат берган вакиллар, шунингдек, Ўзбекистон Республикаси Бандлик ва меҳнат муносабатлари вазирлигининг тегишли органлари томонидан текшириб турилади.

18.3. Ижтимоий-мехнат муносабатларида давлат-хусусий шериклигининг роли

Давлат-хусусий шериклиги давлат ва хусусий бизнеснинг тенг ҳукукли ва ўзаро манфаатли ҳамкорлигидир. Давлат аҳолига ва иқтисодий агентларга инфратузилма ва ижтимоий йўналтирилган тармоқлар хизматини тақдим этиш ҳажмини ошириш ва сифатини яхшилашдан манфаатдордир. Хусусий бизнес билан шериклик товарлар ишлаб чиқариш ва хизматлар кўрсатиш ҳажмини қўпайтириш, бюджет маблағларини тежаш, истеъмолчилар эҳтиёжларини самарали қондириш ҳамда давлат хусусий инвестицияларсиз амалга ошира олмайдиган лойиҳаларни бажариш имконини беради.

Ўзбекистон Республикасининг Президенти Ш. Мирзиёев «...иқтисодиёт тармоқларига маъмурӣ таъсиirlарни қисқартириш ва бозор механизmlаридан кенг фойдаланиш керак. Яъни давлат иштирокидаги бизнес тузилмаларини ташкил этишини чеклаш, бу борада бозорга хос механизmlарни ишлаб чиқиш, давлатнинг айрим функцияларини хусусий секторга ўtkазиш даркор»лигини¹, яъни давлат-хусусий шериклигини ривожлантириш зарурлигини таъкидлаган.

Хусусий бизнес ҳам давлат билан шериклиқдан манфаат кўради. Бундай ҳамкорлик туфайли у ижарага олиши ёхуд харид қилиши керак бўлган обьектдан фойдаланиш имкониятига эга бўлиш асосида даромад топади. Бундай ҳамкорлик, шу билан бирга, унинг барқарор равишда фойда олишини таъминлайди. Энг муҳими – бозор рақобати шароитларида хусусий бизнес кафолатли давлат буюртмаларига ёки давлат томонидан истеъмолчиларга товарлар ва хизматлар етказиб бериш бозорига эга бўлади.

Давлат-хусусий шериклиги деганда, ижтимоий эҳтиёжларни қондириш учун бизнеснинг ҳар қандай ресурсларидан фойдаланиш назарда тутилади. Бунда ушбу ресурслар хусусий бизнеснинг капитали, ноу-хауси, ҳатто менежерларнинг тажрибаси ҳам бўлиши мумкин. Ижтимоий эҳтиёжлар дейилганда эса ҳар бир давлат учун муҳим ҳисобланган йўл қурилиши, туаржой коммунал хўжалиги, умуман, ижтимоий инфратузилма, шунингдек, алоқа ёки кўчмас мулк каби тижорат секторлари ҳам тушунилади.

Давлат-хусусий шериклигига давлатнинг хусусий бизнес билан ўзаро муносабатларининг бошқа шаклларидан фарқланадиган қатор хусусиятлар мавжуд. Уларга қуйидагилар киради:

- томонларнинг ҳукукий жиҳатдан мажбурий ҳисобланган битимлар тузиши;
- лойиҳани амалга оширишда биргаликда иштирок этиши;

¹ Ўзбекистон Республикаси Президенти Ш. Мирзиёевнинг Олий Мажлисга Мурожаатномаси // Халқ сўзи, 2017 йил 23 декабрь

– давлат ва хусусий бизнес ресурсларининг бирлаштириши. Масалан, хусусий шерик ўз зиммасига мактабгача таълим муассасасини барпо этиш ва жиҳозлаш мажбуриятини олади, давлат эса бу объект учун ер майдони ажратади, лойиха-смета хужжатларини тайёрлаб беради, харажатларнинг бир қисмини қоплади;

– битим ўрта ёки узоқ – 3 йилдан 30 йилгача (кейинчалик узайтириш муддати кўзда тутилган ҳолда) муддатга тузилади;

– таваккалчиликлар биргаликда зиммага олинади;

– хусусий шерик битимда кўзда тутилган объектни барпо этгандан сўнг ундан фойдаланиш ва хизмат кўрсатиш хукуқига эга бўлади;

– хусусий шерик танлов орқали танланади.

Давлат-хусусий шериклиги муносабатлари қадим даврлардан бошлаб маълум. Яқин ўтмишда ана шундай ўта машхур лойиҳага Сувайш канали қурилишини мисол қилиб келтириш мумкин. 1855 йилда тадбиркор Фердинанд де Лессепс Миср раҳбариятидан Қизил ва Ўртаер денгизини бирлаштирадиган канал қурилиши учун концессия хукуқини қўлга киритади. Бунда у томонидан тузилган «Сувайш канали умумкомпанияси» чиқарилган акцияларининг 44 % ига, Миср хукумати 53 % ига, франциялик тадбиркорга тегишли 3 % га бошқа мамлакатлар эга бўлди. Шартномада акциядорлар каналдан фойдаланишдан тушадиган фойданинг 75 % ини, Миср хукумати 15 % ини, компания асосчилари 10 % ини олиши кўзда тутилди. Канал қурилиши 11 йилда ніҳоясига етди. Сувайш канали 1956 йилда Миср томонидан национализация қилинди. Ҳозирги пайтда канал мамлакат ғазнасига валюта тушумлари бўйича асосий манбалардан бири ҳисобланади.

Иккинчи ана шундай буюк концессия Александр Гюстав Эйфель томонидан амалга оширилган лойиҳа бўлди. Минора лойиҳасининг муаллифи Эйфель 1887 йилда Париж муниципалитети билан шартнома тузган. Ушбу битимга мувофиқ, Эйфель минорани 25 йилга ижарга олган. Эйфель минорасининг барча харажатлари 25 % ини субсидия қоплаган. Эйфель минораси қурилиши қисқа муддатда ўзини оқлаб, кўп йиллардан бери Париж муниципалитетига катта даромад келтирмоқда¹.

Халқаро лойиҳаларни молиялаштириш ассоциацияси (International Project Finance Association) халқаро тажрибадан келиб чиқкан ҳолда давлат-хусусий шериклигининг уч турини ажратиб кўрсатади:

1. Давлат корхоналарига хусусий бизнесни жалб қилиш.

2. Давлатнинг хусусий шерик томонидан тақдим этиладиган юқори сифатли хизматларини узоқ муддатга харид қилиш мажбурияти. Бундай битимлар концессия ёки франчайзинг механизmlари орқали тузилади ва қоидага кўра,

¹ Бик С. И., Радзивский А. С. Концессии, изменившие мир.- М.: Коттон лейбл, 2014.- 224 с.

хусусий шерик томонидан факат бундай хизматни тақдим этишгина эмас, шунингдек, давлатга тақдим этадиган активларини сақлаб туриш ҳамда тақдим этилаётган хизматлар сифатини пасайтирмаслик учун зарур бўлган янги активларни жалб қилиш ҳам кўзда тутади.

3. Шериклик битимлари. Бундай ҳамкорлик келишувларида давлат учун хусусий шерикнинг тажрибаси ва унинг молиявий имкониятлари давлат активларидан фойдаланиш назарда тутилган лойиҳалар учун ҳаётий зарурат ҳисобланади¹.

XX асрнинг бошларида турли мамлакатларда темир ва автомобиль йўллари, кўпприклар, электр станциялари ва бошқа муҳим обьектлар ҳам хусусий тадбиркорларнинг маблағлари ҳисобига барпо этилган. Давлат-хусусий бизнес шериклигига тадбиркорлар ўзлари киритаётган инвестициялар катта даромад келтиришини ҳисобга олган ҳолда жиддий таваккалчиликларни ўз зиммасига олганлар.

1980-йиллар давлат-хусусий шериклик ниҳоятда жадал ривожланган давр бўлди. Барқарор иқтисодий ўсиш ва аҳоли сонининг кўпайиши давлатдан ижтимоий инфратузилмаларни жадал ривожлантириш, энергетика қувватларини оширишни талаб қилган. Айни пайтда давлат масъул бўлган хизматлар, биринчи навбатда, соғлиқни сақлаш, таълим, транспорт, коммунал хизмат соҳаларига аҳолининг эҳтиёжи ҳам ортган. Натижада, давлатлар бюджет маблиғларининг тақчиллиги сабабли аҳолининг ушбу хизматларга эҳтиёжини қондиришнинг ҳамиша ҳам уddасидан чиқа олмаган.

Аввалги йилларда давлат-хусусий шериклиги соҳасида орттирилган тажриба ана шу жиддий ижтимоий муаммони мувваффакиятли ҳал этиш имкониятини яратди. Давлат-хусусий шериклик, айниқса, Буюк Британияда ривожланган. Бу мамлакатда давлатнинг аҳолига ижтимоий хизматлар кўрсатиш вазифасини ошириш мақсадида маҳсус қонун билан «Хусусий молиявий ташаббус» («Private Financing Initiative – PFI») ташкил этилди. Ушбу тузилма хусусий секторнинг ўз ресурслари ҳисобига ижтимоий обьектларни барпо этиши ва улардан муайян давр давомида фойдаланишларини кўллаб-қувватлаб турди. Бундай давлат-хусусий шериклиги барпо этилган обьектлардан фойдаланиш ҳисобига киритилган инвестицияларни қоплашга асосланган эди. Баъзи ҳолатларда хусусий бизнеснинг ижтимоий обьектларни барпо этиш учун харажатлари давлат бюджетидан тўловлар ҳисобига қопланади.

АҚШда давлат маъмурлари билан хусусий бизнес вакилларининг кооперацияси муниципал даражада кенг кўлланилади. Бу ерда ташкил этилган Давлат-хусусий шериклиги бўйича миллий кенгаш (National Council for Public-Private Partnership) маълумотларига кўра, АҚШдаги шаҳарларнинг 23 тадан

¹ <https://www.google.com/search?q=International+Project+Finance+Association&oq=International+Project+Finance>

65 тагача муниципал хизматлари хусусий бизнес билан ҳамкорликда ишлайди. Шахар маъмурларининг бундай лойиҳаларда иштирок этиши уларга бюджет маблағларининг 20 % дан 50 % гачасини тежаш имконини бермоқда¹.

Бирлашган Миллатлар Ташкилоти ҳам ижтимоий секторда бюджет маблағлари етарли бўлмаган ҳозирги шароитларда аҳоли эҳтиёжларини қондириш учун давлат-хусусий шериклигини амалга ошириш жуда муҳим, деб хисоблади. Щунинг учун ҳам у тобора оммалашшиб бормоқда ва ҳозирги пайтда 130 тадан кўпроқ давлатда фойдаланилаяпти. Бу миллий иқтисодиёт инфратузилмаларига зарур инвестицияларнинг 15–20 % ини жалб этишга имконият яратмоқда.

Ўзбекистонда ҳам давлат билан хусусий секторнинг ҳамкорлик тажрибаси мавжуд. Унинг энг оммалашган шаклларидан бири маҳсулотни тақсимлаш асосидаги ҳамкорлик ҳисобланади. Давлат-хусусий шериклигининг ушбу шакли мамлакат моддий ресурсларидан фойдаланишга чет эл инвестицияларини жалб қилишда ўз самарасини қўрсатмоқда. Маҳсулотни тақсимлаш тўғрисидаги битимлар Россиянинг «Лукойл» ва «Газпром», Хитойнинг «CNPC», Жанубий Кореянинг «KNOC», «KOGAS» ва бошқа давлатларнинг компаниялари билан тузилган. Натижада, ушбу битимлар асосида миллий иқтисодиётга хорижий хусусий компраниялардан 8 млрд АҚШ доллари миқдорида инвестициялар жалб этилди.

Мамлакатда давлат-хусусий шериклиги соҳасида фаол қўлланилаётган яна бир шакл – эркин иқтисодий зоналардир. Улар янги, юқори технологияларга асосланган, замонавий ракобатбардош, экспортга мўлжалланган тайёр саноат маҳсулотлари ишлаб чиқариш, муҳандис-коммуникация, йўл-транспорт, ижтимоий инфратузилма ва логистика хизматларини жадал ривожлантиришни таъминлаш учун тўғридан-тўғри чет эл инвестицияларини жалб этиш имконини бермоқда.

Кейинги 15 йил давомида давлат-хусусий шериклиги доирасида 8 та йирик лойиҳа амалга оширилиб, уларга 800 миллион АҚШ долларига яқин хусусий бизнес маблағлари сарфланди. Хусусий бизнес ижтимоий инфратузилмаларга, асосан, тураг-жой коммунал хизматига кенг жалб этилмоқда. Бундан мамлакатда 150 тага яқин аҳолига таъмирлаш, авария-диспетчер хизматлари қўрсатиш билан машғул ихтисослашган бошқарув компаниялари фаолият кўрсатаётганлиги ҳам далолат беради. Ана шундай ҳамкорлик ушбу мамлакатдаги акциядорлик компанияларига истеъмочиларга табиий газ сотиш ва аҳолидан тўловларни олиш функцияларини тақдим этиш шартномаларини тузишга имконият яратди. «Ўзбекэнерго» акциядорлик компанияси эса Тошкент шаҳрининг Бектемир туманида электр энергиясини тақсимлаш ва сотиш

¹ В а р н а в с к и й В. Г. Партнерство государства и частного сектора: формы, проекты, риски / В. Г. Варновский. - М.: Наука, 2015. – С.70.

учун мустақил операторни танлаш мақсадида танлов ўтказди. Ҳозирги пайтда Наманган, Андижон ва Самарқанд вилоятларида ҳам электр энергиясини со-тиш учун хусусий операторларни жалб қилиш чоралари кўрилмоқда.

Давлат-хусусий шериклиги механизлари автомобиль йўллари куриш, таъмирлаш ва уларни эксплуатация қилишда ҳам жорий этилмоқда. БМТ-нинг Ривожланиш дастури билан биргаликда Тошкент вилоятининг Янгийўл шаҳрида қаттиқ майший чиқиндиликларни тўплаш соҳасида тажриба ўтказилди. Давлат-хусусий шериклигининг ушбу шакли ҳозирги пайтда мамлакатнинг бошқа шаҳарларида ҳам қўлланила бошлади.

Давлат-хусусий шериклигини кенг ёйишга, айниқса, мактабгача таълим тизими соҳасида катта эътибор берилмоқда. Ҳозир Тошкент, Нукус ва вилоятлар марказларида тажриба тариқасида асосида янги хусусий мактабгача таълим муассасалари ташкил этилмоқда. Мамлакатда мактабгача таълим соҳасида давлат-хусусий шерикчилиги учун қулай шарт-шароитлар яратиш мақсадида бундай ҳамкорликнинг қўйидаги шакллари жорий этилди:

- мактабгача таълим нодавлат муассасаларининг биноларини қуриш учун бепул асосда доимий фойдаланишга ер майдонлари тақдим этиш;
- мактабгача таълим нодавлат муассасалари биноларини қуриш учун фаолият юритаётган давлат мактабгача таълим муассасаларининг худудида бепул асосда доимий фойдаланишга ер майдонлари ажратиб бериш;
- мавжуд давлат мактабгача таълим муассасаларини реконструкция қилиш ва жиҳозлаш, кейинчалик эса уларни оталиқقا олиш шарти билан мактабгача таълим нодавлат муассасалари обьектларини қуриш учун бепул асосда ер майдонларини тақдим этиш;
- концессия асосида қурилиш учун ер участкаси ёки реконструкция қилиш ва жиҳозлаш учун бино ажратиши;
- бўш ётган давлат мулки обьектларини, шу жумладан, фаолият кўрсатма-ётган давлат мактабгача таълим муассасаларининг биноларини «ноль» харид қийматида сотиш;
- тўлиқ бутланмай қолган давлат мактабгача таълим муассасаларининг фойдаланилмаётган хоналари ёки корпусларини узоқ муддатли бепул мақсадли фойдаланиш учун хусусий шерикларга топшириш;
- хусусий шерикнинг мол-мулки негизида ташкил қилинган мактабгача таълим нодавлат муассасаларини моддий-техник ва молиявий таъминлаш;
- оиласвий мактабгача таълим нодавлат муассасаларини моддий-техник ва методик таъминлаш;
- оталиқ шаклидаги хайрия фаолиятини олиб бориш.

Шу билан бирга давлат-хусусий шерикчилиги шаклига кўра, хусусий шерик зиммасига инвестиция мажбуриятларининг қўйидаги турлари юкландади:

– ижтимоий мададга муҳтоҷ оиласалардан муайян миқдордаги тарбияланувчиларни ўқитиш, улар учун ота-оналар тўловининг имтиёзли миқдорларини (мазкур жойдаги давлат мактабгача таълим муассасалари учун белгиланганидан ошмайдиган миқдорларда) белгилаб қўйиш;

– хусусий шерикка биринчирилган давлат мактабгача таълим муассасаларини қуриш, реконструкция қилиш, мукаммал таъмирлаш ва жиҳозлаш борасидаги ишларни амалга ошириш;

– давлат-хусусий шерикчилиги тўғрисидаги битимда назарда тутиладиган бошқа мажбуриятларни бажариш.

Давлат-хусусий шерикчилиги тўғрисидаги битимлар амал қилишининг қуйидаги муддатлари белгиланди:

– мактабгача таълим нодавлат муассасаларининг биноларини қуриш учун бепул асосда доимий фойдаланишга ер майдонлари тақдим этиш битими – камидা 30 йил;

– бўш ётган давлат мулки обьектларини, шу жумладан, фаолият кўрсатмаётган давлат мактабгача таълим муассасаларининг биноларини «ноль» харид қийматида сотиш битими – камидা 30 йил;

– тўлиқ бутланмай қолган давлат мактабгача таълим муассасаларининг фойдаланилмаётган хоналари ёки корпушларини узоқ муддатли бепул максадли фойдаланиш учун хусусий шерикларга топшириш битими – камидা 30 йил;

– мактабгача таълим нодавлат муассасалари биноларини қуриш учун фаолият юритаётган давлат мактабгача таълим муассасаларининг ҳудудида бепул асосда доимий фойдаланишга ер майдонлари ажратиб бериш битими – камидা 30 йил;

– мавжуд давлат мактабгача таълим муассасаларини реконструкция қилиш ва жиҳозлаш, кейинчалик эса уларни оталикка олиш шарти билан мактабгача таълим нодавлат муассасалари обьектларини қуриш учун бепул асосда ер майдонларини тақдим этиш битими – камидা 30 йил;

– концессия асосида қурилиш учун ер майдони ёки реконструкция қилиш ва жиҳозлаш учун бино ажратиш битими – 15 йилгача;

– хусусий шерикнинг мол-мулки негизида ташкил қилинган мактабгача таълим нодавлат муассасаларини моддий жиҳатдан таъминлаш битими – камида 10 йил;

– оиласий мактабгача таълим нодавлат муассасаларини моддий-техник ва методик таъминлаш битими – камида 3 йил;

– оталик шаклидаги хайрия фаолиятини олиб бориш битими – камида 1 йил¹.

¹ Ўзбекистон Республикаси Президентининг 2018 йил 5 апрелдаги «Мактабгача таълим тизимини янада рағбатлантириш ва ривожлантириш чора-тадбирлари тўғрисида»ги қарори // Конун ҳужжатлари

Давлат-хусусий шериклигини жадал ривожлантириш бундай ҳамкорлик-нинг хуқуқий асосини яратиш – маҳсус қонун қабул қилишни талаб этди. 2017–2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси асосида Адлия вазирлиги томонидан «Давлат-хусусий шериклиги тўғрисида»ги қонун лойиҳаси ишлаб чиқилди ва умумхалқ муҳокамаси учун тақдим этилди.

Конун лойиҳасида давлат-хусусий шериклигининг тушунчаси, унинг мақсадлари, вазифалари ва асосий тамойиллари белгилаб берилган. Айни пайтда лойиҳада шерикликда иштирок этадиганларнинг доираси, уларнинг хуқуқ ва мажбуриятлари, ушбу соҳада амалга ошириладиган лойиҳаларнинг устувор соҳалари ва бошқа масалалар кўзда тутилган.

Хусусан, Ўзбекистонда давлат-хусусий шериклигини қуидаги соҳаларда амалга ошириш кўзда тутилган:

- фан, техника ва инновациялар;
- тиббиёт;
- таълим, маданият ва ижтимоий хизмат;
- жисмоний тарбия ва спорт;
- телекоммуникация;
- транспорт хизмати;
- йўл хўжалиги;
- туарар-жой хўжалиги ва коммунал хизмат;
- муҳандислик коммуникациялари;
- курилиш материаллари ишлаб чиқариш;
- ёнилғи-энергетика ва кимё саноати;
- тикланадиган энергия манбалари;
- машинасозлик;
- металлургия;
- қишлоқ ва сув хўжалиги;
- табиатни муҳофаза қилиш.

Давлат-хусусий шериклиги юқорида қайд этилган соҳаларда объектларни лойиҳалаш, молиялаш, куриш, реконструкция қилиш, уларга хизмат кўрсатиш, уларни эксплуатация қилиш ва бошқаришни назарда тутади. Шерикларнинг ҳамкорлик қилиш шартлари аниқ бир лойиҳани амалга ошириш доирасида тузиладиган битимда мустаҳамлаб қўйилади. Бундай битимлар тузиш учун хусусий бизнес тузилмалари ўртасида тендер ўтказилади.

Давлат-хусусий шериклиги лойиҳасини амалга ошириш учун хусусий бизнесга давлат кафолатлари тақдим этилади ва лойиҳа давлат томонидан иқтисодий жиҳатдан қўллаб-куvvatланади (18.1-жадвал).

Бирлашган Миллатлар Ташкилотининг Ривожланиш дастури, шунингдек, Европа реконструкция ва ривожлантириш банки Ўзбекистон давлат-хусусий

шериклик лойихаларини амалга оширишни ҳар тарафлама кўллаб-қувватла-
моқда.

18.1-жадвал

Давлат-хусусий шериклиги лойиҳасини амалга оширишда давлат кафолатлари ва лойиҳанинг кўллаб-қувватланиши

Давлатнинг молиявий кўллаб-қувватлаши	Давлатнинг иқтисодий кўллаб-қувватлаши	Давлат кафолатлари
Имтиёзли кредитлар тақдим этиш	Хусусий шерикнинг давлат мулкидан ижара сифатида фойдаланишида имтиёзли ижара ҳақлари белгилаш	Давлатнинг хусусий бизнес фаолиятига аралашмаслиги
Кафолатларнинг тақдим етилиши	Лойиҳани амалга ошириш билингесидан боғлиқ бўлмаган фаолиятнинг бошқа турларидан даромад топиш хуқуқининг тақдим этилиши	Хусусий шерикнинг мулкини национализация, мусодара ва реквизация қилинишидан химоялаш
Лойиҳани амалга ошириш харажатларининг бир қисмини молиялаштириш		Лойиҳага киритилган инвестициялар, олингандан даромад ва фойдани эркин тасарруф этиш хуқуқининг берилиши
Соликлар ва бошқа мажбурий тўловларни амалга оширишда имтиёзлар тақдим этиш		Давлат органлари (ёки унинг мансабдор шахслари) ноконуний қарорлари оқибатида етказилган зарар қопланиши хуқуқининг берилиши

18.4. Ижтимоий-мехнат низолари ва уларни хал қилиш усуллари

Ижтимоий-мехнат низолари – ижтимоий-мехнат муносабатларидағи зид-
диятлардир (18.3-расм). К. Болдинг «низолар»га «онгли равища» англаб етил-
ган ва пишиб етилган манфаатлардаги зиддиятлар ва уларнинг тўқнаш кели-
шидир»,¹ деган таърифни берган.


Аммо ижтимоий-мехнат низоларини келтириб чиқарадиган зиддиятлар-
нинг ҳаммаси ҳам манфаатларнинг тўқнаш келишига олиб келмайди. Улар
куйидаги ҳолатларда ижтимоий-мехнат низоларини келтириб чиқаради:

¹ Boulding K.E. Conflict and Defence: A General Theory. New York : Harper, 1962. – P. 5.

- зиддиятлар ижтимоий-мехнат муносабатлари субъектларининг нуқтаи назари бир-бирини истисно этишига асосланган бўлса;
- зиддиятлар ҳаддан ташқари ўткир бўлса;
- зиддиятлар томонлар учун тушунарли ёки, аксинча, тушунарсиз бўлса;
- зиддиятлар узоқ вақт давомида тўпланиб келган ёки, аксинча, бирдан кучайиб кетса ва бошқалар.

Мехнат низоларининг якка ва жамоавий турлари фарқланади.

Якка меҳнат низолари – бу иш берувчи ва ходим ўртасида меҳнат тўғрисидаги қонунлар ва бошқа норматив ҳужжатларни, меҳнат шартномасида назарда тутилган меҳнат шартларини кўлланиш юзасидан келиб чиқсан келишмовчиликлардир. Якка меҳнат низосида, бир томондан, алоҳида ходим, иккинчи томондан, иш берувчи иштирок этади.



18.3-расм. Мехнат низоларининг хусусияти

Жамоавий меҳнат низолари – бу иш берувчилар бирлашмаси ва ходимларнинг вакиллик органлари ўртасида меҳнатнинг янги шартларини белгилаш ва мавжуд шартларини ўзгартириш, жамоа шартномалари ва келишувларини тузиш, ўзгартириш ва бажариш юзасидан келиб чиқсан келишмовчиликлардир. Жамоаларга доир меҳнат низоларида ёлланма ходимларнинг жамоаси яхлит ташкилий тузилма сифатида иш берувчига ёки унинг ваколатли органига қарши туради.

Алоҳида шахслар ва гурухлар низога бевосита ва билвосита алоқадор бўлади ва унинг субъектлари ҳисобланади. Улар қуйидаги категорияларга ажратилиши мумкин:

- бирламчи иштирокчилар;
- иккиламчи иштирокчилар;
- низо мұхити.

Барча меҳнат низолари уларнинг субъектлари қайси ижтимоий гурухга мансублиги, роли, мақомига кўра «бетакрор»дир. Агар меҳнат жараёнида айрим ходимлар, гурух, меҳнат жамоасининг мақсадлари ўзаро бир-бирига зид келиб қолса, улар бу қарама-қарши туришда бирламчи иштирокчилар сифатида қатнашади.

Меҳнат низоси иккиламчи иштирокчиларнинг қўшилиши ёки уларнинг онгли ва ихтиёрий равишда можарога аралашишлари, ёхуд уларнинг бирламчи иштирокчилар томонидан бунга жалб қилинишлари натижасида рўй бериши мумкин. Низо ижтимоий негизининг кенгайиши можарони мураккаблаштириб юборишга олиб келади, айни пайтда бу низони ҳал этиш йўлларини топишга ҳам ёрдам беради.

Меҳнат низосининг мұхити қўйидагилар билан белгиланади:

- қайсиdir алоҳида шахслар ёки гурухлар можароли вазиятда бетараф бўлади;
- алоҳида шахслар ёки гурухлар можароли вазиятда муаммога бефарқ бўлади ёки аралашни хоҳламайди;
- алоҳида шахслар ёки гурухлар низонинг давом этишидан манфаатдор бўлади;
- алоҳида шахслар ёки гурухлар низонинг қандай тус олишини пойлаб туриш нуқтаи назарига эга бўлади.

Меҳнат низосининг бирламчи ва иккиламчи иштирокчилари меҳнат низоларнинг ижтимоий таркибини ташкил этади. Улар ўртасида деярли фарқ бўлмайди. Масалан, ташқи томондан қаралганда, низо алоҳида шахслар ўртасида юз берган бўлиши мумкин, лекин кўпинча уларнинг орқасида ўзларининг бир-бирлариникига зид бўлган манфаатларини ҳал этаётган гурухлар туради. Баъзан эса бунинг аксини кузатиш мумкин: низо гурухлар ўртасида чиқкан бўлади, бироқ бунинг туб сабаби қайсиdir алоҳида шахснинг манфаатига тажовуз қилинганидир. Иқтисодиёт соҳасида бу тез-тез учраб турадиган ҳол.

Агар алоҳида шахслар ўртасидаги можаролар гурухлараро низоларга айланниб кетса, гурухлар ўртасидаги низолар бу гурухларнинг ўртасидаги можароларни келтириб чиқариши мумкин. Шахслараро ва гурухлараро даражада айрим низолар вужудга келибгина қолмасдан, уларнинг биттаси ўрнини бошқаси эгаллаши ҳам мумкин.

Алоҳида ходимларга тааллуқли меҳнат низолари учун кўпинча қўйидагилар сабаб бўлади:

- ходимни унинг розилигисиз бошқа ишга ўтказиш;
- доимий иш билан банд ходимни унинг розилигисиз ишдан бўшатиш;
- меҳнатга ҳақ тўлашни кечиктириш ёки камайтириш;

- меҳнат таътили бермаслик ёки таътил муддатини қисқартириш;
- иш вақтидан ташқари вақтдаги ишларга жалб қилиш;
- дам олиш (байрам) кунлари ишлаш;
- ходимга етказилган зарарни қопламаслик;
- асоссиз жазолаш ва бошқалар.

Меҳнат низолари пайтида ходимнинг ўзини тутиши бу шахс хусусиятларининг муҳим мезонларидан ҳисобланади. Масалан, айримлар қандай қилиб бўлмасин низо чиқармасликка ҳаракат қиласди, бошқалар ўзаро муносабатларда арзимас муаммолар пайдо бўлганда ҳам дарҳол жанжал кўтаришга мойил бўлади.

Жамоага тааллуқли меҳнат низолари одатда икки ҳолатда содир бўлади:

1) меҳнат шароитларини белгилаш ва уларни ўзгартириш билан боғлиқ меҳнат низолари. Бундай зиддиятлар, ўз навбатида, қуйидагиларга бўлинади:

- аввал тузилган меҳнат шартномасига риоя этмаслик ёки бу шартноманинг ўзгартирилиши билан боғлиқ меҳнат низолари;
- янги норматив ҳужжатларни ишлаб чиқиш ёки бу ҳужжатлар мазмунининг ўзгартирилиши билан боғлиқ меҳнат низолари;

2) имзоланган меҳнат шартномалари ижросига ёки ушбу шартномада кўзда тутилган қоидаларнинг талқинига доир меҳнат низолари.

Жамоага тааллуқли меҳнат низолари фақат меҳнат ва унинг шароитларига тааллуқли муаммолар хусусидагина эмас, шунингдек, турли ижтимоий-маиший масалалар, масалан, ходимларнинг айрим гурухлари учун имтиёзлар бериш юзасидан ҳам пайдо бўлиши мумкин.

Меҳнат низоларининг ҳам салбий хусусиятлари, ҳам ижобий функциялари мавжуд (18.2-жадвал).

Меҳнат низоларининг ижобий функциялари мавжуд эканлиги бу можароларни келтириб чиқариш керак, деган маъно англатмайди, албатта. Меҳнат низоси пайдо бўлганда унга тўғри муносабатда бўлиш, мавжуд муаммоларни ҳал этиш чораларини кўриш талаб қилинади.

Меҳнат низолари келиб чиқишининг объектив ва субъектив сабаблари мавжуд.

Меҳнат низоларининг объектив сабабларига меҳнатни ташкил этишдаги камчиликлар киради. Ушбу сабаблар ходимларни тўқнаштиради, алоҳида шахслар ва гурухларнинг бир-бирларига қарши туришларига олиб келади. Вазиятдан чиқиш учун меҳнатни ташкил этишнинг муайян принциплари умуман бекор қилиниши ёки меҳнатни ташкил этиш такомиллаштирилиши керак.

Меҳнат низолари алоҳида шахслар ва гурухларнинг субъектив хусусиятларига ҳам асосланиши мумкин. Ушбу субъектив сабаблар ўзларининг

ташкилий-мехнат муносабатларига меҳнат жараёнидан ташқарида содир бўлган ташқи зиддиятли муаммоларни қўшишлари мумкин.

Мехнат низоларининг объектив ва субъектив сабаблари ўртасида аниқ бир чегара йўқ. Мехнатни ташкил этишдаги объектив зиддиятлар пировард на-тижада алоҳида шахсларда чукур норозиликни уйғотиши, шу билан бирга, шахсий муаммолар ташкилий-мехнат муносабатларига раҳна солиши, уларни мураккаблаштириб юбориши мумкин.

18.2-жадвал

Мехнат низоларининг салбий хусусиятлари ва ижобий функциялари

Мехнат низоларининг салбий хусусиятлари	Мехнат низоларининг ижобий функциялари
Ходимлар ўртасида ўзаро душманлик кайфиятининг кучайиши	Ахборот функцияси – бу факат меҳнат низолари орқали ҳаммага ёки кўпчиликка зарур маълумотларни ошкора олиш имконияти пайдо бўлиши билан изоҳланади.
Зарурат бўлишига қарамасдан амалий алокаларнинг тўхтатиб қўйилиши	Ижтимоий функция – меҳнат низолари орқали ходимлар одатдаги шароитларда имкони бўлмайдиган ижтимоий тажриба, билимларни эгаллади.
Салбий кайфият, ишончсизлик, кафолатнинг йўклиги оқибатида меҳнат мотивациясининг, меҳнат фаолияти натижаларининг пасайиши	Рухий ҳолатни тиклаш функцияси – меҳнат низолари орқали йигилиб қолган салбий кайфиятга барҳам берилади.
Ошкора беписандлик, принцип бўйича ўзаро мажбуриятлар, ахдашувларни бажармаслик	Инновацион функция – меҳнат низолари орқали муаммонинг мавжудлиги расман тан олинади, уни ҳал этиш зарурати туғилади, бу эса ўзгартиришлар, янгилик киритишларни рагбатлантиради.
Баҳслашишлар оқибатида иш вактининг йўқотилиши, ишдан чалғиш, мажароларга беҳуда куч сарфлаш	
Муаммоларни ҳал этиш эмас, аксинча, уларни янада чигаллаштириб юбориш	

Мехнат низолари сабабларини улар асосидаги зиддиятлар бўйича қўйида-лича таснифлаш мумкин:

- Тақсимот муносабатларининг муаммолари.* Бунда алоҳида шахслар ва гурухлар неъматлар ва қадриятлар тақсимланиши юзасидан низолашади. Ишлаб чиқариш шароитларида мажаронинг обьекти ва предмети фақатгина

иш ҳақи, мукофотлар, устамаларгина эмас, балки меҳнат шароити ва мазмуни, нормалар ва ҳоказолар бўлиши мумкин.

2. Ўзаро функционал муносабатларнинг мураккаблиги. Бу меҳнат низоларининг энг яширип турларидан биридир. Бунда меҳнат фаолиятини тақсимлаш ва кооперациялаш билан боғлиқ ягона функционал муносабатларга жалб этилган алоҳида шахслар ва гурухлар можаро томонлари бўлади. Кузатишлар меҳнат жараёнида алоҳида фаол бўлганлар кўпроқ низо чиқаришларидан далолат беради. Шу билан бирга баъзи ходимларнинг меҳнатга муносабати бўйича ҳамкасбларига нисбатан салбийлиги можароли вазиятларни туғдиради.

3. Бевосита амалий зиддиятлар. Мазкур меҳнат низолари меҳнатни ташкил этиш, мавжуд муаммоларни ҳал этиш, низо субъектларига тааллукли қарорлар қабул қилиш каби масалаларга турли қарашлар натижасида пайдо бўлади. Бу ўзига хос «ғоявий низо»дир.

4. Айбни, масъулиятни зиммага олиши. Агар корхона фаолияти самарасиз бўлса, молия-хўжалик фаолиятидаги камчиликларни зиммага олиш масаласида зиддиятлар пайдо бўлади.

5. Етакчилик. Ташкилий-меҳнат муносабатларида расмий раҳбарлик билан бир қаторда доимо носоғлом рақобат, етакчиликка интилиш бўлади. Ижтимоий устунликка эришиш харакатлари зиддиятларни пайдо қилиши табиий. Оқибатда меҳнат низолари юқорироқ мавқени эгаллаш, хукмонлик қилиш, шунингдек, нуфузли иш жойини сақлаб қолиш, мураббийлик қилиш ва ҳоказолар учун курашиш тарзида кечади.

6. Меҳнат шароитларининг қулагай эмаслиги. Бу ходимлар ўртасида жанжалларга, ҳар қандай муаммога тоқатсизликка сабаб бўлади. Иш жойларининг торлиги, бир бинода ишлаётганларнинг зичлиги, жиҳозларнинг эскириб кетганлиги ва шу кабилар ҳамиша ҳам тан олинмаса-да, меҳнат низоларига сабаб бўлади.

7. Номувофиқлик. Бунда бирга ишлаётган ходимлар шахсий хусусиятларининг бир-бирлариникига зиддиги тушунилади. Ташкилий-меҳнат соҳасида тажриба, малака, маълумот, меҳнатга муносабат ва бошқа масалаларда нормувофиқлик пайдо бўлиши мумкин. Номувофиқлик нафақат объектив, балки субъектив хусусиятга ҳам эга. Бу мазкур низолар ҳақиқатан ҳам мавжуд нормувофиқликлар сабабли эмас, балки бу фарқлар хусусидаги фикрларга ҳам асосланган бўлади.

8. Корхона ходимларининг ёши ва жинси бўйича таркиби. Мазкур масала-га турлича қарашлар мавжуд. Одатда, меҳнат низоларини келтириб чиқариши мумкин бўлган қўйидаги хусусиятлар фарқланади:

- ёш ходимлар баъзан ўз имкониятларига асоссиз юкори баҳо беради;
- тажрибали ходимлар ўзларининг ҳамкасбларига, айниқса, уларнинг меҳнатга мослашуви даврида ёрдам кўрсатмайди;

– тажрибали катта ёшдаги ходимлар баъзан ёшларнинг қобилиятини муносиб баҳоламайди;

– катта ёшдаги ходимлар айрим ҳолларда ёшларнинг хизматда тез ўсишлигига рашиклири келади.

Назарий жиҳатдан меҳнат низоларини ҳал этиш имконияти уларнинг мураккаблик даражасига боғлиқ. Лекин амалиётда бу даражани аниқ белгилаш қийин. Баъзан дастлаб арзимас ҳисобланган низо жиддий можарога айланиб кетиши мумкин, шунингдек, кескин қарама-қарши туришларни нисбатан тез ҳал этиш имконияти бўлади.

Мехнат низоларининг мураккаблигини белгилайдиган қатор омиллар бор:

1. *Низонинг қўлами*. Ушбу омил низода иштирок этаётганларнинг умумий сони, қарама-қарши турган томонларнинг сони, можаро хусусидаги нуқтаи назарлар билан боғлиқ. Масалан, можаро жараёнида ўз манфаатлари учун курашаётган уч, тўрт ва ундан ҳам кўпроқ томонлар бўлиши мумкин. Шунингдек, гурухларнинг қарама-қарши туриши алоҳида шахслар ўртасидаги низо каби осонликча ҳал этиладиган ҳоллар учрайди.

2. *Низоли вазиятнинг давомийлиги*. Можаролар бошланган пайтда уларни имкон қадар тезроқ ҳал этиш осон. Шу билан бирга чўзилиб кетган низоларнинг туб моҳияти унинг иштирокчилари томонидан чуқурроқ англашилиши натижасида ўзаро қарама-қарши турганларнинг нуқтаи назарларини бир-бirlарини кига яқинлаштириш имкони бўлади.

3. *Низонинг янгилиги ёки қайтарилиши*. Агар низо илгари ҳам содир бўлган бўлса, бу сафар у аввалгидек ўткир тус олмайди. Иштирокчилар можаро сабабларини ва уни ҳал этиш йўлларини билади, шунинг учун низо жараёнида ўзларини вазминроқ тутади.

4. *Низонинг объектив ва субъектив сабаблари*. Сабаблари объектив бўлган низоларни ҳал этиш мураккаброқ кечади, чунки бунинг учун ташкилий-мехнат масалаларида ўзгаришлар қилишга тўғри келади.

5. *Низо томонларининг субъектив хусусиятлари*. Агар низо иштирокчиларининг тажрибаси, таълими, маданий даражаси юқори бўлса, улар муаммо моҳиятини тезроқ англаб, можарони оқилона ҳал этиш йўлларини топади. Шу билан бирга низолар фақат ишчилар ўртасида эмас, мутахассислар, маъмурият орасида ҳам содир бўлиши мумкин. Томонлар маданий даражасининг юқорилиги айрим ҳолларда уларнинг рўй бераётган вазиятга принципиаллик билан қарашлари сабабли низолар пайдо бўлишига олиб келади.

Мехнат низоларини ҳал этишнинг қўйидаги моделлари мавжуд:

а) агар бир-бирига қарши томонлар келишиш имконияти йўқлигини тушуниб етсалар, корхонада ёки шериклар ўртасида таркиб топган муносабатларни сақлаб қолиш учун ўз даъволаридан воз кечади;

- б) томонлардан бири даъволари асоссиз эканлигини ва низода ютиб чиқа олмаслигини англаб, даъволаридан воз кечади;
- в) томонлар муайян даъволаридан воз кечиб, бир-бирларига ён босади;
- г) агар низога учинчи томон қўшилган бўлса, бу томон нуқтаи назари ҳам ҳисобга олинган ҳолда, бир битимга келишилади.

Мехнат низоларини ҳал этиш учун қўйидаги чоралар кўрилиши мумкин:

- қайта ташкил этиши – низони келтириб чиқарган ташкилий-мехнат тартибини ўзгариши;
- ҳабардор қилиши – низога холис қарашга эришиш учун томонларга ҳақиқий вазиятни тушунтириш, ўзаро келишув можарони кучайтиришдан фойдали эканлигини асослаш;
- ўзгартириши – томонларни низони беҳуда тортишувлар ҳолатидан музокараларга киришишга кўндириш;
- узоқлаштириши – низолашаётган томонларни умумий ташкилий-мехнат муносабатларидан узоқлаштириш, масалан, уларни бошқа иш жойларига, корхона бўлинмаларига ўтказиш;
- эътиборсизлик – низо ўз-ўзидан ҳал этилиши учун ёки мавжуд муаммоларга диққатни кучайтириш, баъзан эса можароларни кескинлаштираслик учун уларга атайин эътибор бермаслик керак;
- тазийк – низони келтириб чиқарган муаммолар ҳал этилмайди, лекин томонлардан бири ёхуд иккаласига ҳам жазо чораларини қўллаш таҳдиidi билан можароларни келтириб чиқариш ман этилади;
- афзаллик берииши – низони кўпчилик ёки ижтимоий жиҳатдан кучлироқ томон фойдасига ҳал қилиш.

Ўзбекистон Республикасининг Мехнат кодекси XV бобида меҳнат низоларини ҳал қилиш механизмлари аниқ белгилаб қўйилган. Хусусан, якка меҳнат низолари:

- меҳнат низолари комиссиялари;
- туман (шахар) судлари томонидан кўриб чиқилади.

Ходим меҳнат низосини ҳал қилиш учун ўз хоҳишига кўра, меҳнат низолари комиссиясига ёки бевосита судга мурожаат этишга ҳақлидир.

Одатда, меҳнат низолари комиссияларини тузиш иш берувчи ва касаба уюшмаси қўмитаси ёки ходимларнинг бошқа вакиллик органи ўртасидаги келишувда назарда тутилади. Бунда ушбу комиссиялар иш берувчи ва касаба уюшма қўмитаси ёки ходимларнинг бошқа вакиллик органи томонидан тенглик асосида тузилади.

Комиссияга касаба уюшма қўмитаси ёки ходимларнинг бошқа вакиллик органидан ажратилган аъзолар тегишли органнинг қарори билан, иш берувчининг вакили эса унинг буйруғи билан тасдиқланади.

Мехнат низолари комиссияси меҳнат низосини ариза берилган кундан эътиборан ўн кун муддат ичида кўриб чиқиши шарт. Низо ариза берган ходимнинг иштирокида кўрилади. Ходимнинг иштирокисиз низони кўриб чиқишига унинг ёзма аризаси бўлган тақдирдагина йўл қўйилади. Башарти ходим узрсиз сабаб билан комиссия мажлисига келмаса, мазкур аризани кўриб чиқиши кун тартибидан олиб ташлаш хусусида қарор қабул қилиниши мумкин, бу эса ходимни тақроран ариза билан мурожаат этиш ҳукуқидан маҳрум қилмайди.

Ходим, касаба уюшмаси қўмитаси ёки ходимларнинг бошқа вакиллик орғани меҳнат низоси кўриб чиқилишида иштирок этиш учун адвокат тақлиф қилиш ҳукуқига эга.

Мехнат низолари комиссияси мажлисга гувоҳларни чақиртириш, мутахассисларни тақлиф қилиш, иш берувчидан зарур ҳисоб-китоблар ва ҳужжатлар тақдим этишини талаб қилиш ҳукуқига эга.

Мехнат низолари комиссиясининг қарори иш берувчи ва касаба уюшмаси қўмитаси ёхуд ходимлар бошқа вакиллик органининг вакиллари ўртасидағи келишувга биноан қабул қилинади. Комиссиянинг қарори далиллар билан исботланган ҳамда меҳнат тўғрисидаги қонунлар ва бошқа норматив ҳужжатларга, меҳнат шартномасига асосланган бўлиши керак. Комиссиянинг пул ундириш талабларига оид қарорида ходимга тегишли сумма аниқ кўрсатилиши лозим.

Иш берувчи белгиланган муддат ичида комиссия қарорини бажармаса, меҳнат низолари комиссияси томонидан ходимга ижро варақаси кучига эга бўлган гувоҳнома берилади. Агар ходим ёки иш берувчи белгиланган муддат ичида туман (шаҳар) судига меҳнат низосини ҳал этиш тўғрисидаги ариза билан мурожаат этса, гувоҳнома берилмайди.

Мехнат низолари комиссияси берган ва олинганидан кейин кўпи билан учой ичида туман (шаҳар) судига тақдим этилган гувоҳнома асосида суд ижро-чиси меҳнат низолари комиссиясининг қарорини мажбурий тарзда ижро этиради.

Мехнат низолари қуйидаги ҳолларда бевосита туман (шаҳар) судларида кўриб чиқилади:

1) агар ходимнинг иш жойида меҳнат низолари комиссияси тузилмаган бўлса;

2) меҳнат низолари меҳнат шартномасини бекор қилиш асосларидан қатъи назар, ишга тиклаш тўғрисида, меҳнат шартномасини бекор қилиш вақти ва асослари таърифини ўзгартириш тўғрисида, мажбурий прогул ёки кам ҳақ тўланадиган ишни бажарган вақт учун ҳақ тўлашга доир бўлса;

3) меҳнат низолари ходим томонидан иш берувчига етказилган заарнинг тўланиши ҳақида бўлса;

4) меҳнат низолари меҳнат вазифаларини бажараётганда ходимнинг соғлиғига шикаст етказилгани оқибатидаги заарни (шу жумладан, маънавий заарни) ёки унинг мол-мулкига етказилган заарни иш берувчи томонидан тўланиши ҳақида бўлса;

5) иш берувчи томонидан қонунга мувофиқ меҳнат шартномаси тузиши шарт бўлган шахсларни (белгиланган минимал иш жойлари хисобидан ишга юборилган шахсларни; ҳомиладор аёлларни ва уч ёшга тўлмаган болалари бор аёлларни – тегишинча уларнинг ҳомиладорлиги ёки боласи борлигини важ қилиб) ишга қабул қилиш рад этилса;

6) меҳнат низолари иш берувчи ва касаба уюшмаси қўмитаси ёки ходимларнинг бошқа вакиллик органи билан олдиндан келишиб ҳал этилган масалалар юзасидан келиб чиқсан бўлса.

Мансабдор шахслар томонидан иш берувчига етказилган моддий заарни тўлаш тўғрисидаги меҳнат низолари, агар мансабдор шахслар етказган зарар хўжалик низосини қўриб чиқиш пайтида аниқланган бўлса, хўжалик суди томонидан ҳам қўриб чиқлади.

Судда меҳнат низоси меҳнат низолари комиссиясида қўрилмаган, деган важ билан ходимнинг аризасини қўриб чиқишни рад этишга йўл қўйилмайди.

Судга ёки меҳнат низолари комиссиясига мурожаат этиш учун қуидаги муддатлар белгиланади:

– ишга тиклаш низолари бўйича – ходимга у билан меҳнат шартномаси бекор қилинганлиги ҳақидаги буйруқнинг нусхаси берилган кундан бошлаб бир ой;

– ходим томонидан иш берувчига етказилган моддий заарни тўлаш ҳақидаги низолар бўйича – зарар етказилганлиги иш берувчига маълум бўлган кундан бошлаб бир йил;

– бошқа меҳнат низолари бўйича – ходим ўз хукуки бузилганлигини билган ёки билиши лозим бўлган кундан бошлаб уч ой.

Ходимнинг соғлиғига етказилган заарни қоплашга доир низолар бўйича судга мурожаат қилиш учун муддат белгиланмайди.

Меҳнат шартномаси қонуний асоссиз ёки белгиланган тартиб бузилган ҳолда бекор қилинган ёхуд ходим ғайриқонуний равишда бошқа ишга ўтказилган тақдирда, у меҳнат низосини қўриб чиқаётган орган томонидан аввалги ишига тикланиши керак.

Иш ҳақини ундириш тўғрисида низо келиб чиқсан тақдирда, меҳнат низоларини кўрувчи орган ходимнинг пул ундиришга доир қуидаги талабларини тўлиқ қондиради:

– меҳнат шартномаси бекор қилинганда ходимга меҳнат дафтарчасини ўз вақтида бермаганлик оқибатида келиб чиқсан мажбурий прогул вақти учун ҳақ тўлаш тўғрисидаги;

-
- меҳнат низоларини кўрувчи органнинг ходимни аввалги ишига тиклаш тўғрисидаги қарорини иш берувчи ижро этмаганлиги оқибатида келиб чиқсан мажбурий прогул вақти учун ҳақ тўлаш тўғрисидаги;
 - фойдаланилмаган таътил учун ходимга тегишли бўлган компенсацияни тўлаш тўғрисидаги;
 - шартномаси ғайриқонуний равишда бекор қилингандиги, бошқа ишга ғайриқонуний равишда ўтказилгандиги ёки ишдан ғайриқонуний равишда четлатилгандиги оқибатида келиб чиқсан мажбурий прогул вақти учун ходимга ҳақ тўлаш тўғрисидаги меҳнат низоларини кўриб чиқиши чоғида меҳнат низоларини кўрувчи орган томонидан ходимнинг пул ундиришга доир талаблари бир йилдан ортиқ бўлмаган муддат учун қондирилади.

Ходимнинг пул ундиришга доир бошқа талаблари уч йилдан ортиқ бўлмаган муддат учун қондирилади.

Юқорида қайд қилинган меҳнат низолари умумий хусусиятга эга. Меҳнат жараёнида эса низолар, асосан, алоҳида шахс билан гурух, персонал ва маъмурият, корхона ва ташқи субъектлар ўртасида чиқади. Меҳнат фаолиятини самарали давом эттириш учун бу низоларни ўз вақтида ва адолатли ҳал этиш чоралари кўрилиши керак.

18.5. Меҳнат фаолияти соҳасида халқаро стандартлар

Меҳнат муносабатларини халқаро миқёсда тартибга солиш мақсади кўзланиб, 1919 йилда Версалъ тинчлик шартномаси асосида, ўша вақтдаги Миллатлар Лигасининг таркибий бўлинмаси сифатида Халқаро меҳнат ташкилоти (ингл. International Labour Organization, ILO) ташкил этилган эди. Ҳозирги пайтда у Бирлашган Миллатлар Ташкилотининг ихтисослаштирилган муасасаси ҳисобланади. Унинг Устави 1919 йилда тузилган, 1922, 1945, 1953 ва 1972-йилларда ўзгартиришлар киритилган.



Халқаро меҳнат ташкилоти бугунги кунда жаҳондаги 185 та мамлакатни бирлаштиради. Қароргоҳи Женевада жойлашган. Москвада Халқаро меҳнат ташкилотининг Шарқий Европа ва Марказий Осиё давлатлари учун Минтақавий бюроси фаолият олиб боради.

Халқаро меҳнат ташкилотининг фаолияти Филадельфия декларациясида (1944 йил) эълон қилинган қуйидаги тамойилларга асосланади:

- меҳнат товар эмас;
- сўз эркинлиги ва бирлашиш эркинлиги доимий тараққиётнинг зарурӣ шартидир;

– ҳар қандай жойдаги қашшоқлик умумий фаровонлик учун таҳдидли-дир;

– ирқи, эътиқоди ёки жинсидан қатъи назар, барча одамлар эркинлик ва инсон қадр-қимматини ҳурматлаш, иқтисодий барқарорлик ва teng имкониятлар шароитида моддий фаровонлик ва маънавий ривожланиш ҳукуқига эгадирлар.

Халқаро меҳнат ташкилотининг асосий мақсадлари ижтимоий-иқтисодий тараққиётга, фаровонликни оширишга ва одамларнинг меҳнат шароитларини яхшилашга ёрдам кўрсатиш, инсон ҳукуқларини ҳимоя қилишдир.

Халқаро меҳнат ташкилоти ана шу асосий мақсадларидан келиб чиқсан ҳолда қуйидагиларни ўзининг асосий вазифалари сифатида белгилаган:

– ижтимоий-меҳнат муаммоларини ҳал этишга йўналтирилган келишилган сиёsat ва дастурларни ишлаб чиқиш;

– конвенциялар ва тавсиялар шаклида халқаро меҳнат меъёрларини ишлаб чиқиш ва қабул қилиш;

– аъзо мамлакатларга иш билан бандлик, ишсизликни камайтириш ва меҳнат миграциясини тартибга солища ёрдам кўрсатиш;

– инсон ҳукуқларини ҳимоя қилиш (меҳнат қилиш, бирлашиш, жамоавий музокаралар олиб бориш, мажбурий меҳнатдан ҳимояланиш, камситиш ва ҳоказо ҳукуқлар);

– камбағаллика қарши курашиш, меҳнаткашларнинг турмуш даражасини яхшилаш, ижтимоий таъминотни ривожлантириш;

– иш билан бандлар ва ишсизларни касбий тайёрлаш ва қайта тайёрлашга кўмаклашиш;

– меҳнат шароитларини ва ишлаб чиқариш мухитини, меҳнат хавфсизлиги ва гигиенасини, атроф мухитни муҳофаза қилиш ва тиклашни яхшилаш;

– меҳнаткашлар ва тадбиркорлар ташкилотларига уларнинг ҳукуматлар билан биргаликда ижтимоий-меҳнат муносабатларини тартибга солиш бўйича ишларига ёрдам кўрсатиш;

– меҳнаткашларнинг энг ночор гуруҳларини (аёллар, ёшлар, катта ёшдагилар, меҳнат мухожирларини) ҳимоя қилиш чораларини ишлаб чиқиш ва амалга ошириш.

Халқаро меҳнат ташкилоти ўз фаолиятида турли услубларни қўллади. Уларнинг асосийлари сифатида қуйидагиларни кўрсатиш мумкин (18.4-расм):

– ҳукумат, меҳнаткашлар ва тадбиркорлар ташкилотлари ижтимоий шериклигини (трипатизмни) ривожлантириш;

– халқаро меҳнат нормаларини: конвенциялар ва тавсияларни ишлаб чиқиш ва қабул қилиш ҳамда уларнинг ишлатилишини назорат қилиш (нормалар ижодкорлиги фаолияти);

- мамлакатларга ижтимоий-мәннат муносабатларини ҳал этишда ёрдам бериш (техник ҳамкорлик);
- ижтимоий-мәннат муносабатлари бўйича тадқиқотлар ўтказиш ва уларни эълон қилиш.



18.4-расм. Халқаро мәннат ташкилоти фаолиятининг услублари

Трипатизм – Халқаро мәннат ташкилоти иш фаолиятининг асосий услуби ҳисобланади. Ташкилотнинг фикрича, ижтимоий-мәннат муносабатларини фақат трипартизм – ҳукумат, мәннаткашлар ва тадбиркорларнинг келишилган харакатлари оркалигина ҳал этиш мумкин. Бунда иш берувчилар ва мәннаткашларнинг бирлашмалари («ижтимоий шериклар») ҳукуматларнинг сиёсий йўналиши ва дастурларини шакллантиришда улар билан тенг овозга эгадирлар.

Мәннат соҳасидаги асосий ҳукуқларнинг минимал стандартлари белгилаб қўйилувчи Конвенциялар ва Тавсиялар шаклида қабул қилинадиган халқаро мәннат меъёрларини ишлаб чиқиши Халқаро мәннат ташкилотининг энг муҳим ва ўзига хос функцияларидан биридир. Халқаро мәннат ташкилотининг аъзоси бўлган давлат ҳукумати ушбу Конвенциялар ва Тавсияларни уларни ратификациялаш тўғрисида қарор қабул қилиш учун ўз мамлакатининг ваколатли миллий органига (кўпинча парламентга) тақдим этилишини ташкил қиласи. Халқаро мәннат ташкилотига аъзо давлат у ёки бу Конвенцияни ратификацияланганда ундаги қоидаларни миллий қонун ҳужжатларида ва амалиётда қўллаш мажбуриятини ўз зиммасига олади. Халқаро мәннат ташкилотининг *Тавсиялари* унчалик мажбурий тусда бўлмасдан, сиёсат, қонунчилик ва амалий фаолият соҳасида қўлланма вазифасини бажаради.

1998 йилда Халқаро мәннат конференцияси *Мәннат соҳасидаги энг асосий тамойиллар ва ҳукуқлар тўғрисида декларацияни* қабул қилди. Унда таъкид-

ланишича, Халқаро меҳнат ташкилотига аъзо давлатлар (улар тегишли Конвенцияларни ратификациялагани ёки ратификация қилмаганлигидан қатъи назар) фақат ушбу Ташкилотга аъзо бўлганликларининг ўзи сабабли ҳам Декларацияда белгилаб қўйилган меҳнат соҳасидаги фундаментал тамойиллар ва хукуқларга риоя этишлари, уларни қўллашлари ҳамда ҳаётга сидқидилдан татбиқ қилишлари» шарт. Бу асосий тамойиллар ва хукуқлар куйидагилардан иборат:

- меҳнаткашлар ва иш берувчиларнинг ташкилотга бирлашиш ҳамда жамоа музокараларини юритиш хукуқи;
- мажбурий меҳнатнинг барча шаклларига барҳам бериш;
- болалар меҳнатини таъсирчан тақиқлаш;
- меҳнат ва машғулотлар соҳасидаги камситишларни бартараф этиш.

1992 йилнинг март ойида Ўзбекистон Республикаси Халқаро меҳнат ташкилотининг тўла хукукли аъзоси бўлган. Ўзбекистон Республикаси томонидан Халқаро меҳнат ташкилотининг 13 та конвенцияси, шу жумладан, 6 та асосий конвенцияси ратификация қилинган (18.3-жадвал).

Халқаро меҳнат ташкилотининг ижтимоий-меҳнат муносабатларини тартибга солишга йўналтирилган конвенцияларини шартли равищда икки гурӯхга бўлиш мумкин:

1. Халқаро меҳнат ташкилотига аъзо давлатлар, биринчи навбатда, ратификация қилиниши лозим бўлган универсаллик хусусиятига эга қуидаги: 1930 йилги Мажбурий меҳнат тўғрисидаги 29, 1948 йилги Уюшиш эркинлиги ва бирлашиш хукуқини ҳимоялаш тўғрисидаги 87, 1949 йилги Жамоа музокараларини ташкил этиш ва юритиш хукуқи принципларини қўллаш тўғрисидаги 98, 1951 йилги Тенг ҳақ тўлаш тўғрисидаги 100, 1957 йилги Мажбурий меҳнатни тугатиш тўғрисидаги 105, 1958 йилги Мехнат ва касб соҳасида камситиш тўғрисидаги 111, 1973 йилги Энг кичик ёш тўғрисидаги 138-конвенциялар.

Жамоа музокараларини ташкил этиш ва юритиш хукуқи принципларини қўллаш тўғрисидаги 98-конвенцияда меҳнаткашлар иш билан таъминланишида бирлашмалар эркинлигини чеклашга қаратилган ҳар қандай камситиш ҳаракатларига қарши тегишли ҳимоядан фойдалана олишлари кўрсатилган. Бундай ҳимоя қуида кўзланган ҳаракатларга нисбатан янада масъулиятлироқ қўлланилади:

- меҳнаткашни иш билан таъминлашда жамоат бирлашмасига қўшилмаслик ёки касаба уюшмаси аъзоси хукуқидан воз кечиш шартини қўйиш;
- меҳнаткашни бирлашмага аъзо бўлгани учун ва бирлашма фаолиятида иш вактидан ташқари, ёки иш берувчи розилиги билан иш вақтида иштирок этганлиги туфайли унга зиён етказиш ёки бўшатиш.

18.3-жадвал

**Ўзбекистон томонидан ратификация қилинган
Халқаро меҳнат ташкилотининг конвенциялари**

Конвенция рақами	Конвенциянинг номланиши	Конвенция Ўзбекистон томонидан ратификация қилинган сана
29	Мажбурий меҳнат тўғрисидаги конвенция	1997 йил 30 август
47	40 соатлик иш ҳафтаси тўғрисидаги конвенция	1995 йил 6 май
52	Ҳак тўланадиган таътил тўғрисидаги конвенция	1995 йил 6 май
98	Жамоа музокараларини ташкил этиш ва юритиш хукуки принципларини қўллаш тўғрисидаги конвенция	1997 йил 30 август
100	Тенг ҳак тўлаш тўғрисидаги конвенция	1997 йил 30 август
103	Оналикни муҳофаза қилиш тўғрисидаги конвенция	1995 йил 6 май
105	Мажбурий меҳнатни тугатиш тўғрисидаги конвенция	1997 йил 30 август
111	Меҳнат ва иш турлари соҳасида камситиш тўғрисидаги конвенция	1997 йил 30 август
122	Иш билан таъминлаш соҳасидаги сиёsat тўғрисидаги конвенция	1995 йил 6 май
135	Меҳнаткашларнинг вакиллари тўғрисидаги конвенция	1997 йил 30 август
138	Энг кичик ёш тўғрисидаги конвенция	2008 йил 4 апрель
154	Жамоа музокараларини олиб бориш тўғрисидаги конвенция	1997 йил 30 август
182	Болалар меҳнатининг энг ёмон шакллари тўғрисидаги конвенция	2008 йил 4 апрель

Жамоа шартномалари орқали иш билан таъминланиш соҳасидаги шартшароитларни тартибга солиш мақсадида, зарур ҳолларда, иш берувчилар ёки иш берувчиларнинг ташкилотлари ва меҳнаткашларнинг ташкилотлари ўтасидаги ихтиёрий музокаралар механизмининг тўла ривожланишига ва ундан самарали фойдаланишига кўмаклашиш ва рафбатлантириш учун миллий шароитга мос келадиган чора-тадбирлар кўрилади.

1973 йилги Энг кичик ёш тўғрисидаги 138-конвенция болалар меҳнатини батамом бекор қилишни таъминлашга ҳамда ишлашга ёки ёлланишга рухсат этилган энг кичик ёшни ўсмиirlарнинг тўла жисмоний ва ақлий ривожланиш

даражасига мос келадиган ёшгача босқичма-босқич оширишга йўналтирилгантир. Конвенцияда белгилаб қўйилган қоидага кўра, меҳнат фаолиятига жалб қилиш учун энг кичик ёш мажбурий мактаб таълим мини тугаллаш учун зарур бўлган ёшдан кам бўлмаслиги керак ва ҳар қандай ҳолда ўн беш ёшдан кичик бўлмаслиги зарур. Иқтисодиёти ва таълим имкониятлари етарлича ривожланмаган Халқаро меҳнат ташкилотининг аъзоси, иш берувчилар ва меҳнаткашларнинг тегишли ташкилотлари билан маслаҳатлашилгандан сўнг даставвал энг кичик ёш деб, ўн тўрт ёшни белгилаши мумкин.

2. Халқаро меҳнат ташкилоти ҳужжатларининг ушбу гурухини алоҳида субъектлар ва меҳнат ҳукуқининг турларига тааллуқли конвенциялар ташкил этади. Уларга 1958 йилги Мехнат ва иш турлари соҳасида камситиш тўғрисидаги 111, 1968 йилдаги Иш билан таъминлаш соҳасидаги сиёsat тўғрисидаги 122, 1971 йилги Мехнаткашларнинг вакиллари тўғрисидаги 135, 1983 йилги Ногиронлар касби ва бандилигини тиклаш тўғрисидаги 159-конвенциялар ва бошқалар киради.

Жумладан, Мехнаткашларнинг вакиллари тўғрисидаги 135-конвенцияда *меҳнаткашлар вакиллари* дейилганда, миллий қонун ҳужжатларига ёки амалиётга мувофиқ:

- касаба уюшмалари вакиллари, яъни касаба уюшмалари ёки ушбу касаба уюшмалари аъзолари томонидан тайинланган ёки сайланган вакиллар;
- сайланган вакиллар, яъни миллий қонун ҳужжатлари ёки жамоа шартномалари қоидаларига мувофиқ корхона меҳнаткашлари томонидан эркин сайланадиган вакиллар тушунилади (бу вакилларнинг функциялари тегишли мамлакатдаги касаба уюшмаларининг мутлақ ваколатлари, деб эътироф этиладиган фаолият турини ўз ичига олмайди).

Корхонадаги меҳнаткашларнинг вакиллари уларга заарар етказиш мумкин бўлган ҳар қандай хатти-ҳаракатларга қарши, шу жумладан, уларнинг меҳнаткашлар вакили сифатидаги мақомига ёки фаолиятига асосан ёки уларнинг бирлашмага аъзо бўлганлигига, ёки уларнинг бирлашма фаолиятида иштирок этганлигига асосан бўшатилишига қарши самарали ҳимоядан, улар қанчалик амалдаги қонун ҳужжатларига ёки жамоа шартномаларига ёки бошқа биргаликда келишилган шартномаларга мувофиқ равишда фаолият олиб борган бўлсалар, шу даражада фойдаланадилар.

Халқаро меҳнат ташкилотининг ижтимоий-мехнат муносабатларини тартибга солишга йўналтирилган яна қўйидаги конвенцияларини кўрсатиш мумкин:

- ишга қабул қилиш ва касбий таёргарликда ирқи, танасининг ранги, жинси, эътиқоди, сиёсий қарашлари, миллий ёки ижтимоий келиб чиқиши бўйича камситишга йўл қўйиб бўлинмаслиги тўғрисидаги Мехнат ва иш билан бандлик соҳасида камситишга нисбатан 111-конвенция;

-
- давлатларнинг иш билан бандлигини таъминлаш юзасидан фаол сиёсат олиб боришга даъват этилган 122-конвенция;
 - энг кам иш ҳақига оид 131-конвенция;
 - меҳнат хавфсизлиги ва гигиенаси соҳасида миллий давлат сиёсати таъмийлари тўғрисида 155-конвенция;
 - корхоналарда гигиена хизматини ташкил этиш тўғрисидаги 161-конвенция;
 - тунги иш вақтига оид меъёрларни ўз ичига оладган 171-конвенция;
 - тўлиқсиз иш вақтини тартибга солишга қаратилган 175-конвенция ва бошқалар¹.

Халқаро меҳнат ташкилоти ҳозиргача жами 188 та конвенция ва 200 та тавсия қабул қилган. Кейинги йилларда Халқаро меҳнат ташкилоти ижтимоий-меҳнат муносабатларини тартибга солиш масалалари бўйича эскириб қолган меъёрлардан халос бўлиш ва норма ижодкорлигини янги, юқорироқ даражага кўтариш учун бирлаштирилган ҳужжатлар қабул қилиш чорала-рини кўрмокда.

18.7. Ўзбекистон Республикасининг Меҳнат кодексида меҳнат муносабатларининг тартибга солиниши

Ўзбекистонда меҳнат муносабатлари меҳнат тўғрисидаги қонун ҳужжатлари, жамоа келишувлари ва шартномалари, шунингдек, бошқа норматив ҳужжатлар билан тартибга солинади. Улар меҳнат бозорининг самарали амал қилиши, ҳаққоний ва хавфсиз меҳнат шарт-шароитлари, ходимларнинг меҳнат ҳуқуқлари ва соғлиғи ҳимоя қилиниши таъминланиши, меҳнат унумдорлигининг ўсиши, иш сифати яхшиланиши, шу асосда барча аҳолининг моддий ва маданий турмуш даражаси юксалишига йўналтирилган.

Мамлакатда меҳнат қилиш ҳуқуқини амалга оширишнинг қўйидаги кафолатлари белгилаб қўйилган, яъни давлат:

- иш билан таъминлаш турини, шу жумладан, турли меҳнат режимидаги ишни танлаш эркинлигини;
- ишга қабул қилишни қонунга хилоф равища рад этишдан ва меҳнат шартномасини ғайриқонуний равища бекор қилишдан ҳимояланишни;
- мақбул келадиган иш танлаш ва ишга жойлашишга бепул ёрдам беришни;
- ҳар кимга касбга ва ишга эга бўлишда, меҳнат қилиш ва иш билан таъминланиш шарт-шароитларида, меҳнатга ҳақ олишда, хизмат поғонасидан юқорилаб борища тенг имкониятлар яратишни;

¹ Халқаро Меҳнат Ташкилотининг асосий конвенциялари ва тавсиялари. / Ўзбекча нашр учун масъул мухаррир А.Х.Сайдов. – Т.: Инсон ҳуқуқлари бўйича Ўзбекистон Республикаси Миллий маркази, 2008. – 240 бет.

- янги касбга (мутахассисликка) бепул ўқитишни, маҳаллий меҳнат орғанларида ёки уларнинг йўлланмаси билан бошқа ўқув юртларида стипендия тўлаб малакасини оширишни;
- бошқа жойдаги ишга қабул қилинганда моддий харажатлар учун қонун хужжатларига мувофиқ компенсация тўлашни;
- ҳақ тўланадиган жамоат ишларида қатнашиш учун муддатли меҳнат шартномалари тузиш имкониятини кафолатлайди.

Ходим ва иши берувчи меҳнат муносабатлари субъекти ҳисобланади.

Белгиланган ёшга (16 ёш, умумтаълим мактаблари, ўрта маҳсус, касб-хунар ўқув юртларининг ўқувчиларини уларнинг соғлиғига ҳамда маънавий ва ахлоқий камол топишига зиён етказмайдиган, таълим олиш жараёнини бузмайдиган енгил ишни ўқишидан бўш вақтида бажариши шарти билан 15 ёш) етган ҳамда иш берувчи билан меҳнат шартномаси тузган Ўзбекистон Республикаси фуқаролари, шунингдек, чет эл фуқаролари ва фуқаролиги бўлмаган шахслар меҳнатга оид муносабатларнинг субъектлари бўлиши мумкин.

18 ёшга тўлмаганлар меҳнатидан уларнинг соғлиғи, хавфсизлиги ёки ахлоқ-одобига зиён етказиши мумкин бўлган меҳнат шароити ноқулай ишларда, ер ости ишларида ва бошқа ишларда фойдаланиш тақиқланади, ортиқ оғир юк қўтаришлари ва ташишларига йўл қўйилмайди.

Ҳар бир ходим:

- ўз меҳнати учун қонун хужжатларида Меҳнатга ҳақ тўлаш ягона тариф сеткасининг биринчи разряди бўйича белгиланганидан оз бўлмаган миқдорда ҳақ олиш;
- муддатлари чегараси белгиланган иш вақтини ўрнатиш, бир қатор касблар ва ишлар учун иш кунини қисқартириш, ҳар ҳафталик дам олиш кунлари, байрам кунлари, шунингдек, ҳақ тўланадиган йиллик таътиллар бериш орқали таъминланадиган дам олиш;
- хавфсизлик ва гигиена талабларида жавоб берадиган шароитларда меҳнат қилиш;
- касбга тайёрлаш, қайта тайёрлаш ва малакасини ошириш;
- иш билан боғлиқ ҳолда соғлиғига ёки мол-мулкига етказилган заарнинг ўрнини қоплаш;
- касаба ўюшмаларига ҳамда ходимлар ва меҳнат жамоаларининг манфаатларини ифода этувчи бошқа ташкилотларга бирлашиш;
- қариганда, меҳнат қобилиятини йўқотганда, бокувчисидан маҳрум бўлганда ва қонунда назарда тутилган бошқа ҳолларда ижтимоий таъминот олиш;
- ўзининг меҳнат ҳукуқларини ҳимоя қилиш, шу жумладан, суд орқали ҳимоя қилиш ва малакали юридик ёрдам олиш;
- жамоаларга доир меҳнат низоларида ўз манфаатларини қувватлаш ҳукуқига эгадир.

Меҳнат муносабатлари субъекти ҳисобланган иш берувчиларга:

- корхоналар, шу жумладан, уларнинг алоҳида таркибий бўлинмалари ўз раҳбарлари тимсолида;
- мулқдорнинг ўзи айни бир вақтда раҳбар бўлган хусусий корхоналар;
- 18 ёшга тўлган айрим шахслар қонун хужжатларида назарда тутилган ҳолларда;
- белгиланган тартибда ходимлар ёллайдиган якка тартибдаги тадбиркорлар киради.

Иш берувчи:

- корхонани бошқариш ва ўз ваколатлари доирасида мустақил қарорлар қабул қилиш;
- қонун хужжатларига мувофиқ якка тартибдаги меҳнат шартномаларини тузиш ва бекор қилиш;
- меҳнат шартномасида шарт қилиб кўрсатилган ишни лозим даражада бажариши ходимдан талаб қилиш;
- ўз манфаатларини ҳимоялаш учун бошқа иш берувчилар билан бирга жамоат бирлашмалари тузиш ва бундай бирлашмаларга аъзо бўлиш хуқуқига эгадир.

Ўз меҳнати билан корхона фаолиятида меҳнат шартномаси асосида иштирок этаётган унинг барча ходимлари – меҳнат жамоасига ҳам меҳнат муносабатлари субъекти сифатида қаралади.

Корхонада иш берувчи билан ходимлар ўртасидаги меҳнат, ижтимоий-иктисодий ва касбий муносабатлар *жамоа шартномаси* орқали тартибга солинади.

Муайян касб, тармоқ, ҳудуд ходимлари учун меҳнат шартлари, иш билан таъминлаш ва ижтимоий кафолатлар белгилаш борасидаги мажбуриятлар жамоа келишувларида ўз ифодасини топади (18.4-жадвал).

Тартибга солинадиган муносабатлар соҳаси, ҳал қилиниши лозим бўлган масалаларнинг хусусиятларига қараб бош, тармоқ ва ҳудудий (минтақавий) жамоа келишувлари тузилиши мумкин.

Бош келишув Ўзбекистон Касаба уюшмалари Федерацияси Кенгаши ва иш берувчиларнинг республика миқёсидаги бирлашмалари ўртасида, ана шу тарафларнинг таклифига кўра эса Ўзбекистон Республикаси Ҳукумати билан ҳам тузилади. Унда ижтимоий-иктисодий масалалар хусусида келишиб сиёсат олиб боришининг умумий тамойиллари белгилаб қўйилади.

Тармоқ келишувлари тегишли касаба уюшмалари ва иш берувчилар (уларнинг бирлашмалари) ўртасида, тарафларнинг таклифига кўра эса Ўзбекистон Республикаси Бандлик ва меҳнат муносабатлари вазирлиги билан ҳам тузилиб, уларда тармоқни ижтимоий-иктисодий ривожлантиришнинг асосий йўналишлари, меҳнат шартлари ва унга ҳақ тўлаш, тармоқ ходимларининг ижтимоий кафолатлари кўрсатилади.

18.4-жадвал

Жамоа шартномалари ва келишувларининг мазмуни

Жамоа шартномаларининг мазмуни	Жамоа келишувларининг мазмуни
Мехнатга ҳақ тўлаш шакли, тизими ва миқдори, пул мукофотлари, нафақалар, компенсациялар, кўшимча тўловлар	Мехнатга ҳақ тўлаш, меҳнат шартлари ва уни муҳофаза қилиш, меҳнат ва дам олиш тартиби
Нархларнинг ўзгариб бориши, инфляция даражаси, жамоа шартномаси билан белгиланган кўрсаткичларнинг бажарилишига караб меҳнатга ҳақ тўлашни тартибга соилиш механизми	Нархларнинг ўзгариб боришига, инфляция даражасига, келишувларда белгилаб қўйилган кўрсаткичларнинг бажарилишига караб меҳнатга ҳақ тўлашни тартибга солиш механизми
Ходимларни иш билан таъминлаш, қайта ўқитиш, ишдан бўшатиб олиш шартлари	Энг кам миқдори қонун хужжатларида назарда тутиладиган компенсация тарзидаги кўшимча тўловлар
Иш вақти ва дам олиш вақти, меҳнат таътилларининг муддатлари	Ходимларнинг ишга жойлашишига, уларни қайта ўқитишга кўмаклашиш
Ходимларнинг, шу жумладан аёллар ва 18 ёшга тўлмаган шахсларнинг меҳнат шароитлари ва меҳнат муҳофазасини яхшилаш, экология жихатидан хавфсизликни таъминлаш	Экология жихатидан хавфсизликни таъминлаш ҳамда ишлаб чиқаришда ходимларнинг соғлигини муҳофаза қилиш
Корхонани ва идорага қарашли турар жойни хусусийлаштириш вақтида ходимларнинг манбаатларига риоя қилиш	Ходимлар ҳамда уларнинг оила аъзоларини ижтимоий химоя қилиш бўйича маҳсус тадбирлар
Ишни таълим билан кўшиб олиб борувчи ходимлар учун имтиёзлар	Давлат корхоналарини хусусийлаштириш чоғида ходимларнинг манбаатларига риоя қилиш
Ихтиёрий ва мажбурий тарздаги тиббий ҳамда ижтимоий суғурта	Ногиронлар ва ёшлар (шу жумладан ўн саккиз ёшга тўлмаган шахслар) меҳнатидан фойдаланиш максадида улар учун кўшимча иш жойлаши ташкил этувчи корхоналарга бериладиган имтиёзлар
Иш берувчи томонидан ўз ходимларининг шахсий жамғарив бориладиган пенсия хисобварақларига кўшимча бадаллар киришиш миқдорлари ва муддатлари	ижтимоий шериклик ҳамда уч тарафлама ҳамкорликни ривожлантириш, жамоа шартномаларини тузишга кўмаклашиш, меҳнат низоларининг олдини олиш, меҳнат интизомини мустаҳкамлаш
Жамоа шартномасининг бажарилишини текшириб бориш, тарафларнинг жавобгарлиги, ижтимоий шериклик, касаба уюшмалари, ходимларнинг бошқа вакиллик органларига фаолият кўрсатиш учун тегишли шароит яратиб бериш	

Худудий келишувлар тегишли касаба уюшмалари ва иш берувчилар (уларнинг бирлашмалари) ўртасида, тарафларнинг таклифига кўра эса маҳаллий ижро этувчи ҳокимият органлари билан ҳам тузилиб, уларда худудларнинг хусусиятлари билан боғлиқ бўлган муайян ижтимоий-иктисодий муаммоларни ҳал қилиш шартлари ўз ифодасини топади.

Жамоа шартномаси ва жамоа келишувини тузиш, ўзгартириш ва тўлдириш учун иш берувчи, иш берувчилар бирлашмаси (уларнинг вакиллари) билан касаба уюшмалари ёки ходимларнинг бошқа вакиллик органлари ўртасида музокаралар олиб борилади. Зарур ҳолларда музокараларда ижро этувчи ҳокимият органлари иштирок этадилар.

Амалдаги қонунчиликка мувофиқ, иш берувчилар, ижро этувчи ҳокимият органлари касаба уюшмалари ёки ходимларнинг бошқа вакиллик органлари кўриб чиқиш учун таклиф этган меҳнатга оид ва ижтимоий-иктисодий масалалар юзасидан музокаралар олиб боришга мажбурдир.

Биринчи марта иш қидираётган, касби (мутахассислиги) бўлмаган шахслар учун дастлабки касб тайёргарлигини талаб қилмайдиган иш, бундай ишни топиб бериш имконияти бўлмаган тақдирда эса уларнинг ёши ва бошқа хусусиятларини ҳисобга олган ҳолда ҳақ тўланадиган бошқа иш, шу жумладан, вақтинчалик иш *мақбул келадиган иш*, деб ҳисобланади.

Мақбул келадиган деб ҳисобланмайдиган иш эса қуидагилардир, агар у:

– иш яшаш жойини ўзгартириш билан боғлиқ бўлса;

– таклиф этилган иш доимий яшаш жойидан анча узоқ бўлса ва транспортда қатнаш жихатдан қулай бўлмаса. Иш жойининг транспортда қатнаш жихатдан қулайлиги (йўл қўйилиши мумкин бўлган узоқлиги) мазкур жойдаги жамоат транспорти тармоғининг ривожланганилиги ҳисобга олинган ҳолда маҳаллий давлат ҳокимияти органи томонидан белгиланади;

– таклиф этилган ишни рад этиш ишсиз шахснинг соғлиғи ҳолатига, унинг ёшига ва бошқа узрли сабабларга кўра мавжуд монеликларга асосланган бўлса.

Ўзбекистонда *ишилизлар* – ўн олти ўшдан то пенсия билан таъминланиш ҳукуқини олишгача бўлган ўшдаги, ҳақ тўланадиган ишга ёки даромад келтирадиган машғулотга эга бўлмаган, иш қидираётган ва иш таклиф этилса, унга киришишга тайёр бўлган ёхуд касбга тайёрлашдан, қайта тайёрлашдан ўтишга ёки малакасини оширишга тайёр бўлган меҳнатга лаёқатли шахслардир (бундан таълим муассасаларида таълим олаётганлар мустасно).

Ишдан маҳрум бўлган, биринчи марта иш қидираётган, шунингдек, узоқ (бир йилдан ортиқ) танаффусдан кейин меҳнат фаолиятини қайта бошлашни истаган ва ишсиз, деб эътироф этилган¹ шахсларга:

– ишилизлик нафақаси тўлаш;

¹ Ишга жойлашишда кўмак олиш учун маҳаллий меҳнат органларига мурожаат қилган ва улар томонидан иш қидирувчи сифатида рўйхатга олинган шахслар ишсиз деб эътироф этилади.

- қарамоғидагиларни ҳисобга олган ҳолда моддий ёрдам бериш;
- касб ўрганиш, малака ошириш ёки қайта тайёрлаш даврида стипендия тўланиши ҳамда шу даврни меҳнат стажига қўшиш;

– ҳақ тўланадиган жамоат ишларида қатнашиш имконияти таъминланади.

Меҳнат қонунчилигига ахолининг айрим тоифалари учун ишга жойлашишда қўшимча кафолатлар кўзда тутилган. Давлат:

– ижтимоий ҳимояга муҳтоҷ, иш топишда қийналаётган ва меҳнат бозорида тенг шароитларда рақобатлашишга қодир бўлмаган шахсларга, шу жумладан ўн тўрт ёшга тўлмаган болалари ва ногирон болалари бор ёлғиз ота, ёлғиз оналарга ҳамда кўп болали ота-оналарга;

– ўрта маҳсус, касб-ҳунар таълими муассасаларини тамомлаган ёшларга, шунингдек, олий ўқув юртларининг давлат грантлари асосида таълим олган битириувчиларига;

– Ўзбекистон Республикаси Қуролли Кучларидан муддатли ҳарбий хизматдан бўшатилганларга;

– ногиронларга ва пенсия ёшига яқинлашиб қолган шахсларга;

– жазони ижро этиш муассасаларидан озод қилинган ёки суд қарорига кўра тиббий йўсиндаги мажбуров чораларига тортилган шахсларга;

– одам савдосидан жабрланганларга қўшимча кафолатларни таъминлайди.

Қўшимча кафолатлар қўшимча иш жойлари, ихтисослаштирилган корхоналар, шу жумладан, ногиронлар меҳнат қиласидаган корхоналар барпо этиш, маҳсус ўқув дастурларини ташкил этиш, корхоналарга ушбу модданинг биринчи қисмида кўрсатилган тоифадаги фуқароларни ишга жойлаштириш учун минимал иш жойларини белгилаш йўли билан, шунингдек қонун ҳужжатларида назарда тутилган бошқа чора-тадбирлар орқали таъминланади.

Ходим иш тартиби ёки графигига ёхуд меҳнат шартномаси шартларига мувофиқ ўз меҳнат вазифаларини бажариши лозим бўлган вақт *иши вақти* хисобланади. Иш вақтининг муддати ҳафтасига 40 соатдан ортиқ бўлиши мумкин эмас. Олти кунлик иш ҳафтасида ҳар кунги ишнинг муддати 7 соатни, беш кунлик иш ҳафтасида эса 8 соатни ташкил этади.

Иш берувчи ходимлар меҳнатини ташкил қилиши, қонунлар ва бошқа норматив ҳужжатларда, меҳнат шартномасида назарда тутилган меҳнат шароитларини яратиб бериши, меҳнат ва ишлаб чиқариш интизомини таъминлаши, меҳнат муҳофазаси қоидаларига риоя этиши, ходимларнинг эҳтиёж ва талабларига эътибор билан қараши, уларнинг меҳнат ва турмуш шароитларини яхшилаб бориши лозим.

Меҳнат жараённида соғлигига физик, кимёвий, биологик ва ишлаб чиқаришнинг бошқа заарарли омиллари таъсир этадиган, шунингдек, юкори дарражадаги ҳис-ҳаяжон, ақлий зўриқиши, асад танглиги билан боғлиқ, яъни алохида тусга эга бўлган ишлардаги айрим тоифадаги ходимлар (тиббиёт хо-

димлари, педагоглар ва бошқалар) учун иш вақтининг ҳафтасига 36 соатдан ошмайдиган қисқартирилган муддати белгиланади. 18 ёшга тўлмаган, I ва II гурух ногирони бўлган, ноқулай меҳнат шароитларидаги ишларда бандлар, алоҳида тусга эга бўлган ишлардаги ходимлар, уч ёшга тўлмаган болалари бор, бюджет ҳисобидан молиявий жиҳатдан таъминланадиган муассасалар ва ташкилотларда ишлаётган аёлларга ҳам *иши вақтининг қисқартирилган муддати белгиланади*.

Иш вақтининг муддати 16 дан 18 ёшгача бўлган ходимларга ҳафтасига 36 соатдан, 15 дан 16 ёшгача бўлган шахслар учун эса ҳафтасига 24 соатдан ошмайдиган қилиб белгиланади.

Ходим билан иш берувчи ўртасидаги келишувга биноан ишга қабул қилиш чоғида ҳам, кейинчалик ҳам *тўлиқсиз иши қуни ёки тўлиқсиз иши ҳафтаси* белгилаб қўйилиши мумкин.

Мехнат ҳақининг миқдори иш берувчи билан ходим ўртасидаги келишувга биноан белгиланади. Мехнат ҳақи қонун ҳужжатлари билан белгилангандан энг кам миқдордан оз бўлиши мумкин эмас ва унинг энг кўп миқдори бирон бир тарзда чекланмайди.

ХІХ БОБ. ЎЗБЕКИСТОН РЕСПУБЛИКАСИНИ РИВОЖЛАНТИРИШНИНГ ҲАРАКАТЛАР СТРАТЕГИЯСИДА МЕҲНАТ МУНОСАБАТЛАРИ

19.1. Ҳаракатлар стратегиясининг мамлакатни ижтимоий-иктисодий ривожлантиришдаги ва меҳнат иқтисодиётидағы моҳияти

Ўзбекистонда мустақиллик йилларида ижтимоий йўналтирилган бозор ислоҳотлари босқичма-босқич амалга оширилиб, макроиктисодий барқарорликни, иқтисодий ўсишни таъминлаш чоралари кўрилди, кичик бизнес ва хусусий тадбиркорлик, фермерлик ҳаракатини ривожлантириш учун кенг имкониятлар ва қулай шароитлар яратилди.

Жаҳон бозори конъюнктураси кескин ўзгариб, глобаллашув шароитида рақобат тобора кучайиб бораётганлиги ҳисобга олинган ҳолда мамлакатни ижтимоий-иктисодий ривожлантириш бўйича босиб ўтилган тараққиёт йўлининг, мавжуд муаммоларнинг чукур таҳлил этилиши натижасида бугунги шароитда амалга оширилаётган ислоҳотларга мутлақо янгича замонавий ёндашувлар талаб этилмоқда. Илгор хорижий тажрибани таҳлил этиш, шунингдек, кенг жамоатчилик фикрини ўрганиш натижасида мамлакатни модернизация қилиш ҳамда ҳаётнинг барча соҳаларини либераллаштириш бўйича устувор йўналишларни амалга оширишга йўналтирилган *2017–2021-йилларда Ўзбекистон Республикасими ривожлантиришининг бешта устувор йўналиши бўйича Ҳаракатлар стратегияси* қабул қилинди.

Ўзбекистон жуда бой табиий ресурсларга, катта иқтисодий салоҳиятга эга бўлишига қарамасдан, Халқаро валюта фонди маълумотларига кўра, аҳоли жон бошига тўғри келадиган ялпи ички маҳсулот ҳажми бўйича дунё рейтингида 187 мамлакат ўртасида 141-ўринни эгаллади.

Мамлакатда электр узатиш тармоқлари эскириб кетганлиги оқибатида 15–20 % электр энергияси истеъмолчига етиб бормасдан, тармоқнинг ўзида бехуда йўқотилади. Республикада йилига газ ишлаб чиқариш ҳажми 55–57 млрд куб метрни ташкил этгани ҳолда, мазкур соҳа кўп йиллар давомида модернизация қилинмагани туфайли «зангори олов»нинг 20–23 % ҳам бой берилади.

Шунингдек, иктиносидётда бошқарув тизими эскиргани, инновацион ғояларни кўллаб-қувватлаш бўйича самарали механизмлар ўз вақтида жорий қилинмагани маълум бўлиб қолди. Йирик лойиҳаларни белгилаш ва амалга оширишда йўл қўйилган жиддий хатолар, технологик қолоқлик, ресурс ва энергияни тежайдиган инновациялар, муқобил энергия манбаларини татбиқ этишда орқада қолиш иктиносидий тараққиёт йўлида тўсикқа айланди.

Ҳаракатлар стратегиясида белгиланган вазифаларни амалга ошириш жараёнида «Халқ давлат идораларига эмас, балки давлат идоралари халққа хизмат қилиши керак», деган ғоя ҳаётга изчил тадбиқ этилмоқда. Халқ билан яқиндан мулоқот қилиш тизимининг асоси бўлган Ўзбекистон Республикаси Президентининг Халқ қабулхоналари ва Виртуал қабулхонаси фуқароларнинг мурожаатлари билан ишлашнинг ўзига хос демократик институти сифатида амалда ўзини тўла оқламоқда. Улар Ўзбекистонда халқ ҳокимияти номиғагина эмас, амалда жорий этилаётганини кўрсатмоқда.

Мамлакатда миллий иктиносидёт мутлақо янги асосда ташкил этилмоқда, уни янада эркинлаштириш, ишлаб чиқаришни модернизация ва диверсификация қилиш чоралари кўрилмоқда. 2017 йилнинг ўзида қўшимча 1,5 трлн сўмлик маҳсулот ишлаб чиқариш имконини берадиган 161 та йирик саноат обьекти ишга туширилди. 12 та эркин иктиносидий ва 45 та саноат зонаси фаолияти йўлга қўйилди, яна 50 та янги саноат зонаси ташкил этилмоқда.

Навоий, Бухоро ва Сирдарё вилоятларида пахта-тўқимачилик кластерларини яратиш доирасида пахта хомашёсини бозор талаблари асосида етиштириш, нарх-навони шакллантириш ва сотишни ташкил этиш бўйича тажриба бошланди. Ушбу тажрибани мамлакат миқёсида ёйиш 1,4 млн тонна пахта толасини қайта ишлаш имкониятига эга мамлакат тўқимачилик саноати эҳтиёжини қондириш, қимматли хомашёнинг асосий қисмини Ўзбекистоннинг ўзида қайта ишлаш имконини беради. Шу билан бирга йилига 10–15 млрд АҚШ доллари миқдорида мева-сабзавот маҳсулотларини экспорт қилиш имкониятларини ишга солиши чоралари кўрилмоқда.

Шаҳар ва қишлоқларда 2017 йилда жами 3,5 млн квадрат метрдан зиёд уй-жойлар қуриш дастури бошланган, 2010 йилга нисбатан 3,5 баробар кўп намунавий уйлар ва кўп қаватли уй-жойлар барпо этилди.

Ўзбекистон бир йил ичида 60 дан ортиқ давлат ва халқаро ташкилотлар билан 400 дан ортиқ битим ва келишувларга эришиб, бунинг натижасида қарийб 60 млрд АҚШ доллари ҳажмида савдо ва сармоявий шартномалар имзоланди, улар ижросини таъминлаш мақсадида 40 та «йўл харитаси» ишлаб чиқилди

Ҳаракатлар стратегиясини амалга оширишнинг биринчи йилида барқарор иктиносидий ўсиш суръатлари 5,5 % ни ташкил этди, экспорт ҳажми қарийб 15,0 % га кўпайди. Ташқи савдо айланмасининг ижобий сальдоси 854 млн

АҚШ долларига етди. Давлатнинг олтин-валюта захиралари 2017 йилнинг ўзида 1,1 млрд долларга кўпайди. Миллий валютани эркин конвертация қилишга киришилди.

Миллий иқтисодиёт тармоқларига маъмурий таъсирлар қисқартирилмоқда. Самарасиз ва зарар билан ишлайдиган корхоналар хусусийлаштирилиб, рақобатни кучайтириш учун монополияларга барҳам берилмоқда, ишлаб чиқаришни молиялаштириш бўйича бозор механизмларига ўтилмоқда. Ҳудудларда замонавий ишлаб чиқаришларни шакллантириш ва ривожлантириш учун давлат-ижтимоий шериклик муносабатлари йўлга қўйилмоқда.

Ижтимоий соҳада аҳолининг реал даромадлари, иш ҳаки, стипендия, пенсия ва ижтимоий нафақаларни босқичма-босқич ошириш бўйича амалий чоралар кўрилмоқда. Аҳолига қулай, сифатли ва замонавий тиббий ёрдам кўрсатишга эътибор кучайтирилмоқда.

19.2. Мехнат иқтисодиётида стратегия тушунчаси

Мехнат иқтисодиётида ҳар бир раҳбар ходимнинг ўзи ишлайдиган жойда жавобгарликни зиммасига олиб, меҳнат самарадорлиги учун фундаментал мақсадлар ва ходимлар манфаатларини ҳимоялашга кўмаклашувчи вазифалар устуворлигини яққол кўра билиш билан мақсадлар сари бошлиши – *стратегиянинг вазифаси* хисобланади.

Стратегия – бу стратегик фикрлаш, чуқур билим ва интуиция асосида мухитнинг келгуси шартларини мавжуд прогнозлар ёрдамида тизимли таҳлил қилиш натижасидир.

Стратегияга корхона ва ташкилотларда фаолият олиб бораётган раҳбар ходимлар томонидан бош мақсадга эришиш учун ташкилот олдида турган вазифа ва муаммоларни олдиндан кўра билган ҳолда ҳал этишнинг ва бунинг учун зарур ресурсларни мақсадли тақсимлашнинг умумий концепцияси сифатида қарамоқ керак.

Ҳар бир иқтисодчи, шу жумладан, меҳнат иқтисодчиси учун стратегиянинг *биринчи қонуни* – вактдан ютиш қонунидир. Истиқболли стратегияни амалга ошириш қанча барвакт бошланса, унинг самарадорлиги шунча юкори бўлади.


Стратегиянинг *иккинчи қонуни* – мутлақ рақобат устунлигига эришишdir. Стратегик ғоя жаҳондаги товарлар бозорларида ҳам, меҳнат бозорида ҳам рақобат ниҳоятда кескинлашган ҳозирги вазиятда узоқ муддатли рақобат устунлигини таъминлашга хизмат қилиши керак.

Стратегия стратеглар томонидан ишлаб чиқиласди. Академик В. Л. Квинтнинг таърифига кўра, «*Стратег* – бу стратегиялаш методологиясига суюнган ҳолда стратегик фикрлайдиган, келажакни кўра биладиган ва ҳис эта оладиган, зукко, интизомли ва оптимистик руҳдаги профессионалдир. Стратег янги

глобал қонунияттарни тезда илгаб олади, стратегиялаш объектинынг муваффақияти ва мақомини ошириш учун унинг фундаментал қадриятлари ва манфаатлари хусусида чуқур билимларни эгаллади»¹.

Мамлакатнинг меҳнат иқтисодиёти билан шуғулланувчи стратеглари салохиатли воқеаларни қўра билиши ва уларни стратегиялаш бўйича фикрлаш қувватига эга бўлиши; уларда стратегия амалга ошириладиган ва стратегиялаш объектини муваффақиятга етакловчи келажакнинг сиёсий, иқтисодий, технологик, экологик ва бошқа шартларини олдиндан белгилаган ҳолда, ўзини келажак шароитларида ҳис қила билиши зарур. Улар стратегик режанинг амалга оширилиши мониторингини олиб боришга, шунингдек, меҳнат соҳасида ҳам иш фаолияти олиб бораётган ходимлар олдида кўзда тутилмаган кўнгилсизликлардан сақланиш йўлларини аниқлашга, бундай ҳолатлар юзага келган ҳолда уларнинг салбий таъсирини камайтиришга, юз бериши муқаррар бўлган тўсиқлар ва асоратларни қандай енгиб ўтиш кераклигини аниқлашга қодир бўлишлари керак.

Хитойнинг буюк мутафаккири Сунь-Цзи (милоддан аввалги 544–496 йй.) шундай деган эди:



Стратеглар мамлакат миқёсида ёки худудларда аҳоли билан иш олиб борадиган ходимлар бўлиб, улар стратегик тафаккури туфайли мутлақ янги ғояларни илгари суришга қодир ўта истеъододли шахслар бўлгани ҳолда, ана шу инновацияларни амалга ошириш етакчилари, яъни лидерларидир.

Хар қандай жамоа орасида ажralиб чиқсан етакчи, яъни *лидер* – менежмент тизимининг биринчи унсури бўлиб, у ўз жамоасини келажакка етакловчи ўзига хос йўл кўрсатувчидир. Айни пайтда у нафақат ўзига итоат этувчиларни, балки жамоа ва фуқароларни бирлаштирадиган, уларни сафдош қиласидиган ташкилотчи ҳамдир. Лидер – муайян даражада стратегияни жонлантирувчи етакчи саналади. Лидерлик, аслида, стратегияни амалга ошириш назарияси ва амалиётининг энг муҳим таркибий қисмидир.

¹ Квинт В. Л. Стратегиялаш назарияси ва амалиёти [Матн] : дайджест. / В.Л.Квинт. – Т : Тасвир, 2018. – Б.6.


Меҳнат иқтисодиёти фан сифатида, асосан, менежерлар тайёрлаш дастурига кенг ўрин беради. Бу жиҳатдан менежер кадрлар стратеглар томонидан илгари сурилган инновацияларни, лидерлар йўлбошчилигида белгилаб берилган вазифалар ижросини таъминловчилардир.

Стратегия ўзининг асосий мақсадига оралиқ тактик вазифаларни ҳал этиш натижасида эришади. Стратегияни амалга оширишнинг асосий воситаси *тактика* ҳисобланади. Тактикані стратегиянинг асосий мақсадини амалга оширишнинг «йўл ҳаритаси» деб аташ мумкин.

Сиёсат, стратегия ва тактика – стратегик раҳбарлик ва бошқарув жиҳатлари билан боғлиқ учта мустакил категориядир. Улар қуидагида фарқланади: стратегия тасдиқланган ва амалга ошириш учун қабул қилинган бўлса, унинг жорий қилиниши стратегиялаштирилаётган обьектнинг йўл кўрсатувчисига, маёғига айланади; тактика эса стратегик вазифаларни амалга ошириш бўйича кундалик, ойлик ва йиллик (жорий) режаларни ва уларнинг ечими бўйича тадбирларни тақозо этади; сиёсат – бу стратегия ва тактиканинг ягона самарали амал қилувчи тизимга агрегация ва интеграция қилинишидир. Бошқача айтганда:

$$\text{Стратегия} + \text{Тактика} = \text{Сиёсат}.$$
¹

Стратегияни шакллантириш бир нечта босқичда амалга оширилади (19.1-расм).



19.1-расм. Меҳнат муносабатлари стратегиясини шакллантириш босқичлари

Бу эса стратегдан стратегик тафаккурни талаб қиласи.

Стратегик таҳлил ҳозирги вазиятни баҳолаган ҳолда стратегик мақсадни аниқлаб олиш учун амалга оширилади. Бу стратегдан келажакнинг сиёсий, иқтисодий, технологик, экологик ва бошқа хусусиятларини олдиндан башорат қилган ҳолда ўзини ўша келажак шароитларида хис қила олишга қодирликни талаб этади. Яъни стратег стратегик тафаккурга эга бўлиши лозим.

Меҳнат муносабатларида стратегик тафаккур қуидагиларни қамраб олади:

¹ Vladimir Kvint. Strategizing: Theory and Practice. [Text] : digest. / V.Kvint. – Tashkent : Tasvir, 2018. – 160 p.

- устуворликлар изчиллигини аниқлаш, яъни «Биз нимага эришишни хоҳлаймиз ва унга қандай қилиб эришамиз?» саволига жавоб топиш;
- стратегик ғояларнинг истиқболли эканлигини асослай олиш;
- мавжуд муҳитдаги эҳтимол тутиладиган ўзгаришларни олдиндан башорат қилиш ва эҳтимол тутилган таҳдидларга тайёр бўлиш, пайдо бўладиган имкониятлардан имкон қадар тўла ва самарали фойдалана олиш;
- узоқ муддатли мақсадларга эришиш усуллари ва йўлларини мантиқий асослаб бериш;
- стратегик мақсадларга эришишга йўналтирилган фаолиятни мувофиқлаштира билиш.

Мехнат жараёнидаги стратегик тафаккурга учта ёндашув кузатилади.

Биринчи ёндашув стратегик таҳлил обьектининг мавжуд кун тартиби чегарасидан ташқарида кенг кўламли ва узоқ муддатли фикрлаш, шунингдек, ҳаттоқи улар обьектнинг жорий фаоллигини тубдан ўзгартирса ҳам, муваффақиятга етакловчи инновацион кутилмаган ва ғайриодатий йўлларни англаш ва таҳлил қилишни талаб қилувчи янги уфқлар стратегиясидир.

Иккинчи ёндашув такомиллаштириш стратегияси ҳисобланади. Ушбу ёндашув биринчисидан фарқли равишда, асосан, обьектнинг қўшимча тизимлари, унинг унсурлари ва функцияларининг тизимли таҳлилига, шунингдек, уларнинг ўзаро алоқасига асосланган.

Учинчи ёндашувни бирлаштириш стратегияси деб аташ мумкин. Ушбу ёндашувга кўра, инқилобий инновацион ғоялар ва технологияларни жорий қилиш ва ўзлаштириш билан бирга жорий самарадорлик ва даромадлиликка олдиндан амал қилаётган операцион тизимлар ва технологиялар ҳисобидан эришилади.

Стратегик тафаккурнинг асосий душмани – инерцион (одатий) тафаккурдир. Инерцион тафаккур инновацион мақсадлар йўлидаги асосий тўсиқдир. Стратегик нуқтаи назардан, ҳозирги кун – бу ўтмиш. Стратегнинг стратегик тафаккури ҳар доим оддий одам тафаккуридан 3–5 йил илгарилаб кетган бўлади.

Стратегияни ишлаб чиқиша SWOT («Strengths», «Weaknesses», «Opportunities», «Threats») таҳлил усулидан фойдаланилади (19.2-расм).

Бу усул 1965 йилда Гарвард университетининг профессорлари Леранед, Кристенсен, Эндрюс ва Гут томонидан таклиф этилган бўлиб, у «LCAG» номини олган (19.2-расм).

Бу усулда кучли (S) ва заиф (W) томонлар – таҳлил обьекти ички муҳитининг (яъни обьектнинг ўзи таъсир кўрсатиши мумкин бўлган) омиллари, имкониятлар (O) ва таҳдидлар (T) эса ташқи муҳитнинг (яъни обьектга ташқаридан таъсир кўрсатилиши мумкинлиги ва бу обьект томонидан назорат қилина олмайдиган) омиллари ҳисобланади.



19.2-расм. SWOT таҳлил усулининг таркибий қисмлари

SWOT таҳлил усулининг вазифаси – стратегияни аниқлашда вазиятни баҳолаш ҳамда таклиф қилинаётган фоянинг кучли ва заиф томонларини, шунингдек, мавжуд имкониятлар ва эҳтимол тутилган таҳдидларни имкон қадар тўлиқ ҳисобга олишдан иборат. Бунинг учун майдонлар кесишишига асосланган усулдан фойдаланилади (19.1-жадвал).

Жадвалдан қўйидагилар англашилади:

- СИВ майдони орқали ташки муҳит имкониятларидан фойдаланиш учун қайси кучли томонларни қўллаш лозимлиги ойдинлашади;
- СЛВ майдони эса ташки муҳитнинг қайси имкониятлари мавжуд заифликларни бартараф этиши мумкинлигидан далолат беради;
- СИУ майдони таҳдидларни бартараф этиш учун қайси кучлардан фойдаланиш мақсадга мувофиқлигини билдиради.
- СЛУ майдони пайдо бўлган таҳдидларга чек қўйиш учун қайси заиф томонлардан ҳалос бўлиши кераклигини кўрсатади¹.

19.1-жадвал

SWOT таҳлилда майдонлар кесишиши усули

	Имкониятлар	Таҳдидлар
Кучли томонлар	СИВ	СИУ
Заиф томонлар	СЛВ	СЛУ

Мехнат жараёнидаги стратегиялар бошқа соҳалардаги каби ўрта ва қисқа муддатли режаларни ишлаб чиқиши орқали амалга оширилади. Бу лидерлар томонидан вазифаларни тақсимлаш орқали ташкиллаштирилади, вазифа-

¹ Филип Котлер, Роланд Бергер, Нильс Бикхоф. Стратегический менеджмент по Котлеру. Лучшие приемы и методы = The Quintessence of Strategic Management: What You Really Need to Know to Survive in Business. – М.: Альпина Паблишер, 2012. – 144 с.

ларни бажариш ва белгиланган мақсадларга эришиш менежерлар зиммасига юклатылади.

Мехнат иқтисодиёти стратегияси – меңнат ва ахолини иш билан бандлигини таъминлаш тизимида ижтимоий-иктисодий жараёнларни узок муддаттали бошқариш концепциясидир. Мамлакаттинг меңнат ва иш билан бандлик стратегияси давлат томонидан ишлаб чиқылади. Ҳозирги даврда давлаттинг меңнат ва иш билан бандлик стратегиясининг асосий мақсади – меңнат ва ахолини иш билан банд этишни ривожлантиришинг ижтимоий йүналишини кучайтиришdir.

Давлаттинг меңнат ва ахолини иш билан банд этиш стратегияси одатта 10–15 йилга мүлжаллаб ишлаб чиқылади. У макро ва мезоиктисодиёт даражасида прогнозлаштирилиб, асосий күрсаткичлар тизимидан иборат бўлади. *Макроиктисодий* даражада күрсаткичлари қўйидагиларни қамраб олади:

- ялпи ички маҳсулот, шу жумладан, саноат, қишлоқ хўжалиги ишлаб чиқариши суръатлари ўсишида иш билан банд бўлган ходимлар миқдори;
- иқтисодиётта инвестициялар, шу жумладан, чет эл инвестицияларини жалб қилиш;
- пул айланмаси, тўлов баланси, инфляция даражаси, бошқа макромолиявий кўрсаткичлар;
- экспорт ва импорт даражаси;
- миллий иқтисодиёттинг рақобатбардошлигини ошириш;
- инновацион ривожланиш истиқболлари;
- инфратузилмаларни ривожлантириш;
- демография ва миграция кўрсаткичлари;
- ахолининг иш билан бандлиги ва ишсизлик даражаси;
- ахолининг турмуш даражаси ва даромадлари хамда бошқалар.

Мезодаражадаги меңнат ва иш билан бандлик бўйича стратегик кўрсаткичлар сифатида қўйидагиларни келтириш мумкин:

- вилоятларни ижтимоий-иктисодий ривожлантириш истиқболлари;
- иқтисодиёт тармоқларида меңнат ва иш билан бандлик бўйича ривожлантириш истиқболлари ва бошқалар.

Макроиктисодий даражада меңнат ва иш билан бандлик бўйича стратегиянинг самарадорлиги, биринчи навбатда, барқарор институционал мухитга, мустаҳкам хуқуқий асосга боғлиқ. Қонунчиликда тез-тез ўзгаришларга йўл қўйилиши меңнат бозорига ва умуман, мамлакат иқтисодиётга салбий таъсир кўрсатади, хўжалик юритувчи субъектларни жорий манфаатлар ва эҳтиёжлар муаммолари билан машғул бўлиб, стратегик режалар ишлаб чиқишни орқага суришга мажбурлайди. Натижада, улар тезда ўз рақобат устунлигини бой беради.

Мехнат ва иш билан бандлик бўйича иқтисодий стратегиянинг тўрт асосий тури мавжуд:

1. *Жамланма ўсиши стратегияси* – бу бозордаги мавқени кучайтириш стратегияси, меҳнат бозорини ривожлантириш стратегияси ва кадрлар салоҳиятини ошириш ҳисобига ишлаб чиқариладиган маҳсулот сифати ва мураккаблигини такомиллаштириш стратегиясини қамраб олади. Бундай стратегияда компаниялар нафақат кадрлар малакасини ошириш, балки ўз маҳсулотларининг сифатини яхшилаш ёки янги маҳсулотларни ишлаб чиқаришни йўлга қўйиш мақсадини ҳам кўзлайди. Бу стратегияда, шунингдек, хўжалик юритувчи субъектлар мавжуд бозорлардаги ўз мавқеларини яхшилаш ёки янги бозорга ўтиш чораларини ҳам кўришлари мумкин.

2. *Интеграциялашган ўсиши стратегияси* – бу ривожланишнинг вертикал стратегиясига тескари стратегия бўлиб, малакали кадрлар ҳисобидан илгарилашиб бораётган вертикал стратегиядир. Бу стратегиянинг икки тури фарқланади:

1) компания ўз самарадорлигини хомашё ва бутловчи қисмлар етказиб берувчилар устидан назоратни кучайтириш орқали оширишга интилади. Уни вертикал йўналишга тескари стратегия деб ҳам атashади;

2) олға бораётган вертикал стратегияда, корхона самарадорлиги меҳнат бозоридан ўзига мос малакали кадрларни танлаб олиши ҳисобига амалга оширилади. У компаниянинг самарадорлигини ўзи ва истеъмолчилар ўтрасидаги тузилмалар, яъни бевосита тақсимлаш ва маҳсулотни реклама қилиш ҳамда сотиш устидан назоратни кучайтириш ҳисобига оширишга йўналтирилган.

3. *Диверсификацияли ўсиши стратегияси* – марказлаштирилган диверсификация стратегияси ва горизонтал диверсификация стратегиясидир. Агар компания ушбу бозорда мазкур тармоқ доирасида ишлаб чиқарилаётган маҳсулоти билан ривожлана олмаса, диверсификацияли ўсиш стратегиясини қўллайди. Унинг қуйидаги йўналишлари бор:

а) горизонтал диверсификация стратегияси. Бунда компания ишлаб чиқариши кадрлар томонидан тўлиқ ўзлаштирилган, янги бозорларда сотилаётган янги маҳсулотлар билан технология томонидан боғлиқ бўлмаган ҳолда малакали ходимлардан самарали фойдаланиш асосида ишлаб чиқаришлар ҳисобига кенгаяди;

б) вертикал диверсификация стратегияси. Бу корхонада рақамли иқтисодиётга асосланган янги технологияни талаб қиласидиган янги маҳсулотларни мавжуд бозорда реклама қилиш ва сотишни кўпайтириш ҳисобига ўсиш имкониятларини излашдир;

в) марказлаштирилган диверсификацияни ривожлантириш ҳисобига амалга ошадиган стратегия бўлиб, унда янги бизнес билан боғлиқ янги маҳсулотлар ишлаб чиқаришни ўзлаштириш ҳисобига манфаат кўриш назарда тутилади.

4. *Қисқартириш стратегияси* – тугатиш стратегияси, «хосилни йиғиб олиш» стратегияси, қисқартириш стратегияси ва харажатларни қисқартириш стратегиясидир. Бу стратегия компания узок муддат давомида ўсишни таъминлаганидан сўнг кучларни қайта тақсимлаш зарурати туғилганда қўлланилади. Унинг тўрт йўналиши мавжуд:

1) «хосилни йиғиб олиш» стратегиясидан бизнесни узок муддатга мўлжалаламасдан қисқа муддатда имкон қадар катта фойда олиш мақсади кўзланади;

2) қисқартириш стратегияси компания томонидан ўзининг бўлинмалиридан бирини сотиш ёки тугатиш хисобига бизнесни юритиш чегараларини узок муддатда ўзгартириш зарурати туғилганда қўлланилади;

3) тугатиш стратегияси компания бундан буён бизнесидан фойда олмаслигига ишончи комил бўлганида бизнеснинг ушбу йўналишини тугатиш заруратига мувофиқ ишга солинади;

4) харажатларни қисқартириш стратегияси тугатиш стратегиясига ўхшашдир, чунки унинг ғояси чиқимларни камайтириш имкониятларини ишга солишга йўналтирилган. Аммо бу стратегияда харажатларнинг унча кўп бўлмаган манбаларини бартараф этиш билан чегараланади.

Мехнат иқтисодиётида стратегия танлашнинг компанияни ривожлантириш учун эҳтимол тутилган барча муқобил вариантлари кўриб чиқилиши мақсадга мувофиқдир.

19.3. «Рақамли иқтисодиёт» – тараққиётнинг муҳим омили

2017–2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси асосида мамлакатда ахборот-коммуникация технологияларини жадал ривожлантириш, «рақамли иқтисодиёт», «ақлли тиббиёт», «ақлли шаҳар», «ақлли қишлоқ» ва бошқа рақамли ишлаб чиқаришларни шакллантириш вазифаси белгиланган.

«Рақамли иқтисодиёт» (ингл. «Digital economy») – асосий воситаси рақам шаклидаги маълумотлар бўлган, улардан катта ҳажмда фойдаланиш ишлаб чиқариш ва хизмат кўрсатиш самарадорлигини оширишга хизмат қиласиган хўжалик фаолиятидир. Шу билан бирга адабиётда «электрон иқтисодиёт» («e-economy»), «интернет-иктисодиёт» («Internet economy»), «тармоқ иқтисодиёти» («network economy»), «виртуал иқтисодиёт» («virtual economy») атамалари ҳам ишлатилади. Улар «рақамли иқтисодиёт»нинг синонимлари хисобланади¹.

¹ Лапидус Л. В. Цифровая экономика: управление электронным бизнесом и электронной коммерцией: учебник. – М.: ИНФРА-М, 2018. – С.29.

«Рақамли иқтисодиёт» атамасини биринчи марта муомалага америкалик тадқиқотчи Николас Негропонте 1995 йилда киритган¹.



Николас Негропонте 1943 йил 1 декабрда Нью-Йорк шахрида туғилган бўлиб, грек оиласига мансуб фукаро хисобланади.

1985 йилда АКШнинг Массачусет технология институтининг Media Labs булимига раҳбар булган. 1995 йилдан бошлаб рақамли иқтисодиёт концепциясини яратган.

Иқтисодий фаолиятнинг ушбу тури бевосита ахборот-коммуникация технологияларининг ривожлантирилиши билан боғлиқ. Унинг афзалликлари қўйидагилар билан белгиланади:

- товарлар ишлаб чиқариш ва хизматлар кўрсатиш, шунингдек, қўшимча қийматга эга билим ва ахборот салмоғининг ортиб бориши. Бу эса маҳсулотда илм сифими, илмий-тадқиқот ва тажриба-конструкторлик ишланмаларига харажатлар кўпайишида ўз ифодасини топади;
- ишлаб чиқариш чиқимларининг камайиши ҳисобига «рақамли маҳсулот» («хизмат») иқтисодий самарадорлигининг ортиши;
- корхоналар, ихтисослашган минтақавий «рақамли кластер»лар инфратузилмалари доирасида битта меҳнат ва бошқа ресурслардан беҳисоб даражада фойдаланиш доираси;
- Интернетда савдо майдончаларининг чегараланмаганлиги туфайли Интернет-савдо, молиявий (фонд, валюта) биржаларнинг жадал ривожланиши;
- бозорларда рақобат устунлигини қўлга киритиш учун корхонлар миқёсининг кичрайтирилиши, виртуал фирмалар («киберкорпорациялар»)нинг пайдо бўлиши ва бошқалар.

«Рақамли иқтисодиёт» ўзининг тизимли мезонлари ва хусусиятларига эга (19.2-жадвал).

Экспертларнинг хисоблашича, 2020 йилга бориб жаҳон иқтисодиётининг саноат тараққиёти босқичи ниҳоясига етади. Жаҳон иқтисодиётининг шундан кейинги даврдаги ривожланиши когнитив (лот. «cognitio» – «билим», «тадфаккур») омиллар ҳамда тежамкор иқтисодиёт, нано ва биотехнологияларга асосланган ишлаб чиқаришлар таъсири остида бўлади. Бу макроиқтисодиётда бошқарув қарорлари ишлаб чиқиш ва қабул қилиш учун талаб қилинадиган ахборот ҳажмларининг кескин ортишига олиб келади. Натижада ходимларнинг билими ва ҳар бир мамлакатда ахборот-коммуникация технологияларининг ривожланиш даражаси унинг тараққиётини ва рақобатбардошлигини белгилаб беради.

¹ Negroponte N. Being Digital / N. Negroponte. - NY : Knopf, 1995. - 256 p.

19.2-жадвал

«Рақамли иқтисодиёт»нинг тизимли мезонлари ва хусусиятлари

«Рақамли иқтисодиёт»нинг тизимли мезонлари	«Рақамли иқтисодиёт»нинг тизимли хусусиятлари
Ишлаб чиқаришни ташкил этишининг тизими	Ишлаб чиқарыш маказлашиши даражасининг камайиши
Ходимларнинг роли	Ходимларнинг йирик иқтисодий марказлардан олисда хам ишлаб чиқарыш жараёнларида тўлақонли иштирок этиши
Иқтисодий бошқарув тизими	Ходимлар мустақиллигининг ортиши, ташкилий бирликларнинг «функционал модуллар»га айлантирилиши
Қадриятлар тизими	Компаниялар ижтимоий функцияларининг кенгайиши
Иқтисодий жараёнларнинг хусусияти	Жаҳон миқёсида иқтисодий жараёнлар ўзаро боғлиқлиги даражасининг ортиши

«Рақамли иқтисодиёт» ҳозирги мавжуд соҳаларнинг ярмидан кўпроғида бекиёс ўзгартишлар келтириб чиқариши кутилмоқда. Жумладан, Жаҳон банки мутахассисларининг тадқиқотлари тезкор Интернетдан фойдаланувчилар сонининг 10 % га кўпайтирилишининг ўзиёқ миллий иқтисодиёт ялпи ички ҳажмини ҳар йили 0,4–1,4 % га ошиши имкониятини беришидан далолат берди. Жаҳонда «рақамли иқтисодиёт» ўсишининг суръатлари ҳозирнинг ўзида йилига деярли 20 % ни ташкил этади.

Тараққий этган давлатларда «рақамли иқтисодиёт»нинг миллий ялпи ички маҳсулотдаги улуши 7 % га етган¹. Улар ҳозирнинг ўзида «рақамли иқтисодиёт»нинг жорий қилинишидан жуда катта фойда кўрмоқда. Жумладан, АҚШ йилига 400 миллиард доллардан кўпроқ «рақамли хизмат»ларни экспорт қилмоқда.

Бугунги кунда ушбу давлат ялпи ички маҳсулотининг 5 % идан кўпроғи Интернет ва ахборот-телекоммуникация технологиялари билан боғлиқ соҳаларга тўғри келяпти. 2025 йилгача АҚШ саноатнинг «рақамлаштирилиши»-дан кўшимча 20 трлн доллар даромад олиши кутилмоқда. Бундай иқтисодий самарадорлик, айниқса, истеъмол товарлари ишлаб чиқариш (10,3 трлн доллар), автомобиль саноати (3,8 трлн доллар) ва логистикада (3,9 трлн доллар) юқори бўлиши айтилмоқда.

Жанубий Кореяда «электрон ҳукумат» ва «электрон воситачилик»нинг жорий қилиниши йилига 10–15 миллиард АҚШ доллари миқдорида даромад

¹ Доклад Всемирного банка о мировом развитии «Цифровые дивиденды» // <http://www-wds.worldbank.org>

келтирмоқда. Бу «рақамли иқтисодиёт» учун сарф қилинаётган харажатлардан 30–40 баробар ортиқдир¹.

Хитойда 2015 йилдан бошлаб «Интернет + Хукумат», «Интернет + Ишлов бериш саноати», «Интернет + Молия», «Интернет + Агросаноат» йўналишларини қамраб олган «Интернет +» концепцияси амалга оширилмоқда. 2020 йилга бориб ушбу лойиҳаларни амалга ошириш Хитой иқтисодиётига 600 млрд АҚШ доллари миқдорида иқтисодий самара бериши кутилмоқда².

2014 йилда АҚШда Саноат интернети консорциуми (Industrial Internet Consortium, IIС) ташкил этилди. Унга даставвал жаҳонда машхур «General Electric», «AT&T», «Cisco», «IBM» ва «Intel» корпорациялари бирлашган бўлса, ҳозирга пайтда консорциумга 30 мамлакатнинг 250 тадан кўпроқ компанияси аъзо бўлган. Саноат интернети консорциуми «рақамли иқтисодиётнинг энг истиқболли йўналиши – «Саноат Интернет ашёлари» (Industrial Internet of Things, ПоТ) тизимларини яратишга ихтисослашган. 2020 йилга бориб жаҳонда 2,4 млрд «Интернет ашёлари»га уланиш тахмин қилинмоқда. Бу дунёда глобал иқтисодий ўсишни 11,1 трлн АҚШ долларига қўпайтириш, жаҳон ялпи ички маҳсулотини 11 % га ошириш имконини бериши керак.

«Интернет ашёлари» деганда, ушбу атамани 1999 йилда муомалага киритган Кэвин Эштон таърифи билан айтганда, «уланган технологиялар восита-сида бир-бири ёки ташқи муҳит билан инсон иштирокисиз ўзаро муносабатда бўладиган ҳисоблаш тармоғи концепцияси»³ тушунилади. Уларга мисол тариқасида ҳозирги пайтда кенг оммалашаётган «ақлли иқтисодиёт», «ақлли шаҳар», «ақлли қишлоқ хўжалиги», «ақлли тиббиёт», «ақлли уй» ва ҳоказоларни кўрсатиш мумкин.

Шунингдек, у инфратузилмаларни (коммунал хўжалиги, жамоат транспортини), автомобиллар ва қишлоқ хўжалик техникасини ҳайдовчисиз автомат тарзда бошқариш, жарроҳлик операцияларини роботлар ёрдамида амалга ошириш назарда тутилади. Масалан, Буюк Британияда «Schneider Electric» компанияси амалга оширган тадқиқотлар идоранинг стандарт биносида йилига 1 квадрат метрга 200 киловатт-соат электр энергияси сарф қилинишини аниқлаган. «Интернет ашёлари» концепцияси асосида «ақлли уй» лойиҳасини амалга ошириш ушбу сарфни 2,5 маротабага – 80 киловатт-соатга камайтириш имконини берган.

¹ Садовский Г. Л. Анализ современных тенденций цифровой трансформации промышленности // Молодой ученый. – 2017. – №14. – С. 427-430.

² China unveils targets for 2015: Li Keqiang's speech as it happened // South China Morning Post. March 5 2015. URL: <http://www.scmp.com/news/china/article/1729846/live-li-keqiang-unveils-chinas-annual-work-report>

³ Kevin Ashton. That ‘Internet of Things’ Thing. In the real world, things matter more than ideas. RFID Journal, 22 June 2009.

«Рақамли иқтисодиёт» янги тушунча – «блокчайн»ни (ингл. «block» – «блок» ва «chain» – «занжирча», яъни «блоклар занжирчаси»ни) пайдо қилди. Блокчайн – турли маълумотларни ишонарли ҳисобга олишга асосланган кўп функцияли ва кўп даражали ахборот технологиясидир. Бу криптографика шаклидаги ўзаро боғлиқ блоклар занжирчаси қатъий изчиликка асосланган. Блокчайнда барча маълумотлар тўпланиб, муентазам тўлдириб бориладиган маълумотлар базаси шакллантирилади. Бунда блокчайнга киритилган маълумотларни ўзгартиришнинг иложи бўлмайди. Блокчайнни маълумотлар билан чексиз тўлдириб бориш мумкин. Шунинг учун уни суперкомпьютерга қиёслашади.

Блокчайнга маҳсус қалитлар орқали кирилади. Криптографик ёзув тарзидаги қалит блокчайнни ишлатадиган ҳар бир фойдаланувчидан бўлади. Бу унинг барча тармоғи фойдаланувчилар учун тўла ишонарлилигини таъминлайди. Блокчайн 2009 йилда «биткоин» криптовалютаси пайдо бўлиши билан биратўла яратилган. Томонлар ўртасида муомалада бўлган валюта билан биринчи ҳисоб-китоб Истроилдаги «Wave» стартапи, Буюк Британиянинг «Barclays» банки ва Ирландиянинг «Ortnua» фирмаси ўртасида 100 минг АҚШ доллари аккредитиви орқали амалга оширилган. Агар бундай молиявий операция турли мамлакатлар ўртасидаги анъанавий ҳисоб-китоблар асосида бир ҳафта ва ундан ҳам кўпроқ муддатни талаб этадиган бўлса, блокчайнда бу 4 соат мобайнида бажарилган.

Ҳозирнинг ўзида блокчайндан молиявий операциялар, шу жумладан, «биткоин» криптовалюталари билан савдо қилишдан ташқари қуйидаги мақсадларда фойдаланилмоқда:

- рақамли шахс гувоҳномалари яратилмоқда;
- шифрли муаллифлик ҳукуқи сақланмоқда;
- паспортлар, дипломлар, ҳайдовчилик гувоҳномалари тўғрисидаги маълумотлар сақланмоқда;
- ихтирочилар, адиблар, рассомлар, мусиқачилар ва бошқалар муаллифлик ҳукуқига эга ихтиrolари ва асарларини сотмоқда;
- давлат ва маҳаллий ҳокимият органларининг хужжатлари, ҳисботлари, бошқа маълумотлар сақланмоқда ва бошқалар¹.

Ўзбекистонда ҳам «рақамли иқтисодиёт»ни жорий қилишга катта эътибор берилмоқда. 2017–2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини 2018 – «Фаол тадбиркорлик, инновацион ғоялар ва технологияларни қўллаб-куватлаш йили»да амалга оширишга оид Давлат дастурида «Ақлли шаҳар», «Ақлли маҳалла», «Ақлли уй» ва «Ақлли ҳокимият» концепцияларини ўз ичига олган норматив-ҳукукий хужжатлар тўпламини ишлаб чиқиш назарда тутилган.

¹ С в о н М. Блокчайн: Схема новой экономики. - М.: Олимп-бизнес, 2017. - 240 с.

«Ақлли шаҳар» концепциясини дастлаб мамлакатимиз пойтахти, шунингдек, Тошкент вилоятининг маркази – Нурафшонда амалга ошириш мўлжалланган.

Бирлашган Миллатлар Ташкилотининг Ривожланиш дастури билан ҳамкорликда Тошкент вилоятининг Янгийўл, Ўрта Чирчик, Паркент ва Тошкент туманлари учун «ақлли қишлоқ хўжалиги» лойихаси ишлаб чиқилган. Ушбу лойихага кўра, вилоятдаги 800 та фермер хўжалиги агротехника тадбирларини амалга ошириш учун бепул инновацион тавсиялар билан таъминланиб беради. Ушбу худудларнинг 10 минг гектар майдонида ўрнатиладиган «рақамли технологиялар» сенсорлари орқали олинадиган экинларга энг мақбул муддатлар ва қай тарзда ишлов бериш, уларни озиқлантириш, суғориш, ҳосилнинг етилиши ва бошқа масалалар бўйича тавсиялар тақдим қилинади.

19.4. «Рақамли иқтисодиёт» асосида иш билан бандликка кўмаклашиш

Меҳнат бозорида олиб борилган тадқиқотлар ҳозирги даврда иш билан бандликда жиддий ўзгаришлар содир бўлаётганлигидан далолат беради. Энг аввало, иш кучининг мобиллиги ортиб бормоқда. Корхоналарда тобора кўпроқ ходимлар ишдан бўшаётгани ҳолда, янги ходимларни ёллаш ҳам ортмоқда. Шу билан бирга замонавий малака ва билимларга эга бўлган мутахассисларга талаб муттасил ортиб бормоқда. Ходимларнинг меҳнат шароитлари ҳам тубдан ўзгармоқда. Масофада туриб ишлаш, телиеш, муайян лойиха доирасида шартнома асосида меҳнат фаолиятини амалга ошириш тобора оммалашиб бормоқда. Бу эса кўп жиҳатдан ахборот-коммуникация технологияларининг ривожланиши билан боғлиқ.

«Рақамли иқтисодиёт»да робот техникаси ва сунъий интеллект каби замонавий технологиялар орқали иш жойлари автоматлаштирилмоқда, ишлаб чиқариш тубдан такомиллашяпти, бунинг натижасида, меҳнат унумдорлиги кескин ортиши билан бирга, ушбу жараёнлар бутун жаҳон меҳнат бозорига кучли таъсирини кўрсатмоқда. «McKinsey-MGI» глобал институти экспертирининг фикрича, рақамли технологиялар яқин 20 йил ичida ҳозирги пайтда ишлаб чиқаришда ходимлар иштирокида бажарилаётган операцияларнинг 50 % га яқинини автоматлаштириш имконини беради¹.

Ишлаб чиқаришнинг автоматлаштирилиши бугунги кунда меҳнат фаолиятини амалга ошириш учун ўрта малака талаб қилинадиган иш жойларига ҳам таъсир кўрсатиши шубҳасиздир. Оқибатда ана шу тоифа ходимларнинг анчагина қисми қисқартирилиши талаб қилинади. Сўнгги маълумотларга

¹ Measuring the Digital Economy/ A new perspective // <http://ec.europa.eu/eurostat/documents>

мувофиқ, жаҳонда 192,7 млн киши ишсиз, меҳнатга лаёқатли ахолининг 30 дан 45 % гачаси иш излаётганлиги ёки қисман иш билан бандлиги, деярли 75 млн ёшлар расман ишсиз сифатида рўйхатга олинганлиги ҳисобга олинса, фан-техника тараққиёти ютуқларининг ишлаб чиқаришга кенг жорий этилиши жаҳон меҳнат бозорига жиддий таъсир кўрсатиши шубҳасизdir¹.

Шу билан бирга 2017 йилдаги статистика маълумотларига кўра, жаҳондаги ахолининг ярми Интернетдан фойдаланмоқда. Бу «рақамли иқтисодиёт»ни ривожлантириш имкониятлари тобора ортаётганлиги ва инсониятнинг меҳнат фаолияти тубдан ўзгаришини англатади.

Рақамли технологиялар меҳнат бозорига ижобий таъсир кўрсатишини таъкидлаш керак. Энг аввало, «рақамли иқтисодиёт» иш ҳақи даражаси юқори бўлган янги иш жойларининг яратилишига хизмат қиласи. Буни, жумладан, АҚШнинг «GE» машинасозлик компанияси мисолида яққол кўриш мумкин. Ушбу компания 2020 йилгача бўлган даврда рақамли технологиялардан фойдаланиладиган жаҳондаги энг йирик ўнта компания қаторидан ўрин олишни ўз олдига мақсад қилиб қўйган. «GE», жумладан, дастурчи ходимларининг сонини 20 минг кишига етказишни режалаштирумокда. Буни машинасозлик соҳасида мисли кўрилмаган инқилобий стратегия сифатида баҳолаш мумкин².

Рақамли технологияларнинг меҳнат бозорига таъсири юзасидан ўтказилган тадқиқотлар сўнгги 15 йил мобайнида Интернетнинг ривожланиши жаҳонда паст малака талаб қиласидан 500 мингта иш жойи йўқотилгани ҳолда, ушбу даврда 1,2 млн янги, юқори технологияларга асосланган иш жойлари яратилганлигидан далолат беради³.

«Рақамли иқтисодиёт» меҳнат унумдорлигини оширишга ҳам хизмат қилмоқда. Бундай иқтисодиётда, биринчидан, рақамли технологиялар ходим малакасининг тақдим этилаётган иш жойига тўлиқ ва аниқ мувофиқ бўлишини таъминлайди. Шу билан бирга, у ишсизликни камайтиради, чунки ходимга ахборот технологиялардан фойдаланган ҳолда ўзи учун иш топиш муддатини кескин қисқартиради. Буни АҚШнинг иш кучига талаб ва унинг таклифи га ихтисослашган «LinkedIn» платформаси мисолида кўриш мумкин. Ушбу платформада бутунги кунда мамлакатнинг 130 млн фуқароси рўйхатдан ўтган. Бу, айниқса, ўз мутахассисликлари учун маҳаллий бозорларда талаб катта бўлмаган йирик шаҳарлардан олисдаги ҳудудларда яшовчи иш қидираётганларга қўл келади. Улар ўз меҳнат фаолиятларини масофада туриб амалга ошириш имкониятига эга бўлади.

Рақамли технологиялар аввал меҳнат бозорида мавжуд бўлмаган касб ва мутахассисликларни ҳам яратди. Уларга рақамли маркетинг, маълумотлар ба-

¹ Technology, jobs, and the future of work // <http://www.mckinsey.com>

² World employment and social outlook. <http://www.ilo.org>

³ World employment and social outlook. <http://www.ilo.org>

засини таҳлил этиш ва хусусий маълумотларни ҳимоя қилиш, Интернет-блогер ва бошқа кўпгина замонавий ихтисосликларни мисол қилиб келтириш мумкин.

«Рақамли иқтисодиёт» иш билан виртуал бандликни таъминлаш имкониятини ҳам яратади. Иш билан виртуал бандлик, яъни масофада туриб ишлаш концепцияси 1972 йилда америкалик Жек Гиллес томонидан ишлаб чиқилган. У барча ходимларнинг ҳам сўзсиз муқим иш жойларида меҳнат фаолиятини амалга ошириши шарт эмаслиги, чунки баъзи функцияларни ахборот технологиялари асосида масофада туриб бажариш мумкинлиги ғоясини илгари сурган. У ўз назариясини амалиётда синаб кўриш учун Жанубий Калифорния университетида тажриба ўтказган. Натижада, маҳаллий маъмурлар ушбу ғоя шаҳарлардаги транспорт тирбандлиги ва бошқа қатор муаммоларни ҳал қилишда қўл келишини ҳисобга олган ҳолда, иш билан виртуал бандликни амалга оширишга киришганлар.

Иш билан виртуал бандликда ижтимоий-меҳнат муносабатлари анъанавийлардан қуидагилар билан фарқланади:

- ижтимоий-меҳнат муносабатлари субъектлари ўртасидаги муносабатлар ҳамкорлик, шериклик хусусиятига эга бўлади. Чунки ходим меҳнат фаолиятини иш берувчидан масофада туриб амалга оширади;
- ходимлар раҳабарият томонидан назорат қилинмайди, мустақил қарорлар қабул қиласди, ўз меҳнатини мустақил ташкил этади;
- иш вақтидан фойдаланишда ходимлар катта эркинликка эга, улар ўз иш вақтларини мустақил режалаштиради.

Масофада туриб ишлашда анъанавий иш жойи хусусиятида ҳам жиддий ўзгаришлар рўй беради (19.3-жадвал).

19.3-жадвал

Анъанавий ва виртуал иш жойларининг хусусиятлари

Хусусиятлар	Анъанавий иш жойлари	Виртуал иш жойлари
Амал этиш вақти	Доимий, барча ходимлар учун бир хил, масалан соат 9 дан 18 гача	Ходим учун энг мақбул пайтда
Иш ўрнининг жойлашиши	Коида бўйича, корхонада, ташкилот ва муассаса идорасида	Ходим учун энг мақбул жойда
Амал этиш муддати	Асосан узоқ муддатли	Асосан киска муддатли, шартномада кўрсатилишича
Иш берувчи	Асосан битта	Кўпинча бир нечта
Меҳнатга ҳақ тўлаш шакли	Вақтбай ва соатбай	Соатбай

«Рақамли иқтисодиёт»да иш билан бандлик ноодатий деб номланаётган меҳнат фаолиятини юзага чиқарди. Ноодатий меҳнат фаолияти ва иш билан бандлик иқтисодий адабиётда кенг талқин этилади. Улар шакли бўйича меҳнат шартномаларини тузиш (шошилинч битимлар, қисман иш билан бандлик ва ҳоказолар) меҳнат фаолиятини амалга ошириш учун сарфланадиган вақт (кун, ҳафта, ой), меҳнат функциялари (масалан, лойиҳада ишлаш) бўйича таҳлил этилади. Шу билан бирга ноодатий меҳнат фаолияти ва иш билан бандликда ўз фаолиятини Интернет орқали амалга оширадиганлар ўзини ўзи билан килгандар хос тоифасига киритилмоқда.

Ноодатий иш билан бандликда, энг аввало, рақамли иқтисодиётда Интернетда иш билан бандлик оммалашиб боряпти. Айни пайтда ходимлар ўтрасида меҳнат бозорида рақобат тобора кескинлашяпти ва меҳнат тақсимоти кучаймокда. Бундай меҳнат фаолияти ишни уйда (телеиш), мижознинг худудида (хизмат кўрсатиш), хизмат вазифасини бажариш учун бошқа худудларда (кўргазмалар, анжуманлар) ташкил этиш турларини пайдо қилди. Германияда ўтказилган ижтимоий сўровлар хозирги пайтда ходимларнинг 30,0 % корхона ёки муасаса худудидан ташқарида меҳнат фаолиятини амалга ошираётганлигини кўрсатди. Шу билан бирга, сўровда иштирок этганларнинг ҳар 5 нафаридан 4 таси иш жойларининг технологик жиҳозланиши тубдан ўзгарганлигини кўрсатдилар. Шунингдек, меҳнат вазифаларини бажариш суръатлари кескин ортмоқда. Мобил воситалар орқали ходимларга топшириқлар дарҳол етказилмоқда.

Келажак иш кучи учун энг муҳими ахборот технологияларини эгаллаш ҳисобланади. Ушбу технологияларни фақат тор мутахассисларгина эмас, турли касбдаги барча ходимлар эгаллаши зарурати туғилмоқда. Бу жараён «малаканинг янгиланиши» номини олди. Жумладан, хозирги даврда ривожланган давлатларнинг компанияларида меҳнат функцияларини бажаришда Интернет технологияларидан тобора кенг фойдаланилмоқда. Масалан, Германияда ходимларнинг 80 % рақамли технологияларни эгаллаган. Бу малака рақамли саводхонлик номини олди. Бу янги техникавий воситалар ва у билан боғлиқ ахборот ва коммуникатив тармоқлардан малакали фойдаланишни англатади.

Рақамли иқтисодиётда эндиликда ишсизлик аввалги маъносини ўзгартирмоқда, чунки хозирги пайтда рақамли технологиялар орқали иш жойлари эмас, балки меҳнат фаолияти топшириқлари тақсимланмоқда (масалан, кимошди воситасида).

Рақамли технологиилар ходимни юқори малака ва билим билан бирга масъулиятни ўз зиммасига олишни ва меҳнат фаолиятини мухтор равишда амалга оширишни талаб қилмоқда. Эндиликда ходим ўз меҳнат фаолиятини ўзи тартибга солади, унинг натижалари ва меҳнатига хақ тўлаш Интернет

орқали тақдим этилаётган таклифлардан келиб чиқкан ҳолда амалга оширилади. Айни пайтда ходимнинг меҳнат фаолиятининг ташқи назорати унинг ўзини жалб этмаган ҳолда маълумотлар, ҳисботлар орқали амалга оширилади.

Виртуал иш жойларининг бошқа афзалликлари ҳам кўп. Жумладан, ушбу усул меҳнат жараёнига қўшимча равишда ногиронлар, фарзандларини парвариш қилаётган аёллар, талаба ёшларни жалб этиш орқали иш билан бандликни ривожлантириш, меҳнат бозорини баркарорлаштиришга хизмат қиласди. Айни пайтда иш кучи ортиқча бўлган минтақалардаги аҳоли бошқа жойда, шу жумладан, хорижий мамлакатлар иш берувчилари билан шартнома асосида меҳнат фаолиятини амалга ошириш имкониятига эга бўлади.

Виртуал иш билан ҳозирги пайтда, жумладан, АҚШда 20 млн, Европа Иттифоқида эса 4 млн киши банд. Америкалик эксперталарнинг ҳисоблаб чиқишича, агар мамлакатда ходимларнинг 10,0–20,0 % виртуал ишга ўтказилса, ҳар йили 23 млрд АҚШ доллари тежалади, автомобилларга ишлатиладиган 13 млн тонна ёнилғи иқтисод қилинади, иш жойига бориш ва уйга қайтиш учун 3 млрд соат беҳуда йўқотилмайди¹. Бундай меҳнат фаолияти турларига лойиҳа-конструкторлик, таҳлилий, бухгалтерия ва бошқа кўпгина ишларни бажариш киради.

«Citrix Global Index Workshifting» томонидан жаҳондаги ахборот технологиялари компаниялари ўртасида ўтказилган тадқиқотлар уларнинг 37,0 % ида меҳнат фаолиятининг бундай шакли қўлланилаётганлигини, сўровда иштирок этганларнинг 93,0 % эса ана шундай ходимларни идорадан ташқарида ишлашга ўтказиш ниятлари борлигини кўрсатди². Бундай усул меҳнат фаолиятини инсонпарвалаштириш, ходимга ўз иш ва дам олиш вақтини мустақил режалаштириш каби қўшимча қулайликлар яратади.

Ўзбекистонда ҳам аҳолини виртуал иш билан таъминлаш истиқболлари катта. Шунинг учун, энг аввало, ахборот-коммуникация технологияларини жадал ривожлантириш чоралари кўрилмоқда. 2017 йилнинг ўзида мамлакатда Интернетдан фойдаланувчилар сони икки бараварга ортди ва 14,7 млн кишини ташкил этди. Минтақаларда 18,3 мингта база станциялари ўрнатилган. «Электрон ҳукумат» фаолияти кучайтирилиб, у орқали кўрсатилаётган хизматлар турлари ва ҳажми муттасил ортиб бормоқда.

Халқаро электр алоқа уюшмаси Ўзбекистонни ахборот-коммуникация технологиялари соҳасида жадал ривожланаётган мамлакат сифатида эъти-

¹ Kalugina D. A., Klimova G. G. Use of the modern forms of labor organization of state and municipal services //http://politsocio.uapa.ru/ru-ru/issue/2013/01/12/

² Исследование: к 2013 г. 93 % организаций намерены предоставить сотрудникам возможность мобильной работы /Время электроники // URL: http://www.russianelectronics.ru/leader-r/news/market/doc/58637

роф этди. Ўзбекистон Халқаро электр алоқа уюшмасининг рейтингида 2017 йилнинг ўзида жаҳон мамлакатлари ўртасида бирданига 15 погонага қўтарилиди.

Мамлакатда ахборот-коммуникация технологияларини ривожлантиришда АҚШ ва Франциянинг «Alcatel Lucent», Япониянинг «NEC Corporation» ва «Sumitomo Corporation», Хитойнинг «Huawei Technologies» ва «ZTE Corporation», Жанубий Кореянинг «KT Corporation», Швеция ва Норвегиянинг «Telia Sonera», Финляндия ва Германиянинг «Nokia Siemens», Россиянинг «ВимпелКом» компаниялари Ўзбекистон билан инновацион ҳамкорлик қилмоқда. 2021 йилга бориб мамлакатда яна 270 минг километр оптик-толали алоқа тармоғини ўрнатиш режалаштирилган.

19.5. Меҳнат бозорини такомиллаштириш стратегияси

Халқаро меҳнат ташкилоти ташкил этилганлигининг 100 йиллиги нишонланадиган 2019 йилда «Меҳнат соҳасининг келажаги» стратегик ташабbusи қабул қилиниши кутилмоқда. 2030 йилгача бўлган муддатга мўлжалланаётган ушбу хужжатда меҳнат соҳаси тубдан ўзгараётганлиги ўз ифодасини топади. XMT экспертларининг ҳисоблашича, ушбу мисли кўрилмаган ўзгаришлар турли: технологияларининг жадал ривожланиши, иқтисодиётдаги демографик хусусиятлар, иш билан бандлиқдаги янгиликлар каби омилларни қамраб олади. Бунда, айниқса, қуидагиларга ургу берилади:

- ишни бажариш хусусияти ва жойи аввалари ҳам доим ўзгариб турган бўлса-да, ҳозирда мисли кўрилмаган кўламга эга бўлмоқда ва уларнинг таъсири қучайиши билан бирга, ҳатто қарор топган ижтимоий қадриятларга ҳам раҳна солмоқда;

- меҳнат соҳасидаги ўзгаришларнинг омиллари глобаллашув, автоматлаштириш, компьютерлаштириш, демография, иқлим ва ҳоказоларни қамраб олмоқда.

Меҳнат соҳасидаги бу ўзгаришлар қуидаги оқибатларга олиб келиши башорат қилинмоқда:

- келажакда иш жойи тушунчаси йўқолиши эҳтимолдан холи эмас. Ходим ҳоҳлаган жойда ишлиши мумкин, масофада туриб ишлиш эса одатий ҳолга айланади;

- меҳнат муносабатларининг ўзгариши меҳнат шартномаларини янгича расмийлаштиришни талаб қиласи ва бу ходимларнинг ижтимоий ҳимоя қилиши кафолатларини таъминлай олмаслиги мумкин;

- товарлар ишлаб чиқариш ва хизматлар кўрсатишнинг номарказлашиши қучайиши (уч ўлчовли технологиялар, масофада туриб хизмат кўрсатишлар ва ҳоказолар ҳисобига) билан бир қаторда маълумотлар ва ахборотларнинг

марказлашиши (краудфандинг, бекиёс катта маълумотлар базаси технологиялари ёрдамида) ортиб боради;

– меҳнат соҳасига янги инновациялар – ирсий муҳандислик, нано ва биотехнологиялар, ўта ўтказгичлар ва бошқалар қўшимча таъсир кўрсата бошлиди¹.

Халқаро меҳнат ташкилоти даврнинг ушбу даъватларидан келиб чиқсан ҳолда ҳар бир давлатда меҳнат, айниқса, иш билан бандлик соҳасида миллий истиқбол стратегиялари ишлаб чиқишни тавсия этмоқда.

Инновацион иқтисодиёт шароитларида меҳнат бозорини такомиллаштириш стратегиясининг асосий мақсади меҳнатга лаёқатли ахолининг меҳнат қилиш конституциявий ҳуқуқини кафолатлаш, муносиб меҳнатни ва иш ҳақини, ижтимоий ҳимояни таъминлашга йўналтирилган бўлиши керак.

Ана шундай меҳнат бозорини ривожлантиришнинг эътиборга лойик стратегиялари қаторида 2010 йилда Европа Иттифоқи томонидан қабул қилинган «Европа 2020». Европанинг оқилона, барқарор ва инклюзив ўсишининг стратегияси мисол бўла олади. Ушбу стратегиянинг асосий мақсадларидан бири сифатида 2020 йилгача ушбу ҳамжамиятда 20–64 ёшдаги ахолининг иш билан бандлиги даражасини 75,0 % га етказиш вазифаси кўзланган.

Белгилangan стратегик мақсадни амалга ошириш учун Европа комиссияси «Янги кўнималар ва янги иш жойлари» ташаббусини илгари сурди. Мазкур ташаббус қуидагиларни назарда тутади:

– меҳнат бозорини модернизация килиш;

– меҳнатга лаёқатли ахолининг касб ва ихтисослик кўнималарини бутун умрлари давомида такомиллаштириб бориш ҳисобига меҳнат бозоридаги конъюнктуруни яхшилаш;

– меҳнат ресурсларининг мобиллигини ошириш ва бошқалар.

Европа Иттифоқи мамлакатларида меҳнатга лаёқатли ахолининг иш билан самарали бандлиги даражасини оширишнинг асосий стратегияси сифатида билимга асосланган ва инновацион иқтисодиётни ривожлантириш белгилangan. Бунинг учун «Инновацион Иттифоқ» («Innovation Union») ташаббуси ишлаб чиқилди. Стратегиянинг энг муҳим йўналиши ҳисбланган бу ташаббусга кўра, новаторлик фояларини янги товарлар ва хизматларга айлантириш ҳисобига инновацион иқтисодиёт ўсиши суръатларини ошириш ва ахолининг иш билан самарали бандлигини таъминлаш мақсади кўзланган.

Европа Иттифоқининг меҳнат бозорини такомиллаштириш стратегиясининг муҳим йўналишларидан бири сифатида *флексикьюрити* (ингл. «flexibility» – «эгилувчанлик» ва «security» – «хавфсизлик») концепцияси ишлаб чиқилди.

¹ The End to Poverty Initiative - The ILO and the 2030 Agenda; Director-General's report to the ILC. Geneva : ILO, 2016.

Концепциянинг моҳияти эгилувчан мәхнат бозорида фаол сиёсатни амалга оширишни ишсизларнинг самарали ижтимоий ҳимоясини кафолатлаш билан бирга қўшиб олиб боришдир. Ушбу концепция даставвал Данияда амалга оширилганидан кейин Европа Иттифоқининг бошқа мамлакатларида ҳам кенг қўлланила бошланди. У қуйидаги тўрт тамойилга асосланган:

- иш берувчилар билан ходимлар ўртасида ҳар икки томон учун мәхнат жараёнининг талаб қилинган эгилувчанлигини таъминлайдиган шартномавий муносабатлар, шунга мувофиқ иш билан бандликнинг ҳимояланишини кафолатланган қонунчилик;
- ходимнинг касбий қўникмаларини бутун мәхнат фаолияти давомида ривожлантириш ва унинг мәхнат бозорида тез ўзгараётган шароитларга мослашишини таъминлайдиган таълим ва қайта тайёрлаш тизими;
- мәхнат бозорида ходимларнинг мобиллигини рағбатлантирадиган фаол сиёсат (уларнинг ишсизлик ҳолатидан иқтисодий фаолликка тез ўтиши);
- ишсизлар ва иқтисодий фаол бўлмаган фуқароларнинг зарур турмуш даражасини сақлаб туриш имконини берадиган аҳолини ижтимоий ҳимоя қилиш тизими¹.

Бу ўринда инновацион иқтисодиётда мәхнат бозорини тақомиллаштиришнинг стратегияси юқори технологияларга асосланган ишлаб чиқаришларни ташкил этишни юқори самарали иш жойларини яратиш ва таълим муассасаларида ана шу иш жойларида мәхнат фаолиятини амалга оширадиган креатив ходимларни тайёрлашни биргаликда амалга оширишга йўналтирилиши кераклигини таъкидлаш лозим.

Инновацион иқтисодиётнинг *креатив ходими* – мәхнат бозорида ракобатбардош, интеллектуал, ижодкор, ўз инсон капиталини муттасил ошириб борадиган, инновацияларга, муттасил ва тез-тез ўзгариб турадиган шарт-шароитларига қисқа муддатда мослаша олишга қодир шахсадир.

Инновацион иқтисодиётда инновацион мәхнат фаолияти қуйидаги хусусиятлар билан ажралиб туради:

- ишлаб чиқаришдаги инновацион ва инвестицион мухит, юқори самарали иш жойлари тизими, ишлаб чиқариш жарёнининг инновацион ташкил этилиши;
- мәхнатнинг интеллектлашуви. Иқтисодий ҳамкорлик ва ривожланиш ташкилоти статистика хизматининг маълумотларига кўра, ҳозирги вақтда ривожланган давлатларда иш билан ходимларнинг деярли 65 % интеллектуал мәхнат фаолиятини амалга оширмоқда;
- ходимнинг инновацион тури – креативлиги, унинг ташаббускорлиги, фаоллиги, масъулияти, жамоа билан ишлаш қўникмалари, эгилувчанлиги, мобиллиги, руҳий барқарорлиги ва бошқалар.

¹ European Employment Strategy (EES) //http://n-europe.eu

Инновацион иқтисодиётда меҳнат бозорини такомиллаштириш стратегияси қўйидаги мақсадларга йўналтирилиши керак:

- инновацион иш жойлари яратиш;
- меҳнат бозорининг мониторинги, таҳлили ва прогнозларини такомиллаштириш;
- аҳолининг иш билан бандлигини таъминлаш хизматлари ўртасида рақобат муҳитини яратиш;
- меҳнат ресурсларининг мобиллигини рағбатлантириш;
- меҳнатга лаёқатли аҳоли, иш берувчилар ва давлат манфаатларининг уйғунлигини таъминлаш.

– меҳнат бозорида ижтимоий шерикликни ривожлантириш ва бошқалар.

Меҳнат бозорини такомиллаштириш стратегиясининг аниқ йўналишларини прогнозлашдан аввал SWOT таҳлили асосида мамлакатнинг (минтақа, иқтисодиёт тармоғининг) рақобат устунлиги, иш билан оқилона бандликни таъминлашга тўсқинлик қилаётган омиллар ҳамда мавжуд ва истиқболдаги иш билан бандлик даражасини ошириш имкониятлари аниқлаб олиниши керак (19.4-жадвал).

Меҳнат бозорининг мониторинги, таҳлили ва прогнозлари тизимини такомиллаштириш учун иқтисодиёт, унинг тармоқларининг малакали ходимлар ва мутахассисларга эҳтиёжи прогнозини ишлаб чиқиш талаб қилинади. Бунда иш билан бандлик тизимида инвестиция лойихаларининг амалга оширилиши, ишлаб чиқаришни модернизация ва диверсификация қилиш, унда кутилаётган технологик ва инновацион ўзгаришлар ҳисобга олиниши керак.

Меҳнат ресурсларини шакллантириш, иш билан таъминлаш ва иқтисодиёт тармоқларида тақсимлаш жараёнларининг самарадорлигини ошириш стратегик йўналишлари қўйидагиларни қамраб олади:

- малакали ходимлар ва мутахассислар тайёрлашнинг тизимини ижтимоий-иктисодий ривожлантириш стратегияси устуворликларини ҳисобга олган ҳолда такомиллаштириш;
- ходимлар, шу билан бирга вақтинча ишсизларнинг малакасини ошириш, қўшимча касб ва ихтисосликларга ўргатиш таълим тизимини шакллантириш ва ривожлантириш;
- меҳнат ресурсларининг мобиллигини фаоллаштириш (янги иш жойлари тўғрисида беғараз хизматларни йўлга қўйиш, уй-жой билан таъминлаш ва бошқа имтиёзлар тақдим этиш);
- меҳнат бозори талаби асосида касблар ва изтисосликлар бўйича стандартлар ишлаб чиқиш ва уларни жорий этиш.

Меҳнат бозорини такомиллаштириш стратегиясида иш билан бандлик хизматлари фаолиятини сифат жиҳатдан янги юқори поғонага кўтариш лозим. Иш билан бандлик соҳасида фуқаролар ва иш берувчилар учун давлат

хизматларининг сифати тубдан янги поғонага кўтарилиши керак. Бу, энг аввало, меҳнат бозорида ахборот технологияларини кенг жорий этишни талаб қиласди.

19.4-жадвал

Меҳнат бозорининг SWOT таҳлили йўналишлри

Мамлакатнинг (мintaқa, иқтисодиёт тармоғининг) рақобат устунилиги	Иш билан оқилона бандликни таъминлашга тўсқинлик қилаётган омиллар	Мавжуд ва истиқболдаги иш билан бандлик даражасини ошириш имкониятлари
Мавжуд ва истиқболдаги меҳнат ресурсларининг сони	Меҳнат ресурслари ортишининг янги иш жойларига нисбатан номутаносиблиги	Самарали иш билан бандликни таъминлаш имкониятига эга тармоқларини ривожлантириш
Меҳнат ресурсларининг сифати (билими, ихтисослиги (касби), малакаси	Мintaқa, иқтисодиёт тармоғининг инвестициявий жозибадор эмаслиги	Иш билан бандлик турларини ривожлантиришни қўллаб-куватлаш
Мамлакатни (mintaқa, иқтисодиёт тармоғини) ривожлантириш истиқболлари	Меҳнат сигими юкори бўлган тармоқлар имконияти ишга солинмаганилиги	Мамлакатни стратегик ривожлантириш асосида кадрларни олдиндан тайёрлашни таъминлаш
Меҳнат бозоридаги рақобат даражаси	Меҳнат бозорида меҳнат ресурсларига талаб ва таклифи ўртасида сифат номутаносиблиги	Мintaқa, иқтисодиёт тармоғи инвестициявий жозибадорлигини ошириш
Ишсизлик даражаси	Меҳнат ресурслари мобиллигининг фаол эмаслиги	Меҳнат ресурсларининг сифатини ошириш
Меҳнат ресурсларининг мобиллиги даражаси	Меҳнат унумдорлиги паст иш жойларида иш билан бандлар сонининг кўплиги	Иш билан таркибий бандлик номутносибликни бартараф этиш
Иш билан мустақил бандликни (тадбиркорлик) ривожлантириш истиқболлари	Иш билан бандлик хизматлари фаолиятининг сустлиги	Меҳнат ресурсларининг мобиллигини рағбатлантириш

Улардан фойдаланган ҳолда иш билан бандликнинг эгилувчан турларини (масофада туриб ишлаш, телиеш, аутсорсинг, фрилансер, аутстаффинг, кворкинг ва бошқалар) фаол тарғиб этиш, бунга, айниқса, хусусий рекрутинг хизматларини кенг жалб этиш мақсадга мувофиқдир.

19.6. Янги иш жойларини яратиш бўйича давлат дастурлари

Ўзбекистон Республикаси Президенти Ш. Мирзиёев кўрсатиб ўтганидек, «Аҳолини иш билан таъминлаш биз учун нафақат иқтисодий, айни пайтда катта ижтимоий аҳамиятга эгадир»¹. Ҳаракатлар стратегиясида «янги иш ўринларини яратиш ҳамда аҳолининг, энг аввало, ўрта махсус ва олий ўкув муассасалари битирувчилари бандлигини таъминлаш, меҳнат бозори мутаносиблигини ва инфратузилмаси ривожланишини таъминлаш, ишсизлик дараҷасини камайтириш» вазифалари белгилаб берилган.

Авваллари янги ташкил этилган барқарор иш ўринлари сонининг меҳнат бозори талабларига мос келмаслиги меҳнат бозорида мувозанатнинг бузилишига, республикамизнинг айрим минтақаларида ишсизлик даражасининг ошиб кетишига, ноқонуний меҳнат миграцияси ва норасмий бандликнинг ўсишига олиб келган эди. Ҳаракатлар стратегияси асосида мамлакатда меҳнат бозорининг жорий ва истиқболдаги эҳтиёжларини ҳисобга олиб иш ўринларини ташкил этиш ва кадрлар тайёрлашга давлат буюртмасини шакллантириш тизими яратилган (19.3-расм).

Иш ўринларини ташкил этиш ва кадрлар тайёрлашга давлат буюртмасининг асосий вазифалари қўйидагилардан иборат:

- мутахассислар тайёрлашнинг олдиндан белгиланган касбий-малака тузылмаси ҳамда иш топишда қийинчиликларга учраётган ва меҳнат бозорида тенг шароитларда рақобат қилолмаётган банд бўлмаган шахсларни ишга жойлаштиришга бўлган эҳтиёжларини инобатга олиб, таълим муассасалари битирувчиларини кафолатли ишга жойлаштириш учун мақсадли иш ўринларини ташкил этишни таъминлаш;


- меҳнат бозоридаги мутахассисларга олдиндан белгиланган эҳтиёжини ҳисобга олиб, таълим муассасалари томонидан кадрлар тайёрлашнинг прогноз кўрсаткичларини аниқлаш йўли билан кадрлар тайёрлаш тузилмасини мақбуллаштириш².

Иш ўринларини ташкил этишига давлат буюртмаси – ишсиз фуқароларни ишга жойлаштириш учун зарур ташкилий-техник тавсифларга эга бўлган муайян миқдорда иш ўринларини ташкил этишни таъминлаш юзасидан иш берувчиларга берилган топшириқдир.

¹ Мирзиёев Ш. М. Конун устуворлиги ва инсон манбаатларини таъминлаш – юрг тараққиёти ва халқ фаровонлигининг гарови / Ўзбекистон Республикаси Конституцияси қабул қилинганинг 24 ийллигига бағишлиланган тантанали маросимдаги маъруза // Халқ сўзи, 2016 йил 8 декабрь

² Ўзбекистон Республикаси Вазирлар Маҳкамасининг 2017 йил 28 октябрдаги «Меҳнат бозорининг жорий ва истиқболдаги эҳтиёжларини ҳисобга олиб иш ўринларини ташкил этиш ва кадрлар тайёрлаш давлат буюртмасини шакллантириш тартиби тўғрисидаги низомни тасдиқлаш ҳақида»ги Қарори // Конун хужжатлари маълумотлари миллий базаси, 31.10.2017 й., 09/17/877/0190-сон

Иш ўринлари ташкил этиш давлат буюртмаси меҳнат ресурсларини жалб этиш эҳтиёжларидан келиб чиқиб, ривожлантириш дастурларига киритилган лойиҳаларни амалга ошириш ҳамда банд бўлмаган шахсларни ишга жойлаштириш учун келгуси йил учун шакллантирилади.



19.3-расм. Иш ўринларини ташкил этишга давлат буюртмасини шакллантириш тартиби

Маҳаллий ижро этувчи ҳокимият органлари томонидан иш ўринлари ташкил этиш давлат буюртмасини шакллантирилиш миңтака ҳудудида фаолият юритаётган ташкилотларнинг ишлаб чиқариш (товарлар, ишлар, хизматлар) ҳажмлари кенгайтирилиши ва оширилиши учун кадрларга бўлган эҳтиёжни, янги хусусий ва кичик тадбиркорлик субъектларини ташкил этиш тенденцияларини таҳлил қилиш ҳамда ташкилотларнинг таклифлари асосида амалга оширилади.

Иш ўринлари ташкил этиш давлат буюртмаси шакллантирилишини мувофиқлаштириш Бандлик ва меҳнат муносабатлари вазирлиги ва Иқтисодиёт вазирлиги томонидан амалга оширилади.

Иш ўринлари ташкил этишга эҳтиёжнинг бирламчи кўрсаткичлари:

- ривожлантириш дастурларига киритилган лойиҳаларни амалга ошириш доирасида янги ишлаб чиқариш қувватларини ишга тушириш ёки мавжуд қувватларни кенгайтириш;
- хизмат кўрсатиш ва сервис, янги турар жойлар қурилиши соҳаларида ги обьектлар ҳамда ишлаб чиқариш, ижтимоий ва бозор инфратузилмаси обьектларини ишга тушириш;
- қишлоқ хўжалиги экинлари ҳосилдорлигини ошириш эвазига қишлоқ хўжалик маҳсулотларини етиштиришни кенгайтириш, янги боғлар ва токзорларни барпо этиш, чорва моллари сонини кўпайтириш;
- аҳолининг тадбиркорлик фаоллиги ўсиши, янги тадбиркорлик ва ҳунармандчилик субъектларини ташкил этиш, тадбиркорлик субъектларига тижорат банклари кредитларини ажратиш;
- ишлаб чиқариш фаолиятини ташкил этиш учун фойдаланилмаётган биноларни инвестиция ва ижтимоий мажбуриятлар асосида «ноль» қийматда тақдим этиш ҳамда давлат мулкини ижарага бериш орқали инвестиция лойиҳалари ва хусусийлаштирилган корхоналарни ривожлантириш «йўл хариталари»ни амалга ошириш муносабати билан зарур иш ўринларини аниqlаш асосида ҳисоблаб чиқиш.

Ўзбекистонда маҳаллий ижро ҳокимияти раҳбарлари ва иқтисодий комплекснинг ҳудудий органлари раҳбарларини аҳолининг иш билан бандлигини ошириш учун моддий рағбатлантириш ва шахсий масъулиятини кучайтириш тизими жорий этилган. Ушбу тизимнинг ҳуқуқий асосларига мувофиқ Қорақалпоғистон Республикаси Вазирлар Кенгаши раиси, вилоят, шаҳар ва туманлар ҳокимлари аҳоли бандлиги ўсишининг тасдиқланган ҳар чорак прогноз кўрсаткичлари бажарилишини таъминлаган тақдирда, уларга лавозим маошларининг 15 % миқдорида мукофот тўланади, прогноз кўрсаткичлари бажарилиши таъминланмаган тақдирда – лавозим маошлирининг 15 % миқдорида жарима шаклида интизомий жазо чоралари қўлланилади.

Қорақалпоғистон Республикаси Вазирлар Кенгаши раиси, вилоят, шаҳар ва туман ҳокимларининг биринчи ўринбосарларига, иқтисодий комплекснинг худудий органлари раҳбарларига, прогноз кўрсаткичлари бажарилиши таъминланган тақдирда, лавозим маошларининг 20 % миқдорида мукофот тўланади, прогноз кўрсаткичлари бажарилиши таъминланмаган тақдирда – лавозим маошларининг 20 % миқдорида жарима солинади¹.

2017–2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси ижросини, аҳоли бандлигини таъминлаш бўйича давлат органлари ишлари самарадорлигини ошириш, аҳолини меҳнат фаолиятига жалб қилиш учун қулай шарт-шароитлар яратиш, шунингдек, янги иш ўринларини ташкил этувчи тадбиркорлик субъектлари фаолиятини рағбатлантириш мақсадида Ўзбекистон Республикаси Бандлик ва меҳнат муносабатлари вазирлиги ҳамда Молия вазирлиги томонидан Аҳоли бандлигини таъминлаш бўйича ишларни такомиллаштириш ва самарадорлигини оширишга доир «Йўл харитаси» ҳам ишлаб чиқилди. Ушбу «Йўл харитаси»да қуидагилар кўзда тутилган:

- Бандлик ва меҳнат муносабатлари вазирлиги ҳузуридаги Бандликка кўмаклашиш давлат жамғармасига қўшимча маблағлар ажратиш;
- Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимларни ҳузурида янги иш ўринлари ташкил этишни рағбатлантириш худудий жамғармаларини ташкил этиш;
- туманлар ва шаҳарларда янги иш ўринлари ташкил этишни назарда тутувчи кичик ва минилойхаларни амалга ошириш учун энг кам иш ҳақининг 500 бараваригача бўлган миқдорда 3 йиллик муддатга, 6 ойлик имтиёзли давр билан, Ўзбекистон Республикаси Марказий банки қайта молиялаштириш ставкасининг 50 фоизи миқдоридаги фоиз ставкаси, шу жумладан, тижорат банкининг ажратиладиган кредит ставкасининг 50 фоизи миқдоридаги маржа билан микрокредитлар ажратиш;
- қишлоқ туманларида, бундан аҳоли сони 5 минг кишидан кўп бўлган аҳоли пунктлари мустасно, сартарошхона хизматларини, якка тартибдаги буюртмалар бўйича кийим тикиш хизматларини, пойабзал таъмирлаш хизматларини кўрсатиш бўйича фаолиятни ташкил этган, шунингдек, жамоат ҳаммомларини ташкил этган якка тартибдаги тадбиркорларни 2023 йил 1 июлгача барча турдаги соликлар тўлашдан озод этиш;
- якка тартибдаги тадбиркорларни ҳар бир ёлланган ходимга тўланадиган қатъий белгиланган соликни тўлашдан озод этиш;

¹ Ўзбекистон Республикаси Президентининг 2017 йил 6 майдаги «Аҳоли бандлигини таъминлаш бўйича олиб борилаётган ишлар натижадорлиги ва самарадорлигини оширишда маҳаллий изро ҳокимияти ва иқтисодий комплекснинг худудий органлари раҳбарларининг шахсий масъулиятини ошириш чора-тадбирлари тўғрисида»ги қарори // Ўзбекистон Республикаси қонун хужжатлари тўплами, 2017 й., 19-сон, 338-модда

– юридик шахс ташкил этмаган ҳолда оилавий тадбиркорлик субъектлари-га З нафаргача доимий ишчиларни ёллашга, улар билан меҳнат шартномаси тузишга, шунингдек, меҳнатга лаёқатли ёшга тўлган бошқа яқин қариндошларини, шу жумладан, меҳнатга лаёқатли ёшга тўлган болалари ва невараларининг эр-хотинларини, меҳнатга лаёқатли ёшга тўлган ака-укалари ва опа-сингилларини, уларнинг эр-хотинларини юридик шахс ташкил этмаган ҳолда оилавий тадбиркорлик субъекти иштирокчилари сифатида жалб қилиш ҳукуқини бериш;

– иш берувчиларга – аҳоли бандлигига кўмаклашиш марказларининг йўлланмаси бўйича ишга қабул қилинган аҳолининг ижтимоий эҳтиёжманд катламларига мансуб ходимларни, шу жумладан, ногиронлиги бўлган шахсларни касбга қайта ўқитиш ва уларнинг малакасини оширишга сарфланадиган харажатларни молиялаштиришга ҳар бир ходим учун энг кам иш ҳақининг З баравари миқдорида тўланиши.

Шу билан бирга Мехнатни рағбатлантириш жамғармаси томонидан Бандликка кўмаклашиш давлат жамғармасига ажратиладиган маблағлар ҳажми 5 % дан 10 % гача оширилди. Бунда барча манбалардан ажратилаётган маблағлар ҳисобга олинса, Бандликка кўмаклашиш давлат жамғармасининг маблағлари қарийб 6 баробар ортади.

«Йўл ҳаритаси»да иш билан банд бўлган аҳолига таддбиркорлик билан шуғуланиши учун энг кам иш ҳақининг 100 бараваригача бўлган микрокредитлар ҳар қандай гаров таъминотисиз бериладиган бўлди¹.

Кадрлар тайёрлаш учун давлат буюртмаси – меҳнат бозори эҳтиёжини малакали кадрлар билан таъминлаш учун зарур касбий малака хусусиятларига эга бўлган мутахассисларни касбга тайёрлаш, қайта тайёрлаш ва малакасини ошириш юзасидан таълим муассасаларига берилган топшириқ ҳисобланади (19.4-расм).

Таълим муассасаларида кадрлар тайёрлаш бўйича давлат буюртмасини мувофиқлаштириш Иқтисодиёт вазирлиги, Олий ва ўрта маҳсус таълим вазирлиги, Халқ таълими вазирлиги ва Молия вазирлиги томонидан амалга оширилади.

Кадрлар тайёрлашга давлат буюртмаси ходимларнинг сон ва сифат таркибининг ўртacha йиллик кўрсаткичларининг ўзгариши, корхоналарни ривожлантириш бизнес-режалари ва стратегиялари, бозор конъюнктурасининг маркетинг тадқиқотлари, худудлар ва тармоқларни ривожлантириш дастурларини амалга ошириш тенденция ва динамикасидан келиб чиқиб шакллантирилади.

¹ Ўзбекистон Республикаси Президентининг 2018 йил 14 июлдаги «Аҳоли бандлигини таъминлаш борасидаги ишларни такомиллаштириш ва самарадорлигини ошириш чора-тадбирлари тўғрисида»ги карори // ЎзА, 2018 йил 16 июль.



19.4-расм. Кадрлар тайёрлашга давлат буюртмасини шакллантиришнинг тартиби

Иш ўринларини ташкил қилиш ва кадрлар тайёрлашга давлат буюртмасини олган ташкилотлар ва таълим муассасалари Бандликка кўмаклашиш дав-

лат жамғармаси маблағлари ҳисобидан фоизсиз ссуда тарзидағи қайтариладиган субсидия ажратилиши учун даво қилишлари мумкин. У битта иш ўрни ёки давлат буюртмаси бўйича кадрлар тайёрлаш мақсадида ташкил қилинган битта ўқувчининг ўрнига қараб, 3 йилгача бўлган муддатга энг кам иш ҳақининг 12 баробаридан ошмаган қийматда тақдим этилади.

Мамлакатда меҳнат бозори инфратузилмасини ривожлантириш, кадрлар тайёрлаш ва иш ўринлари ташкил этиши бўйича давлат буюртмаларини шакллантириш, меҳнатга лаёқатли ахолини, айникса, биринчи марта меҳнат бозорига кириб келаётган ёшларни ва ижтимоий ҳимояга муҳтож фуқароларни ишга кафолатли жойлаштиришга хизмат қилади.

19.7. Аҳолини кичик бизнес ва хусусий тадбиркорликни ривожлантириш асосида иш билан таъминлаш

Кичик бизнес ва хусусий тадбиркорлик ривожини рағбатлантириш – Ҳаракатлар стратегиясида иқтисодиёт соҳасида устувор йўналишлардан бири сифатида белгиланган. Ўзбекистон Республикасининг Президенти Ш. Мирзиёев «Бизнинг яна бир муҳим вазифамиз – кичик бизнес ва тадбиркорлик соҳасини қўллаб-қувватлаш ва рағбатлантириш, мамлакатимиз иқтисодий қудратини, юртимизда тинчлик ва барқарорлик, ижтимоий тотувликни мустаҳкамлашдан, бу соҳа улушини янада ошириш учун қулай шарт-шароитлар яратиб беришдан иборат. Нега деганда, тадбиркор нафақат ўзини ва оиласини, балки ҳалқни ҳам, давлатни ҳам боқади. Мен такрор бўлса ҳам айтишдан ҳеч қачон чарчамайман, яъни “Халқ бой бўлса, давлат ҳам бой ва қудратли бўлади”. Шунинг учун бундан кейин тадбиркорликни ривожлантиришга тўсқинлик қилиш – давлат сиёсатига, Президент сиёсатига тўсқинлик қилиш, деб баҳоланади», деб уқтирган¹.

Кичик бизнес – бозор иқтисодиётининг асоси, иқтисодий ўсиш суръатларини, ялпи милллий маҳсулот таркиби ва сифатини, аҳолининг иш билан бандлиги ва даромади даражасини белгилайдиган етакчи сектор ҳисобланади. Шунинг учун бутун дунёда кичик бизнесни ҳар тарафлама кенг ривожлантиришга биринчи даражали эътибор қаратилади.

Кичик бизнеснинг ривожланганлиги даражаси ва тадбиркорларнинг фоллиги давлатнинг демократлаштирилиши ва миллий иқтисодиёт очиқлиги, ишбилармонлик мухити асосий мезонларидан биридир. Иқтисодиётнинг бу секторидаги рақобат товарлар ва хизматлар нарх-навосини барқарор ушлаб

¹ Мирзиёев Ш. М. Эркин ва фаровон, демократик Ўзбекистон давлатини мард ва олижаноб ҳалқимиз билан бирга қурамиз. Халқ сўзи, 2016 йил 15 декабрь.

туришга, тадбиркорларнинг маҳсулот сифатини муттасил яхшилаб бориш ва янги технологияларни жорий қилишга ундейди. Кичик бизнеснинг улкан салоҳияти уни моддий, молиявий ва инсон ресурслари ва капитали қатори ишлаб чиқаришнинг асосий омилларидан бирига айлантирган.

Кичик бизнес – тадбиркорлик фаолиятига асосланган, кичик шаклда амалга ошириладиган, бевосита бирорта монопол корхона таркибига кирмайдиган хўжалик юритувчи субъектdir. У ишлаб чиқаришнинг, бир томондан, энг кам микдорда моддий, табиии ресурсларни жалб этган ҳамда инсон капиталидан имкон қадар тўлиқ фойдаланган ҳолда моддий неъматлар яратадиган ўзига хос сектори бўлса, иккинчи томондан, аҳолининг ўз билими, малақаси, ташкилотчилик қобилияти, истеъдодини намоён қиласидиган, ўзини ўзи маблағ, турли моддий неъматлар билан таъминлайдиган соҳадир. Кичик бизнес маҳсулотларнинг янги турларини ва бозорнинг янги «токча»ларини тезкорлик билан эгаллайди, товарлар ишлаб чиқариш ва хизматлар кўрсатишни истеъмолчига яқинлаштиради, йирик бизнес учун манфаатли ҳисобланмаган тармоқларда айниқса жадал ривожланади. Хўжалик юритувчи ушбу субъектлар учун маҳаллий хомашёдан оқилона фойдаланиш, инвестицияларни жадал ўзлаштириш, айланма маблағлардан самарали фойдаланиш хосдир.

Жаҳон амалиётида кичик бизнес субъектлари турли ташкилий-хукуқий шаклга эга бўлган тадбиркорлик ҳисобланади. Бунда «бизнес» ва «тадбиркорлик» тушунчалари кўп ҳолларда бир маънода қўлланилади. Аммо улар орасида муайян фарқлар мавжуд (19.5-расм).

Юртимизда тадбиркорлик азалдан халқимиз учун хос бўлган, жамиятда юксак қадрланган. Қадим даврларда ёқ ўлкамиз тадбиркорлари маъдандан металл ажрата олишган, курол-аслаҳа, асбоб-ускуна, зеб-зийнат буюмлари ясаганлар, мато тўкишган, тери ошлашни ва чарм маҳсулотлар ҳамда чархда идиш тайёрлашни билганлар.

Милоддан аввалги II асрдан бошлаб ҳунармандчилик савдосида Буюк ипак йўли мухим аҳамиятга эга бўлган. Ўрта асрларда Шарқ мамлакатларида, хусусан, Ўрта Осиёда ишлаб чиқарилган шойи, чинни буюмлар Европа бозорларида қадрланган.

Машхур «Шоҳнома» асари давлатимиз пойтахти – кўхна Чоч камони ва ўқ-ёйлари – «камони чочий» билан машхур бўлганлигидан гувоҳлик беради. Шу билан бирга Хоразм ип матолари ва гиламлари, Марв шойиси, Фарғона мис ва Темирдан тайёрланган қурол-аслаҳалари, пичоқлари, Бухоро шиша буюмлари билан машҳур бўлган.

Амир Темур ўз салтанатида тадбиркорлар ҳамда шижаатли инсонларни ғоят қадрлаган. Ўз тузукларида улар ҳақида сўз юритар экан, тажрибали бир киши минглаб кишига иш буюриши ҳақида таъкидлаган.

Бухоро, Хива, Самарқанд, Кўқон, Тошкент каби шаҳарларнинг ишлаб чиқариш муносабатларида хунармандчилик катта роль ўйнаган. Масалан, Хивада хунармандчиликнинг 27 тури ривож топган, шаҳардаги бозорларда хунармандларнинг 556 та дўкони бўлган. 1880-йилларда бу ерда 2528 хўжалик хунармандчилик билан шуғулланган.



19.5-расм. «Кичик бизнес» ва «тадбиркорлик» тушунчаларининг моҳияти

Бу даврга келиб хунармандчилик чуқур ихтисослашган. Масалан, терини қайта ишлаш соҳасида: кўнчилар, этикдўзлар, маҳсидўзлар, ковушчилар, эгар-жабдуқчилар, телпакчилар, пўстинчилар, камарчилар; тўқимачилик соҳасида: бўзчилар, атласчилар, гиламчилар, шолча ва наматчилар; металлни ишлаш соҳасида: темирчилар, тақачилар, мисгарлар, чиланглар, заргарлар каби тармоқ тузилмалари ва тегишли равишда касб-хунарлар шаклланган.

Тарихий манбаларда XX аср бошида Ўзбекистонда 50 мингдан кўпроқ хунармандлик устахоналари мавжуд бўлиб, уларда 110 минг кишидан кўпроқ меҳнат қилганлиги қайд этилган. Бу вактда тадбиркорлар саноат ишлаб чиқаришини ривожлантиришга ҳам салмоқли ҳиссаларини қўша бошлаган. 1904 йилда Марғилонда 44 саноат корхонасидан 33 таси маҳаллий хунармандларга қарашли бўлган¹.

¹ Ўзбекистон миллӣ энциклопедияси. 11-жилд. – Т.: Ўзбекистон миллӣ энциклопедияси, 2005. – Б. 392-394.

Ўзбекистон Республикасининг Конституциясида кўп укладли иқтисодиёт таркибида давлат, корпоратив ва хусусий мулкнинг тенглиги эътироф этилган ҳолда хусусий мулк устуворлиги мустаҳкамланиб, унинг ишончли кафолатлари белгилаб кўйилган. Мамлакатда кичик бизнесни жадал ривожлантириш учун мустаҳкам қонунчилик ва ҳукукий асос яратилган ва мунтазам такомиллаштириб борилмоқда. Миллий иқтисодиётнинг мазкур сектори учун имтиёз ва преференциялар бериш масалаларида давлат томонидан тизимли равишида ёрдам кўрсатилмоқда.

Мамлакатда кичик бизнес ва хусусий тадбиркорликни жадал ривожлантириш иқтисодий сиёsatнинг устувор йўналиши сифатида белгиланишида қуидагилар ҳисобга олинди:

– кичик бизнес ички бозорни зарур товар ва хизматлар билан тўлдиришнинг асосий манбаи бўлиб хизмат қиласи. Кичик бизнес иқтисодиётдаги маълум бир бўшлиқларни тўлдирибгина қолмасдан, балки уни диверсификация қилиш ва барқарор суръатлар билан ривожлантиришни таъминлашда ўта муҳим роль ўйнайди;

– кичик бизнеснинг, айниқса, Ўзбекистон шароитида аҳолининг иш билан бандлигини таъминлаш ва даромадини оширишдаги аҳамияти;

– кичик бизнес тузилишига кўра ихчам, қарорлар қабул қилишда тезкор ва ҳаракатчан, янги тартиб-қоидаларни қисқа муддатда ўзлаштиради, жаҳон ва минтақалар бозорларидаги талаб ва конъюнктура ўзгаришларига анча тез мослашади;

– кичик бизнесни ташкил қилиш ва юритиш катта ҳаражат ҳамда капитал кўйилмаларни талаб этмайди. Бу эса ишлаб чиқаришни тез ва осон модернизация қилиш, техник ҳамда технологик қайта жиҳозлаш, янги турдаги маҳсулотларни ўзлаштириш, уларнинг номенклатурасини мунтазам янгилаб бориш ва рақобатдошлигини таъминлаш имконини беради;

– кичик бизнеснинг молиявий-иктисодий инқирозга йирик корхоналарга нисбатан бардош бера олиш қобилиятининг анча юқорилиги;

– кичик бизнес инсоннинг ижодий ва интеллектуал қобилиятини рўёбга чиқариш воситаси эканлиги. Мазкур соҳа ҳар бир кишига ўз истеъдоди ва имкониятларини намоён этиш учун замин туғдиради, шу тариқа ташаббускор, омилкор, мустақил фаолият юрита оладиган, ўз олдига қўйган мақсадларига эришишга қодир инсонлар тоифасини шакллантиришга хизмат қиласи;

– кичик бизнес жамиятда ўрта синфи шакллантириш омили. Ўрта синф эса демократик жамиятнинг асоси ҳисобланади¹.

Ўзбекистонда кичик тадбиркорлик субъектларига қуидагилар киради (19.5-жадвал):

¹ А б дураҳманова Г. К. Кичик бизнесда аҳолини иш билан таъминлаш. Монография. – Т.: Иқтисодиёт, 2014. – 90-91 б.

19.5-жадвал

Кичик тадбиркорлик субъектларида иш билан банд бўлган ходимларининг ўртача йиллик сони¹

Кичик тадбиркорлик субъектлари	Тармоқлар	Иш билан банд бўлган ходимларининг ўртача йиллик сони
Микрофирмалар	Ишлаб чиқариш тармоқларида	Кўпи билан – 20 киши
	Хизмат кўрсатиш соҳасида ва ишлаб чиқариш билан боғлиқ бўлмаган бошқа тармоқларда	Кўпи билан – 10 киши
	Улгуржи, чакана савдо ҳамда умумий овқатланиш тармоқларида	Кўпи билан – 5 киши
Кичик корхоналар	Енгил, озик-овқат саноатидаги ва қурилиш материаллари саноати	Кўпи билан – 200 киши
	Металлга ишлов бериш ва асбобсозлик, ёғочсолик, мебель саноатида, шунингдек қонун хужжатларида назарда тутилган бошқа саноат-ишлаб чиқариш соҳаларида	Кўпи билан – 100 киши
	Машинасозлик, металлургия, ёқилги-энергетика ва кимё саноати, қишлоқ хўжалиги маҳсулотлари етишириш ва уларни қайта ишлаш, қурилиш ҳамда қонун хужжатларида назарда тутилган бошқа саноат-ишлаб чиқариш соҳаларида	Кўпи билан – 50 киши
	Фан, илмий хизмат кўрсатиш, транспорт, алока, хизмат кўрсатиш соҳалари (суғурта компанияларидан ташқари), савдо ва умумий овқатланиш ҳамда ишлаб чиқариш билан боғлиқ бўлмаган бошқа соҳаларда	Кўпи билан – 25 киши

1) якка тартибдаги тадбиркорлар;

2) микрофирмалар;

3) кичик корхоналар.

Якка тартибдаги тадбиркорлик жисмоний шахслар томонидан юридик шахс ташкил этмаган ҳолда амалга оширилади. Хунармандчилик фаолиятини амалга ошираётган якка тартибдаги тадбиркорлар товарлар тайёрлаш (ишлар

¹ «Тадбиркорлик фаолияти эркинлигининг кафолатлари тўғрисида»ги Ўзбекистон Республикасининг Қонуни (янги таҳрири). Т: 2017 й.

бажариш, хизматлар кўрсатиш) учун кўпи билан беш нафар шогирдни уларга тегишлича ҳақ тўлаган ҳолда жалб этишга ҳақлидир.

Амалдаги қонунчиликка мувофиқ, тадбиркорлик фаолияти субъектлари қуидаги хуқуqlарга эга:

– қонун хужжатларига мувофиқ ўзига тегишли мол-мулкка эгалик қилиш, ундан фойдаланиш ва уни тасарруф этиш;

– мустақил равища ишлаб чиқариш дастурини шакллантириш, маҳсулот етказиб берувчиларни ва ўз маҳсулотининг (ишлари, хизматларининг) истеъмолчиларини танлаш;

– тадбиркорликдан чекланмаган микдорда даромад (фойда) олиш ва уни ўз ихтиёрига кўра тасарруф этиш;

– ўз маҳсулотини (ишлари, хизматларини), ишлаб чиқариш чиқиндиларини бозор конъюнктурасидан келиб чиқиб, мустақил равища белгиланадиган нархлар ва тарифлар бўйича ёки шартнома асосида реализация қилиш; бинолар, иншоотлар, ускуналар ва бошқа мол-мулкни олиш ва (ёки) ижарага олиш, шу жумладан, лизинг йўли билан;

– белгиланган тартибда ташки иқтисодий фаолиятни амалга ошириш.

Ҳозирги пайтда Ўзбекистонда 218,2 минг кичик бизнес субъекти фаолият юритмоқда. Кичик ва хусусий бизнес субъектлари ҳиссасига мамлакат ялпи ички маҳсулотнинг 56,9 % тўғри келади, улар меҳнатга лаёқатли аҳолининг 78,2 % иш билан таъминламоқда (19.6-расм).

Ўзбекистонда тадбиркорлик фаолиятини жадал ривожлантириш, хусусий мулкчиликни ҳар томонлама ҳимоя қилиш ва ишбилармонлик муҳитини сифат жихатдан яхшилаш учун бешта энг устувор соҳа бўйича 42 та аниқ чора-тадбир амалга оширилишини назарда тутувчи Комплекс чора-тадбирлар дастури қабул қилинди. Ушбу дастурга мувофик:

Биринчидан, кичик бизнес ва хусусий тадбиркорликка кенг эркинлик бериш, уларнинг фаолиятига аралашувни тубдан қисқартиш, хукуқбузарликларнинг барвақт олди олинишини таъминлаш, уларнинг профилактикаси санарадорлигини ошириш ва хукуқбузарликларга йўл қўйилмаслик – энг муҳим устувор йўналиш ва давлат органларининг биринчи даражали вазифаси сифатида мустаҳкамлаб қўйилди. Натижада маъмурий ва жиноят қонунчилиги либераллаштирилиб, молия-хўжалик фаолиятини амалга оширишда биринчи марта хукуқбузарликлар содир этган тадбиркорлик субъектлари ва уларнинг ходимлари ҳамда тадбиркорлик фаолиятини давлат рўйхатидан ўтказмасдан амалга ошираётган шахслар ўзлари томонидан етказилган зарарни қоплаган ва хукуқбузилиши оқибатларини белгиланган муддатларда ихтиёрий барта-рафт этган тақдирда, жавобгарликнинг барча турларидан озод қилинадиган бўлди;



19.6-расм. Ўзбекистонда кичик бизнес ва хусусий тадбиркорликнинг миллий иқтисодиётдаги улуши (ялпи ички маҳсулот ҳажмига нисбатан %)¹

иккинчидан, назорат қилувчи органлар режадан ташқари текширишлар ўтказиши ташкил қилиш ҳуқуқидан маҳрум қилинди. Бунда фуқароларнинг ҳуқуқлари ва манфаатларини ҳимоя қилишнинг ҳуқуқий механизмларини таъминлаш мақсадида фақат жисмоний ва юридик шахсларнинг қонун хужжатлари бузилиши ҳолатлари тўғрисидаги мурожаатлари асосида қисқа муддатли текширишлар ўтказишининг чекланган имконияти сақланиб қолинди. Бундай текшириш фақат Республика кенгашининг қарорига мувофиқ ўтказилиши мумкин бўлади ва текшириш муддати бир иш куни билан чекланади;

учинчидан, тадбиркорлик субъектларининг экспорт контрактларини божхона органларида ҳисобга қўйиш тўғрисидаги талаб бекор қилинди;

тўртинчидан, тадбиркорлик субъектларининг ваколатли органлар билан ўзаро ҳамкорлигининг бевосита мулокот қилмайдиган шаклларини кенгайтириш мақсадида уларга фақат «ягона дарча» тамойили асосида кўрсатиладиган давлат хизматлари рўйхати кенгайтирилди;

бешинчидан, илгор хорижий тажриба инобатга олинган ҳолда техник талаблар (санитария, экология, шаҳарсозлик нормалари ва қоидалари, ёнғин

¹ Ўзбекистонда кичик тадбиркорлик. Ўзбекистон Республикаси Давлат статистика қўмитаси. Тошкент-2018. 19 бет

хавфсизлиги қоидалари, стандартлаштириш ва бошқалар) каби маҳсус норматив хужжатлар, самарасиз, эскирган ва бозор механизмларининг ўрнини эгаллаб олган нормалар бекор қилинди¹.

Хозирги даврда Адлия вазирлиги тизимида «ягона дарча» тамойили асосида тадбиркорлик субъектларига давлат хизматлари кўрсатиш бўйича ягона марказлар билан кўшма жойлаштириш тамойили асосида тадбиркорликни қўллаб-куватлаш марказлари ташкил этилди. Улар тадбиркорликни қўйида-ги масалаларда қўллаб-куватлайди:

– муҳандислик-коммуникация тармоқларига уланиш, ахборот таъминоти, давлат хизматларидан фойдаланишда;

– лизинг, сугурта ва баҳолаш хизматларидан фойдаланиш учун зарур хужжатларни тайёрлашда;

– молиявий, товар-хомашё ва табиий ресурслар, технологик машиналар ва ускуналар, ишлаб чиқариш обьектлари, шунингдек, ер майдонларидан фойдаланишда;

– солиққа тортилиш, ишчилар ёллаш, статистика, молия, солиқ ва бошқа ҳисоботларни топшириш, банк хизматлари, бино ва жойларни ижарага олиш, давлат мулки обьектларини «ноль» қийматида харид қилишда;

– халқаро стандартлар ва сертификация тизимини жорий этишда, жумладан, ташқи савдо ҳамкорлар билан кооперация алоқаларини йўлга кўйишида, шунингдек, ташқи иқтисодий фаолиятни амалга оширишда;

– бозор инфратузилмаси субъектлари, давлат ва хўжалик бошқаруви органлари, маҳаллий давлат ҳокимияти органлари билан икки томонлама ва кўп томонлама музокараларни ташкил этишда.

Мамлакатда Тадбиркорлик фаолиятини ривожлантиришни қўллаб-куватлаш давлат жамғармаси ҳам ташкил этилди. Ушбу Жамғарма тижорат банклари томонидан берилаётган кредит миқдорининг 50 % гача (кредит миқдори 500 минг АҚШ долларидан кўп бўлмаган тақдирда) ёки унга эквивалент ҳажмдаги кредитлари бўйича кафил бўлади. Шунингдек, Тадбиркорлик фаолиятини ривожлантиришни қўллаб-куватлаш давлат жамғармаси томонидан тижорат банклари кредитлари бўйича фоизли харажатларни қоплаш учун компенсация бериш шаклида молиявий ёрдам кўрсатилиши кўзда тутилган.

Ўзбекистонда бизнес юритиши учун қурай ишбилиармонлик муҳитини яратиш, тадбиркорлик субъектларининг ҳуқуқлари кафолатларини мустаҳкамлаш, чет эл инвестицияларини фаол жалб этиш ва инвесторларни ҳар томонлама қўллаб-куватлашга қаратилган кенг қамровли ислохотлар изчили амалга оширилмоқда. Натижада, 2017–2021-йиллар давомида Жаҳон банки

¹ Ўзбекистон Республикаси Президентининг 2016 йил 5 октябрдаги «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилиармонлик муҳитини сифат жиҳатидан яхшилашга доир кўшимча чора-тадбирлар тўғрисида»ги Фармони.

ва Халқаро молия корпорациясининг «Бизнес юритиши» йиллик ҳисоботида Ўзбекистон Республикасининг рейтинги 2 баравардан ортиқ яхшиланиб, мамлакатимиз жаҳоннинг 190 та мамлакати орасида 2012 йилдаги 166-ўриндан 2017 йилда 74-ўринга кўтарилиди. Шу билан бирга Ўзбекистон 2017 йилда бизнес юритиши учун энг қулай ишбилармонлик муҳитини яратиш кўрсаткичи бўйича ислоҳотчи мамлакатларнинг биринчи ўнталигидан жой олди.

Хозирги пайтда инвестиция муҳитини яхшилаш соҳасида олиб борилаётган ислоҳотларнинг стратегик мақсади сифатида Ўзбекистоннинг 2022 йилгача Жаҳон банки ва Халқаро молия корпорациясининг «Бизнес юритиши» рейтингида дунё мамлакатларининг биринчи йигирматалиги даражасига мос келадиган энг қулай шарт-шароитларни яратиш чоралари белгилаб қўйилди¹. Бунинг учун ишбилармонлик муҳити ва қонунчиликни янада такомиллаштириш бўйича «Йўл харитаси» ишлаб чиқилди ва изчил амалга оширилмоқда.

¹ Ўзбекистон Республикаси Президентининг 2018 йил 13 июлдаги «Жаҳон банки ва Халқаро молия корпорациясининг “Бизнес юритиши” йиллик ҳисоботида Ўзбекистон Республикасининг рейтингини янада яхшилаш чора-тадбирлари тўғрисида»ги қарори // ЎзА, 2018 йил 13 июль/

АДАБИЁТЛАР РЎЙХАТИ

I. Ўзбекистон Республикаси қонунлари, Ўзбекистон Республикаси Президенти фармонлари ва қарорлари, хукумат қарорлари

1.1. Ўзбекистон Республикасининг Конституцияси. Т.: «Ўзбекистон» НМИУ, 2018 йил.

1.2. Ўзбекистон Республикасининг Мехнат кодекси //Ўзбекистон Республикаси Олий Мажлисининг Ахборотномаси, 1996 й.

1.3. Ўзбекистон Республикасининг Фуқаролик кодекси // Ўзбекистон Республикаси Олий Мажлисининг Ахборотномаси, 1996 й.

1.4. Ўзбекистон Республикасининг Маъмурий жавобгарлик тўғрисидаги кодекси // Ўзбекистон Республикаси Олий Кенгашининг Ахборотномаси, 1995 й.

1.5. «Аҳолини иш билан таъминлаш тўғрисида»ги Ўзбекистон Республикаси Қонуни (янги таҳрири) // Ўзбекистон Республикаси Олий Мажлисининг Ахборотномаси, 1998 й.

1.6. «Тадбиркорлик фаолияти эркинлигининг кафолатлари тўғрисида»ги Ўзбекистон Республикасининг Қонуни (янги таҳрири) // Ўзбекистон Республикаси қонун ҳужжатлари тўплами, 2012 й.

1.7. «Корхоналар тўғрисида» Ўзбекистон Республикасининг Қонуни // <http://www.Lex.uz>

1.8. «Хусусий корхона тўғрисида»ги Ўзбекистон Республикасининг Қонуни // Ўзбекистон Республикаси Олий Мажлисининг Ахборотномаси, 2004 й.

1.9. «Оилавий тадбиркорлик тўғрисида» Ўзбекистон Республикасининг Қонуни // Ўзбекистон Республикаси қонун ҳужжатлари тўплами, 2012 й.

1.10. «Дехкон хўжалиги тўғрисида» Ўзбекистон Республикасининг қонуни // Ўзбекистон Республикаси Олий Мажлисининг Ахборотномаси, 1998 й.

1.11. «Хўжалик ширкатлари тўғрисида»ги Ўзбекистон Республикасининг Қонуни // Ўзбекистон Республикаси Олий Мажлисининг Ахборотномаси, 2002 й.

1.12. «Мехнатни муҳофаза қилиш тўғрисида»ги Ўзбекистон Республикасининг Қонуни (янги таҳрири) // http://www.norma.uz/mehnatni_muhofaza_qilish_tugrisidagi_ponunning_yangi_tahriri

1.13. «Ижтимоий шериклик тўғрисида» Ўзбекистон Республикасининг қонуни // Ўзбекистон Республикаси қонун ҳужжатлари тўплами, 2014 й., 39-сон, 488-модда

1.14. «Ўзбекистон Республикасида ногиронларни ижтимоий ҳимоя қилиш тўғрисида»ги Ўзбекистон Республикасининг қонуни (янги таҳрири) // Ўзбекистон Республикаси қонун хужжатлари тўплами, 2008 й.

1.15. «Ёшларга оид давлат сиёсати тўғрисида»ги Ўзбекистон Республикаси қонуни // Ўзбекистон Республикаси қонун хужжатлари тўплами, 2016 й.

1.16. Ўзбекистон Республикаси Президентининг 2006 йил 5 январдаги «Йирик саноат корхоналари билан касаначиликни ривожлантириш асосидаги ишлаб чиқариш ва хизматлар ўртасида кооперацияни кенгайтиришни рағбатлантириш чора-тадбирлари тўғрисида»ги фармони // Ўзбекистон Республикаси қонун хужжатлари тўплами, 2006 й.

1.17. Ўзбекистон Республикаси Президентининг 2016 йил 5 октябрдаги «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик мухитини сифат жиҳатидан яхшилашга доир қўшимча чора-тадбирлар тўғрисида»ги фармони // <http://www.Lex.uz>

1.18. Ўзбекистон Республикаси Президентининг 2017 йил 17 январдаги «Тадбиркорлик мақсадларида фойдаланиш учун давлат мулки объектларини сотишни жадаллаштириш ва унинг тартиб-таомилларини янада соддалаштириш чора-тадбирлари тўғрисида»ги ПФ-4933-сон фармони // Ўзбекистон Республикаси қонун хужжатлари тўплами, 2017 й.

1.19. Ўзбекистон Республикаси Президентининг 2017 йил 7 февралдаги «Ўзбекистон Республикасини янада ривожлантириш бўйича Ҳаракатлар стратегияси тўғрисида»ги фармони // Ўзбекистон Республикаси қонун хужжатлари тўплами, 2017 й.

1.20. Ўзбекистон Республикаси Президентининг 2017 йил 31 марта даги «Ўзбекистон Республикаси Инвестициялар бўйича давлат қўмитасини ташкил этиш тўғрисида»ги фармони // <http://www.Lex.uz>

1.21. Ўзбекистон Республикаси Президентининг 2017 йил 24 майдаги «Бандлик соҳасида давлат сиёсатини янада такомиллаштириш ва меҳнат органлари фаолияти самарадорлигини тубдан ошириш чора-тадбирлари тўғрисида»ги фармони // Халқ сўзи, 2017 йил 25 май

1.22. Ўзбекистон Республикаси Президентининг 2017 йил 19 июндаги «Бизнеснинг қонуний манфаатлари давлат томонидан муҳофаза қилиниши ва тадбиркорлик фаолиятини янада ривожлантириш тизимини тубдан такомиллаштиришга доир чора-тадбирлар тўғрисида» фармони // Халқ сўзи, 2017 йил 20 июнь

1.23. Ўзбекистон Республикаси Президентининг 2017 йил 29 ноябрдаги «Ўзбекистон Республикаси Инновацион ривожланиш вазирлигини ташкил этиш тўғрисида»ги фармони // <http://www.Lex.uz>

1.24. Ўзбекистон Республикаси Президентининг 2018 йил 25 январдаги «Умумий ўрта, ўрта маҳсус ва касб-хунар таълими тизимини тубдан такомиллаштириш чора-тадбирлари тўғрисида»ги фармони // Халқ сўзи, 2018 йил 26 январь

1.25. Ўзбекистон Республикаси Президентининг 2017 йил 17 мартағаги «Тадбиркорлик субъектлари ва кенг аҳоли қатламига микрокредитлар ажратиш тизимини янада соддалаштириш чора-тадбирлари тўғрисида»ги қарори // Ўзбекистон Республикаси қонун хужжатлари тўплами, 2017 й.

1.26. Ўзбекистон Республикаси Президентининг 2017 йил 24 мартағаги «Ўзбекистон Республикаси Бандлик ва меҳнат муносабатлари вазирлиги фаолиятини ташкил этиш чора-тадбирлари тўғрисида»ги қарори // Ўзбекистон Республикаси қонун хужжатлари тўплами, 2017 й.

1.27. Ўзбекистон Республикаси Президентининг 2017 йил 20 апрелдаги «Олий таълим тизимини янада ривожлантириш чора-тадбирлари тўғрисида»ги Қарори // Ўзбекистон Республикаси қонун хужжатлари тўплами, 2017 й.

1.28. Ўзбекистон Республикаси Президентининг 2017 йил 6 майдаги «Аҳоли бандлигини таъминлаш бўйича олиб борилаётган ишлар натижадорлиги ва самарадорлигини оширишда маҳаллий ижро ҳокимияти ва иқтисодий комплекснинг ҳудудий органлари раҳбарларининг шахсий масъулиятини ошириш чора-тадбирлари тўғрисида»ги қарори // Ўзбекистон Республикаси қонун хужжатлари тўплами, 2017 й.

1.29. Ўзбекистон Республикаси Президентининг 2017 йил 24 майдаги «Касаначиликни янада ривожлантириш учун қулай шароитлар яратиш чора-тадбирлари тўғрисида»ги қарори // <http://www.Lex.uz>

1.30. Ўзбекистон Республикаси Президентининг 2017 йил 6 майдаги «Аҳоли бандлигини таъминлаш бўйича олиб борилаётган ишлар натижадорлиги ва самарадорлигини оширишда маҳаллий ижро ҳокимияти ва иқтисодий комплекснинг ҳудудий органлари раҳбарларининг шахсий масъулиятини ошириш чора-тадбирлари тўғрисида»ги қарори // Ўзбекистон Республикаси қонун хужжатлари тўплами, 2017 й.

1.31. Ўзбекистон Республикаси Президентининг 2017 йил 24 майдаги «Касаначиликни янада ривожлантириш учун қулай шароитлар яратиш чора-тадбирлари тўғрисида»ги қарори <http://www.lex.uz>.

1.32. Ўзбекистон Республикаси Президентининг 2017 йил 27 июлдаги «Олий маълумотли мутахассислар тайёрлаш сифатини оширишда иқтисодиёт соҳалари ва тармоқларининг иштирокини янада кенгайтириш чора-тадбирлари тўғрисида»ги қарори // Ўзбекистон Республикаси қонун хужжатлари тўплами, 2017 й.

1.33. Ўзбекистон Республикаси Президентининг 2017 йил 8 августдаги «Худудларнинг жадал ижтимоий-иктисодий ривожланишини таъминлашга доир устувор чора-тадбирлар тўғрисида»ги қарори // Ўзбекистон Республикаси қонун хужжатлари тўплами, 2017 й.

1.34. Ўзбекистон Республикаси Президентининг 2017 йил 17 августдаги «Тадбиркорлик фаолиятини ривожлантиришни кўллаб-куватлаш давлат жамғармасини ташкил этиш тўғрисида»ги қарори // Ўзбекистон Республикаси қонун хужжатлари тўплами, 2017 й.

1.35. Ўзбекистон Республикаси Президентининг 2017 йил 12 сентябрдаги «Ахолининг кам таъминланган қатламларини қўллаб-қувватлашга оид қўшимча чора-тадбирлар тўғрисида»ги қарори // Ўзбекистон Республикаси қонун ҳужжатлари тўплами, 2017 й.

1.36. Ўзбекистон Республикаси Президентининг 2018 йил 22 январдаги «2017-2021-йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Фаол тадбиркорлик, инновацион гоялар ва технологияларни қўллаб-қувватлаш иили»да амалга оширишга оид Давлат дастури тўғрисида»ги фармони // Қонун ҳужжатлари маълумотлари миллий базаси, 23.01.2018 й.

1.37. Ўзбекистон Республикаси Президентининг 2018 йил 5 апрелдаги «Мактабгача таълим тизимини янада рафбатлантириш ва ривожлантириш чора-тадбирлари тўғрисида»ги қарори // Қонун ҳужжатлари маълумотлари миллий базаси, 05.04.2018 й.

1.38. Ўзбекистон Республикаси Президентининг 2018 йил 7 июндаги «Ҳар бир оила – тадбиркор» дастурини амалга ошириш тўғрисида»ги қарори // ЎзА, 2018 йил 8 июнь.

1.39. Ўзбекистон Республикаси Президентининг 2018 йил 5 июлдаги «Ўзбекистон Республикасининг ташқи меҳнат миграция тизимини янада такомиллаштириш бўйича қўшимча чора-тадбирлар тўғрисида»ги қарори // Халқ сўзи, 2018 йил 6 июль.

1.40. Ўзбекистон Республикаси Президентининг 2018 йил 13 июлдаги «Жаҳон банки ва Халқаро молия корпорациясининг «Бизнес юритиш» йиллик ҳисоботида Ўзбекистон Республикасининг рейтингини янада яхшилаш чора-тадбирлари тўғрисида»ги қарори // ЎзА, 2018 йил 13 июль.

1.41. Ўзбекистон Республикаси Президентининг 2018 йил 14 июлдаги «Аҳоли бандлигини таъминлаш борасидаги ишларни такомиллаштириш ва самарадорлигини ошириш чора-тадбирлари тўғрисида»ги қарори // ЎзА, 2018 йил 16 июль.

1.42. Ўзбекистон Республикаси Президентининг «Рақамли ишонч» рақамли иқтисодиётни ривожлантиришни қўллаб-қувватлаш жамғармасини ташкил этиш тўғрисида»ги 2018 йил 2 сентябрдаги ПҚ-3927-сон Қарори. www.Lex.uz.

1.43. Ўзбекистон Республикаси Президентининг «Ўзбекистон Республикасида рақамли иқтисодиётни ривожлантириш чора-тадбирлари тўғрисида»ги 2018 йил 3 июлдаги ПҚ-3832-сон Қарори. www.Lex.uz.

1.44. Ўзбекистон Республикаси Президентининг «Рақамли иқтисодиётни ривожлантириш мақсадида рақамли инфратузилмани янада модернизация қилиш чора-тадбирлари тўғрисида»ги 2018 йил 21 ноябрдаги ПҚ-4022 Қарори. www.Lex.uz.

1.45. Ўзбекистон Республикаси Президентининг «Бандлик соҳасида давлат сиёсатини янада такомиллаштириш ва меҳнат органлари фаолияти самарадорлигини тубдан ошириш чора-тадбирлари тўғрисида»ги 2017 йил 24 майдаги ПФ-5052-сон Фармони. www.Lex.uz

1.46. Ўзбекистон Республикаси Вазирлар Маҳкамасининг 2015 йил 10 мартдағи «Касб-хунар колледжлари битириувчиларини ишга жойлаштириш тизимини янада такомиллаштириш бўйича қўшимча чора-тадбирлар тўғрисида»ги 52-сон қарори // Ўзбекистон Республикаси қонун ҳужжатлари тўплами, 2015 й., 10-сон, 115-модда

1.47. Ўзбекистон Республикаси Вазирлар Маҳкамасининг 2015 йил 19 июнданги «Хизматчиликнинг асосий лавозимлари ва ишчилар касбларининг янгиланган класификаторини тасдиқлаш тўғрисида» ги қарори // Ўзбекистон Республикаси қонун ҳужжатлари тўплами, 2015 й., 25-сон, 326-модда

1.48. Ўзбекистон Республикаси Вазирлар Маҳкамасининг 2017 йил 10 апрелдаги «Ўзбекистон Республикаси худудларида ишсиз фуқароларни касб-хунарга ўқитиш марказларини ташкил этиш чора-тадбирлари тўғрисида»ги қарори // Ўзбекистон Республикаси қонун ҳужжатлари тўплами, 2017 й.

1.49. Ўзбекистон Республикаси Вазирлар Маҳкамасининг 2017 йил 10 июлдаги «Мехнат органлари фаолиятини ташкил этишни такомиллаштириш чора-тадбирлари тўғрисида»ги Қарори // <http://www.lex.uz>

1.50. Ўзбекистон Республикаси Вазирлар Маҳкамасининг 2017 йил 8 сентябрдаги «Вақтингчалик бир марталик иш билан таъминлаш бюороларини ташкил этиш тўғрисида»ги қарори // Ўзбекистон Республикаси қонун ҳужжатлари тўплами, 2017 й.

1.51. Ўзбекистон Республикаси Вазирлар Маҳкамасининг 2017 йил 5 октябрдаги «Ўзбекистон Республикаси Бандлик ва меҳнат муносабатлари вазирлиги хузуридаги Жамоат ишлари жамғармаси фаолиятини ташкил этиш тўғрисида»ги қарори // Ўзбекистон Республикаси қонун ҳужжатлари тўплами, 2017 й.

1.52. Ўзбекистон Республикаси Вазирлар Маҳкамасининг 2017 йил 28 октябрдаги «Мехнат бозорининг жорий ва истиқболдаги эҳтиёжларини ҳисобга олиб иш ўринларини ташкил этиш ва кадрлар тайёрлаш давлат буюртмасини шакллантириш тартиби тўғрисидаги низомни тасдиқлаш ҳақида»ги қарори // Қонун ҳужжатлари маълумотлари миллий базаси, 31.10.2017 й.

1.53. Ўзбекистон Республикаси Вазирлар Маҳкамасининг 2018 йил 10 майдаги «Ўзбекистон Республикасида мажбурий меҳнатга барҳам беришга доир қўшимча чора-тадбирлар тўғрисида»ги 349-сонли қарори // <http://www.norma.uz>

II. Ўзбекистон Республикаси Президенти маърузалари

2.1. *Мирзиёев Ш. М.* Қонун устуворлиги ва инсон манфаатларини таъминлаш – ўрт тараққиёти ва ҳалқ фаровонлигининг гарови / Ўзбекистон Республикаси Конституцияси қабул қилинганининг 24 йиллигига бағишлиланган тантанали маросимдаги маъруза // Ҳалқ сўзи, 2016 йил 8 декабрь.

2.2. *Мирзиёев Ш. М.* Эркин ва фаровон, демократик Ўзбекистон давлатини мард ва олижаноб халқимиз билан бирга қурамиз /Ўзбекистон Республикаси Президенти лавозимиға киришиш тантанали маросимиға бағишлиланган Олий Мажлис палатала-рининг қўшма мажлисидаги нутқ // Халқ сўзи, 2016 йил 15 декабрь

2.3. *Мирзиёев Ш. М.* Танқидий таҳлил, қатъий тартиб-интизом ва шахсий жавоб-гарлик – ҳар бир раҳбар фаолиятининг кундалиқ қоидаси бўлиши керак / Мамлакатимизни 2016 йилда ижтимоий-иктисодий ривожлантиришнинг асосий якунлари ва 2017 йилга мўлжалланган иқтисодий дастурнинг энг муҳим устувор йўналишлари-га бағишлиланган Вазирлар Маҳкамасининг кенгайтирилган мажлисидаги маъруза // Халқ сўзи, 2017 йил 17 январь

2.4. *Мирзиёев Ш. М.* Жисмоний ва маънавий етук ёшлар – эзгу мақсадларимизга этишда таянчимиз ва суюнчимиздир / «Камолот» ёшлар ижтимоий ҳаракатининг IV курултойидаги нутқ // Халқ сўзи, 2017 йил 1 июль.

2.5. *Мирзиёев Ш. М.* Конституция – эркин ва фаровон ҳаётимиз, мамлакатимизни янада тарақкий эттиришнинг мустаҳкам пойдеворидир / Ўзбекистон Республикаси Конституцияси қабул қилинганининг 25 йиллигига бағишлиланган тантанали маро-симдаги маъруза // Халқ сўзи, 2017 йил 8 декабрь.

2.6. Ўзбекистон Республикаси Президенти Ш. Мирзиёевнинг Олий Мажлисга Мурожаатномаси // Халқ сўзи, 2017 йил 23 декабрь.

III. Китоблар ва монографиялар

3.1. *Абдураҳмонов Қ. Ҳ.* Мехнат иқтисодиёти (назария ва амалиёт). Дарслик. – Т.: «Mehnat», 2004 йил. - 670 б.

3.2. *Абдураҳмонов Қ. Ҳ.* Мехнат иқтисодиёти. Дарслик. – Т.: «Mehnat», 2009 йил. - 512 б.

3.3. *Абдураҳмонов Қ. Ҳ.* Мехнат иқтисодиёти ва социологияси. Дарслик. – Т.: «Ўқитувчи», 2001 йил. - 480 б.

3.4. *Абдураҳмонов Қ. Ҳ., Ҳаитов А. А.* Мехнат бозори ва аҳолини иш билан таъ-минлаш муаммолари. Т.: РИА ТФ, 2010. – 72 б.

3.5. *Абдураҳмонов Қ. Ҳ.* Инсон тараққиёти. Дарслик. – Т.: «Fan va texnologiya», 2013 йил. - 476 б.

3.6. *Абдураҳмонов Қ. Ҳ* ва бошқалар. Демография: Дарслик. – Т.: «IQTISODIYOT», 2014. - 364 б.

3.7. *Абдураҳмонов Қ. Ҳ.* ва бошқалар. Демография. Дарслик. – Т.: «Fan va texnologiya», 2014. – 368 б.

3.8. *Абдураҳманова Г. Қ.* Кичик бизнесда аҳолини иш билан таъминлаш. Моно-графия. – Т.: Иқтисодиёт, 2014. – 216 б.

- 3.9. Абу Али ибн Сино. Фалсафий киссалар. – Т.: «Ўқитувчи», 1963.
- 3.10. Абу Наср Форобий. Фозил одамлар шахри. – Т.: «Фан», 1990.
- 3.11. Абулқосимов Х. П. Иқтисодиётда инсон омили: шаклланиши, амал қилиши ва фаоллашуви. – Т.: Akademiya, 2006.
- 3.12. Алиев И. М. Экономика труда: Учебник для бакалавриата и магистратуры / И.М. Алиев, Н.А. Горелов, Л.О. Ильина. - Люберцы: Юрайт, 2016. - 478 с.
- 3.13. Бараненко С. П. Экономика и социология труда: Учебно-методический комплекс для студентов очной и заочной формы обучения / С.П. Бараненко. - М.: Рос. Акад. предпр., 2011. - 434 с.
- 3.14. Генкин Б. М. Экономика и социология труда: Учебник для вузов / Б.М. Генкин. - М.: Норма, 2013. - 464 с.
- 3.15. Дубровин И. А. Экономика труда: Учебник / И.А. Дубровин, А.С. Каменский. - М.: Дашков и Ко, 2013. - 232 с.
- 3.16. Жеребин В. М., Романов А. Н. Самостоятельная занятость населения: Основные представления и опыт кризисного периода. – М.: ИНФРА-М, 2010. – 200 с.
- 3.17. Жулина Е. Г. Экономика труда: учебное пособие. – М.: Эксмо, 2010. – 208 с.
- 3.18. Зокирова Н. К., Шоюсупова Н. Т., Габзалиева В. Т., Абдурахманова Г. К. Аҳолини иш билан бандлигини тартибга солиш: Монография.-Т.: ТДИУ, 2011.
- 3.19. Зокирова Н. К. Социально-трудовые отношения: международный и национальный аспекты. - Т.: Фан. 2008.
- 3.20. Иванов О. М. Экономика и социология труда (для бакалавров) / О.М. Иванов, К.В. Данилин. - М.: КноРус, 2012. - 288 с.
- 3.21. Инновационный менеджмент. Учебник / под общ. ред. д-ра экон. наук, проф. В.М.Джузи. 2-е изд. перераб. и доп. - М.: РИОР: ИНФРА –М, 2017. –376 с.
- 3.22. Ионцев В. А. Международная миграция населения: теория и история изучения. – М.: Диалог-МГУ, 2014.
- 3.23. Корнейчук Б. В. Рынок труда : учебник для академического бакалавриата / Б. В. Корнейчук. – 2-е изд., испр. и доп. – М.: Издательство Юрайт, 2018. – 287 с.
- 3.24. Каменский А. С. Экономика труда: пособие для студентов высш. учеб. заведений. - М.: Дашков и Ко, 2012 - 230 с.
- 3.25. Кибанов А. Я., Ивановская Л. В., Митрофанова Е. А., Эсаулова И. А. Социально-трудовые отношения, рынок труда и занятость персонала. – М.: Проспект, 2012. - 621 с.
- 3.26. Курочкин В. Н. Организация, нормирование и оплата труда: учеб. пособие для студентов высш. учеб. заведений. - М., Берлин: Директ-Медиа, 2014. - 234 с.

- 3.27. Кучмаева О. В. Экономика труда: пособие для студентов высш. учеб. заведений. - М.: Московский государственный университет экономики, статистики и информатики, 2012 - 170 с.
- 3.28. Лясников, Н. В. Экономика и социология труда: Учебное пособие / Н.В. Лясников, М.Н. Дудин, Ю.В. Лясникова. - М.: КноРус, 2012. - 288 с.
- 3.29. Мазин А. Л. Экономика труда: Учебное пособие / А.Л. Мазин. - М.: ЮНИТИ, 2016. - 623 с.
- 3.30. Миграция населения: теория, политика: Учебное пособие / Под ред. Воробьева О.Д., Топилин А.В. – М.: Экономическое образование, 2012.
- 3.31. Митрофанова И. А. Экономика труда: теория и практика: пособие для студентов высш. учеб. заведений. - М.:Берлин: Директ-Медиа, 2015 - 148 с.
- 3.32. Михалькина Е. В., Белокрылова О. С., Фурса Е. В. Экономика труда: учебник. – М.: РИОР: ИНФРА-М. – 2017. – 273 с.
- 3.33. Мухомад В. И. Экономика и управление интеллектуальной собственностью. – И.: Магистр ИНФРА-М, 2016. – 512 с.
- 3.34. Неустойчивость занятости: международный и российский контексты будущего сферы труда: Монография /Главный научный редактор д.э.н., проф. В.Н. Бобков др. М.: Изд-во РеалПринт, 2017. – с.560
- 3.35. Одегов Ю. Г. Экономика труда: учебник и практикум для академического бакалавриата / Ю.Г. Одегов, Г.Г. Руденко. – М.: Издательство Юрайт, 2016. – 423 с.
- 3.36. Одегов Ю. Г. Абдурахманов К. Х. Котова Л. Р. Оценка эффективности работы с персоналом: Методологический подход: Учебно-практическое пособие. – Россия. М.: «Альфа-Пресс», 2011. – 752с.
- 3.37. Рофе А. И. Рынок труда: учебник. – М.: КНОРУС, 2018. – 260 с.
- 3.38. Рофе А. И. Экономика труда: учебник / 3-е изд., доп. и перераб. – М.: КНОРУС, 2017. – 374 с.
- 3.39. Раҳимова Д. Н., Абулқосимов Х. П. ва бошқалар. Миллий меҳнат бозори учун кадрлар тайёрлашни бошқаришни такомиллаштириш йўналишлари. – Т.: «Fan va texnologiya», 2009.
- 3.40. Савельев И. В. Экономика труда / И.В. Савельев. - М.: КноРус, 2013. - 392 с.
- 3.41. Скляревская В. А. Экономика труда: Учебник для бакалавров / В.А. Скляревская. - М.: Дашков и К, 2015. - 304 с.
- 3.42. Совершенствование социально-трудовых отношений в современных условиях: монография / под ред. М.Н. Корсакова, М.А. Масыч. – Ростов-на-Дону: Изд-во ЮФУ, 2014. – 172 с.

- 3.43. Стрелкова Л. В. Труд и заработка плата на промышленном предприятии: Учебное пособие для студентов вузов, обучающихся по специальностям «Экономика труда», «Экономика и управление на предприятиях (по отраслям)» / Л.В. Стрелкова, Ю.А. Макушева. - М.: ЮНИТИ-ДАНА, 2013. - 351 с.
- 3.44. Тебекин А. В. Инновационный менеджмент: учебник. – М.: Юрайт, 2016.
- 3.45. Убайдуллаева Р. А. Демографическая ситуация Узбекистана и перспективы ее развития / Социально-демографические процессы в современном Узбекистане. – Т., 2009.
- 3.46. Умурзаков Б. Х. Организационно-правовые основы регулирования трудовой миграции в Узбекистане. Международные отношения № 2. 2008.
- 3.47. Умурзаков Б. Х. Институциональные аспекты пенсионного обеспечения трудовых мигрантов. Сборник материалов Международной конференции «Труд в XXI веке: новые тенденции, социальное измерение, инновационное развитие» Киев, 2012.
- 3.48. Холмұминов Ш. Р. Қишлоқ мәхнат бозорининг шаклланиши ва ривожланиши ҳамда уларни моделлаштириш (Монография). – Т.: «Fan va texnologiya», 2014 йил, 232 б.
- 3.49. Холмұминов Ш. Р. ва бошқалар. Мәхнат бозори ривожланишининг таҳлили (Монография). – Т.: «Fan va texnologiya», 2016 йил, 308 бет.
- 3.50. Холмұминов Ш. Р., Арабов Н. У. Мәхнат бозори инфратузилмаси. Үқув күлланма. –Т.: «Фан ва технологиялар», 2016.
- 3.51. Худойбердиев З. Р. Ўтиш даври шароитида мәхнат бозори: назария ва амалиёт масалалари. –Т.: Молия, 2008.
- 3.52. Шакаров З. Г. Миллий иқтисодиётда мәхнат ресурсларининг ҳаракатчанлиги. Монография. – Т.: «Iqtisodiyot», 2014. – 220 б.
- 3.53. Шумаков Ю. Н. Экономика труда в организациях АПК: Учебное пособие для студентов экономических факультетов сельскохозяйственных вузов / Ю.Н. Шумаков, Л.Б. Винничек, С.Н. Алексеева, Т.А. Максимова. - М.: НИЦ ИНФРА-М, 2013. - 223 с.
- 3.54. ХМТ конвенция ва тавсиялари. 1-3 - томлари. – Женева: Халқаро мәхнат бюроси, 1930-1999-йиллар.
- 3.55. Экономика труда и социально-трудовые отношения: учеб.-метод. пособие / Н. И. Есинова. - Х.: ХГУПТ, 2013. - 397 с.
- 3.56. Экономический рост и достойный труд: новейшие тенденции в странах Восточной Европы и Центральной Азии / Субрегиональное бюро МОТ для стран Восточной Европы и Центральной Азии. – М.: МОТ. 2010.
- 3.57. Экономика социально-трудовых отношений: учеб. пособие / В. С. Симонов, В. В. Синов. – СПб.: Изд-во СПбГУЭФ, 2010. –223 с.

3.58. Ўзбекистон рақамларда – 2018. – Т.: Ўзбекистон Республикаси Давлат статистика қўмитаси, 2018.

* * *

3.59. Abdurahmonov Q. X., Shoyusupova N. T. «Mehnat iqtisodiyoti: ijtimoiy-mehnat munosabatlari». Darslik. - Т.: TDIU, 2010. - 292 b.

3.60. Abdurahmonov Q. X. , Shoyusupova N. T., Abduramanov X. Aholining ish bilan bandligi: O'quv-qo'llanma.-Т.: TDIU, 2011.

3.61. Abdurahmonov Q. X., Zokirova N. Q. Mehnat iqtisodiyoti va sotsiologiyasi. O'quv qo'llanma. – Т.: «Fan va texnologiya», 2013. – 536 b.

3.62. Abdurakhmanov K. Uzbekistan: past, present and future. – Seoul (KOREA), SUNEST, 2016, 252p.

3.63. Abdurakhmanov K. Kh. Labour Economics and Sociology. Tutorial. – Jakarta.: «Gunadarma Publisher», 2013 year, – 430 p.

3.64. Abdurakhmanov K. Kh. Human development. Textbook. – Norderstedt, Books on Demand, 2014, 428 p.

3.65. Abdurakhmanov K. Human resource marketing. Published by Universitas-Gyor Nonprofit Ltd., (Hungary, Венгрия) 2018, – 261 p.

3.66. Bell D. The coming of post-industrial society: A venture of social forecasting. – N.Y.: Basic Books, 1973.

3.67. Bhugra, D., Gupta, S., eds. Migration and mental health / D. Bhugra, S. Gupta. - New York: Cambridge University Press, 2011.

3.68. Boulding K.E. Conflict and Defence: A General Theory. New York: Harper, 1962. Bodvarsson Ö. B. The Economics of Immigration. Theory and Policy - Berlin-Heidelberg, 2009.

3.69. Bosworth D., Dawkins P., Stromback T. The Economics of the Labour Market. Addison Wesley Longman Limited, 1996.

3.70. Castles S., Miller M. J. The Age of Migration. Hounds-mills; Basingstoke; Hampshire; London : MacMillan Press Ltd., 2003.

3.71. Griffin K., Knight J., ul Haq. «Human Development in the 1980s and Beyond.» Journal of Development Planning 19 (Special number) (1989)

3.72. Cox T. Interest Groups and the Development of Tripartism in East Central Europe. // European Journal of Industrial Relations, 2000. Vol. 6. No. 3.

3.73. Dancygier, R. M., Immigration and conflict in Europe / R.M. Dancygier. -New York:Cambridge University Press, 2010.

3.74. Denison Edward F. «The Unimportance of the Embodied Question,» A.E.R., LIV (March,1964).

- 3.75. *De Haas H.* Migration and Development: a Theoretical Perspective. International Migration Institute Working papers. Oxford : University of Oxford Press, 2008.
- 3.76. *Ehrenberg, Ronald G.* Modern labor economics: theory and public policy / Ronald G. Ehrenberg, Robert S. Smith. – Eleventh ed. 2012 y.
- 3.77. *Kahanec M.* EU Labor Markets After Post-Enlargement Migration / M. Kahanec, K.F.Zimmermann, eds. - Springer-Verlag, Berlin-Heidelberg, 2010.
- 3.78. *Kritz M., Lin Lean Lim, Zlotnik H. (eds.)* International Migration Systems. A Global Approach. Oxford : Clarendon Press, 1992.
- 3.79. *Lipst S.M.* Political Man: The Social Bases of Politics. Anchor Books, New York, 1963.
- 3.80. *Massey D., Arago J., Hugo G., Kouaouci A., Pellegrino A., Taylor J. E.* Worlds in Motion: Understanding International Migration at the End of the Millennium. Oxford : Oxford University Press, 1998.
- 3.81. *Martin J.* (2011). Meta analysis of lessons learned and good practices arising from nine Decent Work Country Programme evaluations - Geneva: ILO, 2011.
- 3.82. *Metcalfe D.* The British National Minimum Wage // British Journal of Industrial Relations. 1999. Vol 37.
- 3.83. *McConell C.R., Brue S.L.* Contemporary Labor Economics. 2nd edn. N.Y.: McGraw-Hill, 1989.
- 3.84. *Nodira Zokirova, Gulnora Abdurakhmanova.* Population employment in small business and private entrepreneurship: Monograph. – Tashkent: Publishing House of National library of Uzbekistan named after Alisher Navoi, 2014. – p.164
- 3.85. *Piore M.* Birds of passage. Migrant labour and industrial societies. New York: Cambridge University Press. 1979.
- 3.86. *Papadakis K., Ghellab Y.* The Governance of Policy Reforms in Southern Europe and Ireland : Social Dialogue Actors and Institutions in Times of Crisis. ILO, Geneva, 2014.
- 3.87. *Porter M. E.* Competitive Strategy: Techniques for Analyzing Industries and Competitors. – New York: The Free Press, 1980 (2nd ed. – New York: Free Press, 1998. – 397 p.
- 3.88. *Porter M. E.* Competitive Advantage: Creating and Sustaining Superior Performance. – New York: The Free Press, 1985 (2nd ed. – New York: Free Press, 1998. – 592 p.
- 3.89. ILO's World Employment and Social Outlook – Trends 2017. – URL: http://www.ilo.org/moscow/news/WCMS_541482
- 3.90. ILO's Trends Econometric Models, 2017 // www.ilo.org.

- 3.91. *Rehfeldt U.* La réforme du marché du travail et l'échec du pacte pour l'emploi // Chronique internationale de l'IRES. 2003.
- 3.92. *Robertson R., Lechner F.* Modernization, Globalization and the Problem of Culture in the World-Systems Theory // Theory, Culture & Society. - 1985. - № 3
- 3.93. *Rebecca Mitchell and Stephen Nicholas* (2006). «Knowledge Creation in Groups: The Value of Cognitive Diversity Transactive Memory and Open-mindedness Norms». Electronic Journal of Knowledge Management (University of Sydney, Australia).
- 3.94. Fiscal Policy Institute, «States with Minimum Wages Above the Federal Level have had Faster Small Business and Retail Job Growth, « March 30, 2006.
- 3.95. *Joseph Alionji*. «Inertemporal Subsidiion in Labor Supply» // Journal of Political Economy, June 1986.
- 3.96. *John Pencavel*, «Labor Supply of Men: A Survey», in Orley Ashenfeler and Richard Layard, eds. Handbook of Labor Economics, Vol. I . Amsterdam: North Holland, 1986.
- 3.97. *Haiman Franklyn S.*. «A revised scale for the measurement of open-mindedness» 31 (2): 97–102.
- 3.98. *Hardiman N.* Politics and Social Partnership : Flexible Network Governance // The Economic and Social Review. 2006. Vol. 37, № 3.
- 3.99. *Hethy L.* Social Dialogue and the Expanding World. European Trade Union Institute, Bruxelles, 2001.
- 3.100. *Patricia Harding, William Hare* (March 2000). «Portraying Science Accurately in Classrooms: Emphasizing Open-Mindedness Rather Than Relativism». Journal of Research in Science Teaching 37 (3): 225–236.
- 3.101. *Hambrick Donald C.* (1987). «The Top Management Team: Key to Strategic Success». California Management Review (Strategy Research Center, Graduate School of Business, Columbia University) 30 (1): 88–10
- 3.102. *Fossum J.A.* Realitions: Development. Structure, Process. 4-th. ed. Boston, 1989.
- 3.103. *Filer R. K., Hamermesh D. S., Rees A. E.* The Economics of Work and Pay. 6th ed., Harper Collins College Publishers, 1996.
- 3.104. *Frank A. G.* The Development of Underdevelopment // Dependence and Underdevelopment / Ed. by J. D. Cockcroft, A. G. Frank, D. Johnson. New York : Anchor Books, 1972.
- 3.105. *Gunderson M., Riddell W. C.* Labour Market Economics. Theory, evidence and policy in Canada. 2nd ed. McGraw Ryerson Limited, 1988.
- 3.106. *Elliott R. F.* Labor Economics: a Comparative Text. McGraw Hill Book Company LTD, 1991.

- 3.107. *Sapsford D., Tzannatos Z.* The Economics of the Labour Market. Macmillan Press LTD, 1993.
- 3.108. *Ul Haq M.* Reflections on Human Development. Delhi: Oxford University Press, 1996.
- 3.109. *Shultz T.* Human Capital in the International Encyclopedia of the Social Sciences. – N.Y., 1968, vol. 6.
- 3.110. *Shultz T.* Investment in Human Capital. N.Y., London, 1971.
- 3.111. *Super D.E.* Vocational Development: A Framework of Research. - N.Y., 1957.
- 3.112. Small Business in the American Economy. – Washington, D.C.: U.S. Government Printing Office, 2006.
- 3.113. The Human Capital Index – 2017 // <http://www.weforum.org>
- 3.114. *Peterson N. A.* Student Work Book to Accompany McConnel C. R., Brue S. L. Contemporary Labor Economics, 2nd ed. McGraw-Hill Publishing Company, 1989.
- 3.115. *Schumpeter J.* Business Cycles: A Theoretical, Historical and Statistical Analysis of the Capitalist Process. -N.Y.; L., 1939. - 2 vols.
- 3.116. *Wallerstein I.* The Modern World-System, vol. III: The Second Great Expansion of the Capitalist World-Economy, 1730-1840's. San Diego: Academic Press. 1989.
- 3.117. *Wilson S.* Economical outlooks and research of labor market. –NY.: Economics. 1995.

IV. Интернет ресурслари

- 4.1. <http://www.gov.uz> – Ўзбекистон Республикасининг давлат портали.
- 4.2. <http://www.mehnat.uz> – Ўзбекистон Республикаси Бандлик ва меҳнат муно-сабатлари вазирлигининг расмий сайти.
- 4.3. <http://www.mineconomu.uz> – Ўзбекистон Республикаси Иктисадиёт вазирлигининг расмий сайти.
- 4.4. <http://www.mf.uz> – Ўзбекистон Республикаси Молия вазирлигининг расмий сайти.
- 4.5. <http://www.edu.uz> – Ўзбекистон Республикаси Олий ва ўрта маҳсус таълим вазирлигининг расмий сайти
- 4.6. <http://www.markaz.uz> – Ўзбекистон Республикаси Олий ва ўрта маҳсус вазирлиги Ўрта маҳсус, касб-хунар таълими марказининг расмий сайти
- 4.7. <http://www.stat.uz> – Ўзбекистон Республикаси Статистика бўйича давлат кўмитасининг расмий сайти.

4.8.http://www.migration.uz – Ўзбекистон Республикаси Бандлик ва меҳнат муносабатлари вазирлиги Ташқи миграция масалалари бўйича агентликнинг расмий сайти

4.9. http://www.lex.uz – Ўзбекистон Республикаси Адлия вазирлигининг қонунчилик хужжатлари сайти.

4.10. http://www.ilo.org – Халқаро меҳнат ташкилотининг расмий сайти.

4.11.http://www.iom.int – Халқаро миграция ташкилотининг расмий сайти

4.12.http://www.undp.uz – Бирлашган Миллатлар Ташкилоти Тараққиёт дастурининг (ПРООН) Ўзбекистон Республикасидаги ваколатхонаси сайти

4.13. http://www.worldbank.org – Жаҳон банкининг расмий сайти

4.14. http://epp.eurostat.ec.europa.eu – Европа Иттифоқи статистика хизматининг расмий сайти

4.15. https://www.iom.org – Миграция бўйича халқаро ташкилотнинг расмий сайти

4.16. http://www.weforum.org - Жаҳон иқтисодий анжуманининг расмий сайти

Ўқув нашири

Қаландар АБДУРАҲМОНОВ

**МЕҲНАТ ИҚТИСОДИЁТИ:
НАЗАРИЯ ВА АМАЛИЁТ**

Дарслик

Ўзбекистон Республикаси Фанлар академияси
«FAN» нашриёти давлат корхонаси
Тошкент–2019

Муҳаррир	А. Зулфикоров
Бадиий муҳаррир	У. Сапаев
Саҳифаловчи	У. Сапаев

Нашриёт лицензияси АИ № 266, 15.07.2015 й.
17.01.2019 йилда босишига рухсат этилди.
Қоғоз бичими $70 \times 100 \frac{1}{16}$. «Times New Roman» гарнитураси.
Кегли 12. Шартли босма табоги 39,0. Адади 2000 нусха.
Буюртма рақами . Баҳоси шартнома асосида.

Ўзбекистон Республикаси Фанлар академияси
«FAN» нашриёти давлат корхонасида нашрга тайёрланди.
100047, Тошкент ш., Яҳё Гуломов кўчаси, 70-уй.

«Print Line Group» ХК босмахонасида чоп этилди.
100097, Тошкент ш., Бунёдкор шоҳқўчали, 44 уй.